


С. ОТАМУРОТОВ, И. ЭРГАШЕВ,  
Ш. АКРОМОВ, А. ҚОДИРОВ

# ПОЛИТОЛОГИЯ



"УЗБЕКИСТОН"

66.3(53)9473

Зад

С. ОТАМУРОТОВ, И. ЭРГАШЕВ, Ш. АКРОМОВ,  
П 65 А. ҚОДИРОВ

И

# ПОЛИТОЛОГИЯ

Ўзбекистон Республикаси Олий ва ўрта махсус таълим  
вазирлиги олий ўқув юртлари талабалари  
учун қўлланма сифатида тавсия этган

ТОШКЕНТ  
«ЎЗБЕКИСТОН»  
1999



66.3(59) я73

П 65

Муаллифлар жамоаси: проф. ОТАМУРОТОВ С. (рахбар);  
проф. ЭРГАШЕВ И; проф. АКРОМОВ Ш; проф. ҚОДИРОВ А.

Масъул мұхаррір сиёсий ғанлар доктори, профессор  
Р. З. ЖУМАЕВ

Тақризчилар: ғалсаға ғанлари доктори, профессор Т. А. ЖҮРЛӘЕВ,  
юридик ғанлари доктори, профессор О. Т. ҲУСАНОВ

Мұхаррір А. Ҳакимжонова

ISBN 5-640-02526-3

0802000000—73  
II М 351 (04) 98 98

© «ЎЗБЕКИСТОН» пашриёти, 1998 й.

## КИРИШ

Политология фани ижтимоий фанлар тизимида ўзининг ўрнига эга бўлиб, уни ўрганиш натижасида муайян сиёсий қарапашлар, ғоялар шаклланмоқда. Жамиятнинг сиёсий тизими, сиёсат ва давлат ҳокимиятининг шакли, уни амалга оширишнинг тартиб-қоидалари, механизмлари, тамойиллари янгича асосда, яъни дунёвий ва халқларнинг ўтмиш сиёсий ҳаёти анъаналари, тарихий, маданий-миллий хусусиятлари билан ўзаро мувофиқ тарзда ишлаб чиқилмоқда ва ҳаётга татбиқ этилмоқда.

Сайёрамизда содир бўлаётган инқилобий ўзгаришлар ва улар билан боғлиқ бўлган янги муаммолар инсон ва сиёсат, давлат ҳокимияти, сиёсий институтлар ва жараёнларда содир бўлган ўзгаришларнинг назарий ҳамда амалий жиҳатларини умумлаштиришни, турли ижтимоий гуруҳлар, сиёсат субъектлари билан улар ўртасидаги муносабатни демократик жараёнлар билан тизимий функционал боғлиқ ҳолда ўрганишни тақозо этмоқда. Республика Президенти И. А. Каримов таъкидлаганидек, «Бизни қуршаб турган олам ғоят мураккаб ва муаммоли бўлиб келди, шундай бўлиб қолмоқда ва яқин истиқболда ҳам шундай бўлиб қолажак»<sup>1</sup>.

Жаҳон сиёсий ҳаётида содир бўлаётган ўзгаришлар ва мавжуд муаммолар ўзини маърифий деб ҳисоблаган ҳар бир кишидан сиёсатни чуқурроқ билишни, у билан шуғулланишни талаб этмоқда. Бу фуқароларнинг сиёсий онг, сиёсий маданият даражалари билан боғлиқ бўлиб, уларнинг эркинликларини, ҳуқуқларини амалда таъминланиш инкониятларини яратади ҳамда жамиятнинг демократиялашишга ижобий таъсир кўрсатади.

Республикада мустақиллик туфайли белгиланган фуқаролик жамиятини қуриш вазифаларини амалга ошириш мақсадлари, давлат ва жамият, сиёсий ва фу-

<sup>1</sup> И. А. Каримов. Ўзбекистон XXI аср бўсағасида хавфсизликка таҳдид, барқарорлик шартлари ва тараққиёт кафолотлашири. Тошкент, «Ўзбекистон». 1997. 6-бет.

қаролик жамияти муносабатларига янгича ёндошиш ва уни сиёсий таҳлил этиш асосида, унинг негизлари, таянч тушунчалари тўғрисида политологик маълумотлар билан ёшларни хабардор қилиш, таълим ва тарбия жараёнларини шунга мувофиқ тарзда олиб бориш давр талабидир. Бу ёшларнинг политология фани, унинг ўзига хос хусусиятлари, сиёсат обьекти ва субъекти, инсон ва ҳокимият муносабатлари тўғрисидаги сиёсий қарашларининг тўғри шаклланиши ҳамда ривожланишига олиб келади. Истиқболда политология фанининг фан сифатида мустақил ривожланиши дунё политология фани тўплаган тажрибаларни янада бойтишга ва унинг ўз ўрнига эга бўлишига кўмак беради.

Мустақиллик туфайли Ўзбекистонда «Политология» фанини ўрганишга, уни ривожлантиришга реал имконият пайдо бўлди. Бу соҳада дастлабки тажрибалар орттирилмоқда. Хусусан, Ўзбекистонда политология фани бўйича докторлик ва номзодлик диссертацияларини ёқлаш бўйича Ўзбекистон Республикаси Вазирлар Маҳкамаси ҳузурида Олий Аттестация ҳайъатининг рухсати билан Тошкент Давлат Шарқшунослик институти қошида Иқтисослашган кенгаш тузилди (1993) ҳамда биринчи маротаба сиёсий фанлар бўйича илмий даража берила бошланди. Бугунги кунда ана шундай кенгаш Ўзбекистон Республикаси Президенти ҳузуридаги Давлат ва жамият қурилиши академияси қошида фаолият кўрсатмоқда. Политологияни олий ўқув юртларида ўқитиши 90-йилларнинг охиридан бошланган бўлсада, ихтисослашган кенгаш тузилганлиги унинг шаклланиши ва қарор топишида янги босқич бошланганлигини билдиради. Утган йиллар давомида ташкил этилган барча ихтисослашган кенгашларда (1998 йилгача) политология бўйича 8 фан доктори ва 10 дан зиёд фан номзодлари тайёрланди. Агарда дунёда мавжуд политологларнинг 90 фоизи АҚШга тўғри келишини хисобга олиб, қиёсан хулоса чиқарсак, бу мустақил давлат сифатида Ўзбекистонда политология фанининг шаклланиши учун қўйилган дастлабки қадамлар деб айтиш мумкин. Аммо Мустақил Давлатлар Ҳамдустлиги мамлакатлари орасида Ўзбекистонда биринчилардан бўлиб, шу фанга мақом берилганлигининг ўзи унинг алоҳида истиқболга эга эканлигини ва унга эътибор билан ёндашилаётганини кўрсатади.

Республикамизнинг мустақиллик туфайли дунё ҳамжамиятига чиқиши политологларга бўлган эҳтиёжни оширди. Бу эҳтиёжни ҳисобга олган ҳолда, Мирзо Улуғбек номли ТошДУ фалсафа факультетида «Политология» бўлимининг (1995) очилганлиги фикримизнинг далилидир. Миллый политологлар тайёрлашга киришилганлиги сиёсий-маданий ҳаётимизда ҳамда ижтимоий фанлар йўналишида янги муҳим воқеа бўлди деб айтиш мумкин.

Шуларга таянган ҳолда республикада политология фанининг шаклланишини икки босқичга бўлиш мумкин. Биринчи босқич 1991—1995 йиллар. Бу босқич политологиянинг фан сифатида бошқа ижтимоий фанлар тизимидан мустақил бўлиши, унга нисбатан ёндошувнинг радикал ўзгариши даври бўлган бўлса, 1995 йилдан ҳозиргача бўлган иккинчи босқич, унинг фан сифатида ўз негизида ривожланиш даврининг бошланиши бўлиб, политологларни тайёрлаш бўйича улкан вазифаларни қўймоқда. Бу босқич уни ҳисобга олишни, замон талабига жавоб берадиган дастурларни ишлаб чиқиши, ўқув қўлланмаларини ва дарсликларини тайёрлашни тақозо этади.

Бу борада муайян ютуқларга эришилди. Дастрлабки қўлланмалар ёзилди ва чоп этилди. Мазкур қўлланмана ҳам ана шундай уринишлардан бири бўлиб, у «политологиядан» олий ўқув-юртлари студентлари учун ишлаб чиқилган ва тавсия этилган дастур асосида тайёрланганлиги билан характерлидир.

Муаллифлар мазкур қўлланмани тайёрлашда политология фани хусусиятларини, унинг предмети ва обьектини аниқроқ ҳисобга олган ҳолда ёритишга ҳаракат қилганликларини алоҳида таъкидлаш жоиздир.

Шунингдек, муаллифлар хорижий давлатларда чоп этилган политологияга оид мавжуд қўлланмаларни мазкур қўлланмана билан қиёслаган ҳолда, унинг янада мукаммал бўлишига ёрдам бериш мақсадида билдирилган таклиф ва мулоҳазалар учун чуқур миннатдорчилик изҳор этиш билан бирга, уни албатта ҳисобга олишларини билдирадилар. Ўқув қўлланманинг дастрлабки лойиҳасини ишлаб чиқишида фалсафа фанлари доктори, профессор, мархум З. А. Абдуллаев ўз маслаҳатлари билан қатнашган эдилар. Муаллифлар жамоаси олимнинг номини ҳурмат билан хотирлайдилар.

І БҮЛІМ

**ПОЛИТОЛОГИЯ ФАНИНИНГ  
ИЛМИЙ-НАЗАРИЙ АСОСЛАРИ**

*I-мавзу*

**ПОЛИТОЛОГИЯ ФАНИ ВА УНИНГ ПРЕДМЕТИ**

**Политологияниң мавзұи ва объекті** Политология — жамиятнинг сиёсий ти-  
зими, сиёсат, сиёсий жараёнлар ва  
сиёсий ҳокимият, унинг асосий таркибий қысмлари,  
давлат ҳокимияти, сиёсий партиялар, сиёсий ташкилот-  
лар ва ҳаракатлар билан ўзаро муносабатда бўлган  
турли ижтимоий гуруҳлар, фуқароларнинг ўрни ва ро-  
ли, ҳокимиятга муносабат, уни сақлаб туриш механизми  
ва воситалари, жараёнлари ҳамда амалиётини ўрга-  
надиган фандир.

Политология фани бошқа ижтимоий фанлардан  
фарқли равища жамиятнинг сиёсий жараёнлари түғ-  
рисида фикр юритади. Жамият ҳәётида сиёсий ҳокимият  
муҳим ўрин тутади. Жамиятнинг сиёсий ҳокимияти, бу  
ҳокимиятнинг моҳияти ва тузилишини аниқлаш, уни жа-  
миятда тақсимланиши ҳамда унинг механизмларини  
билиш политология фанининг муҳим обьекти ҳисобла-  
нади.

Политологияни сиёсий ҳокимиятни ким, қайси сиё-  
сий ёки ижтимоий гуруҳлар томонидан қандай мақсад-  
лар, манфаатлар ва тамойиллар тизимида амалга оши-  
рилиши қизиқтиради.

Политология фани сиёсий ҳокимият, уни амалга  
oshiриш, ўрнатилган сиёсий режим фаолияти доираси,  
шунингдек, муайян гуруҳлар мавқеи ва муносабати, ҳо-  
кимият қамрови, уни бошқариш усуулларини аниқла-  
беради.

Республикамизда политология асосан мустақиллик  
йилларидан бошлаб шакллана бошлаганини айтиб ўт-  
ган эдик. Шунинг учун ҳам унинг номланишида турли

Фикрлар мавжуд. Чунончи, республикамиизда «политология»дан «Сиёсатшунослик» номи билан ўқув ва услубий қўлланмалар чоп этилмоқда. Бу тўғри эмас. Чунки «политология»ни ўзбек тилига «сиёсатшунослик» деб таржима қилиш у ўрганидиган мавзулар ва уларнинг моҳиятини сиёсатни ўрганиш билан чеклаб қўйишга олиб келади. Аслида «политология»нинг мавзулар доираси сиёсатшуносликка қараганда кенг бўлиб, у сиёсат, давлат, сиёсий партиялар ва гуруҳларнинг ҳокимиятни ташкил қилиш ва бошқаришдаги амалий сиёсий фаолиятлари билан бир қаторда сиёсий жараёнлар, сиёсий ҳокимият, ижтимоий-сиёсий ташкилотлар, ҳаракатлар билан ўзаро муносабатларини, жаҳон мамлакатларининг сиёсий ҳаёти ҳамда умумбашарий муаммоларининг сиёсий жиҳатлари билан боғлиқ бўлган жараёнларни ҳам ўрганиди. Шунинг учун ҳам уни «политология» фани деб аташ унинг моҳиятига тўғри келади. Бундан ташқари бу фан жаҳоннинг кўпчилик мамлакатларида ҳам «политология» номи билан қабул қилинган. Бизнинг мамлакатимизда ҳам бу фанини «политология» номи билан қабул қилиш ва унга кирувчи масалаларни политологик йўналишида ўрганиш мақсадга мувофиқдир. Политология фани ўрганидиган мавзулар доираси кенг бўлиб, у ўз ичига ҳокимият билан боғлиқ аниқ мавзуларни мужассамлаштирган.

Политология фанида етакчи ўринни жамият сиёсий ҳаёти, уни ҳаракатга келтирувчи сиёсий тузилмалар ва механизмлар фаолиятини ўрганиш эгаллайди. Яъни у асосий эътиборни сиёсий институтларнинг асл моҳиятини ташкил этган давлат, парламент, ҳукумат, сиёсий муассасалар ва партиялар ролини ўрганишга қаратади. Мавжуд сиёсий институтлар, жараёнлар, инсон, муайян гуруҳлар ва сиёсий кучлар фаолияти билан узвий боғлиқ. Ҳамма гуруҳлар жамиятдаги умум гоялар ва қадриятлар йиғиндисини ифодалайди. Аммо манфаатлар, интилишлар, гояларнинг хилма-хиллиги табиий равишда сиёсий муносабатларни ёки тараққиётнинг ўзгаришини умумисоний манфаатлар асосида уйғуллаштиришни тақозо этади. Сиёсий муносабатлар ижтимоий муносабатларнинг умумий тузилмаси билан чамбарчас боғланиб кетган ва бу боғлиқликда улар ижтимоий муносабатларнинг алоҳида тизими тарзида муҳим ўрин эгаллайди.

Агар сиёсий институтларни, гуруҳларни сиёсат-

нинг субъектлари тарзида тасниф қиласиган бўлсак, уларни икки турга ажратиш мумкин. Улар, биринчидан, ижтимоий гуруҳлар, миллатлар ва бошқа ижтимоий қатламлар ўртасидаги муносабатлардан, иккинчидан эса, уларнинг сиёсий ҳокимиият, сиёсий партиялар, ҳаракатлар билан муайян сиёсий кучлар ўртасидаги муносабатларидан иборатdir.

Демак, улар ўртасидаги сиёсий муносабатлар асосан сиёсий, партиялараро, шунингдек, давлатлараро муносабатлар тарзида амалга оширилади ва намоён бўлади. Ана шу сиёсий муносабатлар натижасида ўзаро ҳамкорлик муносабатлари юзага келади. Ҳар қандай ижтимоий муносабатлар сингари сиёсий муносабатлар ҳам ўзаро ички муносабатлардан иборат бўлади. Бирбирига тўлиқ мос келадиган ёки бири иккинчисини уйғуллаштирадиган мақсадлар йўлида сиёсий кучлар ўзаро ҳаракат қилиши ва косенсусга эга бўлишига сиёсий ҳамкорликка эришиш дейилади.

Сиёсий кучларнинг ўзаро муносабатларида бир-бираiga тўла мос келмайдиган ҳолатлари айrim ҳолларда сиёсий ихтилофларга сабаб бўлади. Сиёсий муносабатларда бундай ҳолатларни ҳисобга олиш сиёсатдаги стратегик мақсадларни амалга оширишнинг муҳим омили ҳисобланади. Бу жараён сиёсий кучларнинг вазијатни англаб олиш, узоқни кўра билиш кабилардаги интеллектуал имкониятлари билан боғлиқ бўлади.

Жамиятнинг сиёсий мавқеига кўра, унинг иқтисодий ва сиёсий тизими ўзгаради. Бу кучларнинг ўзаро муносабатларида ҳам намоён бўлади.

Албатта, «политология»да ўзаро сиёсий муносабатлар деганда, турли сиёсий кучлар, сиёсий партиялар ва ҳаракатларнинг сиёсий ҳокимиият доирасидаги фаолиятларини тушунмоқ лозим. Чунки сиёсий муносабатлардан ташқари яна бошқа муносабатлар ҳам мавжуд бўлиб, улар ўз фаолиятларида жамиятда амалга оширилаётган сиёсий муносабатларини ўз манфаатларига мос келадиган тарзда ўзгартиришлари мумкин.

Шундай қилиб, турли ижтимоий гуруҳлар, қатламлар, сиёсий институтлар хоҳиши-иродасидан ҳоли мавжуд сиёсий муносабатлардан фарқли равишда, сиёсий фаолият муҳим субъектив омил ҳисобланади. Чунки у инсонларнинг мағкураси, сиёсий қарашлари, мақсадлари ва дастурларига асосланади. Бундай омил жамиятда мавжуд бўлиб турган сиёсий муносабатларни

мазкур гурухлар манфаатларининг уйғунлигини таъминлашга қаратилганилиги билан ажралиб туради.

Политология фани ўрганадиган мавзулар тизимида сиёсий ҳокимият марказий ўринни эгаллайди. Сиёсий ҳокимият негизида давлат ҳокимияти назарда тутилади. Чунки политология юонон тилида *polis*, *Iodos* — давлат-ижтимоий иш ва уни ўрганиш, таълимот маъносида пайдо бўлган, у кўпчилик ҳолларда сиёсат ёки давлатни бошқариш санъати маъноларида ишлатилиб келимоқда. Бу номланишлар унинг умумий мавзулари моҳияти билан узвий боғлиқ Политология сиёсат, сиёсий жараёнлар, сиёсий фаолият ва сиёсий ҳокимияти ўрганувчи фандир, деб ҳам таърифлаш мумкин.

Ана шу таърифдан келиб чиқадиган бўлсак, политологиянинг объектини жамиятнинг сиёсий тизими, сиёсий институтлар ва турли гурухлар ташкил қиласиди. Унинг предметини эса сиёсат, сиёсий муносабатлар ва ҳокимият ташкил қиласиди. Фан сифатида политология 2,5 минг йиллик тарихга эга бўлиб, у қадимги юонистонда сиёсий тафаккурнинг илк кўринишлари шаклида пайдо бўлган. Кейинчалик у мустақил фан сифатида юзага келди. У ўз шаклланиш жараёнида бошқа мавжуд ижтимоий фанлар каби ўзининг мустақил ўрганадиган масалалари доирасини ҳам вужудга келтирди. Политологиянинг асосий мавзуи ҳокимиятни, сиёсий ҳокимиятни ўрганишни назарда тутади.

Политология ижтимоий фанлар билан алоқада бўлади. Политология ижтимоий фанларнинг илмий холосасларини қандай бўлса, шундайлигича фойдаланмасдан, балки, жамият, давлат ва фуқаролар ҳаётида бўладиган сиёсий ўзгаришлар ва уларнинг ҳокимиятга муносабатларини ҳамда бу ўзгаришларни амалга ошириш усуслари, механизмларини талқин қиласиди.

Политологиянинг ўрганадиган қонунлари сиёсат, сиёсий жараёнлар, сиёсий ҳокимият, сиёсий партиялар ва сиёсий фаолиятнинг давлат фаолияти ва фуқаролик жамиятини шакллантиришдаги зарурый сиёсий механизмлари сифатида намоён бўлади.

**Қонун ва унинг тушучалари** Давлат фаолияти ва жамият сиёсий ҳаётида қонунларнинг ҳаракат қилиши учун шароит яратиш, уларнинг ҳарбири доирасида ва ўзаро алоқаларида уйғун ҳаракат қилиш жараёнини вужудга келтира билиш, ўз навбатида, ундан кўзланган мақсад йўлида фойдалана билиш

сиёсатда муҳим ўрин тутади. Бу қонунларни икки гурхга ажратиш мумкин. **Биринчиси**, давлат ҳокимияти ва мамлакат ички сиёсий ҳаётида амал қиласидаган қонуниятлар бўлиб, у ўз ичига: а) жамиятдаги сиёсий жараёнларда сиёсий ҳокимият механизмларидан самарали фойдаланиш; б) жамият сиёсий ҳаётининг демократиялашиши; в) сиёсий бошқариш жараёнлари; г) сиёсат ва ижтимоий-иқтисодий, маданий, маърифий ҳаёт муносабатлари; д) шахс, жамият ва давлат тизимида инсон манфаатининг устуворлиги кабиларни олади. **Иккинчиси**, халқаро муносабатларда иқтисодий, ижтимоий, сиёсий ва маданий маърифий алоқалар билан боғлиқ бўлиб, улар: а) халқаро хавфсизлик ва ўзаро ишончни ривожлантириш; б) халқаро ва давлатлараро ихтилофларни бартараф этишнинг сиёсий воситалари; в) умумбашарий муаммоларни бартараф этишнинг сиёсий йўллари; г) турли хил сиёсий институтлар, сиёсий партиялар, ташкилотлар ва ҳаракатлар ўртасидаги сиёсий ҳамкорликни йўлга қўйиш ва уни барқарор ривожлантириб бориш шарт-шароитлари; е) жамият сиёсий ҳаётида сиёсий етакчининг ўрни ва ролини сиёсий таҳлил этиш билан боғлиқдир.

Политологиянинг тушунчаларига «сиёсат», «сиёсий ҳокимият», «сиёсий жараёнлар», «сиёсий ҳаёт», «сиёсий муносабат», «сиёсий фаолият», «сиёсий партиялар», «сиёсий ташкилотлар», «сиёсий институтлар», «сиёсий тизим», «сиёсий онг ва маданият», «сиёсий қадриятлар», халқаро сиёсий муносабатлар ва бошқалар киради. Бу тушунчаларнинг ҳар бири ўз сиёсий мазмунига эга бўлиб, сиёсий жараёнлар тизимида намоён бўлади.

**Политологиянинг вазифалари ва услублари** Политологиянинг вазифаси уни мустақил фан сифатида ўрганадиган асосий мавзуи билан белгиланади. Шунга мувофиқ унинг асосий вазифаси жамият сиёсий ҳаёти учун муҳим аҳамиятга молик бўлган сиёсат, сиёсий жараёнлар, сиёсий ҳокимият ва сиёсий фаолият жараёнларида намоён бўлади. Политологиянинг вазифалари унинг предмети ва амалий фаолияти билан бевосита боғлиқ. Шу нуқтаи назардан ёндошганда, политология методологик, назарий ва амалий вазифаларни бажаради.

Методологик вазифаси сиёсат ва сиёсий жараёнларни таҳлил қилиш ва тегишли хулосалар чиқаришда, умумий услуг, қонуниятларни амалга оширишда намоён

бўлади. Политология жамият тараққиёти, сиёсий ҳокимиятнинг шаклланиши ва амал қилиши, шахснинг ижтимоийлашуви, фуқаролик жамиятининг шаклланиши ва бошқа бир қатор муҳим аҳамиятга эга бўлган назария, концепциялар ишлаб чиқиш вазифасини ҳам бажаради. Политология фақат назария эмас, балки амалиёт ҳамдир. У жамият, давлат ва шахс фаолиятида содир бўладиган сиёсий жараёнларни умум манфаатларга ўйғунлаштириб бориш вазифасини ҳам бажаради. Жумладан, мамлакатимиз ўзининг мустақиллигини мустаҳкамлаб бораётган бугунги кунда политология **биринчидан**, мамлакатимизнинг сиёсий ҳаётида содир бўлаётган сиёсий жараёнларни таҳлил қилиш ва уни жаҳоннинг ривожланган мамлакатлари тўплаган тажрибалари билан солишириш асосида мамлакатимиз, миллатимиз хусусиятларига ва манфаатларига хизмат қилувчи сиёсий хулосалар бериш; **иккинчидан**, мамлакатимизнинг ҳалқаро ҳамжамиятга кириб боришининг қулай ўйлларини белгилаш; учинчидан, мамлакатимизда демократик жараёнларни ривожлантиришнинг механизмларини вужудга келтириш ва уларнинг ўйғун ҳолатда фаолият кўрсатишларига ёрдамлашиш; **тўртинчидан**, фуқароларнинг сиёсий маънавияти, салоҳияти ва фаолиятини ошириш, уларда мамлакатимиз олдида турган улкан вазифаларни бажаришда якдиллик руҳиятини, жаҳонда ва минтақамизда содир бўлаётган турли ўзгаришларга сиёсий ҳушёрлик билан қараш туйғуларини шакллантириш; **бешинчидан**, сиёсий барқарорлик, миллатлараро тотувлик ва юксак илмий салоҳият мамлакатимизнинг мустақиллигини таъминлашнинг, жаҳоннинг ривожланган мамлакатлари қаторидан муносиб ўрин эгаллашининг асосий шарти эканлигини ёшлирамизнинг онги ва қалбига сингдириш билан боғлиқ бўлган тарбия вазифасини амалга оширади.

Политологиянинг воқеа, ҳодиса ва сиёсий жараёнларни ўрганишда турли услублари мавжуд. Жумладан, сиёсий-қиёсий таққослаш, моделлаштириш ва мантиқий-математик услуг кабилардир. Уларни соддалаштириб ва конкретлаштириб қўйидаги асосий: 1) қиёсий таққослаш; 2) эмперик-социологик; 3) сиёсий таҳлил услугига бўлиш мумкин. Бу услублардан политология кенг фойдаланади.

Жамият сиёсий ҳаётида ва ҳалқаро сиёсий муноса-

батларда бўладиган ўзгаришлар умумий алоқадорлик ва ўзаро таъсир этиш натижаларига асосланилган ҳолда таҳлил этишини назарда тутади. Иккинчи қиёсий таққослаш услубига биноан сиёсий жараёнларда рўй берадиган воқеа-ҳодисаларни ўзаро таққослаш, уларни бир-бирига солиштириш асосида илмий хуносалар ишлаб чиқилса, эмперик-социологик услугуб эса, сўров, анкеталаш, тажриба ўтказиш, статистик таҳлил қилиш, математик—моделлаштириш ва бошқа бир қатор ишларни бажариш билан боғлиқдир. Бу услубнинг энг муҳим томони шундаки, унга мувофиқ жамоатчилик, шахс фикрларини ўрганиш асосида тўпланган маълумотларга асосланиб сиёсий ҳодисалар ва жараёнларнинг вужудга келиш ҳамда ривожланиш хусусиятлари ҳақида олдиндан башорат қилиш мумкин.

Юқоридагилардан кўриниб турибдики, политологиянинг услублари унинг назария ва амалиёт уйғунлигидан иборат фан эканлигини кўрсатиб туриди. Политологиянда бу услублардан унумли фойдаланиш асосида мамлакат ва халқаро майдонда сиёsat, унинг ўзига хос хусусиятлари, ривожланиш истиқболлари тўғрисида аниқ маълумотларга эга бўлиш мумкин.

**Политология ролининг оптиб бориши** Политология фанининг бугунги кунда аҳамияти ва ролининг ўсиб бориши қўйидагиларга боғлиқ.

Биринчидан, Республикаиз Президенти И. А. Каримов таъкидлаганидек, жамият сиёсий ҳәётида икки мафкуравий тузумнинг кураши ва бу курашнинг халқаро ҳәётнинг ҳамма соҳаларига соя ташлашӣ остида ўтган кучли қарама-қаршилик барҳам топди. Аммо шундан кейин ҳам бизни қуршаб турган дунё, кўплар кутганидек, осойишта бўлиб қолгани йўқ<sup>1</sup>. Undagi можароларни, сиёсий воситалар йўли билан ҳал этишга зарурият кучайиб бормоқда. Бу уни политология нуқтани назаридан атрофлича сиёсий таҳлил этиб боришини тақозо этади.

Иккинчидан, сиёsatда жаҳон тараққиётининг муҳим омили мамлакатлар ва халқлар манфаатларини уйғунлаштиришга эришиш билан боғлиқ. Бу мамлакатлар ва халқаро ташкилотлар сиёсий фаолиятини умумбаг

<sup>1</sup> И. А. Каримов Ўзбекистон XXI аср бўсагасида хавфсизлайка таҳдид, барқарорлик шартлари ва тараққиёт кафолатлари. «Ўзбекистон» 1997, 19-бет.

шарий муаммолар кўламининг кенгайиб бораётганига қаратиш ва уларни ҳал қилишдаги бирликни вужудга келтиришга қаратилган сиёсий қарашлар, назария ҳамда таҳлилларга бўлган эҳтиёж билан боғлиқ.

Учинчидан, ҳозирги даврда ҳар бир шахснинг сиёсат билан шуғулланишига бўлган эҳтиёж сиёсатни англаш, унда онгли фаолият кўрсатишга бўлган эҳтиёжларнинг ортиши, мавжуд демократик жараёнлар билан белгиланади.

Тўртингчидан, ҳозирги замонда сиёсий жараёнларнинг тез ўзгариб бораётганлиги кузатилмоқда. Бу ўзгаришларнинг дунё ҳамжамияти ва инсон манфаатлари билан уйғун бўлиши учун оқилона сиёсат олиб бориш билан бирга онгли сиёсий фаолият, сиёсатга онгли мусносабатда бўлиш зарур. Бу уни атрофлича ўрганишни тақозо этади.

Бешинчидан, фуқароларнинг сиёсий маданияти ва фаоллигини ошириш, жамият иқтисодий-ижтимоий, маданий-маърифий соҳаларда нодемократик ҳолатнинг олдини олиш учун унинг асосий кафолатларидан бири мамлакатимизда фуқароларнинг ҳуқуқий, маънавий ва сиёсий фаолиятини ривожлантиришни давлат сиёсати даражасида уйғун бўлишидир. Шундай қилиб, политология фанининг аҳамияти ва ролининг ўсиб бориши ҳозирги замонда инсоният тараққиётидаги ўзгаришлар, сиёсат ва сиёсий жараёнлар билан узвий боғлиқ бўлган ҳодисадир.

## ТАҚРОРЛАШ УЧУН САВОЛЛАР

1. Политология нимани ўргатади?
2. Политологиянинг ижтимоий фанлар тизимида тутган ўрни нимада?
3. Политологиянинг қонун ва катөгорияларини тавсифлаанг.
4. Политологияни ўрганиш услублари қандай?
5. Политология фани ролининг ошиб боришининг сабаблари нимада?

**ПОЛИТОЛОГИЯ ФАНИНИНГ ВУЖУДГА КЕЛИШИ  
ВА РИВОЖЛАНИШИ**

**Диппий анъана**

Сиёсий фанларнинг шаклланиши ва қарор топишида ўзига хос анъаналар мавжуд бўлиб, сиёсий ҳодисалар турли хил талқин этилган. Қадимги халқлар ҳисобланган мисрликлар, хитойликлар, ҳиндлар, бобилликлар, яҳудий, форс, греклар ва риммикларнинг қарашларида ер юзидағи тартиб ва тартиботларни илоҳий куч билан боғлаб тушуниш, Аллоҳни унинг асосий сабаби, манбаи деб ҳисоблаш анъанаси мавжуд бўлган. Бу сиёсий қарашлар диний анъана ҳисобланади.

Масалан, қадимги хитойда император ер юзидағи тартибларни илоҳий тартиблар билан боғлаб турувчи ягона шахс деб қаралган. Давлат ҳокимиятининг турли бўғинларида ишлаётган бошқа шахслар император ҳокимиятининг тартиботларини амалга оширувчилари ҳисобланган. Хитой императори осмоннинг ўғлигина эмас, ўз халқининг отаси ҳам ҳисобланган. Унинг ҳокимияти, ота-онанинг оиласида болаларга нисбатан мавжуд бўлган ҳокимиятига ўхшашиб деб ёндошилган.

Қадимги Мисрда эса Аллоҳ — ҳукмдор ҳокимиятнинг илк манбаи сифатида қаралган. Ерда ҳам унинг таъсири худди шундай сақланиб қолган. Бу ўзига хос пирамидага қиёс этилган, унинг уни турли тартибларни илоҳий қонунларнинг ҳукмронлигига ва инсонлар ўртасида муносабатларнинг уруғ-кастачиликка асосланган ягона тоғиби таъниди. Бу тартибларни: маънавий (брахма) ва дунёвий (кшатра) томонидан, гарчи улар турли вазифаларни бажарса-да, лекин ўзаро бир-бирлари билан муносабатда амалга оширадилар. Ергаги тартиблар дунё тартиботларининг бир бўлаги, унинг таъсирида амалга ошади деб ҳисобланган. Сиёсий фикр тарихида диний анъананинг энг классик кўйи

Қадимги Ҳиндистонда ҳам жамият ва давлатнинг келиб чиқиши илоҳий, мавжуд тартиб ва қоидалар ҳам шу асосда ўрнатилган деган ғоялар мавжуд бўлган. Масалан, ригведаларда (эр. о: II минг йил) дунё тартиботи илоҳий қонунларнинг ҳукмронлигига ва инсонлар ўртасидаги муносабатларнинг уруғ-кастачиликка асосланган ягона ғояга таянади. Бу тартибларни: маънавий (брахма) ва дунёвий (кшатра) томонидан, гарчи улар турли вазифаларни бажарса-да, лекин ўзаро бир-бирлари билан муносабатда амалга оширадилар. Ергаги тартиблар дунё тартиботларининг бир бўлаги, унинг таъсирида амалга ошади деб ҳисобланган. Сиёсий фикр тарихида диний анъананинг энг классик кўйи

риниши А. Августин (Шимолий Африка, 354—430 йиллар)нинг сиёсий назариясида ўз ифодасини топган. Христиан черковига хос белгилар унинг давлатдан устун туришига асосланган. «Черковга бўйсунмаган, давлат, қасоскорлар тўдасидан фарқ қилмайди» деган ғоя илгари суралади. Инсонларни эса «илоҳий одам» «ердаги одамга» бўлади. Августин қарашларига Платоннинг икки дунё; Стоикларнинг икки полис тўғрисида, зардуштийларнинг бир-бирига қарама-қарши икки асос (яхшилик ва ёмонлик) тўғрисидаги қарашларининг таъсири бўрлиги кўриниб туради.

Ф. Аквинский (1225—1274-йиллар)нинг сиёсий қарашлари ўрта асрда диний анъаналардаги сиёсий қарашларнинг энг чўққиси деб баҳоланган. Ҳаётлиги давридаёқ Рим католик черковининг, «доктори» фахрий унвонига мұяссар бўлган. Унинг қарашлари XIX асрда Рим папаси Лев—XIII томонидан «католицизмнинг ягона ҳақиқий фалсафаси» деб эълон қилинган. Ф. Аквинский ҳокимиятни талқин этишнинг илоҳий назариясini ифодалаб, уч элементнинг бир-биридан фарқини кўрсатади: моҳият, шакл (эга бўлиш ва тузилиш) ва фойдаланиш. Ҳокимият ўз моҳиятига кўра илоҳийликнинг ўрнатилишидир. Шунинг учун у инсонларга яхшилик, эзгуликни олиб келади. Фақат ҳокимиятнинг конкрет шакли, ҳокимиятга эга бўлиш усуслари, унинг тузилиши ва ундан фойдаланиш Аллоҳнинг гояларига зид, адолатсиз бўлиши мумкин деб ҳисоблаган. Сиёсий қарашларидағи диний анъаналар амалий ҳаётда ҳам ўз ифодасини топади. Масалан, турли мамлакатларда, дунёвий динлар кўринишлари билан мос равишда дин билан давлат ўртасида ўзига хос муносабат бўлиб, Черков билан подшоҳ ўртасида, руҳонийлар билан шоҳлар, амирлар, халифалар ўртасида ҳокимият учун низолар ва ўзаро келишмовчиликлар бўлиб турган. Бу ўрта асрларда асосан теократик давлат ҳокимияти кўринишини олган.

Маълумки, ислом манбаларида «халиф», «амир», «имом» каби тушунчалар ҳокимият субъектлари, давлат ҳокимиятини юритувчи шахсларга нисбатан ишлатилган.

Муҳаммад (С. А. В)дан кейинги тўрт халифа — Абу Бакр, Умар, Усмон, Али ҳам ҳокимиятнинг диний ва дунёвий асосларини ўзаро яхлит ҳолда бирлаштирганлар. Алидан сўнг тахтга кёлган халиф дунёвий давлат

тамойиллариға алоҳида эътибор бера бошлайди. «Амир» диннинг ҳимоячиси унвонига сазовор бўлган, дунёвий ва давлатга хос ишларини ҳам ўзаро боғлиқ тарзда амалга оширган.


Давлатни бошқаришда Конституциявий асосга ўтилгандан кейинги дин ва давлат муносабатининг ҳуқуқий асослари аниқ кўрсатила бошланди. Дин давлатдан, мактаб черковдан ажратилди. Бугун Ўзбекистон Республикаси ҳам Конституция асосида, дунёвий давлат қуриш вазифаларини амалга оширмоқда, Конституциянинг 61-моддасида ҳам «Диний ташкилотлар ва бирлашмалар давлатдан ажратилган ҳамда қонун олдида тенгдирлар. Давлат диний бирлашмаларнинг фаолиятига аралашмайди», деб қайд этилган<sup>1</sup>. Бу давлат ва диннинг ўзаро муносабатларини белгилаб бериш учун асос ҳисобланади.

Сиёсий таълимотларда давлат ва Юридик анъана хуқуқга инсон манфаати нуқтаи назаридан ёндошиш юридик анъана сифатида қадимги дунёдан мавжуд бўлган. Бу Конфуций (э. о 552/551—479-йиллар) сиёсий қарашларида (Хитой); Буддизм (Ҳиндистонда), Оташпаратликда шунингдек, турли хил файласуфлар, мутафаккирлар сиёсий қарашларида ўзининг дастлабки ифодасини топган. Бунда «хуқуқ» ва «қонун» тушунчаларини таҳлил этиш унинг негизида турган. Масалан, Конфуций жамият маъмурий хуқуқ (легизм), утилитар-иқтисодий (моизм) усуслар, шунингдек, нотабиий кучлар (даосизм) ёрдамида эмас, балки ахлоқий нормалар асосида бошқарилиши керак. Шу нуқтаи назардан «давлат — ягона оила» деган гояни асослашга ҳаракат қилган, унинг асосида шахслараро муносабатларни қўйган. Бу унинг ижтимоий-сиёсий қарашининг асосини ташкил этган. Қадимги Римда юридик анъананинг шаклланишида Цицерон (э. о. 106—43-йиллар) сиёсий қарашлари алоҳида ўринга эга. У «Конунлар тўғрисида» асарида давлат шакллари тўғрисида, унинг монархия, аристократик ва демократия кўринишларининг яхши томонларини ўзида ифодалаган аралаш идора этиш усули тўғрисида сўз юритади. Асардаги табиий ва адабий хуқуқлар, хуқуқ ва дав-

<sup>1</sup> Ўзбекистон Республикасининг Конституцияси. «Ўзбекистон», 1992, №20-дөт.

латнинг субъекти фуқаро тўғрисидаги қарашлар ҳуқуқий давлат тўғрисидаги ғояларнинг пайдо бўлиши ва ривожида алоҳида ўрин тутади. Платон ва Аристотелнинг сиёсий қарашлари унга сезиларли таъсир кўрсатган. Қадимги Римда юристларнинг илмий изланишлари натижасида ҳуқуқшунослик фани илмда янги йўналиш сифатида шаклланган. Бу изланишлар назарий ва амалий характерга эга бўлган кенг кўламли муаммолар қамраб олингандиги билан ажралиб туради. Ҳамда уч даврга: 1. Илк давр (эр. о. I аср ва унинг охирлари). 2. Юқори давр (асримизнинг II асри). 3. Кейинги давр (193—235-йй) ларга бўлинади. Бу даврларда кўпгина ҳуқуқшунослар давлат хизматида бўлганлар, улар саволларга жавоблар бериб, ҳуқуқ ва қонунчиликнинг ривожига ўзларининг назарий, амалий ҳиссаларини қўшганлар. Муаммога илоҳий ва дунёвий тамойиллар асосида ёндошганлар ва кўпроқ рационализм томонида турганлар.

**Сиёсий-социологик анъана** Сиёсий қарашларда сиёсий-социологик ёндошув антик даврга бориб тақалади. Масалан, қадимги Грецияда сиёсий ғоялар ижтимоий-сиёсий институт сифатида полис, шаҳар-давлат ва шаҳар-жамият тарзидағи қарашларда ўз ифодасини топган. Политология тушунчалари «сиёсат», «давлат», «ижтимоий иш», «ҳокимият», «сиёсий ҳокимият», «сиёсий бошқарув», «бошқарув санъати» ва бошқа номлар билан кенг ишлатилган. Сиёсий-социологик анъана тўғрисида фикр юритганда Демокрит (эр.о. 460—370-йиллар), Платон (эр.о. 427—347-йиллар), Аристотель (эр.о. 384—322-йиллар)нинг сиёсий қарашларини ҳисобга олиш муҳим. Демокрит, давлат ишларини бошқа ишларга қараганда муҳимроқ деб ҳисоблаб, ҳар бир киши давлатни қулай бўлиши учун ҳаракат қилиши лозимлигини, кўпроқ ҳокимиятга эга бўлишга эмас, балки умумий иш учун фойдали бўлган томонларни ўйлаш кераклигини таъкидлаб, тўғри йўлдан бораётган давлатни энг катта таянч деб қайд этади. Қачон у ҳалок бўлса, ҳамма ҳалок бўлади деб ҳисоблайди. Бундай бўлмаслиги учун унинг уч йўлини: 1) тарбия, таълим, маълумот бериш; 2) ягона фикр бўлиши; 3) бошқара олишини тўғри олиб боришни кўрсатади. Ҳамда бошқарувчининг қуидагиларга: сиёсий бошқарув санъатини эгаллаш, шундай билим ва қадрга эга бўлганларга ишонишини ва аксинча, бунга эга бўлмаганларга ишон-



масликини, Полис ишларини аниқ ва тұғри бақолай олишни, инсонларнинг кайфияти ва талабларини билишни, психологик (рухан) тайёр бўлишни, бошқа-лар устидан ҳокимиятни амалга оширишдан олдин ўз устидан ҳокимиятга эга бўлиш сирларини ўрганиши зарурлигига эътиборини жалб этади.

Платон сиёсий қарашларида дастлаб Сократ рационализмининг таъсири кўпроқ сезилса-да, кейинчалик унинг «Давлат», «Сиёсатчи», «Софист», «Парменид» ва «Қонунлар» каби асарларида диний анъана кўпроқ сезилади. Платоннинг икки дунё тұғрисидаги, ғоялар дунёси ва ҳодисалар дунёси тұғрисидаги қарашлари мухим ўрин тутади. Ғоялар дунёси — бу ҳақиқий бор-лиқ бўлиб, ўзгарувчан инсон дунёсининг абадий ўз-гармас илоҳий кўринишидир. Ҳодисалар дунёси ғоялар дунёсининг бузилган ифодасидир. Платон сиёсатга ҳам шундан келиб чиқиб ёndoшади ҳамда идеал давлатнинг сифатларини таърифлайди. Давлатни идора этишнинг аристократия шаклини ёқлади. Унинг бош-қа шаклларини: тимократия, олигархия, демократия ва тиранияни идеал кўринишдан четлашиш деб ҳисоблайди. Айни пайтда бу давлатни идора этиш шаклларига мутлоқ сифатида қарамайди, аксинча бир-бирига ал-масиб ўтиб туриши мумкинлигини таъкидлайди. Масалан, аристократиядан олигархияга, олигархиядан демократияга ва демократиядан тиранияга ўтиши мум-кин деган фикрни келтиради.

Аристотель (эр. о. 384—322-йиллар) сиёсий-социоло-гик анъаналар ривожига улкан ҳисса қўшган. У ўзи-нинг «Сиёсат», «Этика» ва «Риторика» каби асарларида ўз сиёсий ғояларини берган. Индивидларнинг сиё-сий хаёти полисда (шаҳар—давлатда) мужассамлаша-ди, деган фикрни илгари ташлайди. Унда инсон сиёсий мавжудот сифатида намоён бўлади. Инсонга адолат ва адолатсизликнинг фарқини англайдиган ягона мавжу-дот сифатида қарайди.

Давлатнинг мақсади ҳамма фуқароларга фаровон-лик улашишдир. Давлат индивид, оиладан кейин пай-дод бўлган. Давлатнинг нисбий яхлит бўлишини маъ-қуллайди.

Давлат шакли, Аристотелча, ким томонидан (якка киши, нисбатан озчилик, ҳамма) ёки қандай мақсадда (умум манфаат ёки фойдасига; ёки шахсий манфаат ва фойдага кўра) амалга оширилиши билан белгила-нади. Давлат шаклини тұғри ва нотұғри шаклларга

бүләди. Түғри шаклига монархия, аристократия ва политияни, иотүғри шаклига эса тирания, олигархия ва демократияни киритади ва уларнинг моҳиятини бирбиридан фарқини кўрсатади.

Сиёсий ҳаётга ёндошув услубидаги Шарқда сиёсий ўзига хослик негизида марказлашган фикр ва ғоялар кучли давлат қуриш мақсади мужассамлашганлигини кузатиш мумкин. Ана шундай кузатувлар жамланган, умумлаштирилган сиёсий қарашлари мавжуд бўлган буюк алломалардан бири Абу Наср Форобий (873—950 йй.) дир. У илк ўрта асрнинг буюк мутафаккирларидан бири бўлиб, фалсафий қарашлари билан бирга сиёсат тўғрисидаги фикрлари ҳақида унинг «китоб ас-сиёсат ал-мадания», яъни шаҳарлар устидан сиёсат юргизиш китоби маълумот беради. Асарда сиёсатга алоҳида илм йўналиши сифатида қаралган. Форобийнинг «Фозил одамлар шаҳри» асарида адолатни жамиятга эришиш йўллари, «фозил шаҳар ҳокимининг фазилатлари» тўғрисидаги фикр ва мулоҳазалари, давлат ҳокимияти ва бошқарувчи кадрларни танлаш ва жойига қўйиш билан боғлиқ бўлган ғоялари бугунги кунда ҳам миллий кадрлар тайёрлаш дастурини амалга ошириш ва мувофиқлаштиришда муҳим ўрин тутади. Фозиллар шаҳрининг биринчи бошлиғи тўғрисида Абу Наср Форобий шундай дейди: Шу шаҳар аҳолисига имомлик қилувчи оқил киши бўлиб, у табиатан ўн иккита хислат — фазилатни ўзида бирлаштирган бўлиши зарур. Фозиллар шаҳри ҳокими аввало тўрт мучали сог-омон бўлиб, ўзига юкланган вазифаларни бажаришида бирор аъзосидаги нуқсон халал бермаслиги лозим... Иккинчидан, бундай шаҳар ҳокими табиатан нозик фаросатли бўлиб, суҳбатдошининг сўзларини, фикрларини тушуниб, тез илғаб олиши, шу соҳада умумий аҳвол қандайлигини равshan тасаввур қила олиши зарур. Учинчидан, у англаган, кўрган, эшитган, идрок этган нарсаларни хотирасида тўла-тўқис сақлаб қолиши, барча тафсилотларни унутмаслиги зарур. Тўртинчидан, у зеҳни ўтқир, зукко бўлиб, ҳар қандай нарсанинг билинар-билинмас аломатларини ва бу аломатлар нимани англатишини тез билиб, сезиб олиши зарур. Бешинчидан, у фикрини равshan тушунтира олиш мақсадида чиройли сўзлар билан ифодалай олиши зарур. Олтинчидан, у устозлардан таълим олишга, билим, маърифатга ҳавасли бўлиши, ўқиш, ўрганиш жараёнида сира чарчамайдиган, бунинг мاشаққатидан

қочмайдиган бўлиши зарур. Еттинчидан, таом ейишда, ичимликда, аёлларга нисбатан очофат эмас, аксинча, ўзини тия оладиган бўлиши, (қимор ёки бошқа) ўйнлардан завқ, ҳузур олишдан узоқ бўлиши зарур. Саккизинчидан, у ҳақ ва ҳақиқатни, одил ва ҳақгўй одамларни севадиган, ёлғонни ва ёлғончиларни ёмон кўрадиган бўлиши зарур. Тўққизинчидан, у ўз қадрини билувчи ва номусли, ориятли одам бўлиши, пасткашликлардан юқори турувчи, тугма олийхиммат бўлиши, улуғ, олий ишларга интилиши зарур. Ўнинчидан, бу дунё бойликларига, динор ва дирҳамларга қизиқмайдиган (мол-дунё кетидан қувмайдиган) бўлиши зарур. Ўн биринчидан, табиатан адолатпарвар бўлиб, одил одамларни севадиган, истибод ва жабр-зулмни, мустабид ва золимларни ёмон кўрувчи, ўз одамларига ҳам, бегоналарга ҳам ҳақиқат қилувчи, барчани адолатга чақиравучи, ноҳақ жабрланганларга мадад берувчи, барчага яхшиликни ва ўзи суйган гўзалликларни раво кўрувчи бўлиши зарур. Ўзи ҳақ иш олдида ўжарлик қилимай, одил иш тутгани ҳолда ҳар қандай ҳақсизлик ва разолатларга муросасиз бўлиши зарур. Ўн иккинчидан, ўзи зарур деб ҳисоблаган чора-тадбирларни амалга оширишда қатъиятли, саботли, журъатли, жасур бўлиши, қўрқоқлик ва ҳадиксирашларга йўл қўймаслиги даркор.

Абу Наср Форобий мана шу барча хислатларнинг бир одамда жамланиши ами маҳол, зеро бундай түфма фазилатлар соҳиби бўлган одамлар жуда кам учрайди ва улар нодир инсонлардир,-деб ҳисоблаган ва мабодо фозиллар шаҳрида шундай баркамол инсон топилмай қолса, унда юқоридаги фазилатлардан олтиласи, ёки бештаси камол топган инсон ҳам ақл ва зakovatda benazirligi туфайли фозиллар шаҳрига раҳбарлик қила олади, деб таъкидлайди. Фозиллар шаҳрида бундай одам йўқ бўлганида (мабодо вафот этганида, ёхуд бошқа жойга кетган вақтида — М.М.) ана шу имом (ҳоким) ёхуд унинг издошлари (агар мазкур имомдан сўнг бирин-кетин шаҳарга бошлиқ бўлсалар) чиқарган қонун ва тартибларга амал қилинади.

Аввалги имом ўрнига келган кейинги раҳбарда ҳам юқорида айтилган хислатлар-фазилатлар ёшлиқдан шаклланган бўлиши зарур. Шу билан бирга бу кейинги имомда яна олтита фазилат ҳосил қилиниши зарур:

Биринчи — донишмандлик. Иккинчи — аввалги

имомлар ўрнатган қонунлар ва тартибларни хотирада яхши сақлаб қолиши ва уларга амал қилиши учун қувваи ҳофизага эга бўлиш. Учинчи — агар аввалги имомлар давридан бирор (ёки бир қанча) соҳага тааллуқли қонун қолмаган бўлса, бундай қонунни ўйлаб топиш учун ижод, ихтиро қилиш қувватига эга бўлиш. Тўртингичи — ҳозирги ҳақиқий аҳволни тез пайқаб олиш ва келгусида юз берадиган, аввалги имомлар кўзда тутмаган воқеаларни олдиндан кўра билиш хислатига эга бўлиш. Бу хислат унга халқ фаровонлигини яхшилаш йўлида керак бўлади. Бешинчи — аввалги имомлар ўрнатган қонунларга, шунингдек, аввалгилардан ибрат олиб, ўзи чиқарган қонунларга халқ амал қилиши учун қизғин сўзлаш — нотиқлик хислатига эга бўлиш. Олтинчи — зарур ҳолларда ҳарбий ишларга моҳирона раҳбарлик қилиш учун етарли жисмоний қувватга эга бўлиш, яъни ҳам жанг қилишни, ҳам саркарда сифатида жанг-жадалга раҳбарлик қилиш учун ҳарбий санъатни яхши билиши керак.

Форобий, мабодо шу хислатларнинг барчасини ўзида жамлаган бир одам топилмаса, лекин икки киши биргалашиб, шу хислатларга эга бўлишса (яъни бири — донишманд, иккинчиси — қолган хислатлар соҳиби бўлса) шу икковини фозиллар шаҳрига раҳбарликка қўйиш зарур, агар бир гуруҳ одамлар биргаликда ана шу хислатларга эга бўлишса (яъни — бирида бу, иккинчисида у, учинчисида яна бошқа хислатлар бўлса) ана шу фозиллар гуруҳини юрт раҳбарлигига қўйиш зарур деб ҳисоблаган. Унингча, шу гуруҳ аъзолари биргалашиб, ўзаро келишиб ҳаракат қиласа ҳар бири фозил ҳоким бўлиши мумкин. Мабодо бирор замонда фозиллар шаҳрида ҳокимлик қилаётган бир ёки бир неча кишида бошқа зарур хислатлар бўлсаю, аммо, донишмандлик бўлмаса, фозиллар шаҳри яхши ҳокимиз қолади, бундай шаҳар ҳалокатга юз тутади<sup>1</sup>.

Абу Али Ҳасан ибн Али Тусий—Низомулмулк (1018—1092 йй.) Шарқ тарихи ва маданиятида ўзининг «Сиёсатнома» (ёки Сияр ул-мулук) асари билан ўчмас из қолдирган. «Сиёсатнома» асари мавзу жиҳатидан кенг қамровлиги билан ажralиб туради. У 50 фаслдан иборат бўлиб, унда давлат бошқарувига тегишли қоида ва қонунлар, усул ва воситалар, қози ба қозихона иш-

<sup>1</sup> Абу Наср Форобий «Фозил одамлар шаҳри». А. Қодирний номидаги халқ мероси нашриёти, 1993, 159—161-бет.

лари, қўшин ва сарбозлар, хизматчи ва шахсий сарбозлар, почта ва разведка ишлари, элчиларга муносабат, шоҳ ишлари, шахсий соқчилари тўғрисида маълумот ва маслаҳатлар берилган. Давлатни идора этишда амалдорлар (маъсул кадрлар) катта ўрин тутишларини, уларни танлаш ва жой-жойига қўйишда ўзига хос талаб даражасида қараган. «Сиёсатнома» амалдорларни тарбиялаш, асрар, ҳимоялаш ва зарур бўлса жазолаш билан боғлиқ тавсиялар берилганилиги билан сиёсатчи ва давлат раҳбарларининг эътиборини жалб этади.

Давлатда марказий ҳукумат (ижро ҳокимияти) кучли бўлса, шунда давлатда тинчлик ва адолат барқарор бўлади, раият ўз мақсадига ета олади, жамият сулҳ ва адолатда, мурувватда яшайди, деб кўрсатади. «Сиёсатнома», жиддий сиёсий ҳужжат бўлиб, марказий ҳукуматнинг парчаланишига қарши қаратилган асардир. «Сиёсатнома» марказлашган давлат тузишга даъват этиб, кучли давлат маҳкамаси, армия ва бошқа текшириш воситаларини яратишга чақиради. «Сиёсатнома» асарининг ўзбек тилига илк бор таржимаси 1997 йилда амалга оширилди. (Низомулмулк. Сиёсатнома ёки сияр ул-мулук. Тошкент, «Адолат», 1997). У маданий, сиёсий тарихимизни билишга, сиёсий фикр ва қарашлар ривожига хос анъаналарни ўрганишимизда ва тиклашимизда ижобий омил бўлиши шубҳасиз. Низомулмулк шахсига, ўз даврида Амир Темур, Алишер Навоий, «Дастур ул-мулук» асарининг муаллифи Самандар Термизий ва бошқалар катта баҳо берганлар.

Амир Темур (1336 — 1405 йиллар) ўзининг сиёсий қарашларини «Темур тузуклари» асарида эллик йилдан ортиқ давр (1342—1405 йй.) тарихи билан бирга, давлат ва унинг тузилиши тўғрисида ҳам қимматли маълумотлар беради. Асарда давлат ва унинг амал қилиш тамоийллари, меъёрлари, муносабатлари уни барпо этиш, мустаҳкамлашни кенгаш орқали амалга оширишда ўз ифодасини топганлигини таъкидлаш лозим. Амир Темур зукко, тажрибали ва сиёсатдон давлат арбоби сифатида, давлатнинг марказий аппарати ва маҳаллий ҳокимиятнинг қандай, қайси ижтимоий тоифаларга таянишини, уларнинг манфаатларини уйгунаштириш, мансабдор шахсларнинг бурч ва вазифаларини белгилаб берар экан, жамиятни маълум ижтимоий-сиёсий, гуруҳларга таянган ҳолда бошқариш лозимлигини таъкидлаш билан, уларнинг манфаатларини бошқа гуруҳлар

манфаати билан бирга ҳисобга олиш зарурлиги тўғрисида ҳам мұхим фикр билдиради. У жамиятни 12 тоифага бўлиб, уларга таянган ҳолда бошқариш ишларини амалга оширган. Улар: 1) саййидлар, уламо ва шайхлар; 2) билимдон кишилар; 3) дуогўй тақводорлар; 4) амирлар, сарҳанглар, сипоҳсолорлар; 5) сипоҳ билан раият; 6) доно ва ишончли кишилар; 7) вазирлар, саркотиб ва девон битикчилари; 8) ҳакимлар, табиблар, мунахжимлар ва муҳандислар; 9) муҳаддислар (ҳадис олимлари ва ровийлар); 10) сўфийлар ва орифлар; 11) ҳунар ва санъат аҳли; 12) сайёҳ ва тижорат аҳлларидан иборат.

Давлатни идора этишда вазирлар, амирлар ва ноибларнинг ролига алоҳида эътибор бериб, соҳибқирон Амир Темур садоқатли, ахлоқий пок, адолатпеша, тинчликсевар ва ташаббускорларни қадрлаган.

Амир Темур вазирлар тўрт фазилатга эга бўлишлари шартлигини таъкидлайди: 1) асллик, тоза насллик ва улуғворлик; 2) ақлу фаросатлилик; 3) сипоҳ билан раият аҳволидан боҳабарлик ва уларга ғамхўрлик кўрсатиш; улар билан яхши муомалада бўлиш; 4) сабру бардош, мулойимлик. У жойлардаги улусларга, мустақил сиёсат юргизишга ҳам имконият берган. Ерларни ўзлаштирганлар ҳукумат томонидан рағбатлантирилган. Темур давлат бошқарувида жамият аъзоларини, мавжӯт тоифаларга бўлган муносабатда уларни «ишонч билан қўрқув» ўртасида сақладим, десада амалда, унда ишонч, кечиримлик, сабр-қаноат тамойиллари устувор бўлиб, мамлакат, давлатнинг куч-қудратини адолат асосида қурганлигини алоҳида таъкидлаш лозим. У адолат орқали кучли марказлашган давлат тузишга муваффақ бўлган. Давлат ишларини юритишда ислом билан бирга дунёвий илмга, тамойилларга алоҳида эътибор берган ва уларга амал қилган.

Алишер Навоий (1441—1501-йиллар) сиёсий ғояларини «Садди Искандарий» достонида асослаб берган ва унда ижтимоий адолатли тузум ғоясини адолатли шоҳ тимсолида баён қилган. А. Навоий бу муаммони адолатли шоҳ — адолатли давлат — адолатли қонунлар — адолатли тартиб сифатида поэтик тасвиrlаган. Шунингдек, даҳо шоир турли халқлар, ижтимоий гуруҳлар ва табакалар ўртасидаги оқилона, маърифатга асосланган муносабатлар ижтимоий барқарорликка олиб келишини гўзал тимсоллар орқали куйлаған.

Навоий ҳаётнинг мезони инсон, унинг фаолияти,

сифати ва фазилатлари деб билиб, инсон ўз ҳаёгини ўзи учун ҳам, бутун жамият учун ҳам фойдали бўлган ишга бағишилаши, касб-хунар ўрганиши, маърифатли бўлиши кераклигини таъкидлайди.

Навоий сиёсий қарашларида кўпроқ адолатли қонунларга асосланган маърифатли шоҳ ҳокимиятини орзу қилиб, уни озми-кўпми Ҳусайн Бойқаро давридаги вазирлик фаолиятида амалга оширишга уринган. Алишер Навоийнинг бу каби илфор сиёсий қарашлари кейинчалик Бобурнинг давлат фаолиятида ва унинг бутун дунёга машҳур «Бобурнома» асарида янада бойитилган ва Бобурийларнинг амалий сиёсатида маълум маънода ўз ифодасини топган эди.

Шарқда, хусусан Марказий Осиёда сиёсий фикрлар ва таълимотлар тўғрисидаги анъаналарда дунёнинг айрим бошқа давлатларига хос бўлган а) фалсафий-ахлоқий қарашлар; б) диний қарашлар; в) фуқаролик; г) ижтимоий концепциялар тўғрисидаги ғояларнинг муайян даражада ўзига хос кўринишда мавжуд бўлганлигини кўрамиз. Характерли жойи шундаки, бундай ёндошувлар сиёсий фанлар нуқтаи назаридан таҳлил этилмаган бўлсада, аммо «сиёсат» алоҳида илм йўналиши сифатида қайд этилади. Бу меросимиз ҳозирги даврда демократик жамият тўғрисидаги илмий назарияни ишлаб чиқиш ва уни ҳаётга тадбиқ этишда катта аҳамиятга моликдир.

Янги даврдаги сиёсий қарашлар нинг пайдо бўлиши ва қарор топиши муаммоси сиёсий фикр ривожига ҳам сезиларли таъсир кўрсатади ва унинг устувор йўналишига эга бўла бошлайди. Давлат, жамият ва шахс тўғрисидаги қарашлар тизимида индивид—фуқарога алоҳида эътибор берилади. Шунинг учун бу даврдаги сиёсий қарашлар «фуқаролик тўғрисидаги қарашлар» деб ҳам аталади. Сиёсий соҳада уйғониш даврининг ўзига хос жиҳатидан бири ҳам шундаки, инсон унинг марказига қўйилади. Масалан, Н. Макиавелли (1469—1527-йиллар) сиёсатнинг назарийчилари унинг «илмий усул»ларини ишлаб чиқишга маъсул эканлигини қайд этади. Бу даврда сиёсатда ахлоқий қадриятларнинг мақсадга мувофиқлиги ғояси асосида «макиавелизм» тушунчаси пайдо бўлади ва сиёсий қарашларда «Сиёсий Республиkanizm назарияси» илгари сурилади. Бундай қарашлар XVII—XVIII асрда Англия ва Америкада сиёсий фикр ривожига сезиларли таъсир этади. Макиавелли ўзининг «илмий усулини»

сиёсатга нисбатан прагматизм ва утилитар ёндошувга таянган ҳолда асослайди. Сиёсий фанлар воқеаларнинг ҳақиқий моҳиятига кириб борган ҳолда уни тушунтириб берини кераклигини қайд этади. Шу усулда ҳокимият ва бошқариш нуқтаи назаридан сиёсат ва давлатнинг айнан баҳосини беришга ҳаракат қилади. Макиавелли сиёсий қарашларида «мақсад воситани оқлайди» деган тамойилга асосланади. У ҳар қандай мақсаднинг қонуний бўлишини таъкидласада, мамлакатларнинг сиёсий ҳаёти, давлатчилик тарихи тажрибаси буни ҳамма вақт ҳам тўғри ёки мутлоқ фикр эмаслигидан далолат беради. Макиавеллининг фикрича ягона мақсад борки, бу мақсад ноахлоқий воситани, яъни давлатни яратилиши ва уни сақлаб қолишини оқлайди деб кўрсатади. Натижада, унинг таъсирида айрим сиёсий кучлар ўз фаолиятларида унга таяндилар. (М: Франциядаги 1789 йил революцияси етакчилари ва Россияда большевиклар в. б.).

Бу даврда Макиавелли томонидан илгари сурйлган гоя айрим сиёсий кучлар томонидан ўз манфатлари йўлида фойдаланилганлигини ва бу жамиятлар, халқлар сиёсий ҳаётида катта салбий оқибатларга сабаб бўлганлигини кўриш мумкин. Шу ўринда сиёсий фаолиятда «адолатни кучда» деб билиш билан «куч адолатдадир» (А. Темур) деган қараш ва тамойилларда катта фарқ борлигини таъкидлаш зарур. Бунда муаммога гарбона ва шарқона ёндошувлардан бири ўзига хос ифодасини топганлигини кўрамиз.

Макиавелли жамиятни идора этиш тўғрисида аниқ бир шаклни илгари сурмайди. У «якка ҳокимиятни» ҳам, «Республика» бошқарув шаклини ҳам маъкуллади.

У ўзининг «Государь» номли асарида Республикани тўғри ёки қулай шакли деб, айни пайтда Рим Республикаси модели тўғрисида фикр юритиб «аралаш» шаклни ёки ҳокимиятнинг демократик, аристократик ва монархия элементларининг мавжудлиги унинг мукаммалигини таъминлаб берган деб ҳисоблайди.

Бундай сиёсий қарашлар кейинчалик Томас Гоббс (1598—1679-йиллар) қарашларида ривожлантирилади. Гоббс, монархияни — ҳокимиятнинг энг қулай шакли деб ҳисоблайди. Буни ўзининг «Левиафан» асарида инсонларнинг давлат пайдо бўлгунгача бўлган давридаги ҳаётини тасвирлаб, унда «хаос» ва «ихтилоф» лар ҳукмрон бўлганлигини таъкидлайди, ёки бу ҳукмрон-

ликни «ҳамманинг ҳаммага қарши уруш» ҳолати сифатида қайд этади. «Ижтимоий келишув»га «хаос»дан чиқищдаги муҳим йўл сифатида қаралади. Монархнинг асосий вазифаси қонунни сақлай билишда деб тушуди.

Англия файласуфи Ж. Локк (1632—1704-йиллар) қараашларида ҳам сиёсатда фуқаролик концепцияси илгари сурилади. Локк таълимоти, нисбатан реал ҳаётга асосланганлиги билан ажralиб туради ва чекланган монархияни ўрнатишни ёқлайди.

У сиёсий фикр тарихида биринчилардан бўлиб «шахс», «жамият» ва «давлат» тушунчаларининг таҳлилини беради ҳамда шахсни жамият ва давлатдан юқори қўяди. Локк, инсон туғилгандан бошлаб табиий ҳуқуқларга эга бўлади деб кўрсатиб, «ҳаёт», ёки «яшаш», «эркинлик» ва «мулкка эга бўлиш» ҳуқуқларини ана шундай ҳуқуқлар жумласига киритади. У хусусий мулкка эга бўлиш ҳуқуқини қўйидагича асослайди, биринчидан, хусусий мулкка эга бўлиш инсоннинг ўзини ва унинг оиласининг яшаши учун зарур бўлган эҳтиёжни таъминлаш учун керак, инсон зарур нарсаларга эга бўлган тақдирдагина, ўзининг ривожланишига алоҳида эътибор бериши мумкин. Локк, фикрича хусусий мулк мутлоқ қадрият эмас, аксинча, эркин жамиятга эришиш воситасидир.. Инсонлар мулк жамғаришда эркин бўлишлари керак. Иккинчидан, мулкка эга бўлиш инсоннинг индивидуаллиги шаклланишига таъсир кўрсатади, деб ҳисоблайди. Локк, давлат жамиятга, жамият ўз навбатида, шахсга бўйсуниши зарурлигини таъкидлайди. Давлат ва жамият бир нарса эмас, давлат ҳокимиятнинг қулаши, жамият ривожининг охиридан далолат бермайди. Жамият янги давлат ҳокимиятини ўрнатиши мумкин. Давлат фақат шахс ҳуқуқларини ҳимоя қилиш мақсадида фаолият кўрсатади. У шахсдан кучлироқ бўлиши мумкин эмас, чунки шахс жамиятни, жамият эса давлатни ташкил этади. Локк қонун чиқарувчи ва ижро ҳокимияти бўлишини ёқлайди. Қонун чиқарувчи ҳокимиятга устуворлик беради, чунки у давлатнинг сиёсатини белгилайди деб кўрсатади.

Франция маърифатпарвари Шарль Луи Монтескье (1689—1755-йиллар) ўзининг «Қонунлар руҳи» асарида «идора этиш тарзига» ёки «қонунлар руҳи»га таъсир этувчи омилларни кўрсатиб беради. «Кўпгина нарсалар,-деб ёзади Монтескье,-иқлим, дин, қонун-

лар, идора этиш шакллари, ўтмиш сабоқлари, ахлоқ, одатлар халқнинг умумий руҳининг натижаси сифатида инсонларни бошқаради».

Монтескье ҳокимиятнинг бўлиниши назариясини «аралаш идора этиш» фоясининг давомидир деб кўрсатиб ҳуқуқнинг, қонуннинг устуворлигини қайд этади. Шу асосда қонун чиқарувчи, ижро этувчи ва суд ҳокимиятлари бир-бирларини тўлдирган ҳолда ҳокимиятни сақлаб туришлари мумкин деган хулосага келади.

Сиёсий фикрлар ривожи Европадаги давлатлар қурилиши билан узвий боғлиқ ҳолда борди. Бу давр намояндлари унитар мустақил давлатнинг камчиликлари ни ҳисобга олиб, сиёсий назарияни амалиёт билан боғлаб олиб боришга, сиёсий тенглик ва демократияни янгила тарзда таҳлил этишга ҳамда амалга оширишга ҳаракат қила бошладилар. Ж. Мэдисон (1751—1836-йиллар) республиканизмнинг кўзга кўринган назариётчиларидан бири бўлиб, у халқ — сиёсий ҳокимиятнинг ягона манбаи, сайловлар — республикавий идора этишнинг муҳим хусусияти деган қоидага асосланади. У кўпчиликнинг фракциясига эҳтиёткорлик билан ёндошиади, ҳокимиятдан фойдаланиб, озчиликнинг манфаатларини поймол этиши мумкинлиги хавфини олдини олиш чораларига алоҳида эътибор билан қарайди. Озчиликнинг эркинлигини кафолатлаш зарурлигини ҳимоя қиласиди. Ж. Мэдисон демократиянинг вакиллик орқали идора этиш шакли билан бирга либерал идора этиш ҳам зарурлигини асослайди. Давлат ҳокимиятнинг бўлинишини, уларнинг ҳар бирининг нисбий мустақиллигини ва тенглигини тан олади.

Сиёсатнинг «социал концепцияси» фуқаролик концепциясининг давоми сифатида шаклланди. У энди алоҳида индивид — фуқарога эмас, айrim ижтимоий гуруҳга таяна бошлади. Миллат, синфлар, инсонлар, индивидлар муайян гуруҳларнинг, бирлашмаларнинг маҳсулни сифатида қарабади.

Француз маърифатпарвари Ж. Ж. Руссо (1712—1778-йиллар) эса сиёсатнинг фуқаролик концепциясининг қатъий ифодачиси ва тадқиқотчисидир. Индивидлар давлатни яратади ёки айни пайтда индивидларнинг ўзи давлатнинг маҳсулидир деб ҳисоблайди Руссо, айни пайтда З та ташқи омилни қайд этади: 1. Ижтимоий тенгликни қўллаб қувватлайди; мулкни жамият аъзоларига нисбатан тенгсиз тақсимланишига қарши чиқади. 2. Сиёсий яхлитликни ҳимоя қиласиди; давлатда

хусусий ҳамкорлик бўлиши мумкин эмас деган ғояга таянади. З. У вакиллик ҳокимиятини — қуллик деб ҳисоблайди. Бир сўз билан айтганда, Руссо демократия-нинг бевосита шаклини қўллаб чиқади.

Э. Берк (1729—1797-йиллар)га, Англия консерватори сифатида табиий ҳуқуқларни тан олмаслик ғояси хосдир. Унингча, давлат ва жамият инсоннинг ихтироси эмас, балки табиий ривожланишнинг натижасидир. Давлатнинг асосий вазифаси тартиб ва қонунни сақлашдан иборат. Ҳокимиятнинг вакиллик шаклини қўллаб чиқади. Берк Парламентга — Англиядаги ҳокимиятнинг ҳақиқий шакли сифатида қарайди ва унинг фолияти ғалқ томонидан назорат этилиши мумкин эмас деб ҳисоблайди.

А. Токвиль (1805—1858-йиллар) «Америкадаги демократия» номли асарида ўзига хос либерал сиёсий назарияни яратади. Уни сиёсий тенглик билан сиёсий эркинлик ўртасидаги муносабат кўпроқ ўйлатади. Сиёсий апатия — сиёсий марказлашув ва ижтимоий бўйсундиришнинг бошланишидир деб ҳисоблайди. Демократиянинг ижобий ва салбий жиҳатлари бўлиши мумкинлиги тўғрисида фикр юритади.

XIX асрнинг 40-йилларидан сиёсий фикр ривожи К. Маркс ва Ф. Энгельс қарашлари билан боғлиқ. Улар томонидан муайян ижтимоий гуруҳга, «синфга» таяниш, уларнинг сиёсий қараш ва манфаатларини «ҳимоя» этиш, улар ёрдамида «пролетар инқилобини» амалга ошириш ғояси илгари сурилади. Тенглик, демократия, эркинликни таъминлашда улар «пролетариат» диктатурасини ўрнатиш зарурлигини, шу орқали адолатли демократик жамиятни қуриш мумкинлигини асослашга уринадилар. «Синфий кураш»га жамиятни ҳаракатлантирувчи кучи сифатида қарайдилар.

Бу ғоя кейинчалик В. И. Ленин томонидан ривожлантирилди. Сиёсий ҳокимиятга эга бўлиш, яъни диктатуранинг пролетариат қўлига ўтиши туб масала сифатида қаралди. Октябрь тўнтариши Россияда большевизм кўринишида тоталитар, маъмурий буйруқбозлик жамиятининг ўрнатилишига олиб келди. Собиқ СССР Конституциясида ҳокимиятнинг вакиллик ва бевосита шаклларидан фойдаланиш кўрсатилган бўлсада, амалда ҳақиқий демократик жамиятни ўрнатилишига эмас, аксинча мустақиллик, эркинлик, инсон ҳуқуқларига зид бўлган тамойиллар марказ билан республикалар ўртасидаги ўзаро муносабатларда, жамият сиёсий ҳаётида

ўзининг ифодасини топди. Бу сиёсий қарапшларнинг ғоявий жиҳатдан бир томонлама, нодемократик ва сохта эканлигини ҳаёт кўрсатди.

Бугунги Россияда янги демократик тартиботларнинг мураккаб ривожланиши шароитида сиёсий фанлар ривожида янгича сиёсий қарапшлар пайдо бўлмоқда.

**XIX асрнинг охири**      **XIX асрнинг охири ва XX аср бошларида Шарқ-**  
**XX асрнинг бош-**      **рида шарқ мутафаккирлари сиёсий**  
**ларида Шарқ-**      **қарапшларининг миллий озодлик ғоя-**  
**даги сиёсий ғоялар**      **лари билан боғлиқ ҳолда номоён бўл-**  
ганлигини кўрамиз. Бу Фарбнинг Шарққа нисбатан олиб борган сиёсатини мустамлакачиликка асосланганлиги билан боғлиқ. Унинг негизида, бир томондан, янги ҳудудларга эга бўлиш, бойлик орттириш бўлса, иккичи томондан, дунёни бўлиб олиш, халқларни тутқунлика, қарамлик ва тобеликда ушлаб туриш сиёсати мустамлакачилик сиёсатига хос хусусият тарзида намоён бўлади. Дастребу бу Шарқни ўрганиш мақсади билан бошланган бўлсада, охир оқибатда унинг сиёсий мақсадлари кейинчалик аниқ маълум бўлди. Мустамлакачиликка қарши ғоялар ва ҳаракатлар бошланди. Европада бу «Социализм учун кураш» шиори билан бошланган бўлса, Шарқда Европанинг таъсир доирасидан чиқиши, мустақиллик ғоялари билан боғлиқ ҳолда намоён бўлди.

Маълумки, сабиқ коммунистик мафкура асосчилари «миллий — озодлик ҳаракатларини» қўллаган бўлса-да, амалда халқларнинг озодлигини бўғишга қаратилган назариясини яратган эдилар. Шарқда миллий-озодлик учун кураш ўз тарихий илдизларини ўрганишнинг бошланиши билан характерланади. Масалан, М. Ганди (1869 — 1948-йиллар, Хиндистон), М. Иқбол (1877 — 1938-йиллар) асарлари, нутқ ва чиқишилари шарқ халқларини уйғотишга даъват этадиган, уларни мустақилликка ундайдиган сиёсий ғоялари билан ажralиб туради.

Масалан, М. Ганди инглизларнинг урф-одатлари, саноати ютуқлари асосида содир бўлган эрксизлик, қарамликка нисбатан байкот эълон қиласиди. Халқни маърифий йўл билан мустақил бўлишга чорлайди. Гандизм унинг номи билан боғлиқ бўлиб, озодлик учун курашда жуҷиштариштаги қарши, ўзаро зиддиятли ҳолатларни ён беришлар, муроса ва консенсус асосида ҳал

этишга ундаиди. Сиёсатни аҳлоқ билан боғлиқ ҳолда талқин этади.

Бу даврдаги сиёсий қарапарларда давлат ва халқлар мустақиллиги, эркинлик, демократия учун ўзаро ҳамкорлик, ҳамжиҳатлик ғоялари илгари сурилади.

XIX асрнинг  
охири ва XX аср-  
нинг бошларида  
жадидчилик  
ғоялари

XIX асрнинг охири XX асрнинг бошларида Туркистон ўлкасида «Жадидчилик» ҳаракати пайдо бўлди. Бу ҳаракатнинг халқимизнинг миллий, ижтимоий ва маданий жиҳатдан ўтмишида ўзига хос ўрни мавжуд.

Жадидчилик аслида маърифатпарварлик ҳаракатининг кўриниши бўлиб, унинг намояндлари мамлакатни феодал қолоқликдан чиқариш ва миллий тараққиётга ёришишнинг маърифий йўлини кўрсатдилар.

Чор Россиясининг чекка ва мустамлака ўлкаси бўлган Туркистонда мактаб-маорифнинг янгиланиши, янги адабиётнинг вужудга келиши, миллий театр, матбуотнинг туғилиши ва йўлга қўйилиши ҳам жадидчилик ҳаракатининг самараларидир.

Жадидларнинг ижтимоий-сиёсий қарапарларида ҳам бир хиллик бўлмаган: идораи машрутчилик (конституцион монархия)дан жумҳуриятчилик (республика) тарафдорларигача бор эди. Бироқ, жадидчилик намояндлари қарапарларида хилма-хиллик бўлгани, баъзи масалаларда жадидий фарқ борлигини инкор қилмаган ҳолда жадидизм мафкура, муайян қарапарлар тизими сифатида шу давр эҳтиёжларини ифодалар эди.

Жадидчилик ижтимоий-сиёсий, маърифий ҳаракат сифатида саҳнага эндиғина чиқиб келаётган шароитда Туркистонда чоризм ҳарбий-мустамлака маъмуриятига қарамлик миллий буржуазиянинг феодал тартибларига ҳам, мустамлакачилик маъмуриятига ҳам кескин қарши чиқишга имкон бермас эди. Шубҳасиз, ана шу тарихий вазият жадидчилик ҳаракатида ҳам ўз аксини топди. Унда мустамлакачилик режимига қарши қаратилган ғоялар билан бирга иккиланишлар, мўътадиллик ғоялари уйғунлашган эди.

Туркистонда жадидчилик ҳаракатининг шаклланиши ва ривожланишида матбуот ўзига хос ўринга эга бўлди. Уларнинг газета ва журналлари ўлкада кенг тарқалиб мусулмон аҳолисининг сиёсий онги ўсишида муайян рол ўйнади.

1906 йилдан бошлаб Туркистон жадидлари ўзларининг «Тараққий», «Хуршид» номли газеталарини нашр

қила бошладилар. Гарчи бу нашрларда мұғытадиллик, иккиланишлар ва жүръатсизликлар маълум даражада сезилиб турсада, аммо чоризмнинг ўлкадаги мустамлакачилик сиёсатини қораловчи кескин мақолалар ҳам босилиб турди.

Жадидчилик ўзининг яхлит ташкилий низоми ва дастурига эга бўлмаган. Бундай бўлиши мумкин ҳам эмас эди. Чунки у ташкилий жиҳатидан сиёсий ҳаракат даражасига кўтарилимаганди.

Жадидлар ҳаракатининг Туркистондаги намояндаси, унинг назарий асосчиларидан бири Маҳмудхўжа Беҳбудийdir (1879 — 1919-йиллар). Беҳбудий Самарқанд шаҳрида руҳоний оиласида дунёга келади. У болалик чоғларида илм-фанга қизиқади, ҳисоб, хуқуқдин, араб ва форс тилларидан чуқур сабоқ олади.

У ҳаж қилиб Макка ва Мадинаға боради, Миср ва Туркия шаҳарларига саёҳат қилади. Биринчи рус инқилоби арафасида Беҳбудий Петербург, Москва, Қозон, Үфа ва Оренбург каби Россия шаҳарларида бўлади. Бу сафар унда чуқур таассурот қолдиради. Беҳбудий шу давр янги маданияти билан яқиндан танишади ва унинг йирик намояндалари билан мулоқотда бўлади.

Беҳбудий миллий манфаатларни ҳимоя қила оладиган, иқтисодий ва сиёсий қарамликтан, қолоқликдан қутулиш муаммоларини биладиган замонавий билимга эга кадрлар бўлиши лозимлигини алоҳида таъкидлайди. Агар биз маданият ва иқтисод соҳаларида бошқа миллатларга қарам бўлишни истамасак, биз миллий судьялар, адвокатлар, ўқитувчилар, давлат арбоблари, инженер, саводли тиҷоратчиларни тайёрлашимиз зарурлигини таъкидлайди.

Россия мусулмонларининг миллий озодлик ҳаракати натижасида 1905 йилда ташкил топган мусулмонлар партияси Беҳбудийнинг фаолиятини юксак баҳолайди ва Туркистон масалалари бўйича у билан маслаҳатлашиб туради.

Беҳбудий ўзининг турли партияларга бўлган муносабатини ифодалаб, кадетларни қўллаб-қувватлашга чақиради. Лекин у мусулмонлар партиясига хайрхонлигини билдиради. Бу партия ўзининг умумий сиёсий талаблари ва эътиқоди билан кадетлар партиясига яқин турсада, у мусулмонлар манфаатини ҳимоя қилиш учун тузилган. Шунинг учун Туркистон мусулмонлари, сиёсатда кадетларни қўлласада, мусулмонлар партиясига қўшилиши даркор. Бу партияга хизмат қилиш,

унинг тарафдори бўлиш динимиз, ватанимиз ва миллатимизга хизмат қилишдан иборат, деб ҳисоблайди.

Беҳбудийнинг асарлари, мақолалари ва ислоҳ лойиҳаларида баён қилинган ғоялар жадидлар ҳаракатининг асосий дастур ҳужжатлари, ҳаракат қўлланмаси бўлиб хизмат қилди. Унинг ғояларини ташвиқот қилишда Бухорода чиқарилган «Турон» газетаси (1912 й.) катта аҳамиятга эга бўлган эди.

Беҳбудий озодликка олиб боришдаги маърифатнинг ролини яхши тушунади. У шундай ёзади: «Маориф бўлимиди ишлайтурган мусулмонларнинг бошини силангиз. Мафкурага ёрдам этингиз. Ўртадан никобни кўтариңгиз, Туркистон болаларини илмсиз қўймангизлар. Ҳар иш қилсангиз жамият илиа қилингизлар. Ҳаммага озодлик йўлини кўрсатингизлар...»<sup>1</sup>

Беҳбудий жадидчилик ҳаракатининг бошқа бир қанча раҳбарлари Мунаввар Қори, Фитрат билан биргаликда умрининг охирги дақиқаларигача ўз халқининг маънавий юксалиши учун хайрҳоҳ бўлиб қолди. У ўзининг эркесварлик ғоялари учун таъқиб остига олинди ва ўлдирилди.

Жадидчилик ҳаракатининг яна бир кўзга кўринган вакилларидан бири Мунаввар Қори Абдурашидхон ўғлидир. У 1878 йили Тошкентда туғилди. Унинг отаси ўз даврининг маърифатли кишиси эди.

Мунаввар Қори ҳам бошқа жадидчилар каби Ватан равнақи ва миллат тараққиётининг асосий омили сифатида халқни саводли ва маърифатли қилиш деб қарайди. У ана шу фикрдан келиб чиқиб Тошкентда 1901 йилга келиб, янги услубдаги мактаб очади ва унга ўзи раҳбарлик қилиб, мусулмон болаларини ўқита бошлиди. У томонидан очилган мактаб кейинчалик намунавий мактаб даражасига кўтарилади.

Мунаввар Қорининг қарашларига хос асосий ҳарактерли томон шундаки, у Туркистонни чоризм мустамлакасидан озод қилиш, мустақил мусулмон давлатини ва миллий бирликни вужудга келтириш асосида тараққиётта эришиш учун кураш олиб борди. Унинг бошчилигига «Иттиходи тараққиёт», «Миллий иттиход» каби

<sup>1</sup> Ш. Турсюев. Махмудхўжа Беҳбудий. «Мулоқот», журнали 1994 йил, 3—4 сонлар, 47-бет.

ташкілотлар тузилиб (1920—1930 й.и.), яширин ҳолатда әркинлик ғояларини кенг халқ оммасига тарғиб қилиб келди. Олиб борилған ишлар зое кетмади: халқ оммасининг зўравонликка қарши нафрати кучайди ва унинг миллий сиёсий онги ўсили.

Мунаввар Қорининг миллий тараққиёт учун олиб борган ғоялари туфайли собиқ зўравон шўролар ҳукумати уни қаттиқ таъқиб остига олди. У 1931 йил 25 апрелда собиқ СССР Халқ Комиссарлари кенгаши қошидаги «Бирлашган бош Сиёсий бошқармасининг судлов коллегияси қарори» асосида отиб ташланди.

Чор ҳукуматининг ағдарилиши ўлкада мустамлакачилик сиёсатини ва миллий зулм илдизларини чуқур ларзага учратиб, миллий озодлик туйгуларининг кучайишига олиб келди. Ўлка туб аҳолисининг сиёсий онгига ва курашида муайян ўзгаришлар содир бўлиб, «Шўрои Исломия», «Шўрои Уламо» сингари партиялар ташкил топди, «Шўрои Исломия»нинг ташкілотчиларидан бири жадид Мунаввар қори Абдурашидов эди. Бу партияниң вақтингчалик илк дастурида қуидаги асосий вазифалар белгиланди:

1. Туркистон мусулмонлари ўртасида замон талабларига мос сиёсий илмий ва иқтисодий ислоҳотлар ўтказиш зарурлигини тарғибот қилиш. 2. Туркистон мусулмонларининг ягона бир мақсад ва ягона ғоя асосида бирлаштириш учун барча зарур чора ва тадбирларни амалга ошириш. 3. Халқни янги мувакқат ҳукуматни қўллаб-қувватлашга чақириш. 4. Мамлакатни идора этиш шакллари ҳақида маълумотлар тарқатиш ва таъсис мажлисига тайёргарлик кўриш.

Бу дастурда Туркистоннинг бошқарув тузими ҳақида аниқ бир фикр кўрсатилмаган бўлсада, «Шўрои Исломия» партияси раҳбарлари Мунаввар қори, Мустафо Чўқаев, Беҳбудий ва бошқалар Туркистонда мухторият таъсис этилишини, молия, адлия, бошқарувда маориф ва бошқа соҳаларда мустақиллик ўрнатилиши зарурлигини ҳамда матбуот әркинлигини талаб қилдилар.

Собиқ шўролар тузуми даврида жадидларнинг қисмати фожиали бўлди. Уларнинг кўпчилигига юқорида баён қилинган талаблари учун миллатчи, «пантуркист» ва «панисломист» деган тамға босилиб, қатағон қилинди, жадидлар ғоялари ва ҳаракатига қора чизиқ тортилди.

Мустақиллик шарофати билан Туркистон халқларининг эрки, мустақиллиги ва миллий давлатчилик ғоялари учун курашган ватанпарварларнинг муборак номлари тикланди. Улар яратган бебаҳо маънавият дурданалари яна халқимиизга қайтарилди.

**Жадидлик  
ҳаракатининг  
хусусиятлари**

Жадидчилар ҳаракатининг Туркистонда сиёсий жараёнлар ривожланишига қўшган ҳиссаси ҳақида фикр юритганда қўйидагиларни алоҳида таъкидлаш лозим бўлади. Биринчидан, бу маърифатчилик ҳаракати сифатида бошланган эди. Аммо унинг асосий мақсади фақат маърифатчилик доираси билан чекланмаган, балки халқнинг умумий саводини ва маърифатини кўтариш ғояси илгари сурилган.

Иккинчидан, улар динга қарши курашган эмаслар, балки шариатга қатъий риоя қилиш орқали мактаб ва мадрасаларда таълим бериш тизимини дунёвий илмларни бериш асосида ислоҳ қилиш учун ҳаракат қилгандар. Аммо истибод ҳукумати жадидчиларни дин пешволарига қарши қўйиш учун ҳаракат қилганлар ва шу йўл билан миллатимизнинг маърифатли бўлишига қарши кураш олиб борганлар.

Учинчидан, жадидчилик ҳаракати Россияда вужудга келган большевиклар партияси билан бир вақтда шаклланди. Аммо большевикларнинг партияси динга қарши ҳукуматни зўравонлик йўли билан қўлга киритиш ва йўқисилларнинг (пролетариат диктатурасининг) ҳукуматини ўрнатиш учун кураш олиб борган бўлсалар, жадидчилар маърифатни кўтариш, халқнинг сиёсий онгини ошириш ва жамият ҳаётида фаол иштирок қилишларини таъминлашга имконият яратиш учун ҳаракат қилдилар.

Жадидчилар ҳаракати XX аср бошларида Туркистонда кенг ёйилиши тасодифий ҳодиса эмас, балки ўлкада етилиб келган сиёсий ижтимоий-иқтисодий ва маданий-маърифий тараққиётнинг қонуний ифодаси бўлди.

Худди ана шу жиҳатлари билан ҳам жадидчилар ҳаракати фақат маърифатчилик ҳаракати эмас, балки сиёсий ғоялар ривожланишининг ўзига хос бўлган кўриниши ҳисобланади.

## **Америкада сиёсий фанлар- нинг пайдо бўлиши**

Политологиянинг жамият ҳаётидаги ўрни, фан сифатида унинг ўзига хос хусусиятларини, шаклланиш ва қарор топишини Америка Кўшма Штатлари мисолида аниқ тасаввур этиш мумкин, чунки ижтимоий-сиёсий билимнинг бу соҳаси бу ерда ўзининг тарихий анъаналарига ва илдизларига эга. Политологиянинг фан сифатида АҚШ да пайдо бўлиши ҳам тасодифий эмас. У кўпгина омиллар билаи боғлиқ. Жамият олдида турган назарий-услубий муаммолар политологияга эътиборни жалб этишни тақозо этади.

Америкада политологиянинг ривожланишини қўйидаги учта босқичга бўлиб кўрсатиш мумкин: 1. XIX асрнинг охиридан биринчи жаҳон урушигача бўлган давр. 2. Икки, яъни биринчи ва иккинчи жаҳон уруши ўртасидаги давр. 3. Иккинчи жаҳон урушидан кейинги даврдан ҳозиргacha бўлган давр. Биринчи давр политологиянинг Америкада қарор топиш даври ҳисобланади. Бу даврда Американинг йирик университетлари (Колумбия, Корнелл, Пельс, Гарвард, Гринстон в. б.) да олий мактаб ёки сиёсий фанлар бўлимлари ташкил этилди. Шундай мактаблардан бири Колумбия Университетида 1880 йилда ташкил этилган сиёсий фанлар мактабидир. Америка политологлари буни сиёсий фанларнинг маҳсус фан сифатида пайдо бўлиши деб ҳисоблайдилар.

Сиёсий фанлар, анъанавий давлат-ҳуқуқий фанларидан фарқли равишда, давлат ва жамият алоқадорлиги, давлат, ҳукумат ва бошқа сиёсий институтлар фаолиятининг таҳлилига эмперик ёндошувга алоҳида аҳамият бера бошлайди. АҚШ да худди шу мақсадда, 1906 йилда маҳаллий даражада, 1914 йилдан эса федерал даражада эмперик тадқиқотлар ўтказишга ихтисослашган марказлар ташкил этилади.

А. Бентли, В. Вильсон, Ф. Гуднау, Ч. Билд, Л. Лоуэлл, Г. Форд, А. Харт ва бошқаларнинг изланишлари натижасида, Америка политологиясида икки жаҳон уруши ўртасида муҳим ўзгаришлар амалга ошади. Бу Европада ва мамлакат сиёсий ҳаётидаги ўзгаришлар, айниқса, фашистик ва авторитар тартиботлар ўрнатилиши билан боғлиқ. Шунингдек, бу даврда америка политологиясини ижтимоий ва табиий-илмий билимларнинг бошқа соҳалари билан яқинлашганлигини ҳам кўрамиз. Бу алоқа, айниқса социологияда яққол сези-

лади. Масалан, Н. Андерсоннинг «Бродяга» (1923 й.), Л. Виртнинг «Гетто» (1928 й.) ёки Роберт Парк ва Эрнест Барджеснинг «Социологияга кириш» (1921 й.) асарлари чоп этилади.

Америка политологлари бу фан йўналишига алоҳида эътибор берадилар. Масалан, Ч. Мерриам ва Г. Госнелл «Овоз бермаслик: сабаблари ва назорат усуллари» (1924 й.) китобида сайловчиларнинг сайлов компанияси арафасидаги хулқ-атворларининг турли жиҳатларини тадқиқ этадилар. Улар сиёсий партияларга муносабат, сиёсий мафкуранинг айрим муаммолари-ни, жамоатчилик фикрини таҳлил этсалар, У. Липпман «Жамоатчилик фикри» (1922 й.) китобида индивидларнинг сиёсий хулқ-атворлари билан боғлиқ жиҳатлари шаклланишида тафаккур стериотипларининг ўрни ва ролини ўрганади.

Америка политологиясининг психология билан, хусусан Фромм, Уотсон, Миза, Холлуэлл, Янг, Скиннернинг З. Фрейд ғояларига таянган ҳолдаги изланишларини кўриш мумкин. Бунга Г. Лассуэлнинг «Психопатология ва сиёsat» асарини (1930 й.) алоҳида келтириш мумкин.

Урушдан кейинги йилларда америка политологиясида туб ўзгаришлар содир бўлди. Бихеовиоризм — сиёсий ҳаётни таҳлил этиш усули сифатида психология, социология ва политология фанининг усули сифатида қарор топди. Бу усулнинг муаллифи сифатида А. Бентли «Бошқариш жараёнлари» (1908 й.) асарида сиёсий жараёнларда манбаатдор гуруҳлар хулқ-атворини ўрганишда, биринчи навбатда, сиёсий фанларга аҳамият бериш керак деган ғоя билан чиқди. Кейинчалик бу фикр Ч. Мерриам ва Г. Лассуэл томонидан ривожлантирилди.

Бихеовиоризмнинг амал қилиш тамойиллари: а) музайян сиёсий мақсадларга эришиш учун инсонларнинг фаолияти; б) эмперик ва таҳлил этилган далилларга таяниш; в) аниқ фанлар усулларидан фойдаланишнинг зарурлиги; г) тадқиқотнинг илмийлигини асослаш мақсадида хулосаларни рад этиш, уларнинг сохталигини кўрсатишнинг мумкинлиги. Булар айрим шахс ёки гуруҳнинг хулқ-атворларини, сиёсий ҳаётдаги ўрнини ўрганишда муҳим аҳамиятга эга. Сиёсий таъсир кўрсатишида «гуруҳ» назарияси катта қизиқиш уйғотади. Ҳозирги даврда, Америка политологлари қўйидаги асосий:

1. Америка бошқаруви ва сиёsat.
2. Қиёсий сиёsat.

3. Халқаро муносабатлар ва жаҳон сиёсати. 4. Сиёсат назарияси ва фалсафаси. 5. Ижтимоий бошқарув ва сиёсат каби йўналишларда тадқиқот ишларини олиб бормоқдалар.

Политологиянинг шаклланишида Америка политологларидан Ч. Мерриам (1874—1953-й.), Г. Лассуэл (1902—1979-й.), Г. Моргентау (1904—1980-й.) ларнинг ўринларини алоҳида таъкидлаш лозим. Ч. Мерриам сиёсий қарашларида сиёсий фанларни амалиёт ва реал ҳаёт билан боғлаш, миқдорий таҳлилдан фойдаланиш, америка демократиясига қатъий ишонч ва уни инсоннинг табиий ҳолати билан тўла мос келадиган жамиятни сиёсий идора этиш шакли сифатида қарайди. Г.—Лассуэл эса, унинг шогирди сифатида, Америкада эътиборли сиёсатшунослардан бўлиб, сиёсатни тадқиқ этишнинг услубий муаммоларига, сиёсий руҳий таҳлил назариясига эътибор беради. З. Фрейдинг ёндошув ва усулларидан кенг фойдаланиб, сиёсатни таҳлил этишда уни тадбиқ этади. Лассуэл сиёсатчиларни уч турга: маъмурӣ, ташвиқотчи ва назариётчиларга ажратади. Унинг сиёсий қарашларида сиёсий ҳокимият ва унинг жамиятда тақсимланиши, сиёсий етакчининг ўрни ва роли, ташвиқот, оммавий ахборот воситаларининг ўрни, сиёсий хулқ-автор муаммолари асосий ўрин тутади. Г. Моргентау Прагматизм ва сиёсий реализм мактабининг намояндаларидан бирни сифатида ташки сиёсатнинг назарий масалаларини, миллий манфаат муаммоларини таҳлил этади.

**Францияда сиёсий фан** шакллана бошлаган, Бу шаклланиш конституцион ҳуқуқнинг сиёсийлаштирилиши, унга сиёсий масалаларнинг аста-секин кириб бориши, конституцион ҳуқуқнинг социология билан яқинлашиши ва боғланиши асосидаги ижобий йўналишнинг ривожлана бошлаши ҳамда айрим тадқиқотчиларнинг конституцион ҳуқуқ донрасидан чиқиши, сиёсий фанларнинг қарор топиб бориши жараёнларида ўз ифодасини топган. Бунда рус ҳуқуқшуноси, проф. М. Я. Острогорскийнинг «Демократия ва сиёсий партияларнинг ташкил топиши» номли асарининг 1903 йилда Францияда чоп этилиши ўзига хос жиддий туртки бўлган. Шундан кейин А. Зигфрид, М. Шеваль, М. Прело ва А. Сульеларнинг қонунчилик, ижро ва ижтимоий ҳокимиятнинг долзарб муаммолари-

га бағишланған асарлари чоп этилади. Айниқса, иккінчи жағон урушидан кейин, хусусан, 60—70-йилларда Франциялык Р. Арон, М. Дюверже асарларида сиёсий масалалар кенг таҳлил этила бошланды, сиёсий фанлар Францияга хос хусусиятлар билан бойитилди. Бу сиёсий институтлар ва муносабатлар, сайлов тизими ва сайловлар, ижтимоий бошқарув ва сиёсат каби соҳаларда яққол күрнінади. Масалан, М. Ориу институтлар назариясини сиёсий фикр тарихида биринчилардан бўлиб илгари сурди. Унинг фикрича, институт — бу аниқ ижтимоий муҳитда амалга ошириладиган муайян ғоядир. Бу ғояни амалга ошириш учун турли социал гурухларининг сиёсий органлари ва ҳуқуқларини ифодалаган ҳокимиятдан кенг фойдаланадилар. Ғояни амалга оширишдан манфаатдор бўлган турли социал гурух аъзолари ўртасида ўзаро муносабат бўлиб, улар ҳокимият органлари томонидан назорат қилинади ва муайян тартиб-қоидалар билан тартибга солиб турилади, деб ҳисоблайди. М. Прело эса, институтлар сиёсий фанларнинг энг ишончли таянч бўлаги ҳисобланади, деб қараган. М. Дюверже институт, инсонлар ўртасидаги муносабатнинг ўзига хос моделидир деган холосани беради.

Француз политологарининг эътиборини жалб этган кейинги муаммо сайлов тизими ва сайловлар ҳисобланади. Чунки институтлар у ёки бу даражада сайлов тизимига ва унинг ўзи кўп жиҳатдан сиёсий институтлар тузилишига мослашган бўлади. Шунингдек, ижтимоий бошқарув ва унинг сиёсий таҳлилига ҳам эътибор қаратилади. Ҳозирги Францияда давлат бошқарувининг кучайиши билан бирга ижтимоий ўз-ўзини бошқарувнинг кучайиши кузатилмоқда.

Раймон Арон (1905—1983 йй) Франция сиёсий ҳаёт이다 алоҳида ўрнига эга. Унинг «Инсон тиранларга қарши» (1946 й.), «Буюк парчаланиш» (1948 й.), «Демократия XX аср синовида», «Тинчлик ва миллатлар ўртасида уруш» (1962 й.), «Демократия ва тоталитаризм» (1965 й.), «Сиёсий тадқиқотлар» (1973 й.) в. б. асарларнда фалсафа, сиёсий назария ва сиёсий фанлар ўртасидаги муносабат, инсонлар гурухларининг сиёсий ва иносиёсий күрнишлари, сиёсий ҳокимият ва унинг жамиятда тақсимланиши, етакчининг шахсий мослиги, шунингдек, халқаро сиёсий назариялар таҳлил этилган.

М. Дюверже (1917 й) ўзининг: «Сиёсий фанлар ме-

тодлари» (1959 й), «Сиёсий режимлар» (1961 й), «Диктатура түғрисида» (1961 й), «Сиёсатга кириш» 1964 й), «Халқсиз демократия» (1967 й), «Республика монархияси» (1974 й) ва бошқа асарларида сиёсат билан боғлиқ бўлган муаммоларнинг назарий-услубий жиҳатларини, политологиянинг предметини, демократиянинг кўринишларини, сиёсий партиялар фаолиятини атрофлича таҳлил этган.

Юқорида келтирилган маълумотлар гарчи тўла бўлмаса ҳам хорижий давлатларда сиёсий фанларнинг ўз ўрнига эга эканлигини ҳамда жамият сиёсий ҳаётида муҳим назарий ва амалий аҳамиятга эга хулосалар билан ривожланиб бораётганлигини кўрсатади.

Турли мамлакат ҳалқлари сиёсатга турлли хил ёндошиши табиий. Шарқда, хусусан республикамизда сиёсатнинг моҳиятидан келиб чиқиб, уни инсон манфаатларига йўналтирган ҳолда сиёсат, сиёсий ҳокимият ва сиёсий тизимга мавҳум тарзда эмас, балки унга тизимиш ёндошиш мавжудлиги билан ажralиб туради.

Политология фани Ўзбекистонда бугунги кунда кўпроқ сиёсат фалсафаси таҳлилида кўринади. Бу кўп жиҳатдан ҳалқимизнинг менталитети билан боғлиқ. Бизда сиёсатга фалсафий ёндошиб, сиёсий масалаларни ҳал этишга ҳаракат қилиш тарихий-маданий, ахлоқий негизларга эга бўлса, Америкада бхиовиизм, яъни сиёсатни хулқ-автор билан боғлиқ ҳолда таҳлил этилган сиёсий қарашлар таркиб топганлигини, Германияда сиёсатнинг назарий масалаларини ўрганиш, Францияда сиёсат социологияси ва бошқа айрим давлатлар мисолида ҳам унинг аниқ ўзига хос жиҳатлари мавжудлигини кўрамиз.

Ўзбекистонда ҳам сиёсатга фалсафий-ахлоқий, диний, фуқаролик ва ижтимоий концепциялар асосида ёндошувлар билан бирга, уларнинг негизида фозил шаҳар ҳокими, комил инсон ғояси ва манфаатлари, инсоннинг маданий-маърифий ривожи, маънавияти жамоа ва шахс манфаатлари сиёсий ҳокимият ўртасидаги муносабатда уйғунлашиб, ҳокимиятга, ҳокимият бошлиғига катта ҳурмат билан қараш анъанаси мавжуд бўлганлиги билан ажralиб туради.

### ТАҚРОРЛАШ УЧУН САВОЛЛАР

1. XIX аср охири ва XX аср бошларида вужудга келган сиёсий қарашларнинг ўзига хос хусусиятлари нималардан иборат?

2. Марказий Осиё маърифатпарварларининг асосий ғоялари нималардан иборат?
3. Жадидчиларнинг асосий мақсадлари нималардан иборат бўлган?
4. Мустақиллик шароитида жадидчилик ҳаракатини ўрганишнинг аҳамиятини кўрсатинг.
5. Шарқдаги сиёсий ғоялар нимага таянади?
6. Политология фанининг қарор топишида АҚШ мутафаккирларининг ўрни нимадан иборат?
7. Политология ривожида Франциянинг қандай ўрни бор?
8. Узбекистонда сиёсий фанларнинг шаклланиши қандай хусусиятларга эга?

# ЖАМИЯТНИНГ СИЁСИЙ ҲАЁТИ

## З-мавзу

### СИЁСАТ ВА СИЁСИЙ ЖАРАЁНЛАР

**Сиёсат тушунчи  
часи ва моҳияти**

«Сиёсат» тушунчаси грекчада «политик» деган тушунча билан боғлиқ бўлиб, «давлат» ёки «ижтимоий иш» деган маънони англатади. Сиёсат жамиятда давлат ва ижтимоий муносабатларнинг ривожланиши жараёнлари билан боғлиқ бўлган ҳодисадир. Сиёсат жамият ҳаётининг барча жабҳаларини қамраб олиши билан бирга, унинг асослари иқтисод, маънавият билан узвий боғлиқ ҳолда таҳлил этилади.-Шу маънода «сиёсат» жамият сиёсий-ижтимоий, иқтисодий, маданий ҳаётининг умумлашган, интеграллашган ифодаси ҳисобланади. Сиёсатнинг жамият иқтисодий ҳаёти билан алоқаси мутлақ бўлмасдан, балки нисбий мустақил равишда жамият ҳаётининг барча бошқа жабҳалари билан ҳам муносабатда бўлади. Бунда иқтисоднинг устуворлигига асосланилади. Сиёсат жамият ҳаётига бевосита таъсир кўрсатади. Бундан фақат сиёсат жамият ҳаётини белгилайди, деган хулоса келиб чиқмайди. Сиёсат жамият ривожининг муҳим омили ҳисобланади ва жамиятнинг сиёсийлашуви, ундаги мавжуд сиёсий ҳокимиятнинг тузилиши, демократик жараёнларнинг характеристига таъсир кўрсатади. Давлат ҳокимиятининг марказлашуви мамлакатда тоталитар-сиёсий режимни ўрнатади. Сиёсат ижтимоий ҳодиса сифатида ўзининг узоқ давом этган тарихий йўлига эга. Унда «сиёсат», «сиёсий соҳалар» каби муҳим тушунчаларнинг муайян тизими мавжуд. Бу тушунчалар ҳар бир даврда ўзига хос мазмун касб этади. Жамият ҳаёти ҳақида сиёсий назария, сиёсий таълимот ва сиёсий ҳаёт модели шаклланади. Сиёсатнинг жараён сифатида мустақиллиги шундан иборатки-

у жамият ҳәётининг ички хусусиятлари билан боғлиқ равишда унинг йўналишида, ривожланиш йўли, кўлами, табиати ва ниҳоят, мақсадларида ўз аксини топади. Шу маънода «ижтимоий сиёсат», «иқтисодий сиёсат», «маданий сиёсат», «миллий сиёсат», «хуқуқий сиёсат», «агар сиёсат», «ҳарбий сиёсат», «кадрлар сиёсати», «экологик сиёсат» ва ҳ. к. сиёсат йўналишларини фарқлаш мумкин. Улар ўз навбатида, ўзининг ички хусусиятларига эга бўлиб, пировардида сиёсатнинг субъекти — давлатнинг ҳокимият шакли, тизими ташқи сиёсатнинг табиати ва мақсадлари билан ўзаро боғлиқ бўлади. У жамиятнинг сиёсий негизи билан ҳам боғлиқ бўлиб, сиёсатнинг табиатини белгилайди. Сиёсат кўринишларининг ўзаро алоқаси ва таъсири сиёсий жараёнларда намоён бўлади. Сиёсий жараёнлар — муайян давлат, партиялар, сиёсий ташкилотлар ёки ҳаракатлар, жамоа ташкилотлари томонидан мамлакат ички ва ташқи алоқалари заминида турли ижтимоий гуруҳлар билан ҳокимият ўртасидаги муносабатларда уларнинг манфаатларини ифодалаш, ҳимоя қилиш борасида кечадиган муносабатлардир.

Сиёсат айrim шахс манфаатидан кенг доирани қамраб олади. Унда биринчидан, гуруҳлар, мамлакатлар ва инсоният тақдирни билан боғлиқ бўлган манфаатлар тизими, алоқадорлиги ўз ифодасини топади, иккинчидан, сиёсат муайян давлат фаолияти, вазифалари, унинг шакли, жамият сиёсий тизими билан боғлиқ бўлиб, давлат ҳокимияти. қабул қилинган қонунлар, уларнинг ўзгариши орқали намоён бўлиб боради, учинчидан, сиёсат муайян ижтимоий гуруҳ, халқ оммаси билан боғлиқ бўлади. Улар билан муайян сиёсий институтлар орқали фаолиятда бўлади, мақсад ва манфаатлар ҳал этилади.

Демак, сиёсат хусусий ва умум масалалар, давлат билан ижтимоий гуруҳлар фаолияти ҳамда аниқ мақсадга йўналтирилган онгли фаолият билан узвий алоқада содир бўлади, таъсир кўрсатиш ва ҳокимиятга эга бўлиш хусусиятига эга бўлади.

Шу нуқтаи назардан ёндошганда, сиёсат инсонларнинг муайян катта оммасининг, ташкилий уюшган ижтимоий гуруҳларнинг давлат ишларида ва жамият ҳәётига дахлдор бўлган муаммоларни ҳал этишга қаратилган иштирокидир.

Сиёсат жамиятдаги жараёнлар билан узвий боғлиқ

равищда муайян қонуниятларга эга. Уни ҳисобга олиш тұғри сиёсат олиб борищда муҳим үрин тутади.

Сиёсий жараёнлар сиёсий муносабатлардан фарқ қылсада, сиёсий муносабатлар сиёсий жараёнлар билан узвий боғлиқdir. Шунинг билан бирга сиёсий муносабатлар жамият тузилишида ва бошқаришда ижтимоий гурухлар, шахслар, сиёсий институтлар үртасидаги үзаро алоқадорликни ifодалайди. Сиёсий жараёнлар ва сиёсий муносабатлар давлат ҳокимияти, мавжуд сиёсий тартиб, тизим ва йұналишлар асосида амалга ошади. Бұи сиёсий жараёнлар ва сиёсий муносабатларнинг муайян иерархия ва субординацияси бўлишини тақозо этади.

Сиёсий жараёнлар ва сиёсий муносабатларнинг амалга ошувида унинг объекти ва субъекти үртасидаги муносабати муҳим үрин тутади. Сиёсий муносабатларнинг иштирокчилари сиёсий фаолиятни ташувчиси сифатида сиёсатнинг субъекти ҳисбландади. Бошқалария эса сиёсатнинг объективини ташкил қиласы.

Сиёсий жараёнларда ихтилофлар ижтимоий ҳаётнинг ички зиддиятлари, сиёсатни амалга оширишга қаратилған хатты-харакатлар, күрсатма ва тавсиялар билан турли ижтимоий гурухларнинг манфаатлари үртасидаги, шунингдек, сиёсатнинг субъекти давлат, сиёсий партиялар, сиёсий уюшма ва жамиятлар үртасидаги манфаатларнинг номувофиқликларидан келиб чиқади. Сиёсат бундай зиддиятнинг келиб чиқиши сабабининг олдини олиши, мамлакат ақолисининг турли ижтимоий гурухлари, табақалари ва қатламларининг манфаатларини үйғунлаштириши зарур. Сиёсат үз мақсадларига кўра адолатли, халқпарвар ва одил бўлса, жамият аъзоларининг, турли гуруҳ манфаатларини үйғун ҳолда тұғри акс эттирса — жамиятда муайян тартиб, осойишталик, бир бутунлик ва яқдиллик, барқарорлик таъминланади. Сиёсат шу маънода «бирга яшаш санъатидир». Агар сиёсат ижтимоий адолатни таъминлашга қаратилмаса, у жамиятни бошқаришда манфаатлар фақат айрим гуруҳ ёки синф манфаатларига бўйсундирилса, инсон манфаатлари четда қолса, мамлакатда ижтимоий бўхронлар, тартибсизликлар, ҳуқуқбузарликлар кучаяди. Демократия топталади. Турли ижтимоий гурухлар сиёсатдан четлашиб боради. Шунинг учун сиёсатнинг асосида ётган ғоялар ҳам соғлом/бўлиши зарур. Бугунги истиқлол носоғлом марксистик ғоялар-

ни инкор этганлиги тасодифий эмас. Сиёсат давлатнинг ички табиатидан келиб чиқади ва у билан уйғун ҳолатда бўлади. Агар давлатда фаолият қилувчи масъул шахсларнинг умумий маданияти, хусусан, ахлоқий, ҳуқуқий ва сиёсий маданиятлари паст бўлса, улар ўз шахсий манфаатларини ўйласа, жалқ, мамлакат таҳдирига ҳоқайдлик билан қарашса — улар олиб бораётган сиёсат ҳам лоқайд, адолатсиз бўлади. Сиёсатни демократик, ҳалқпарвар бўлиши кўп жиҳатлари билан уни юргизувчи, ташкил этувчи ва ишлаб чиқувчи шахснинг сиёсий маънавий фазилатларига, амал қиласидаган меъёрларига боғлиқ. Шунинг учун ҳам Шарқда унга алоҳида талаблар қўйилган. Кўпгина фазилатлар талаб этилганки, буни Абу Наср Форобий, соҳибқирон Амир Темур сиёсий қарашлари орқали аниқ билиш мумкин.

Сиёсатнинг таъсирчанлиги ва қадриятли бўлиши кўп жиҳатдан унинг илм-фанга қанчалик боғлиқ эканлигига, дунё сиёсий тажрибаси, дунёвий давлат қуриш ютуқларини қай даражада уйғун тарзда ҳисобга олишига боғлиқдир. Чунки сиёсат раҳбардан юксак маданият талаб этади. Фан ютуқларидан бехабар, жоҳил, такаббур бўлган сиёсий етакчи мамлакатни ҳалқпарварлик, адолат билан бошқара олмайди.

Соҳибқирон Амир Темур ҳам ўз салтанатини бошқаришда олиму-фозил кишиларга, илм-маърифат соҳибларига таянган, уларга иззат-икром кўрсатган. Амир Темур салтанатини жаҳон миқёсида обрў ва шухрат қозонишида соҳибқирон олиб борган адолатли сиёсат катта роль ўйнаган. Буюк соҳибқирон адолатли сиёсат йўлида ҳатто ўз ўғилларини ҳам аямаган, адолат юзасидангина уларга баҳо берган. «Куч адолатдадир» деган тамойили соҳибқирон Темурнинг давлат сиёсатининг асосий шиори ҳисобланган.

Адолатли сиёсат барча тарихий босқичларда тараққиётнинг бош омили бўлиб келган. Адолатсиз сиёсат эса жамият аъзоларида давлат ва давлат ҳокимиятига нисбатан норозилик, ишончсизлик туғдиради. Бу эса ўз навбатида, ижтимоий нотинчлик ва парокандалик ҳолатларини келтириб чиқаради.

**Давлатнинг ички** сиёсат алоҳида ўрин тутади. **Давлатва ташқи сиёсати** нинг сиёсати жамиятнинг ички тузуми, табиати билан боғлиқ. Ташқи сиёсат ички сиёсат билан узвий боғлиқ бўлади. Масалан, давлат ички сиё-

сатида реакцион, инсон ҳуқуқ ва эркинликларини чеклаш, поймол этиш сиёсатини юргизган ҳолда ташқи сиёсатида тараққийпарвар ва адолатли сиёсат олиб бора олмайди. Ташқи сиёсат ички сиёсат ва унинг хусусиятларини акс эттиради.

Ички ва ташқи сиёсатдан сиёсий жараён йўналишлари фарқ қиласди. Ички ва ташқи сиёсат аниқ йўналишлар орқали намоён бўлади. Мазкур йўналишлар ўз навбатида, ташқи сиёсатнинг табиатини ва асосий тамойилларини ифодалайди. Сиёсатнинг асосий йўналишлари жамият сиёсий ҳаётининг тўлақонлигини, бир бутунлигини ва барқарорлигини таъминлайди.

**Сиёсатнинг соҳалари** Сиёсат турли соҳаларни ўз ичига олади. Унинг асосий йўналишлари:  
а) иқтисодий сиёсат; б) ижтимоий сиёсат; в) маданий соҳадаги сиёсат, г) маърифий ёки маориф сиёсати, д) ҳуқуқий сиёсат, е) демографик сиёсат; ж) миллий сиёсат; з) экологик сиёсат; и) кадрлар сиёсати ва ҳоказоларда ўз аксини топади.

**Иқтисодий сиёсат** — бу жамиятнинг сиёсий тизимининг бош бўғини саналмиш давлат томонидан мамлакат иқтисодий негизини, моддий асосини замон талаблари, жамият аъзолари, ҳуқуқ ва эркинликларига мувофиқ олиб борадиган ташкилий бошқарув ва тақсимот йўналишида бўладиган муносабатлардир.

Иқтисодий сиёсат давлат ички сиёсатининг муайян йўналиши ҳисобланади. Иқтисодий сиёсат жамият моддий асоси сифатида жамият маънавий ҳаётига, устқур масига, сиёсий тартиботларга, пировардида, сиёсатга фаол таъсир кўрсатади. Иқтисодий сиёсат давлат сиёсатининг етакчи соҳаларидан бири тарзида намоён бўлади. Масалан, Ўзбекистоннинг иқтисодий негизи мулкнинг хилма-хиллигига асосланади ҳамда ижтимоий, маданий, маърифий, ҳуқуқий, миллий сиёсат соҳаларига ҳам таъсир этади. Масалан, иқтисодий сиёсатни ҳисобга олмай туриб ижтимоий сиёсатни юргизиш мумкин эмас.

Мамлакатимизда иқтисодий ислоҳотларни чуқурлаштириш жараёнида бозор муносабатларига ўтиш шароитларида кучли ижтимоий сиёсат, яъни аҳолининг кам таъминланган табақаларини ҳимоялаш, уларга айрим имтиёзлар, янгиликлар яратиш сиёсати амалга оширилмоқда. Иқтисодий сиёсатни халқ, жамият, мил-

лат эҳтиёжларидан узилган ҳолда олиб бориб бўлмайди. Ҳуқуқий, демократик давлат иқтисодий сиёсатни халқ манфаатлари асосида ташкил этади ва олиб боради. Шунинг учун иқтисод сиёсатга нисбатан жамият ривожида устувор йўналишлардан бири ҳисобланади.

**Ижтимоий сиёсат** Ижтимоий сиёсат — жамиятда мавжуд турли ижтимоий гуруҳлар, аҳолини моддий ва маънавий турмуш даражасини, унинг кам даромадли қатламларининг ижтимоий ҳолатини ҳисобга олиб юритилувчи сиёсатdir. Нафақаҳўрлар, ногирон фуқаролар, етим-есирлар, уруш ва меҳнат фахрийлари, талабалар ва ҳ.к. тоифадаги шахслар ижтимоий сиёсатнинг субъектлари ҳисобланади. Ижтимоий сиёсат ҳар қандай давлат сиёсатининг ажралмас қисмидир. Бироқ ижтимоий сиёсат ҳамма давлатларда ҳам адолатли юритилавермайди. Ижтимоий сиёсатни адолатли ва инсонпарвар бўлишлиги давлат ҳокимиятининг табиатига боғлиқ бўлади. Агар давлат сиёсати амалда халқпарвар ва инсонпарвар бўлса, сиёсий жараёнлар ҳам шунга монанд бўлади. Ижтимоий сиёсат, айниқса жамият янги сиёсий, иқтисодий негизларга ўтганда бениҳоят ортиб боради. Чунки бу шароитда мулкчилик шакллари, жамиятнинг иқтисодий негизи тубдан ўзгаради. Бунинг натижасида умри тугаган режали иқтисодий сиёсат ўз ўрнини янгича иқтисодий сиёсатга бўшатиб беради. Бу жараён текис ва осон кечмайди. Аҳолининг, айниқса моддий жиҳатдан қийналган, ижтимоий ишлаб чиқариш жараёнларида қатнаша олмайдиган, давлат бюджетига қарам қатламларини ҳимоя этиш муҳим сиёсий аҳамият касб этади. Шунинг учун бундай шароитда кучли ва адолатли ижтимоий сиёсатга эҳтиёж ортади.

Мустақил Ўзбекистон шароитида кучли ижтимоий сиёсат юргизиш вақт ва тарих тақозосидир. Иқтисодий ислоҳотларни амалга оширишнинг асосий тамойилларидан бири айнан кучли ижтимоий йўналтирилган иқтисодий сиёсатdir. Президент И. Каримов ўзбек халқининг миллий руҳиятини, аҳолининг аксарият қисми бозор муносабатларининг шафқатсиз қонунлари таъсири остида моддий талофот кўриши мумкинлигини ҳисобга олиб, кучли ижтимоий ҳимояяга асосланган сиёсат ҳақидаги тамойилини илгари сурди. Бу тамойил ҳаётий эканлигини мамлакатимизнинг бозор муносабатларига ўтишининг биринчи босқичи яққол исботла-

ди. Мамлакатдаги осойишталик, барқарорликнинг асосий сабабларидан бири ҳам айнан аҳолининг кам таъминланган қатламларини ҳимоя қилишга қаратилган ижтимоий сиёсатdir.

**Маданий соҳадаги сиёсат** Маданий сиёсат мамлакатни умуминсоний ва миллий қадриятлари асосида тараққий эттиришга қаратилган давлат сиёсатидир. Бу маданий сиёсатнинг ўзагини ифодалайди. Дарҳақиқат, маданий сиёсат ҳар бир миллат, элат, халқнинг хусусиятларини ҳисобга олади. Маданий сиёсат бирёзламаликка, миллатчиликка, миллий манманликка, такаббурлик ва ниҳоят уларнинг сиёсий кўриниши бўлмиш шовинизм, фашизм ва ирқчилик каби ҳолатларга йўл қўймаслиги зарур. Мустақил Ўзбекистон бугун жаҳонга юз тутмоқда. Мамлакатимизнинг маданий соҳадаги сиёсати жаҳон халқлари билан ўзаро маданий ҳамкорлик асосида, жаҳон ҳамжамияти маданий ҳаётига тенг ҳуқуқли давлат ва халқ тарзида кириб бориш ва муносаб ўрин эгаллаш сиёсатидир. Ўзбекистон жаҳон маданий ҳаётига ўзининг бетакрор миллий маданияти, бой маданий мероси ва жаҳон маданияти тарихида қўшган улкан ҳиссаси борлиги билан ажralиб туради.

Ўзбекистон давлати бу борада улкан яратувчанлик ишларини олиб бормоқда. Бир вақтлар «маданиятсиз», «қолоқ», «саводсиз» дейилган Туркистон ўлкасини, халқимизни бой маданий меросларимиз, буюк маданият арబблари ва уларнинг умумжаҳон аҳамиятига молик асарлари билан таништириш, бу маданиятдан жаҳон халқларини ҳам баҳраманд қилиш, уни синфиийлик таомойилидан халос этиш давлатимиз сиёсатининг бош йўлидир. Бу йўлда мустақилликка эришганимиздан буён салмоқли ишлар ҳам қилинди. Харобага айланган қадимий ёдгорликлар, муқаддас ҳисобланган иншоотлар, буюк зотлар, уларнинг номлари ва ишлари билан боғлиқ бўлган жойлар ободонлаштирилди, таъмирланди ва тикланди. Соҳибқирон Амир Темур, имом-Исмоил ал-Бухорий, Баҳоуддин Нақшбанд, Аҳмад Яссавий ва бошқа шахслар номлари тикланди, асарлари чоп этилди. Бой маданий меросимиз билан жаҳон ҳамжамияти ҳам таништирилди. Энг муҳими халқимизни, ёш авлодни миллий ўзлигини англаш, миллий фурур, миллий ор-номус ва шаън каби юксак маънавий руҳда тарбиялашга қаратилган маданий сиёсат олиб

Борилмоқда. Бундай сиёсат ватанпарварлик, ўтмиш аждодларга муҳаббат ва энг муҳими авлодлар ўртасидаги тарихий ворисликни тикланишига кўмаклашади.

**Халқ таълими** Мустақилликни мустаҳкамлашда ва янги жамият қуриш вазифаларини сиёсати амалга оширишда халқ таълими сиёсати муҳим омил ҳисобланади. Бусиз фуқароларнинг умум маданият даражасини ошириш мумкин эмас. Ўзбекистоннинг жаҳон ҳамжамиятидаги ўрни ва буюк келажаги ҳам а\*\*нан маорифни ривожлантириш орқалигина амалга ошиши мумкин. Чунки маориф халқнинг, мамлакатнинг тараққиёт кўзгусидир.

Маориф ривожлантирилмаса, унга етарли эътибор берилмаса, мамлакат жаҳон ҳамжамияти маданий, илмий ва техникавий тараққиётидан орқада қолади. Халқ таълими сиёсати деганда, маориф ёки давлат томонидан миллий хусусиятлардан келиб чиқсан холда умумжаҳон илми, техникаси ва маданияти ва ҳозирги замон ютуқлари асосида аҳолига, айниқса ёш авлодга илм-фан сирларини ўргатиш, илфор таълим ва тарбия ютуқларига эришишга қаратилган давлат сиёсати назарда тутилади. Маориф жамият иқтисодий, сиёсий, маданий ва илмий техникавий тараққиётida муҳим омилдир.

Бир жамиятдан иккинчи бир жамиятга ўтиш даврларида у ислоҳотларни тақозо этади. Унинг сабаби таълим тизимининг мафкуравий негизлари ўзгаради ва ўз навбатида, маориф соҳаси ҳам ўзида давлат сиёсатининг (миллий, иқтисодий, ҳуқуқий, маданий ва ҳ.к.) соҳалардаги ўзгаришларини акс эттиради.

Маориф соҳасидаги сиёсат ҳамма вақт ҳам давлатнинг диққатида бўлади. Бунга сабаб мамлакат иқтисодий ҳаётида содир бўладиган туб ўзгаришлар, уларни амалга ошириш вазифасининг давлат учун биринчи галдаги вазифа даражасига айланишидир. Бунинг натижасида маориф соҳасидаги ислоҳотлар иқтисодий ислоҳотлардан ортда қолиши мумкин эмас. Уни уйғун ҳолда олиб бориш муҳимдир. Маориф барча ислоҳотларнинг тақдирини белгиловчи соҳа бўлганлиги сабабли давлат сиёсатида унга алоҳида эътибор берилмоқда, бу соҳага доир илмий замонавий ва мунтазам сиёсатни ишлаб чиқиш ва ҳаётга тадбиқ этиш муҳим. Ўзбекистонда давлатнинг таълим тўғрисидаги Қонун (1997) ва миллий кадрлар тайёрлаш дастурининг қабул қи-

## 5-мавзу

### СИЕСИЙ ҲОКИМИЯТ

Политологияда «ҳокимият» тушунчаси сиёсий институтлар, ҳаракатлар ҳамда сиёсатнинг моҳиятини тушуниб олишда муҳим ўрин тутади. Ҳокимият ва унинг хусусияти ижтимоий муносабатларга, сиёсат ва сиёсий муносабатларга бевосита таъсир кўрсатади.

Ҳокимият тушунчаси «Ҳокимият» нисбатан кенгроқ тушунча бўлиб, турли фан соҳалари уни турлича талқин этадилар. Масалан, табиатшунослар «табиат устидан ҳокимият», философлар «жамият қонунлари устидан ҳокимият», социологлар «ижтимоий ҳокимият», партиялар «ўз ҳокимияти», педагоглар «оилавий ҳокимият», психологлар «инсоннинг ўз ҳокимияти» тўғрисида фикр билдирадилар.

Политологияда кўпроқ ҳокимиятнинг биологик, антропологик, психологик, социологик ва фалсафий талқини ишлатилади ва ҳокимият тушунчаси орқали турли субъектларнинг бир-бирига сиёсий таъсири назарда тутилади. Маълумки, адабиётларда «ҳокимият» тушунчасига турли хил ёндашиш мавжуд. Булар бихсиористик, илоҳий, инструментал, структуралы, функционал ва конфитология каби нуқтаи назарларда ўз ифодасини топган.

Ҳокимият муаммолари ҳозирги замон фарб политологарининг ҳам диққат марказида турибди. Ҳокимият назариясининг ишлаб чиқилишига В. Парето, Г. Моска, Р. Михельс ва бошқалар ҳам сезиларли ҳисса қўшдилар. Айниқса, М. Вебер катта ҳисса қўшди. У ҳокимиятнинг мазкур ижтимоий муносабатлар ичida ўз ифодасини ҳар қандай имкониятлар асосида амалга оширишини тушунган.

Ҳокимият назариясини ишлаб чиқишга бўлган қизиқиши бугунги кунда ҳам давом этмоқда. Бунинг асосий сабаби, инсоният тараққиёти қайси даражага кўтарилса ҳам ҳокимиятнинг моҳияти ва мақоми такомиллашиши мумкин, аммо батамом барҳам топиши муаммолигича қолиб келмоқда.

Ҳокимият ўз моҳияти ва мақомига кўра раҳбарлик ва ҳукмронлик қилиш муносабатларини ифода эттирувчи тушунчадир.

Политологияда сиёсий ҳокимият асосий мавзу ҳи-собланади.

## **Сиёсий ҳокимият тушунчаси ва унинг тузилиши**

муносабатларни амалга ошира олиш қобилиятининг ўзига хос шаклидир. Сиёсий ҳокимият ижтимоий гуруҳларро муносабатга эгалик қилиш ва уларга ўз таъсирини ўтказишдир. Ижтимоий тараққиёт мазкур мураккаб ҳодиса тушунчасига жиддий тузатишлар киритди. Бунда сиёсий ҳокимият ва ижтимоий ҳаётнинг вужудга келиши ва намоён бўлиши манбасини ҳар хил тушунишни аниқ қузатиш мумкин.

«Сиёсий ҳокимият» тушунчасини фуқаролик ва сиёсий жамият алоқадорлигида кўрилса, унинг муҳим жihatлари аниқ намоён бўлади.

Сиёсий ҳокимиятнинг асосий белгилари қўйидагилардан иборат: биринчидан, ҳукмронлик муносабатларининг субъекти ва объектининг мавжудлиги, иккинчидан ҳокимиятни амалга оширувчининг фаолияти, учинчидан, бўйсундиришни амалга оширувчи механизм, тўртинчидан, ҳокимият субъекти салоҳиятларини мустаҳкамлаб қўядиган нормалар.

Сиёсий ҳокимиятнинг мавжудлиги унинг соҳибига ижтимоий муҳим мақсадларини аниқлаш, ижтимоий мажароларни ҳал қилиш, қарорлар қабул қилиш имкониятини беради. Сиёсий ҳокимиятнинг асосий вазифалари қўйидагилардан иборат: қонунлар чиқариш, бошқариш ва уни ташкил қилиш, назорат ўрнатиш, бир ижтимоий гуруҳларнинг бошқалар устидан мутлоқ ёки нисбатан ҳокимиятга эгалиги билан боғлиқ.

Сиёсий ҳокимиятни амалга ошириш ҳукмронлик, раҳбарлик, бошқариш, мувофиқлаштириш, ташкилотчилик ва назорат қилиш шаклларида намоён бўлади.

Ҳокимиятни бошқариш ҳам тарихий тараққиётнинг турли босқичларида ҳар хил шаклларда бўлиши мумкин. Бу давлатларнинг ривожланиш даражалари, улардаги мавжуд тузум, фуқаро ва давлат ўртасидаги муносабатлари билан боғлиқ бўлади.

Ҳокимиятни бошқариш унинг қайси шаклда бўлиши билан эмас, балки унинг фуқаролар манфаатларини ифода эттириш ва ҳимоя қилишдаги мазмуни билан белгиланади.

Бугунгача жаҳон мамлакатларида сиёсий ҳокимият-

ни амалга ошириш тажрибалари кўрсатадики, у икки монархия ва республика шаклида бўлиши мумкин.

Монархия ҳокимиятнинг якка бир киши томонидан бошқариладиган шакли бўлиб, у ҳам икки, яъни бошқарувчининг ҳуқуқлари конституция билан чеклаб қўйилиши (конституцион монархия) ёки унинг ҳуқуқлари чекланмаган (мутлақ монархия) кўринишларида намоён бўлиши мумкин. Бугунги кунда ҳокимиятни бошқаришнинг бу шаклига бир қатор давлатларда амал қилинмоқда.

Республика — ҳокимиятни сайлов асосида бошқаришнинг шакли ҳисобланади. Бу шаклда давлат бошлиқларини сайлаб қўйиш, давлатнинг қонун чиқарувчи ҳокимияти ҳам фуқаролар томонидан сайлаб қўйилади ва бу демократик тартиботларнинг ривожланиб боришида ижобий рол ўйнайди. Аммо бошқаришининг республика шакли ҳам аристократик ёки демократик йўналишда бўлиши мумкин. Аристократик кўринишида демократия чекланган бўлиб, ҳокимият идораларига бўладиган сайловларда фақат аслзода ва бойлар иштирок қилиши таъминланган бўлади. Демократик кўринишида сайловда аҳолининг барча қатламларининг иштирок қилиши қонун билан кафолатланган бўлади. Ҳокимиятни бошқаришнинг демократик қадриятларга асосланган шакли бугунги кунда кенг ривожланиб бормоқда.

Сиёсий ҳокимият билан бошқаришнинг, жамиятни бошқаринининг ўртасида ўзаро муносабат бўлади. Албатта, бошқарувсан ҳокимият амалда бўлмаганидек, сиёсий ҳокимиятсиз тўлақонли бошқарув ҳам бўлиши мумкин эмас.

Бошқарув сиёсий ҳокимиятга нисбатан кенгроқ. Сиёсий ҳокимият бошқарувнинг таркибий қисми, бошқарув кучининг манбаидир.

Сиёсий ҳокимият ижтимоий ҳодиса тарзида оддий таъсир этишга, нисбатан унинг ҳукмронлик қилиш иродаси устунроқ бўлган жамиятнинг ички тузилишига хос фазилатdir.

Жамиятни бошқариш ва ташкил қилиш орқали сиёсий, иқтисодий ва бошқа дастурлар амалга оширилади. Бошқариш бу ҳокимият салоҳиятларини бошқарув объектларининг аниқ бир мақсадга йўналтирилган қоидаларини шакллантиришдан иборатdir. Бошқариш объектларни (мехнат жамоалари, синфлар, миллатлар, туман

аҳоли ва ҳ.к.) бир-бирига энг мақбул таъсир этишлари ни таъминлаб туриши лозим. Раҳбар ва бошқариш түшунчаларини бир-биридан фарқлаш нафақат назарий, балки амалий аҳамиятга ҳам әгадир. Масалага бундай ёндашиш сиёсий тизимнинг турли бўғинлари орасида ҳуқуқ ва мажбуриятларни тұғри тақсимлаш имконларини беради.

Бошқарувчилар билан бошқарилувчи ўртасидаги муносабат ҳар қандай цивилизациялашган жамиятга хосдир. Вақт ўтиб бориши билан бошқариш функциялари соддалашиб қолмайди, чунки ижтимоий ҳаёт ва ишлаб чиқарыш фаолияти узлуксиз такомиллашиб боради. Шунинг учун бошқаришга банд бўлган кишиларга нисбатан профессионал, психологик, маънавий ва бошқа сифатлар нуқтаи назаридан бўлган талаб борган сари ошиб бораверади. Ўз даврида америкалик политолог Гайт Милес бошқаришнинг ривожланиш жараёнини тасниф қилас әкан, бошқариш вазифаларини амалга оширадиган «сиёсий элита» танлаб олинган гуруҳлар тұғрисидаги тушунчаларга асосланади. Уларнинг эгалик қилиш асосини бойлик ва мулк эмас, аксинча сиёсий ҳокимият ташкил қиласиди. «Сиёсий элита» вакиллари сиёсий фаолиятда ютуққа эришиш мақсадида баъзан жорий моддий аҳволларида ютқазиб қўйишлари ҳам мумкин. Аммо уларнинг мазкур ижтимоий тоифага мансуб эканлиги уларга қонуний ва кафолатланган жиддий имтиёзлар беради. Собиқ «коммунистик» номенклатура эса, аксинча ташаббуссиз, содиқлик, юқорининг буйруқлари итоаткорларига асосланган эди. Номенклатурага кириш назорати анча жиддий бўлиб, марказ манфаатларига бўйсундирилган эди.

Мамлакатимизда сиёсий мустақилликка эга бўлиш, сиёсий жамият ва дунёвий давлат қурилиши анъаналарини ҳисобга олган ҳолда, фуқаролик ва сиёсий жамият муносабатлари бой давлатчилик тарихимиз, миллый анъаналаримиз асосида, унга таянган ҳолда амалга оширилмоқда.

Бугунги кунда Ўзбекистонда давлат ҳокимиятининг қонун чиқарувчи, ижро қилувчи ва суд ҳокимияти турлари вужудга келганилиги фуқаровий жамиятни шакллантириш учун кенг имкониятларнинг яратилишига ўзининг ижобий таъсирини кўрсатмоқда. Давлат ҳокимиятининг бундай бўлиниши фуқароларнинг сиёсий ҳокимиятни бошқаришда фаоллигини оширади, уларнинг

ҳар бири ўзининг қонунда белгиланган вазифалари-ни бажариши ҳокимиятнинг бошқарув, ижро ва раҳбарлик қилиш механизмларининг барқарор ишлшини таъминлайди.

**Ҳокимият ва  
сиёсий  
манфаатлар**

Жамият сиёсий манфаатлар билан узбий боғлиқ бўлади. Манфаат инсон ёки турли гуруҳларнинг ҳар қандай кўринишидаги фаолиятини ишга солади. Бу ҳокимият вазифасини бажаришга дахлдор, зеро бундай кўпчилик ижтимоий гуруҳлар манфаати ва эҳтиёжларини уйғулаштиришни тақозо этади. Бундай бўлиши табиий ҳолдир, чунки мазкур ижтимоий гуруҳлар манфаатларининг турли хил бўлиши сабаблари уларнинг ишлаб чиқаришда, умуман, жамиятда ўрни бир хил эмаслигидадир. Сиёсий манфаатлар жамиятнинг объектив имкониятларини маълум меъёрда тарихий шароитларга боғлиқ ҳолда қондириш ҳаракатларига турткни бўлади. Турли ижтимоий гуруҳларнинг манфаатларини уйғун ҳолда амалга ошириш эса ҳокимиятнинг вазифасидир. Гурухий манфаатлар орасидан сиёсий ҳокимиятга энг кўйи таъсир этадиган манфаатларни ажратиб олиш жоиздир. Улар жумласига кишиларнинг тарихан турли ижтимоий бирликлари, синфлар, ижтимоий тоифалар, гуруҳлар манфаатлари; миллий ва этник манфаатлар, оила манфаатлари, ижтимоий гуруҳларнинг турмуш тарзлари, меҳнат фазлиятлари (жинслари ва ёшларининг хусусиятларига боғлиқ), демократик гуруҳлар манфаатлари, диний гуруҳлар манфаатлари, умуминсоний, она заминимизда яшаш шароитларини сақлаш ва бошқа манфаатлар. Сиёсий манфаатлар, жамиятнинг сиёсий тузуми, унинг ижтимоий-иқтисодий, сиёсий-маданий ҳамда давлатлараро муносабатлари билан узвий боғлиқ ҳолда намоён бўлади, чунки XX асрнинг охирига келиб инсониятни жаҳон ҳамжамиятияга бирлашиш имконияти юзага чиқди ва у жаҳонда инсониятнинг умуммандгаатлар атрофига бирлашишларига интилишларини кучайтиromoқда.

Бугунги кунда мамлакатлар ва халқлар ер шарини қамраб олган муаммоларни ҳал қилиш учун бутун кучни ишга солиш зарурлигини тобора кўпроқ англаб етмоқдалар. Зеро, инсониятнинг тақдири ердаги ҳаёт муаммоларини ҳал қилинишига боғлиқ бўлиб қолди. Бу умуминсоний манфаатларнинг синфиий ва бошқа гурухий

манфаатлардан амалда устувор эканлигини ҳаётнинг ўзи, сиёсий ривожланиш жараёни кўрсатиб турибди.

**Ҳокимиятни амалга ошириши механизми** Ҳокимиятни амалга ошириш механизми ҳар хил бўлиб, ҳокимиятнинг ҳар бир тури жамият билан алоқасининг аниқ механизмига ва уни амалга оширадиган ўз усулига эгадир.

Тоталитар жамият сиёсий ҳокимиятнинг якка ҳокимлигига зўравонлик ва синфиийлик тамойилига асосланиши маъмурий-буйруқбозлиқ, фуқаролар эркинлиги поймол этилганлиги билан характерланади. Кишиларнинг барча ҳаётий фаолиятлари давлат томонидан қатъий белгилаб қўйилган бўлади. Бунинг устига кишилар фаолияти назорат қилинади. Жамиятга бўйсунишнинг юқоридан пастга йўналтирилган қатъий тизими амал қилади. Кишиларнинг фуқаровий жамиятга хос бўлган қадриятларининг барча шакллари бузилади.

Сиёсий ҳокимият барча даражада (одатда бир киши ёки ҳукмрон табақаларга тегишли бир нечта кишилардан) ёпиқ яширин шакллантирилади.

Истиқболда бундай ҳокимият инқирозга юз тутади. Тоталитар ҳокимият якка диктатор фаолиятида мужас-самлашади.

Авторитар ҳокимият бир кишининг ёки маълум гурухнинг қўлида тўпланади. Мабодо сиёсий манфаатлар тўқнашуви оқибатида авторитар ҳокимиятга хавф туғдирилса у ҳолда «темир қўл» унинг олдини олади. Бунда ҳокимият билан жамият муносабатларида ҳокимият сиёsatда ҳеч қандай мурosalарга йўл қўймайди. Тарихий шароитлар сабабли ривожланишда секинлашиб қолган барча мамлакатлар авторитаризмни ўз бошларида кечирадилар. Кейинчалик мамлакатлар ривожида авторитаризм ҳокимиятнинг демократик институти билан алмашганлигини кўрамиз.

Либерал демократик ҳокимият турли сиёсий кучлар ва ижтимоий гуруҳлар мулоқотига амал қиласди, уларнинг қарорлар қабул қилинishiга иштирок этишларига йўл қўяди. Бунда «ҳокимиятни алмаштиришга олиб келмайдиган ҳамма нарсага рухсат этилади» тамойилига қатъий риоя қилинади. Давлат ҳокимият ва бошқарув органларини муқобиллик асосида сайлаб қўйишга ижозат беради. Лекин либерал ҳокимият бундай эркинликларни маълум доира ичига жойлаштиришга, бу доиранинг оммага таянган ҳолда эски тартиб-

ларни қайта тиклашига йўл қўймасликка ҳаракат қилиди.

Демократик ҳокимият ҳуқуқ ва эркинликлари кафолатланган фуқароларнинг кенг иштироклари билан характерланади. Давлат билан фуқаролар ўртасидаги муносабатларда «қонун тақиқламаган ҳамма нарсага рухсат этилади» тамойилига амал қилинади.

Демократия — бу умумисоний қадрият, башарият цивилизациясининг қўлга киритган улкан ютуғи эканлигини, у турли манфаатларни бир бутун қилиб бирлаштиришга қодир эканлигини ҳаёт кўрсатди. Ҳокимиятларнинг самарали демократик механизmlарига эга бўлган ҳозирги замоннинг ривожланган мамлакатлари турли хил инқирозларни нисбатан енгил бартараф этмоқдалар.

Ҳокимиятнинг таснифида икки йўналишни ажратишга амал қилиш лозим: сиёсий қарорларни қабул қилиш ва уларни ҳаётга татбиқ этиш; сиёсий қарорларни ҳокимият учун курашиб мақсадида ёки сиёсий ҳокимиятни амалга ошириш учун қабул қилиш.

Бунда ҳокимият субъекти яқин келажакда бажариладиган ва стратегик мақсадларни ҳисобга олиб, энг қулай шароитни вужудга келтирадиган сиёсий қарорлар қабул қиласи. Бу истиқболдаги ривожланишни, кучларнинг умумий жойланиши турли ижтимоий гурӯҳлар, миллатларнинг узоқ муддатли манбаълари билан мослаштирилишини англатади. Айни пайдада қабул қилинаётган қарорларнинг моҳияти маълум вақт ўтиши билан аён бўлади. Шунда сиёсатнинг инсонпарвар табиати демократик тамойиллар асосида кўринади.

Давлат ҳокимиятининг барқарор ишлаши, унинг умумманфаатларни рўёбга чиқаришида сиёсий етакчи катта роль ўйчайди. Бунинг учун эса сиёсий етакчининг ўзи ҳам ҳокимиятни идора қилиш салоҳиятига эга бўлиши лозим бўлади.

Сиёсий раҳбарнинг етакчи сифатида муваффақияти ёки ҳокимиятга эга бўлиши қуйидаги шартларга боғлиқ: қўйилган вазифаларнинг ҳал қилинишига воситалар ва кучларни сафарбар эта олишлиқ қобилияtlари, стратегик мақсадларни амалга оширишга турли кучларнинг манфаатларини уйғун кўриш, амалга оширилаётган сиёсат жамият аъзоларининг мумкин қадар кўпчилигий томонидан қўллаб-қувватланишига эришиш; зоро, миллий ҳамжиҳатликка эришиш, турли ижтимоий тоифа ёки гурӯхнинг манфаати йўлида ҳаракат қилиш, мамлакат ол-

дида турган вазифаларни аниқ тасаввур этиш ҳамда унинг тўғри йўлини белгилаш. Булар сиёсий ҳокимиятнинг лигитимлигини оширади.

Сиёсий амалиёт етарли даражада ҳамжиҳатликни сақлай оладиган ва инсонлар манфаатларини ҳимоя қила оладиган давлат ҳокимиятини қонун чиқарувчи, ижро ва суд ҳокимиятларига ажратиб, унинг барқарор механизмини ҳосил қилди. Бундай тамойилдан чекинини ҳокимиятнинг ўзбошимчалигига, зўравонлик қилишига йўл очади.

Ҳокимият механизмини амалга оширишда сиёсий етакчи муҳим роль ўйнайди. Агар у замоннинг асосий ғоясини тушуниб, ўз ишларини улар билан мувофиқлаштиrsa жамият аъзолари бундай раҳнамони қўллаб-қувватлайди ва аксинча, лидер, қанчалик әзгу ниятларга амал қилмасин унинг тескариси бўлиши табиий.

Демократик фуқаролик жамиятлари олдида бундан бўён зикр қилинган ҳодисаларнинг пайдо бўлишини олдини оладиган механизмларни вужудга келтириш муҳимdir.

Бундан ташқари, фуқаролар фаоллигини ошириш ҳам сиёсий ҳокимият механизмларининг барқарор ишлашининг зарурий шарти ҳисобланади. Ана шунинг учун ҳам республикамиз Президенти уни янги жамият қуришнинг муҳим вазифаси сифатида қўймоқда. У: «Ҳокимият тузилмаларининг демократик мазмуни кўп жиҳатдан давлатни бошқаришда фуқароларнинг иштирок этиши масаласи қанчалик ҳал қилинганлиги билан белгиланиши маълум. Ўзбекистонда ушбу ҳуқуқнинг амал қилиши учун давлатни бошқаришда иштирок этиш ўзлари қандай бошқарилаётганлиги ҳақида маълумот олиш ҳуқуқини англай бошлишишига ва бу ҳуқуқдан фойдалана оладиган бўлишларига эришиш керак» — деб таъкидлайди.<sup>1</sup>

Ошкоралик, объектив ахборот, мансабдор шахслар фаолиятини самарали назорат қилиш, ҳокимиятнинг сиёсат ва унда иштирок этишни шакллантириш жараёнига мумкин қадар таъсир этиш имкониятларини яратиб берадиган демократик институтларни вужудга келтириш шундай механизмлардан иборатдир. Кучли ҳокимият

<sup>1</sup> И. А. Каримов. Ўзбекистон XXI аср бўсағасида хавфсизликка таҳдид, барқарорлик шартлари ва тараққиёт кағололатлари «Ўзбекистон». 1997, 173—174-бетлар.

ўзини жамиятга қарши қўймайди, аксинча унинг имкониятларини мумкин қадар юзага чиқишига асосланади.

## ТАКРОРЛАШ УЧУН САВОЛЛАР

1. Ҳокимият нима?
2. Сиёсий ҳокимиятнинг асосий белгилари нимада?
3. Ҳокимият билан бошқарув қандай ғарқланади?
4. Сиёсий элита нима?
5. Давлат ҳокимиятининг бўлинити нимада?

### *6-м авзу*

#### СИЁСИЙ ПАРТИЯЛАР ВА ҲАРАКАТЛАР

Сиёсий партия тушунчаси

Сиёсий партия мамлакатда амалга оширилаётган сиёсий ўзгаришлар, ижтимоий ривожланиш ва тараққиёт жараёнларини, воқеаларни олдиндан билиб олиш, мавжуд сиёсий жараёнларга, инсонларнинг ҳаётига бевосита дахлдор бўлган қарорларни ишлаб чиқиш, қабул қилиш ва амалга оширишда халқнинг фаол иштирок этишларини таъминлашда муҳим роль ўйнайди.

Мамлакатда сиёсий партия бўлмаса, демократиялашиш жараёнларида халқни иштирок этиши, уларни уйғотиш, ҳаракатга келтириш мумкин эмас. Турли сиёсий партиялар, ҳаракатлар билан сиёсий гуруҳлар фаолиятини умумдавлат манфаатлари даражасида жисплаштириш орқали хавфсизлик, барқарорлик ва танлаган йўлдан оғишимаслик мумкинлигини англаб этишда ҳам сиёсий партиянинг ўзига хос ўрни бор. Бундан ташқари, сиёсий партиялар, дунё тараққиётидаги демократик жараёнлар, инсон ҳуқуқ ва эркинликларини ҳимоя қилиш, уларга тенг имкониятлар яратиш ва уни қўллаб-куватлаш, фуқароларни давлат ва жамиятни бошқаришда фаол иштирок этишлари ҳам шу мамлакатдаги сиёсий партияларнинг ташкилий ўюшганлик, умумсиёсий фаоллик даражалари билан ҳам боғлиқ бўлади.

«Партия» сўзининг келиб чиқиши лотинча бўлиб, «қисм», «бўлак» маъносини билдиради.

Партияларнинг пайдо бўлиши, уларнинг сони, дастурий йўл-йўриқларининг ўзига хослиги ва ҳоказолар эса ижтимоий манфаатлар йигиндиси ва жамланиши орқали табиий йўл билан белгиланмоғи керак. Сиёсий

партиялар мавжуд бўлишининг асосий ва бирдан-бир принципи давлатнинг конституциявий меъёлларини ҳурмат қилиш ва уларга риоя этишдан иборат бўлмоғилозим.

Сиёсий партиялар ва ижтимоий ҳаракатлар халқ билан ҳокимият ўртасида асосий боғловчи бўғин бўлган демократик институтга тезроқ айланиши ғоят муҳимдир<sup>1</sup>.

Сиёсий партия жамиятнинг бир бўлгаги бўлиб, у муайян мақсад, гурӯҳ ёки қатламнинг мақсад ва манфаатларини ифода этг‘из ҳолда, уни умумдавлат ва умуммиллат манфаатлари, мақсадлар ва вазифалар билан ўйғунлаштирган ҳолда фаолият кўрсатадиган, ривожланишнинг сиёсий йўналишларини аниқлаб берадиган сиёсий ташкилотдир.

Жамиятда сиёсий партиялар хилма-хил бўлиши мумкин. Уларнинг сиёсий мақсад ва вазифалари дастурларида ўз ифодасини топади. Дунёдаги сиёсий партиялар тажрибаси шуни кўрсатадики, ўз мазмуни ва мақсадига кўра партиянинг сиёсий мақсади сиёсий ҳокимият учун кураш фаолиятидан иборат.

Аммо турли мамлакатлардаги партияларнинг мақсадларининг, танлаган йўлларининг хилма-хил эканлиги бу партияларнинг мамлакатлардаги сиёсий ўрни ва мақсади билан боғлиқ. Шунинг билан бирга мамлакатлarda мавжуд бўладиган ҳамма партияларни ҳам етакчи партия деб айтиб бўлмайди.

Мамлакат аҳолисини ўз орқасидан эргаштириб, умуммақсадларга йўналтиришга қодир бўлган партияларина етакчилик мақомини олади.

Партиялар ўз сиёсий мақсадларини амалга оширишда турли хил йўлларни танлашлари мумкин.

Партия жамият ҳаётини демократиялаштиришда ва ҳар бир мамлакат олдида турган вазифаларни амалга оширишда ўзига хос ўринга эга бўлади ҳамда муайян функцияларни бажаради. Улар: биринчидан, жамоатчилик фикрини шакллантириш; иккинчидан, сиёсий фаолиятда иштирок этиш; учинчидан, фуқаролар сиёсий фаоллигини қўллаб-қувватлаш ва рафбатлантириш; тўртингчидан, сиёсий етакчиларни тарбиялаш; бешинчидан, парламент ва ҳукумат фаолиятига таъсир кўрсатиш;

<sup>1</sup> П. Каримов. Ўзбекистон XXI аср бўсағасида хавғизлика таҳдид, барқарорлик шартлари ва тараққиёт кафолатлари. «Ўзбекистон», 1997, 174—175-бетлар.

**Өлтинчидан**, давлат олдида турган мақсадларнинг шаклланиши ва амалга оширишда фаол иштирок этиш; **еттинчидан**, давлат ҳокимият органлари ва халқ ўртасида узвий алоқа боғлаш тўғрисида ғамхўрлик қилиш.

Партия дастурлари аниқ мақсад ва функцияларга қаратилган бўлади. Уларни иккига бўлиш мумкин: ички ва ташқи функциялар. Ички функциясига: 1) жисплаштирувчи; 2) мувофиқлаштирувчи; 3) рафбатлантирувчи; 4) етакчиликка инилиш; 5) ўз мавқеига мослиги (лигитивлиги). Ташқи функциясига: 1) тарифбот ва ташвиқот; 2) маълум сиёсий йўналишга мослаштириш; 3) сиёсий воқеа ва жараёнларга ҳозиржавоблик кабилар киради.

**Партия тизимлари** йидагилар асосида ифодаланади: а) анъаналар ва тарихий омиллар; б) ижтимоий-иктисодий омиллар; в) мафкуравий омиллар; г) техникавий омиллар ва ҳ.к.

Партия тўғрисида ахборот манбалари: а) кундалик рўзномалар; б) телевидение; в) партия рўзномаси; г) радио эшиттириш; д) партия тўғрисидаги хабарлар; ж) партия мажлислари; е) партия етакчилари билан сұхбат; з) ўзаро мулоқотлар бўлиши мумкин. Фуқаролар ана шулар орқали партиялар тўғрисида дастлабки маълумотларга эга бўладилар. Бу партияларнинг етарли даражада мавқенини таъминлашда муҳим ўрин өгаллайди.

#### **Сиёсий партиялар ва ҳаракатлар**

Ҳозир жамиятнинг сиёсий ҳаётида партиялар билан бирга ижтимоий-сиёсий ҳаракатлар ҳам иштирок этмоқда. Шундай ташкилот ва ҳаракатларга бирлашишинг ҳуқуқий асослари Инсон Ҳуқуқлари Умумжаҳон Декларациясида эълон қилинган ва у Ўзбекистон Республикаси Конституциясида мустаҳкамланган.

Жамоатчилик ташкилотлари ва ижтимоий ҳаракатлар ўртасидаги фарқ нимада, деган савол туғилади.

Ижтимоий-сиёсий ташкилотлар экологик, сиёсий ва маънавий манбаатларни қондириш ва ҳимоя қилиш мақсадида вужудга келган мустаҳкам бирлашмалардир.

Сиёсий партиялардан фарқли ўлароқ жамоатчилик бирлашмалари ўз олдиларига сиёсий вазифаларни биринчи мақсад қилиб қўймайдилар. Инсонлар манбаатларининг турли-туманлиги хилма-хил ташкилотларни вужудга келтиради. Чунончи, партиялар, касаба уюш-

малари, жадидлар (Туркистанда) ва бошқалар; профессионал (касбкорлик) — касаба уюшмалари, ҳунармандлар уюшмалари, зиёлилар иттифоқлари, илмий жамиятлар, маънавий клублар, маданий-маърифатчилик жамиятлари, ҳаваскор ансамбллар ва халқ театрлари, диний жамоалар, коллекционерлар иттифоқлари кабилар шулар жумласидандир.

Ижтимоий ҳаракатлар инсонлар турли гурухларининг манфаатларини ўзида ифодаловчи кишиларнинг ўзига хос уюшмасидир.

Ижтимоий ҳаракатларни ажратиб турадиган белгилар оммавийлик, ичгиёрийликда аниқ кўринади. Ўз йўналишлари маъносида айрим ҳаракатлар мустаҳкам эмас. Масалан, Ўзбекистонда «Бирлик» ҳаракати қайта қуришга кўмаклашиш мақсадида бошланган эди. Улар кўтарган муаммолар собиқ тоталитар тузум даври сиёсати билан боғлиқ бўлган мерос сифатидаги муаммолар эди. Аммо кўп ўтмай улар миллий қадриятларимиздан чекиниб кетиб, барҳам топди. Ҳаракатларнинг асосий мақсадлари кўпинча энг умумий қоидалар ёрдамида шакллантирилади: озодлик, адолат, миллий уйғониш, мустақиллик, табиатни муҳофаза этиш ва бошқалар. Бу эса кишиларнинг катта оммасини ўз томонларига бирлаштириш имконини вужудга келтиради. Ҳаракатларнинг айрим қисми, масалан, касаба уюшмалари, ёшлилар, тинчлик тарафдорлари (улар ҳозирги кунда ўзларининг аввалги аҳамиятларини анча йўқотганлар, бунга сабиқ социалистик лагернинг барбод бўлганлиги сабаб бўлди).

Сиёсий партиялар билан ҳаракатларнинг ўзаро муносабатлари ҳар хил. Баъзи бир ҳаракатлардан сиёсий партиялар вужудга келади. Масалан, коммунистлар, социал-демократлар, деҳқонлар ва кўпчилик миллий партиялар худди шундай ҳаракатлар асосида вужудга келган эдилар. Аксарият ҳолларда бу ҳаракатлар сиёсий партияларнинг таянчи бўлиб хизмат кўрсатиши ҳам мумкин.

Бошқа ҳаракатлар расман маълум партияларга интилмасаларда, улар ўзларининг шахсий таркиби ва ғоялари билан боғланганлар.

Шундай қилиб, ижтимоий гурухлар, жамоат ташкилотларининг вужудга келиши умумбашарий тараққиётнинг мухим жиҳати ҳисобланади, чунки хилма-хил ташкилотлар, ҳаракатлар ва бирлашмалар орқали инсон эр-

кинлиги билан жамиятнинг демократик ва инсонпарварлик даражаси намоён бўлади.

**Ўзбекистон Республикаси ва кўпартиявийлик**

Турли жамиятлар сиёсий тизими бир партиявийлик, икки партиявийлик ва кўпартиявийлик билан характерлана-ди ва улар ўртасида муайян ҳуқуқий асослар, нормалар мавжуд.

Ўзбекистон Республикаси мустақиллик туфайли ўзи-га хос сиёсий тизим ва кўпартиявийлик тамойилига амал қилиб, уни амалга оширишда дунёвий ва ўзига хос хусусиятларни ҳисобга олган ҳолда ёндошмоқда.

Янги жамият қуришнинг ҳозирги босқичида Ўзбекистон Республикасида кўпартиявийликнинг адолатли, демократик фуқаролик жамиятини қуришнинг муҳим оми-ли сифатида жамият сиёсий тизимидан чуқурроқ ўрин олишига кенг имкониятлар яратиб берилмоқда.

Демократик жараёнларнинг чуқурлашувидаги сиёсий партиялар муҳим роль ўйнайди. Шунинг учун сиёсий партияларнинг жамият ҳаётида янада фаолроқ иштиро-кини таъминлаш тадбирлари белгиланмоқда.

Бугунги кунга келиб, Ўзбекистонда ҳам кўпартия-вийлик тизими вужудга келди. Бугун Ўзбекистонда «Ўзбекистон ҳалқ демократик партияси», «Ватан тараққиёти партияси», Ўзбекистон «Адолат» социал-демократик партияси», «Ўзбекистон миллий тикланиш демократик партияси» ҳамда Ҳалқ бирлиги ҳаракати фаолият кўр-сатмоқда.

Ўзбекистон Республикасининг Конституциясида маҳ-сус «Жамоат бирлашмалари»га бағишлиланган боб мав-жуд бўлиб, унда «Давлат жамоат бирлашмаларининг ҳуқуқлари ва қонуний манфаатларига риоя этилишини таъминлайди, уларга ижтимоий ҳаётда иштирок этиш учун тенг ҳуқуқли имкониятлар яратиб беради» деб бел-гилаб қўйилган<sup>1</sup>.

Ўзбекистонда ташкил топган янги партиялар ҳали етарли сиёсий тажрибага эга эмаслар. Бундан ташқари, давлат олиб бораётган сиёсат жамиятдаги мавжуд гу-руҳлар манфаатларини ифода этганлиги, ҳалқнинг ак-сарият қисми сиёсий партиялар фаолиятида фаол иш-тирок этишда юқори даражада фаоллик кўрсатмоқда, деб бўлмайди. Боз устига омманинг сиёсий онги ва ма-

<sup>1</sup> Ўзбекистон Республикасининг Конституцияси, 20-бет.

данияти замон даражаси ва содир бўлаётган иқтисодий, ижтимоий ва маънавий-маърифий жараёнлар ўсишидан орқада бормоқда. Бу, албатта Ўзбекистонда сиёсий партиялар фаолиятида Farb мамлакатларида мавжуд бўлган ҳолатлар бўлиши керак, деган маънони билдирамайди. Бу борада ҳам Ўзбекистоннинг ўзига хос ва ўзига мос хусусияти, **менталитети борлиги**, барқарорлик ва консенсус асосида мавжуд муаммоларни ҳал этишнинг ўзига хос қадрият тамойили шаклланиб бориши кўзга ташланмоқда. Бу мамлакатнинг бозор муносабатларига ўтиш даври учун жуда катта аҳамиятга эгадир.

Ўзбекистон давлати ва жамиятимиз яқин ўтмишда босиб ўтган жараёнларни ва бошимиздан кечирган вазиятни инобатга олиб, авваламбор, ижтимоий-сиёсий ҳаётимизда демократик жараёнларни янада ривожлантириш ва барқарор этиш, янги тузилган ва тузилаётган партияларга ҳам адолатли имкониятлар яратилишига кўмаклашиш мақсадида Ўзбекистон Республикаси Президентининг ХДП сафида чиқиши тўғрисидаги қарори ҳақидаги Пленумдаги баёноти муҳим сиёсий воқеа бўлди. Бу республикадаги мавжуд партиялар учун тенг ҳуқуқий ва моддий имкониятни берди.

Сиёсий партиялар ва ҳаракатлар ҳамма вақт жамиятнинг сиёсий-ижтимоий тизимининг таркибий қисмини ташкил этган, унга давлат ва жамиятни, ҳокимият билан ҳалқни боғлаб турувчи бўғин сифатида қараб келинган. Сиёсий партиялар жамиятнинг ижтимоий ривожланиши турли хил сиёсий институтлар, мафкуралар ва фикрлар хилма-хиллигига асосланган шароитдагина эркин, демократик жамият қурилишининг ажralmas қисмiga айланиши мумкин.

Шунда сиёсий партиялар тўғрисидаги мавжуд қарашлар ўзгаради ва фуқароларда кўпартивийликни жамиятдаги бекарорлик, сиёсий ихтилофлар ҳамда ўзаро келишмовчиликларнинг манбай сифатида эмас, балки демократик, адолатли, фуқаролик жамияти қурилишининг муҳим шарти сифатида қараш қарор топиб боради.

Сиёсий партиялар ва унинг раҳнамолари ҳам муайян ижтимоий кучларга таянади, аммо синфиийлик улар фаолиятининг асосий тамойили бўлмаслиги керак. Сиёсий партиялар жамиятдаги аҳолининг нисбатан кенгроқ қатламига таяниши, турли хил ижтимоий гуруҳлар, мулк эгаларининг қарашлари, манфаатларини ўзида ифодалаш билан бирга асосан реал инсон мақсадлари ва ман-

фаатлари, умуминсоний тамойилларга бўйсундирилган бўлиши лозим.

Сиёсий партиялар янги жамият қуришда инсонларнинг олдида турган энг долзарб муаммоларни илгари суришда, уни ҳал этишнинг йўлларини кўрсатишда, амалий таклифлар билан чиқишида тўла ташаббускор бўлишлари зарур.

Жамият сиёсий тизимида муҳим демократик институт ҳисобланган парламент йиғилишларида ўзларининг муқобил таклифлари билан чиқишига шарт-шароит яратиб берилаётганлиги, муқобиллик асосида Президент сайлови, кўппартиявийлик тизимининг жорий этилганлиги жамият сиёсий-ижтимоий, маданий ҳаётининг тобора демократлашиб бораётганлигини, Ўзбекистонда давлат ҳокимиятининг Президентлик Республикаси шакли билан бошқаришнинг демократик асослари ўртасида тўла мувофиқлик мавжудлигини кўрсатади. Бу давлат ҳокимиятини бошқаришнинг жамоатчиликка асосланган шарқона демократик кўринишига тўла мувофиқ келади. Шарқда жамиятга раҳбарлик қилиш ва бошқаришда шахснинг муайян партияга, синфга мансублигига қараб эмас, фозиллик, юксак маърифатлилик, комиллик каби фазилатлари кўпроқ қадрланган ва унга зарур хислатлар сифатида ёндошилган.

Маълумки, давлат ҳокимиятини бошқариш шакллари хилма-хил бўлиб, бунда гарб ва шарқнинг ўзига хос жиҳатлари мавжудлиги табиий. Унинг бирон-бир шаклини андоза сифатида шунчаки қабул қилиш ёки бошқариш шаклларини ўзаро сингдириш йўлни билан демократиянинг ягона моделини яратиш ҳам мумкин эмас. Ҳар бир давлат демократиянинг у ёки бу шаклига ўз хусусиятларини ҳисобга олган ҳолда уни бойитиши, ўзига хос тараққиёт йўлидан ривожланиши шу мамлакат аҳолисининг хоҳиш иродаси билан тўла мувофиқ тушади. Демократиянинг дунёвий тамойиллари асосида давлат ва жамият бошқарувининг умумий жиҳатлари намоён бўлади.

Президентликка турли жамоат уюшмалари билан бир қаторда, сиёсий партияларнинг ўз партиясидан номзод кўрсатиш ҳуқуқининг мавжудлиги ва ғалабадан сўнг у ёки бу етакчи партия номидан Президентнинг давлатни бошқариши дунёдаги айрим давлатлар тажрибасидан маълум. Ўзбекистон Республикасига Президентликка номзод кўрсатишда ҳам тегишли жамоат ташкилоти

Билан бирга мавжуд сиёсий партиялар ҳам тенг асосда иштирок этди ва уларнинг сайлов олди тарифбот-ташвиқот ишлари учун зарур бўлган барча имкониятлар яратиб берилди.

Аммо Ўзбекистонда Президент сайловидан кейин, у ғалаба қилган партия номидан эмас, аксинча ҳалқ номидан иш кўришнинг ўзига хос илғор, сиёсий-ижтимоий, маънавий жиҳатлари борки, бу дунёда давлат ва жамият қурилиши амалиётини янада бойитади. Ўзбекистон танлаган йўлнинг моҳияти билан тўла мос тушади. Бундан ташқари, бунинг айрим объектив ва субъектив сабаблари ҳам мавжуд. Маълумки, Ўзбекистонда Президент сайловидан кейин бирор-бир партия етакчи партияга айлангани йўқ, тўғрироғи айлантирилмади. Бу биринчидан, Конституциянинг мавжуд нормаларига ҳам тўғри келади. Ўзбекистон Республикаси Конституциясининг 10-моддасида «Ўзбекистон ҳалқи номидан фақат у сайлаган Республика Олий Мажлиси ва Президенти иш олиб бориши мумкин. Жамиятнинг бирон-бир қисми, сиёсий партия, жамоат бирлашмаси, ижтимоий ҳаракат ёки алоҳида шахс Ўзбекистон ҳалқи номидан иш олиб боришга ҳақли эмас», — дейилади. **Иккинчидан**, Республика сиёсий тизимининг кўп партиявийликка асосланганлиги, жамият ижтимоий, сиёсий, маънавий ҳаётида ҳар бир сиёсий партияни қонун доирасида, ўз фаолиятларини эркин амалга оширишда ҳам зарур шарт-шароит яратиб беради, мавжуд, демократик жараёнларга ижобий таъсир кўрсатади. **Учинчидан**, партиявийлик бирон-бир партияга мансубликни билдиради. Президентлик — сиёсий ҳокимият институти сифатида, ҳар қандай сиёсий партия, жамият бирлашмалари, ҳаракатдан фарқли равишда алоҳида ўзига хос мақомга эга. У айрим гуруҳ, қатлам қарашларини, манфаатларини кўзлаб эмас, балки давлат ҳокимиятининг бирдан-бир манбаи ҳисобланган ҳалқ номидан иш кўради, инсон ва умуминсоний таъмойилларга асосланади. **Тўртинчидан**, сиёсий партияга нисбатан синфиийлик тамоили ишқтаи-назаридан ёндошиш, сиёсий курашлар орқали ҳокимиятга даъвогарлик қилиш йўлини ҳамма давлатлар учун ҳам ягона ва бирдан-бир мақбул йўл деб бўлмайди. Мустақил, тараққиёт йўлидан ривожланаётган ҳар бир давлат ва ҳокимиятни бошқаришда шу ҳалқнинг менталитети, хусусиятларини ҳисобга олган ҳолда, бошқаришнинг ўзига хос жиҳатларидан фойдаланиш мумкин. Бу жамият ва давлат

олдида турган вазифаларни амалга оширишга, сиёсий-ижтимоий барқарорликни таъминлашга ва мустаҳкамлашга ҳар жиҳатдан кўмаклашади. Бешинчидан, мустақил равишда,adolатли, демократик, фуқаролик жамиятини қуришни асосий мақсад қилиб қўйган Ўзбекистон Республикаси сиёсий-ижтимоий ҳаётида кўппартиявилик нисбатан янгп жараён бўлиб, у маълум маънода ҳали шақлланиш даврини ўз бошидан кечирмоқда. Мавжуд сиёсий партияларнинг ҳаммасини ҳам уюшганлик, сиёсий етуклик даражасига етишида, халқни ўз орқасидан эргаштира олишида, уларни жамият олдида турган вазифаларни амалга оширишида муайян ўтиш даври талаб этилади. Сиёсий партияларнинг ҳар бири ўзаро муносабатларида катта сиёсий тажрибага, ягона мақсадга эга бўлишлари муҳим.

Бундан ташқари Ўзбекистон Республикаси собиқ Совет Иттилоғи сиёсий тизими орқали «партияниң раҳбарлик, йўлбошлилик» ролини жамиятининг сиёсий-ижтимоий иқтисодий ва маънавий ҳаётида бошқарувнинг маъмурӣ буйруқбозлик, марказлашган бюрократия, мафкура ва тафаккурдаги бир хиллик иллатларидан, «партия раҳбарлиги» асосида амалга оширилган ишларнинг салбий оқибатларидан ҳали томомила қутилганларни йўқ. Сиёсий партияларнинг жамият сиёсий ҳаётидаги ўрни тўғрисида фуқароларнинг қарашлари, тасаввурлари ҳам ўзгариши керак. Сиёсий партиялар ижтимоий ҳаётда фуқароларнинг бу ишончини тўла қозониши учун ўзларини халқ билан бирга қўшишлари, инсонга энг улуг неъмат сифатида қарашларн, буни ўз амалий фаолиятларининг муҳим тамойилига айлантиришлари зарур.

Бу давлат ва жамият қурилиши тўғрисидаги дунё тажрибасини, сиёсий партияларнинг жамият ҳаётида тутган ўрни ва роли тўғрисидаги қарашларини янада бойитади. Бу йўл кўп партиявиликка адолатли демократик жамият қуришнинг муҳим омили сифатида қарашга, унинг фаолияти учун зарур шарт-шароит яратиб беради.

Жамиятининг демократлашганлик даражаси сиёсий партияларнинг миқдори ёки унинг жамиятдаги мавқеи билан белгиланмайди. Ҳақиқий демократик жамият шу жамиятдаги барча фуқароларнинг жинси, ирқи, миллати, тили, дини, ижтимоий келиб чиқиши, эътиқоди, шахси ва ижтимоий мавқеидан қатъи назар бир хил

хуқуқ ва эркинликларни, фаолиятни таъминлаб берганилиги, уни кафолатланганлик даражаси, жамиятдаги ҳамжихатлик, сиёсий-ижтимоий барқарорлик, тинчлик, мустақиллик каби тамойиллар билан белгиланади.

Жаҳондаги ривожланган мамлакатлар тажрибаси ҳам шуни кўрсатмоқдаки, партиялар ўз вазифасини тұла бажариши, мамлакат тараққиётiga тегишли ҳисса қўшиши учун уларга дастлабки тенг имкониятлар яратиб берилиши керак. Бу, айниқса кўп partiyaийлик шакланаётган ва ўз йўлини белгилаётган Ўзбекистоннинг ҳозирги ўтиш даврида жуда муҳимdir.

Сиёсий партияларга тенг имкониятлар яратишнинг кўпгина воситалари бўлиб, улар орасида давлат бошлиғи — Президентнинг партияга мансублиги масаласини тўғри ҳал қилишдир.

Шунинг учун кўпгина демократик мамлакатларда Президентлик лавозимини ҳар қандай партияларга аъзоликдан холи бўлишини назарда тутувчи ҳуқуқий асослар мавжуд. Бу айrim мамлакатларда бевосита Конституция билан ҳал қилинган бўлса, айrim мамлакатларда эса Президентнинг президентлик даврида бирор-бир сиёсий партияга мансуб бўлмаслигини ўрнатувчи маҳсус қонуилар қабул қилиш билан ҳал қилинган.

Жумладан, Германия Республикаси Конституциясининг 55-моддасига асосан, Президент лавозимидағи даврда у ҳар қандай партия аъзолигидан воз кечиши, Руминия Конституциясининг 84-моддасида, Президентлик мандати даврида Президент бирор-бир партия аъзолигида бўла олмаслиги, Гречия Конституциясининг 30-моддасида Президент лавозимини бошқа ҳар қандай мансаб, машғулот ва касб билан қўшиб бажарилиши мумкин эмаслиги кўрсатилган.

Россия Федерациясида ҳам Россия Президентининг бирон-бир сиёсий партияга мансублигини тақиқловчи қонун лойиҳаси тайёрланиб, Давлат Думасига кири tilgan.

Хўш, давлат бошлигининг сиёсий партияларга мансуб бўлмаслигини қандай ижобий жиҳатлари бор? Бу асосан икки нарса билан боғлиқ.

Биринчидан, Президент нафақат давлат бошлиғи, шу билан бирга у сиёсий ҳаётда ҳакам вазифасини ҳам бажаради. Президентнинг мамлакатдаги сиёсий институтларнинг олий ҳаками бўлишлиги баъзи мамлакатларда ҳуқуқий жиҳатдан мустаҳкамланган. Жумладан, Грэ-

ция Конституциясінинг 30-моддасида: «Президент Республика институтларининг ҳаками ҳисобланади» — деб ёзіб қўйилган. Шундай ҳолат Франция Конституциясінинг 5-моддасида ҳам мавжуд. Ана шу ҳакамлик вазифасини самарали бажаришда унинг бирон-бир сиёсий партияга мансуб бўлмаслиги ҳал қилувчи омилdir. Президент сиёсий партияларга мансуб бўлмагандагина улар ўртасидаги самарали рақобатда ҳакамлик қилиши, партиялар белгилаган йўл ва вазифаларнинг энг мақбулларидан сиёсий ҳаётда оқилона фойдаланиши мумкин. У партияга мансуб бўлмагандан уни бирон-бир партиянинг манфаати эмас, балки умумий манфаат қизиқтиради. Энг самарали ташабbus қайси партияга тегишли бўлса, шуни қўллаб-қувватлади.

Иккинчидан, Президентнинг бирон-бир партияга мансуб бўлмаслиги турли партияларнинг фаолият кўрсатиши учун тенг имконият яратади. Сиёсий партияларнинг тенг мавқега эга бўлиши уларнинг ташабbusкорлигини оширади. Ўз фаолиятида эркин, ҳеч кимнинг таъсирисиз, ҳаракат қилишга имкон туғилади. Шулардан келиб чиқиб, Ўзбекистон Республикаси сиёсий тизими шаклланадётган ҳозирги ўтиш даврида сиёсий партиялар фаолиятини янада ошириш ва давлат раҳбарини ҳар қандай сиёсий партиялардан холи қилиш мақсадида Республика Президентининг президентлик даврида сиёсий партияларга аъзо бўлишини тақиқловчи Қонун қабул қилиши мақсадга мувофиқdir.

Ўзбекистонинци сиёсий-ижтимоий, иқтисодий-маданий ҳастида ҳам муҳим ўзгаришлар содир бўлди. Мустақиллик туфайли мамлакатнинг сиёсий мақоми ўзгарди, мустабид тузум асоратларидан аста-секин холи бўлиб борилмоқда. Ўзи танлаган тараққиёт йўлини амалга оширмоқда. Сиёсий партиялар ўз олдиларига қўйган вазифаларини амалга оширишда, демократик жараёнларнинг ривожланишига мустақиллик тафаккурини шакллантиришда ҳалқ билан боғланиш учун унинг қалбидан йўл топилиши бир-биридан ажralиб қолмаслиги муҳим. Бугунги сиёсий жараёнлар шароитида умуммиллий эҳтиёждан келиб чиқсан ҳолда партиялар ўз фаолиятларини инсон ҳуқуқлари ва эркинликларини ҳимоя қилишда амалий муқобил таклифлар билан чиқиш, турли ижтимоий гурухларни демократик жараёнларда иштирокини таъминлаш, ўз ваколатлари даражасида ҳалқни ўз орқаларидан эр-

гаштириб, уларни мустақиллик йулида сафарбар этишни амалга оширишлари муҳимdir.

Сиёсий партиялар давлат ҳокимиияти билан фуқаролар ўртасида, уларни давлат ва жамиятни бошқаришида фаол иштирок этишларини таъминлашда муҳим роль ўйнайди. Бугунги ижтимоий-сиёсий ҳаёт шуни кўрсатмоқдаки, сиёсий партия аҳолини ўз атрофида жисплаштириб, ислоҳотларга сафарбар этишда, мустақиллик ғояси ва мағкурасини, миллий қадриятларимизни тиклаш ва ривожлантириш орқали уни ҳар бир фуқаро онгига етказишда барча имкониятларни ишга солиши, аввало ўзи бу ишга фидойилик кўрсатиши зарур. Сиёсий партиялар давр талабига мос ишламайтганлиги сабабли, айрим ижтимоий гуруҳларда сиёсий ғоясизлик, мавҳум мақсадлар, ўзи билан ўзи ҳаёт муаммолари олдида ӯралашиб қолиши ҳоллари ҳам мавжуд. Айниқса, ёшлиарни фуқаролик жамияти қурилиши вазифалари билан яқиндан таништириш, уни ҳар бирининг онгига етказишида, ижтимоий йўналтирилган бозор муносабатлари, эркин демократик,adolatli жамият ғояларини ҳаётга татбиқ этишда вужудга келा�ётган «сиёсий эҳтиёжларни қондириш» мамлакатда сиёсий вазиятни янада барқарорлаштиришига хизмат қиласди.

Ёшларнинг ўз сиёсий мақсадлари, ҳаётий позициялари билан сиёсий партиялар орқали жамият ҳаётида фаол иштирок этишлари умум демократик жараёнга мос келади. Бугун ёшлар сиёсатдан четда турмасликлари, унда иштирок этиб, ўз мамлакатларининг истиқболлари учун сиёсий фаоллик кўрсатишларини ҳаёт тақозо этади.

Бу юксак сиёсий онг ўзимизга хос сиёсий маданиятини талаб этади. Бу эса кўп жиҳатдан мавжуд сиёсий партиялар, уларнинг халқ билан қандай иш олиб боришлари, ишлаш услубларига, давр руҳини ҳис этиш, дунё тажрибасини ҳисобга олишларига бўғлиқ.

#### ТАКРОРЛАШ УЧУН САВОЛЛАР

1. Сиёсий партия пима?
2. Жамоат ташкилотлари нима?
3. Ўзбекистонда кўппартияйликнинг вужудга келиши хусусиятлари нимада?
4. Оммавий ҳаракатлар нима?
5. Сиёсий партиялар билан ҳаракатлар ўртасидаги фарқ нимада?

## СИЕСИЙ ОНГ ВА СИЕСИЙ МАДАНИЯТ

**Сиёсий онг**

Жамиятнинг сиёсий тизими, ундаги демократик жараёнлар фуқароларнинг спёсий онги, унинг сиёсий маданияти даражаси билан узвий боғлиқ бўлади. Сиёсий ҳокимиятда фаолият кўрсатиш, фуқаро ва давлат ҳокимияти ўртасидаги ўзаро муносабатлар, муайян қонун, ҳуқуқ ва эркинликни таъминлаш ҳамда амалга ошириш алоҳида масъулият билан ёндашишни тақозо этади. Фуқароларнинг сиёсий онг даражаси қанча юқори бўлса, мамлакатнинг демократиялашув жараёни, шахс эркинлиги ва ҳуқуқларни билиш билан бирга уни англаш масъулияти шунчча ошиб боради.

Инсон сиёсий онги маълум жамоа, гурӯҳ, миллат, давлат манфаатларини англаш ва уни ифода этиш жараёни билан шаклланиб, ривожланиб боради. Шунинг учун ҳам шахснинг сиёсий онг даражаси турли хил бўлиши мумкин. Унда: а) индивидуал; б) муайян ижтимоий гурӯҳ; в) умуминсоний ғоялар, сиёсий қарашлар, тасаввурлар ифодаланади. Сиёсий онг жамиятнинг сиёсий тизими ва жараёнлари билан узвий боғлиқ бўлиб, ошкора ёки яширин шаклларда намоён бўлиши мумкин.

Сиёсий онг шахснинг сиёсий ижтимоийлашув жараёни билан ҳам боғлиқ. Шахснинг сиёсий ижтимоийлашуви — бу сиёсий ҳаёт тўғрисида сиёсий тасаввурларнинг шаклланиши, сиёсий фаоллик кўнкмаларининг ҳосил қилиниши ва уларнинг муайян маданият даражасига айланиши билан боғлиқ. Шахснинг сиёсий тасаввурлари, қадриятлари, йўл-йўриқлари тутма бўлмасдан, балки аста-секин шаклланиб қарор топади. Шахснинг ҳаёти давомида сиёсий ижтимоийлашув жараёни жамиятнинг сиёсий тизими, ривожланиши, тутган йўли, мақоми ҳам шахснинг сиёсий онгига, маданиятига бевосита таъсир этмасдан қолмайди. Сиёсий мустақиллик ва миллий ўзликини англаш — кишиларнинг сиёсий қарашларига кучли таъсир кўрсатади.

Ўзбекистон Республикасининг мустақил бўлиши ҳам шахс сиёсий онги, қарашларини тубдан ўзгартирди. Мавхум коммунистик жамият қурилиши тўғрисидаги ғоялар барбод бўлди. Сиёсий ижтимоийлашув энг аввали ўсиб келаётган авлодга ҳам ҳар хил таъсир кўрсат-

моқда. Бир томондан, мустақил давлатларнинг тараққиётидаги мұйтадилликни сақлаш мақсадида уларнинг мувофиқлаштирувчи алоқага, асосий гуруҳлар ва уларнинг манфаатларини ақс эттирувчи сиёсий кучларнинг ғоялари ва мақсадларини мувофиқлаштиришга ҳаракат қылса, иккінчи томондан, мағкуравий турли хиллик, йұналишлари сингиб бормоқда. Мустақиллик туфайли жамиятда сиёсий ижтимоийлашув жараёни тезлашмоқ да. У қуйидагилар билан белгиланади: **Бириңчидан**, жамиятда сиёсий ижтимоийлашув жараёни нормал кечиши сиёсий күрсатмалар ва қадриятлар йұналишининг авлоддан-авлодга узатилишини таъминлайди. **Иккіңчидан**, сиёсий ижтимоийлашувнинг нормал жараёнда фуқароларнинг ҳуқуқ ва бурчларини реаллаштиришга, инсоннинг ижтимоий-сиёсий ҳаётга фаол аралашып борышига тайёргарлик амалга оширилади. **Учинчидан**, сиёсий ижтимоийлашув охир-оқибатда шахс сиёсий онги билан давлат ҳокимияти ўртасида узвий уйғунликни шакллантиради, сиёсий барқарорликни таъминлайди.

Сиёсий ижтимоийлашувда ўтмиш авлодларнинг сиёсий маданият нормаларини ўзлаштириш ва аввал маълум бўлмаган сиёсий тажрибаларни ўзлаштириш, дунё сиёсий маданиятини эгаллаш ҳам муҳим ўрин тутади.

Шахснинг ижтимоийлашув жараёни жамият сиёсий ҳаётида иштирок этиш, сиёсий йиғинлар, митинглар, сайлов компаниялари, сиёсий ташвиқот, таълим-тарбия, сиёсий ҳаётни ўрганиш орқали ошиб боради.

**Шахс сиёсий оғнининг асосий турлари** Политология фанида шахснинг демократик ва авторитар турлари бир-бирдан фарқ қиласади. Масалан, демократик турдаги шахс кишиларга нисбатан очиқ кўнгил, софдил, тўғри сўзли, тенг ва эътиборли бўлиб демократик жамият ва давлатда ижтимоий ва руҳий жиҳатдан ўз-ўзини бошқара оладиган, муқобил қадриятларнинг биттасигагина боғланиб қолмасдан, уларнинг кўпларига амал қила олиш сингари фазилатларга эга бўлиши лозим.

Демократик шахс ўзида бошқалар устидан ҳукмронлик қилиш эҳтиёжини ҳис қиласади. Демократик турдаги шахсга сиёсий оғнининг юксаклиги ва сиёсий билимларнинг кучлилиги, сиёсий воқеалар тўғрисида кенг маълумотга эга эканлиги билан улар тўғрисида ўз фикрига эга бўлишлиги ва ҳатто танқидий ёндоша олиш, сиёсий

масалаларда билимдон, сиёсий ҳаётга ғаол иштирок этиш сингари хусусиятлар ҳам хосдир. Авторитар турдаги шахсга эса юқоридагиларга зид хусусиятлар хосдир. У кишиларни «ҳокимиятга эга бўлган ва ҳокимиятга эга бўлмаган» гуруҳларга ажратади. Унинг учун кучруҳлантирувчи омил, кучсизлик — ғаолиятсизликдир. Авторитар турдаги шахс энг аввало юқори мансабга эга бўлганиларга бўйсунади. Шахснинг бу тури сиёсий ҳокимият ва уларнинг вакиллари фикрига нисбатан хотанқидий муносабатда бўлади, ижтимоий-сиёсий ҳаётда уни ўнг кучлар, гуруҳлар қизиқтиради. Авторитар турдаги шахс тенглик ва бирдамликни тан олмайди. Бу тоифа шахс, гуруҳ ёки ташкилотнинг сиёсий ҳаётда иштироки турли шаклларда намоён бўлади. Шахснинг спёсий иштирокини қандай баҳолаш мумкин? Бу масалага атрофлича ёндошмоқ зарур. Бир томондан, сиёсий иштирок орқали инсоннинг ҳар томонлама ўзини ижодий намоён қила олиши учун шарт-шаронт яратилади. Шахсларнинг сиёсий жиҳатдан ўзларини намоён қилишлари уларнинг туғилиши, жамият ва давлатни бошқаришда қатнашиш истаги сиёсий арбобларнинг шаклланиши сингари кўпгина ижобий ҳолатларни очиб беради. Шахснинг демократик сиёсий жараёнлардаги иштирокини намоён қилиш усули, муомала ва мулоқот маданиятининг шаклланиши. бошқариш ва ўз-ўзини бошқариш кўникумаларининг ҳосил бўлишидир. Бўндан ташқари инсоннинг сиёсатнинг обьектидан унинг субъектига айланниши, сиёсий бошқарув тизими фаолиятининг халқ оммаси томонидан демократик тарзда назорат қилиниши жамият томонидан уни бошқариш функциясининг муҳим шартидир. Шахснинг сиёсий жараёндаги ғаол иштироки муайян шарт-шаронтларни талаб қиласди. Инсоннинг нормал сиёсий ғаолият кўрсатиши учун зарур бўлган шарт-шаронтлар, ҳуқуқ ва эркинликлар, сиёсий маданиятини ошира олиши учун имкониятлар мавжуд бўлиши зарур. Жамият сиёсий тизими ва сиёсий иштирок ўртасидаги ўзаро алоқадорликда; биринчидан, жамиятнинг сиёсий тизими ва ғаолият кўрсатишнинг демократик шакллари ўртасидаги боғлиқлик; иккинчидан, жамиятнинг демократик институтлари сиёсий ғаоллик ва сиёсий йўналишларга сезиларли даражада таъсир курсатади. Шахснинг сиёсий қарашларининг шаклланиши, сиёсатнинг субъекти сифатида намоён бўлишида оммавий ахборот воситалари катта роль ўйнайди, Шахсада

демократик хусусиятлар кўпроқ намоён бўладими ёки у авторитар ва бошқа нодемократик ғоялар ва амалиётини маъқул кўрадими? Бу кўпроқ шахснинг сиёсатга ёндашуви тамойиллари билан бевосита боғлиқдир. Шахснинг сиёсий онги ва хатти-ҳаракатига маданият кучли таъсири кўрсатади. Саводсиз ёки маданий савиаси паст киши сиёсат билан уйғун бўла олмайди. Саводсиз кишининг сиёсатга фаол, онгли иштирок этиши қийин. Бундай шахс, аксинча турли хил сиёсий ҳаракатлар таъсирига мойил бўлиши мумкин. Бунда у кўпроқ сиёсатнинг объектига айланади. Собиқ тоталитар тузум инқизозидан сўнг кўпгина мамлакатларда ўтиш даври ижтимоий ҳаётнинг бошқа соҳалари каби кишиларнинг сиёсий-бошқарув фаолиятида қатнашиши билан боғлиқ сиёсий соҳада ҳам бир қатор зиддиятларни вужудга келтирди. Бу ерда ушбу мамлакатларнинг ҳаммасига тааллуқли бўлган жамиятни ижтимоий демократлаштиришга тўсқинлик қилувчи, ўз моҳиятига кўра авторитар сиёсий тизимга хос сиёсий-ташқилий чораларни кўришни талаб қилувчи умумий ҳолат мавжуд бўлди. Сиёсий ва ҳуқуқ билан боғлиқ бўлган қарорларнинг қабул қилиниши билан уларнинг бажарилиши ўртасида катта узилиш мавжудлиги яққол кўриниб қолди. Қабул қилинган қарорларнинг бажарилмаслигининг сабаби охир-оқибат ҳуқуқий механизмнинг ишлаб чиқилмаганлигига өмас, балки сиёсий-ҳуқуқий ижро маданиятининг этиш маслигига ҳамдир.

Шундай қилиб, шахснинг сиёсий маданияти унинг давлатга ва сиёсатга муносабати, сиёсий фаоллик даражаси, инсонинг сиёсий мавжудод сифатида ҳар томоплама қобилиятининг намоён бўлиши, шахснинг жамият сиёсий ҳаётининг субъекти сифатида шаклланишига ёрдам берувчи муайян шарт-шароитларга асосланади. Демократик жамиятда шахс ҳуқуқ ва эркинликларидан фойдаланган ҳолда сиёсий жараёнларнинг иштирокчиси бўлиши мумкин. Шу билан бирга бундай иштирокчининг иштирок этиш даражалари ва шаклларини фарқламоқ зарур. Энг аввало, сиёсий иштирок функционал даражаси билан фарқ қиласи. Бу ҳолда шахснинг сиёсий ҳокимият тизимини, унинг сиёсий институтлар давлат органларида тақсимланишини, норматив асосларининг шакллантирилиши ва такомиллаштирилишини, давлат ҳокимияти органларини бошқариш, суд ва назорат органлари шахсий таркибининг шакллантирилишини, ички

ва ташқи сиёсий йўналишларнинг йшлаб чиқарилиши ҳамда амалга оширилишини, сиёсий ҳаётнинг бошқа табакаларини таърифлашдаги ролини ажратиб кўрсатиши мақсадга мувофиқдир. Шахс сиёсатнинг субъекти сифатида сиёсий ғамхўрликдаги фаолиятни бевосита дарражада амалга оширади. Давлат ва ижтимоий ҳаётнинг муҳим масалаларини ҳал қилишда фуқароларнинг сайловлари орқали бевосита иштирок этиши билан ўзининг демократик эканлигини ифодалайди. Шу билан бирга сиёсий иштирок кишилар томонидан сайланган вакиллар (парламентлар, ҳокимиятнинг маҳаллий органлари, ижтимоий сиёсий ташкилотлар ва уюшмаларнинг сайлаб қўйиладиган органлари) ва депутатлар (делегатлар, вакиллари ва ҳ.к.) орқали ҳам амалга оширилиши мумкин. Демократик эркинликларнинг юқори даражасига эришган жамиятда фуқароларнинг давлат ҳокимиятини бошқаришдаги иштирокчилиги ошиб боради.

Маъмурий буйруқбозлик шароитида шахснинг сиёсий жараёндаги иштироки шунчаки объект сифатида чекланган эди.

Демократик, фуқаролик жамиятида эса шахснинг сиёсий бошқарув жараённинг ҳамма босқичларида, энг аввало, бу жараённинг муҳим босиқичи — сиёсий иштирокининг доираси ва йўналишини белгилайдиган, яъни қарорларни ишлаб чиқиш ва қабул қилишда фаол иштирок этишини таъминлайдиган мустаҳкам кафолат яратилиши керак.

Шунингдек, сайлов компаниялари ва сайловлар, давлат ҳокимиятининг олий ва маҳаллий органларида сайловларда қатнашиш сиёсий партиялар, ҳаракатлар фаолиятида иштирок этиш ва қонун асосида рухсат берилган митинглар, намойишлар, ҳ.к. тарзида ҳам амалга оширилиши мумкин. Демократик жамиятда демократик қадриятлар ва кўрсатмаларга птур етказмайдиган, сиёсий қарашлар ва ҳаракатларнинг кенг кўринишларини намоён қилишга имкон берувчи институционал шакллар ишлаб чиқилган.

Бу ўринда, жамият қанчалик демократлашган бўлса, унда сиёсий иштирок шаклларининг шунчалик кўп бўлиши сингари ўзига хос хусусиятларини таъкидлаб ўтиш жоиздир.

Мустақиллик шарофати билан республика фуқароларининг жамият сиёсий ҳаётида иштироки кенгайиб бормоқда, бу ижтимоий ҳаётни демократиялаштириш, фу-

қарðларнинг ҳуқуқ ва эркинликларни ҳимоя қилувчи институтларнинг кенгайиб бориши, сиёсий кўп фикрликка нисбатан сабр-тоқат билан муносабатда бўлишда яқъол кўринмоқда. Бу жараёнлар ҳуқуқий давлат вужудга келишининг муҳим жиҳатлариdir.

Жаҳон сиёсий амалиётiga кўра демократия, сиёсий иштирок ва уларни амалда қўллаш ҳақида турли хиллик бўлиб келди ва халигача давом этмоқда.

Жамиятнинг демократиялашуви табиий равишда сиёсий онгсинг ўсчига олиб келади, у айни пайтда муайян вазифаларни бажаради.

**Сиёсий онг  
ва мафкура** Мустақиллик туфайли нафақат жамият ижтимоий-сиёсий, иқтисодий, маънавий асослари ўзгарди, айни пайтда унинг мафкуравий асослари ҳам ўзгарди. Олдин жамиятнинг ҳаёти ва сиёсий тизими давлат мафкураси даражасида асосланар ва ҳаётга татбиқ этилар эди. Бу мафкура моҳияти жиҳатидан ягона фикр, қарашни ўtkазишга, унинг ҳокимлигини таъминлашга қаратилган эди. Айрим синф манфаатига қаратилган, унинг мақсад ва қарашларини ҳимоя қилиб келган мафкура ижтимоий ҳаётда жуда катта зиддиятларни келтириб чиқарди. Чунки айрим синфнинг манфаати инсон манфаатидан устун қўйилди, бу умуминсоний тамойилга, жамият ривожининг табиий оқимига мос келмади. Жамиятнинг сиёсий, ижтимоий, маънавий ҳаётидаги уйғунлик бузилди. Жамият «синфлар»га ажратиб қўйилди. Инсонларга унинг эътиқодига, ижтимоий аҳволига, дини, қайси миллатга мансублигига қараб муносабат билдириладиган бўлинди.

Собиқ сиёсат ва мафкура таъсирида инсонларга инсон сифатида эмас, уларни «синф» сифатида кўриш ва муносабатда бўлиш пайдо бўлган эди. Оқибатда жамият олдидаги мавжуд муаммоларни ҳал этишда, инсоний комиллик, фозиллик, бунёдкорлик эмас, аксинча «эўравонлик», «бировларнинг хоҳиш-иродаси билан ҳисоблашмаслик», лоқайдликка қаратилган, бир томонлама онг ва тафаккур тарзи шаклланди. Собиқ мафкура инсонларнинг онгини бир томонлама яширин, фаразли манфатлар ва тамойилларга йўналтирилганлиги мустақиллик туфайли барҳам топди.

Жамият мафкурасиз бўлмайди, чунки ҳар давлат мустақил тараққиёт ва ривожланиш йўлини танлаб олар экан, ўз тараққиёт дастурига, қарашига, амалга оши-

риш тамойилларига, концепциясига эга бўлмасдан, ўз истиқболини аниқ кўра олмайди. Ана шундай қадриятларга содиқ бўлган Ўзбекистон ҳам, мафкурага янгича ёндашган ҳолда, уни энг олий қадриятлар даражасига олиб чиқди ва «мустақиллик», «миллий» мафкурасини шакллантиришни ўз олдига мақсад қилиб қўйди. Миллий истиқлол мафкураси очиқ демократия асосида эканлигини ҳам алоҳида айтиб ўтиш керак. У тафаккур эркинилигига, фикрлар хилма-хиллигига асосланади. Шу жиҳатдан республикада «кўпартиявийлик», «муқобил сайлов тизим»ларга ўтилиши ҳам шунга мувофиқ келади. Давлат сиёсатини мафкура тор доирадаги манфаатлар тизимидан олиб чиқиб, умуминсоният олдида турган муаммоларни ҳал этишга йўналтирилар экан, бу давлатлар ўртасидаги ўзаро муносабатларда «ишончсизлик» кайфиятини бартараф этилишига ҳам олиб келади. Жамиятнинг ривожи ўзаро манфаатли ҳамкорлик, умуминсонийлик тамойиллари асосида кўрилса «зўравонлик», «ўз кучига таяниш», бошқа ҳалқлар тақдиринга, хоҳиши иродасига «писандсизлик билан қараш» каби эскича тафаккурга, мафкуравий ақидаларга ўрин қолмайди. Бу эса, жамият маданий-маърифий асосларининг ривожланиши билан ҳам мос келади. Ижтимоий ҳаёт, унинг доимий ривожланиши мафкуралар хилма-хиллигини тақазо этади.

#### Сиёсий маданият тушунчаси ва моҳияти

Сиёсий маданият моддий ва маънавий маданиятлар билан бир қаторда жамият тизимини характерли жиҳатидир. У ўзига хос, ҳаракат доираси (сиёсий соҳаси, сиёсий ҳокимиятнинг мавжудлиги), маданиятнинг жиҳатини тавсифловчи томонлари билан таърифланади. Сиёсий маданиятнинг жамият сиёсий ҳаёти, сиёсий ҳокимиятни амалга оширишнинг механизми билан алоқадорлигини ҳисобга олиш, унинг чегараларини аниқ белгилаш муҳимдир. Буларни ҳисобга олмаслик сиёсий маданият мазмуни саёzlанишига уни бошқа ижтимоий маданий ҳодисалар билан чалкаштириб юборишга олиб келиши мумкин. Сиёсий маданиятнинг мазмунини чуқур билиш учун унинг тузилишини таҳлил қилиш зарурдир. Масалан, америкалик политологлар Г. Алмонд ва М. Вебер ўзларининг «Фуқаролик маданияти» китобида сиёсий маданиятни кишиларнинг сиёсий институтга нисбатан руҳий йўналишлар мажмуаси сифатида таърифлайдилар. Уларнинг фикрига кўра, миллатнинг сиёсий ма-

данияти муайян миллат вакиллари орасида йұналишлар намуналарини сиёсий институтга нисбатан алоҳида тақсимлашдир. Жамиятнинг сиёсий маданияти эса аҳолининг билимлари, ҳиссиётлари баҳоланишининг умумлашган сиёсий тизимдир. Сиёсий маданиятга қадриятлар, эътиқодлар, йўриқномалар ва ҳ.к. мажмуаси деб қараш кўпчилик политологлар учун умумийдир. Шу билан бирга, бошқа нуқтаи назарлар ҳам мавжуд. Масалан, политологлардан Р. Карп ва М. Бернштейн сиёсий маданият ўз таркибиға сиёсий ғоялар ва ижтимоий амалиётни олади, деб таъкидлайдилар. Америкалик политолог Р. Такрек эса сиёсий маданият таркибиға онг унсурлари билан бирга тан олинган сиёсий хатти-ҳаракат ёки фаолият намуналарини ҳам киритади. Россия политологлари Ф. М. Бурлацкий ва А. А. Галкин сиёсий фаолият тушунчаси сиёсий маданият тушунчасига нисбатан кең тушунча бўлганлиги учун уни сиёсий маданият таркибиға киритиш мумкин эмас, сиёсий маданият сиёсий фаолият манбаларидан бирини ташкил қиласи, деб кўрсатадилар.

Сиёсий маданият сиёсий ҳаётнинг жабҳаларини ва унга муносабатни ўзида мужассамлантирганлиги учун уни ҳаётда мухим роль ўйнайдиган алоҳида тушунчалар билан масалан, сиёсий, онг ёки сиёсий фаолият доираси билангина чеклаб қўйиш мумкин эмас. Сиёсий маданият сиёсий онг ва сиёсий фаолиятни ўзига қамраб олмайди, балки муайян жамият ва гуруҳларнинг сиёсий ҳаёти, аҳоли кўпчилигининг сиёсий ҳаёти ва хатти-ҳаракатига айланган характерли, типик, оммавий ҳолатларини ўзида мужассамлаштиради. Шунингдек, ҳар қандай онг ва хатти-ҳаракатнинг эмас, ўзлаштирилган кўнишка, тассавур, малакани ҳам ўзига қамраб олади. Шунга асосан, сиёсий маданиятни муайян ижтимоий гуруҳга хос бўлган сиёсий онг ва фаолиятнинг мажмуаси сифатида таърифлаш мумкин. Узбекистон Республикасининг қабул қилинган миллий байроби, герби, мадҳияси, унда тарихий маънавий қадриятларнинг намоён бўлиши билан бирга кишида ватанпарварлик ва миллий ғуурни уйғотади.

Жамиятнинг сиёсий маданияти мавжуд аҳоли асосий қисмининг сиёсий онги ва фаолиятини акс эттирувчи мухим жиҳатларидир. Сиёсий ҳаётнинг барқарорлиги билан боғлиқ бўлган муаммо бу жамиятдаги етакчи

сиёсий маданият ва сиёсий тизим, энг биринчи навбатда, институтлашган тизим ва сиёсий режим ўзаро мос келиши керак.

Сиёсий маданият мафкура билан ҳам боғлиқ. Бу ҳар қандай вазиятда улар маданият ва ўртасидаги чамбарчас боғлиқликни ҳисобга олишни талаб қилади.

Мафкура манфаатларни умуминсоний тамойилларга бўйсундирса, ҳар қандай гаразли, яширин, нохолисона манфаатларнинг устуворлиги эмас, эзгулик, яхшилик,adolat сари етаклайди. Демак, асосийси мафкурани қандай тамойил асосида амалга оширилишига боғлиқ бўлиб қолади. Мафкуралар хилма-хиллиги умуминсоний тамойиллар асосида ижтимоий, таълим ва тарбия, маданий-маърифий вазифаларни амалга оширган тақдирдагина холисона бўлади ва жамиятнинг сиёсий-ижтимоий, иқтисодий, маданий ривожланишига мувофиқ келади. Инсонларни инсонлар билан яқинлаштиради, уларни ўз моҳиятини англашга ёрдам беради, комилликка ундаиди. Инсон маърифатлашиб, унинг табиати ҳар қандай «ёвуз» иллатлардан тозаланиб боради. Миллий истиқлол мафкураси умуминсоний тамойилларига асосланар экан, уни қандай амалга ошириш ва унга эришиш унинг энг муҳим жиҳатидир. Бу мафкуранинг асосий мақсади ҳам янги жамият қуриш йўлида фаолият курсатаётган инсонларга, мустақил Ўзбекистоннинг давлат ва жамият қурилиши, маънавий ҳаёти, таълим-тарбия жараёнида амалга оширилаётган мақсад ва вазифаларнинг моҳиятини етказишини асосий мақсад қилиб қўяди. Бунда мустақил давлатнинг ҳар бир фуқаросида комиллик фазилатларини шакллантириш, улар фаолиятини, онги, қарашларини умуминсоний тамойиллар, қадриятларга йўналтиришдан иборат бўлиб, инсонни дунёning бир бўлаги сифатида ўзини ҳис этишда масъулият туйгуларини шакллантиради. Уларда ўзлигини англаш дунёning яхлитлигини англашга, дунёning қандай бўлиши, унинг фозиллиги ҳам, жоҳиллиги ҳам, яратувчилик, бунёдкорлиги ёки «ёвузлик, тажовузкорлик» ҳолатлари ҳам инсона, унинг руҳияти, ахлоқи, тарбиясига боғлиқ бўлади. Мафкурада умуминсоний тамойилларни амалда таъминлашнинг қонуний асослари яратилиши ҳуқуқий, демократик давлатнинг муҳим шартидир. Шу билан бирга, давлат ҳокимиятининг барча бўғинлари, ижтимоий-иқтисодий, маънавий тизимлари, таълим-тарбия муассасаси-

рұр. Мұстақиллік мағкураның кишилар оңгыға ва тафак-  
қуриға у ёки бу қарашиң зұрлаб киритищ, қабул қылди-  
риш асосида әмас, аксинча түрли хил фикрлар ва қараши-  
ларни шаклланишиға шароит яратиб, унинг қарор топи-  
шиға имконият яратди.

#### ТАКРОРЛАШ ҮЧУН САВОЛЛАР

1. Сиёсий оңг ва унинг таркиби нима?
2. Сиёсий ижтимоијашув нима?
3. Сиёсий маданият мөхиятины түшүнтириңг.
4. Сиёсий оңг ва мағкура қандай алоқада туради?
5. Миллий истиқолол мағкурасы деганда нимани түшүнасиз?

## ІІ БЎЛИМ

# СИЕСИЙ ҲОҚИМИЯТНИНГ АМАЛ ҚИЛИШ СОҲАЛАРИ

8-мавзуу

### СИЕСАТ ВА ИЖТИМОИЙ ҲАЁТ

**Ижтимоий сиёсатиниң мөҳияти** Сиёсат жамиятнинг ижтимоий-иқтисодий ҳаёти билан узвий боғлиқ бўлиб, турли даврларда турлича намоён бўлган. Унинг сабаблари хилма-хил бўлиб, жамиятда сиёсатнинг мақсади ва вазифаси, амал қилиш тамойиллари қандай манфаатларга бўйсундирилганлиги, жамиятнинг ривожланиш ҳолати билан тавсифланади.

Ижтимоий сиёсат ва ҳаёт ўртасидаги муносабат шунингдек, давлат ҳоқимияти ва унинг бўғинлари, жамиятни бошқаришнинг ҳуқуқий-демократик асослари билан ҳам узвий боғлиқ бўлади. Жамиятни бошқаришдаги демократик жараёнлар билан маъмурий буйруқбозлик асосида бошқариш сиёсат билан ижтимоий-иқтисодий ҳаёт ўртасида икки хил ҳолатни вужудга келтиради.

«Ижтимоий сиёсат» тушунчаси кенг мазмунга эга бўлиб, «социал сиёсат» соҳаларини ҳам ўз ичига олади.

Турли даврларда амалга ошириладиган ижтимоий сиёсат умумийлик ва ўзига хос хусусиятлари билан характерланади. Бунинг ўзига хос сабаблари мавжуд. Аввало жамиятнинг танланган сиёсий йўли иқтисодий, ижтимоий тараққиёт даражаси, жамиятнинг сиёсий тизими, амалга оширилаётган ижтимоий сиёсат тамоийлларига бевосита боғлиқ.

Масалан, Ўзбекистон Республикасида, шунингдек, бошқа мустақил бўлган давлатларда собиқ СССРнинг парчаланиши натижасида давлатнинг якка ҳоқимлик тизимидан мерос бўлиб қолган муаммолар мажмумини ҳал этиш лозим бўлди. Аввало, унинг иллатларидан,

директив режалаштиришдан воз кечиб, иқтисодий ва молиявий вазиятнинг барқарор бўлишини таъминлашга алоҳида эътибор берилди. Ижтимоий сиёсат ва давлат ўртасида янгича муносабатлар қарор топди. Бозор муносабатлари талабларини ҳисобга олган ҳолда республика иқтисодиётининг тармоқ ва ҳудудий тузилмасйни тубдан қайта қуриш, сабиқ «иттифоқ ихтисослашуви» натижасида ишлаб чиқарувчи кучларни ривожлантириш ва жойлаштиришда йўл қўйилган номутаносибликини тугатиш, халқ хўжалигининг хом ашёга йўналтирилганлигидан воз кечиш сиёсатнинг асосий вазифаси сифатида қўйилди. Узбекистон давлатида: «энг муҳими ижтимоий ларзаларсиз, қатъият ва изчиллик билан бозор муносабатларига ўтиш, жами куч-ғайрат ва бойликлардан самарали фойдаланиши, халқ хўжалигининг барқарор ривожланишини, республиканинг турмуш даражаси юқори бўлмаган жойларда ва ҳолларда эса сиёсатда бошқаришнинг маъмурий-буйруқбозлик ва «зўравонлик»ка асосланган йўли қўл келтиради. Ижтимоий-иқтисодий ҳаётни бошқаришнинг мақсадлари доираси, муайян кучлар манфаатларига бўйсундирилади. Ижтимоий сиёсат ва ижтимоий-иқтисодий ҳаёт ўртасидаги боғлиқлик давлат тузилиши, унинг таркиби, сиёсий режим, тартиб ва қоидалар ҳамда давлатнинг ижтимоий-сиёсий статуси, мустақил ёки мустақил эмаслиги ҳолатлари билан белгиланади.

Мустақил бўлмаган халқ ӯзининг суверен давлатига эга бўла олмайди. Ӯз суверенитетига эга бўлмаган давлат мустақил равишда ижтимоий сиёсат олиб бора олмайди.

Демак, давлатнинг ўз суверенитетига эга бўлиши ижтимоий сиёсат билан ижтимоий-иқтисодий ҳаёт ўр-

<sup>1</sup> И. А. Каримов. Узбекистон бозор муносабатларига ўтишнинг ӯзига хос йўли. Т. «Узбекистон» 1993, 9—10 бетлар.

тасидаги ўзига хос хусусиятларни аниқлашда ва белгилашда ҳамда сиёсатнинг табиатини намоён бўлишида муҳим аҳамият касб этади. Ижтимоий сиёсатнинг мөхияти ижтимоий-иктисодий ҳаёт орқали яққол намоён бўлади ва сиёсатнинг қандай тамойилларга асосланганлиги билан белгиланади.

Ижтимоий сиёсатда инсон манфаатлари асосий тамоил бўлиб, сиёсат йонсон учун ижтимоий-иктисодий жараёнларга бўйсундирилади ва унинг йонсонпарвар табиати яққол намоён бўлади.

Жамиятнинг ривожланиши сиёсий ҳокимият фаолияти, давлат билан ижтимоий соҳалар ўртасидаги уйғунлик даражасига боғлиқ. Бундай уйғунлик бузилган ҳолларда сиёсат, ижтимоий-иктисодий ҳаёт ва инсон манфаатлари ўртасида номувофиқлик вужудга келади, инсон манфаатлари мавҳумлашади. Бу эса жамиятнинг ривожланишига салбий таъсир кўрсатади.

Ўзбекистон Республикаси Конституциясида: «Ўзбекистон Республикасида ижтимоий ҳаёт сиёсий институтлар, мафкуралар ва фикрларнинг хилма-хиллиги асосида ривожланади...», деб унинг ҳуқуқий асосларни кафолатлаб берилди.<sup>1</sup>

Ўзбекистон Республикасида ижтимоий ривожланиш асослари кўрсатилиши тамойиллари ҳуқуқий кафолатланиши билан бирга, бешта асосий қоида Ўзбекистон давлат қурилиши ва иктиносидёти асосига қўйилди. Уларнинг мөхияти аниқлаб берилди.

Биринчидан, иктиносидий ислоҳотлар ҳеч қачон сиёсат ортида қолмаслиги лозим. У бирор мафкурага бўйсундирилиши мумкин эмас. Бунинг маъноси шуки, иктиносидёти сиёсатдан устун туриши керак. Ҳам ички, ҳам ташқи иктиносидий муносабатларни мафкурадан холи қилиш зарур.

Иккинчидан, давлат бош ислоҳотчи бўлиши лозим. У ислоҳотларнинг устувор йўналишларини белгилаб бериши, ўзгартиришлар сиёсатини ишлаб чиқиши ва уни изчиллик билан ўтказиши, жаҳолатпастлар (ретрографлар) ва консерваторлар қаршилигини бартараф этиши шарт.

Учинчидан, қонун ва қонунларга риоя этиш устувор бўлиши лозим. Бунинг маъноси шуки, демократия

<sup>1</sup> Ўзбекистон Республикасининг Конституцияси, 11-бет.

йўли билан қабул қилинган янги Конституция ва қонунларни ҳеч истиносиз ҳамма ҳурмат қилиши вә уларга оғишмай риоя этиши лозим.

Тўртингидан, аҳолининг демографик таркибини ҳисобга олган ҳолда кучли ижтимоий сиёсатни ўтказиш, бозор муносабатларини жорий этиш билан бир вақтда аҳолини ижтимоий ҳимоялаш юзасидан олдиндан таъсирчан чоралар кўрилиши лозим. Бу бозор иқтисодиётий йўлидаги энг муҳим вазифа бўлиб келди ва бундан кейин ҳам шундай бўлиб қолади.

Бешинчидан, бозор иқтисодиётига ўтиш объектив иқтисодий қонунларнинг талабларини ҳисобга олган ҳолда, ўтмишдаги «инқилобий сакрашларсиз», яъни эволюцион йўл билан пухта ўйлаб, босқичма-босқич амалга оширилиши назарда тутнлган.

Бу қоидаларга амал қилиш сиёсат билан ижтимоий-иқтисодий ҳаётни мувофиқлаштиришни, ижтимоий-сиёсий барқарорликни, бозор муносабатларини жорий этишини таъминайди.

**Иқтисод ва сиёсат** тушунчалари жамиятнинг Энг муҳим соҳаларини ўз ичига олади. У инсонлар ҳаётида содир бўладиган ўзгаришларнинг хусусиятларини, мазмунини ва ривожланиш истиқболини белгилаб беради. Инсонлар турмуши ва тафаккурида содир бўладиган ўзгаришлар, мамлакатнинг ижтимоий аҳволи, ривожланиш даражаси, унинг дунё миқёсида тутган ўрни ва мавқеи ҳам иқтисод ва сиёсат муносабатларига бевосита боғлиқ бўлади. «Иқтисод» тушунчаси кенг маънода инсонларнинг моддий ишлаб чиқариш фаолиятларининг мажмумини ўз ичига олиб, инсонларнинг моддий эҳтиёжлари ва уни қондиришга бўлган объектив жараён сифатида намоён бўлади.

Жамият сиёсий тизими, сиёсий ҳокимиятнинг кўриниши билан боғлиқ ҳолда иқтисод ва сиёсат ўртасида турли хил муносабатлар мавжуд бўлиши мумкин. Бунда асосан икки хил ҳолат аниқ кўринади: а) сиёсат иқтисоддан устун бўлиши ва уни белгилаб бериши мумкин; б) аксинча, иқтисод сиёсатдан устун бўлиши мумкинлиги ижтимоий ҳаётдан маълум. Аммо бу иқтисод ва сиёсатнинг узвий бир-бiri билан боғлиқлигини инкор этмайди.

Юқоридаги икки ҳолат жамиятнинг сиёсий ҳаётига икки хил таъсир кўрсатади. Масалан, собиқ иттифоқ

даврида сиёсатнинг иқтисоддан устунлиги таъминланди. Марказдан режалаштириш тизими вужуга келди, бутун иқтисодий тизим ёппасига давлат мулкчилигига асосланди, мулкнинг хилма-хиллиги инкор этилди, халқ хўжалиги тузилмалари ҳаддән ташқари монополиялаштирилди; давлат корхоналарининг иқтисодий эркинликлари давлат буюртмаси, моддий бойликлар ва капитал маблағларининг меъёрланган тақсимланиши билан кескин чекланди. Бу республикаларнинг эркин иқтисодий ривожига, ишлаб чиқариш муносабатларининг ҳолатига салбий таъсир кўрсатди:

Ижтимоий ҳаётга хос бўлган хусусиятлар сиёсатда мужассам ҳолда ўз ифодасини топса, сиёсат жамиятнинг ижтимоий ривожига бевосита ёки билвосита таъсир кўрсатиши мумкин.

Сиёсатнинг ижтимоий-иқтисодий ҳаётга таъсири мавжуд сиёсий ҳокимият тизимлари, сиёсий институтлар, бошқарув органлари орқали амалга оширилади. Жамият ижтимоий-иқтисодий ҳаётининг ривожланишида давлат асосий сиёсий институт сифатида муҳим роль ўйнайди. Жамиятнинг демократиялашиши натижасида сиёсатга қараш ўзгарди. Иқтисоднинг сиёсатдан устунлиги таъминланмоқда. Айни пайтда бу давлатнинг бош ислоҳотчилик мавқенини сақлаб қолган ҳолда, давлат ҳокимияти ривожланишининг қонуний асосларини яратиб бермоқда ва қатъий назорат ўрнатиш орқали иқтисодий ислоҳотларни босқичма-босқич амалга оширилишига эришилмоқда.

Ижтимоий сиёсатда давлат ҳокимиятининг амалга ошираётган, ижтимоий йўналтирилган сиёсатнинг мақсади билан вазифаси уйғундир. Инсон ва умуминсоний тамойилларнинг устуворлигига амал қилинган ҳолда, инсон турли ижтимоий гуруҳларнинг манфаатларига хизмат қилишнинг, ижтимоий сиёсатнинг бош бўгинини ташкил этмоқда. Ўзбекистонда бу давлат ҳокимияти ижтимоий-иқтисодий сиёсатнинг туб моҳиятини ташкил этади.

Сиёсат ва иқтисодий турли хил ривожланишининг концепцияси

Жаҳон цивилизацияси ижтимоий тараққиётнинг янги-янги йўлларини ишлаб чиқди ва тартибга солинадиган бозор иқтисодиёти мана шу йўлга асос қилиб олинди.

ХХ асрнинг 80—90-йилларининг бошларида дунёда содир бўлган оламшумул ўзгаришлар ҳозирги замон

иқтисодий ва сиёсий тафаккурида ҳамда ижтимоий тараққиёт истиқболлари тұғрисидаги қарашларга жиддий үзгаришлар киритди. Тоталитаризмнинг ижтимоий ҳаётдаги күринишларига барҳам берилди ва берилмоқда.

Жамияттинг демократиялашуві тараққиёттің хилма-хил, үзига хос жиҳатлари борлығын күрсатді. Үннің хилма-хил бўлиши ҳар бир давлаттинг танлаган йўли, иқтисодиётда амал қилиш тамойилларіда ўз ифодасини топмоқда.

Маълумки, бир неча ўн йиллар давомида жаҳонда собиқ коммунистик мағкура таъсирида ижтимоий тараққиёттің «капиталистик» ва «социалистик» йўли тұғрисидаги ғоялар ўзаро курашиб, ўз таъсирини дунёга ўтказишга ҳаракат қилиб келди.

Биринчи назария классик сиёсий иқтисод, хусусий мулкчиликни ўта мутлақлаштириш, иложи борича кўпроқ фойда олиш мақсадида иқтисодиётни эркин тартибга солишга асосланган эди.

Иккинчи назария эса марксизм ғояларини тарғиб қилиб, мулкни ёппасига давлат ихтиёрига олиш, айрим синф манфаати асосида сиёсат юргизишга уриниб келди.

Кўпгина мамлакатлар эса «муқобил ривожланиш» назариясининг турли концепцияларига таяниб, ўз йўлини мана шу назариялар доирасида олиб боришга мажбур әдилар.

Булар муайян сиёсат таъсирида амалга ошди. Бундай қарашларнинг асосийлари қуидагилардан иборат эди. Улардан бири «Асосий эҳтиёжлар концепцияси» бўлиб, үнніг моҳияти, аҳолининг тириклик эҳтиёжини кафолатли тарзда таъминлаш ва иш билан банд қилиш муаммоларини ҳал этишдан иборат эди. «Мақбул ёки тегишли технология» концепцияси эса аҳоли бандлигини таъминлайдиган ва маҳаллий хом ашёни, аввало қишлоқ хўжалиги хом ашёсини қайта ишлашга қаратилган сермеҳнат технологияни ривожлантириш зарурлигига асосланади.

Бундан ташқари «Ўз кучига жамоа бўлиб таяниш» концепцияси ҳам мавжуд бўлиб, үнніг мақсади захіралардан тўлароқ фойдаланишга ва ривожланаётган мамлакатларнинг тараққий этган мамлакатларга қарамлигини камайтириш мақсадида улар ўртасида ҳамкорликни мустаҳкамлашдан иборат эди. Ниҳоят, «Янги ҳалқаро иқтисодий тартиб» концепцияси ривожланаётган мамлакатларнинг иқтисодий жиҳатдан мустам-

лака ҳолатидан қутилишига, иқтисодий қолоқлигини тутгатишга, тенг ҳуқуқли шериклар сифатида тан олиниш ҳақида хом-ашё ва саноат молларига ўз манфаатларига мувофиқ келадиган янги нархларни, ҳалқаро савдо меъёрларини, валюта курсини белгилашга, замонавий технологияларни сотиб олиш имкониятларини кейнгайтиришга бўлган умумий интилишларни акс этиради.

Тартибга солинадиган бозор иқтисодиётiga ўтишнинг бошланғич шартларига кўра, бир-биридан фарқ қилиувчи турли хил ёндашувнинг мавжудлигидир. Бу мустақиллик даврида амалга оширилаётган ислоҳотларнинг ўзига хос жиҳатларини ҳам белгилаб беради.

Бунда биринчидан, бозор муносабатларини чуқурлаштириш ва ривожлантириш, узоқ давом этган эволюцион тараққиёт йўлини босиб ўтган ривожланган мамлакатларда аралаш иқтисодиётни шакллантиришга;

иккинчидан, ривожланаётган мамлакатларнинг энг оддий ва бозор патриархал феодал муносабатлари кўринишларига эга бўлган анъанавий иқтисодиётни маданий бозор муносабатларига айлантиришга;

учинчидан, собиқ социалистик мамлакатларнинг якка ҳокимлик тартибидан, маъмурий-бўйруқбозлиқ бошқаруви ва марказлаштирилган раҳбарлик усулидаги режалаштиришдан бозор муносабатларига, демократик жамиятга ўтишга алоҳида эътибор берилади.

Шунингдек, айрим давлатларда хусусан, Хитойда, Вьетнамда, Лаосда социализм гояларини самарали бозор иқтисодиётини вужудга келтириш билан қўшиб олиб бориш амалиёти ҳам мавжуд эканлигини таъкидлаш лозим.

Дунё давлатлари тажрибаси бозор иқтисодига эволюцион ёки босқичма-босқич ўтиш энг оқилона эканлигини кўрсатди.

Турли мамлакатларнинг давлат сиёсатида иқтисодиётга, яъни бозор иқтисодиётiga ўтиш йўллари турли бўлиши билан бирга, унинг андозалари ҳам хилмачилларидир.

Бозор иқтисодиёти ва ислоҳотларнинг негизини ташкил этувчи йўлларнинг хилма-хиллиги иқтисодиётни давлат томонидан қандай тартибга солиниши ва қайси даражада қўшиб олиб борилиши, уларнинг иж-

тимоий йўналиши, иқтисодий муаммоларнинг устуворлиги билан боғлиқ бўлади.

Масалан, «америкача» андозада эркин бозор муносабатлари кучли роль ўйнайди, «япон» ва «француз» андозалари хўжалик фаолиятини ташкил этишда давлатнинг иштироки катта эканлиги билан характерланаиди.

«Чемис» ва «швед» андозаларида давлат сиёсатида ижтимоий йўналиш анча устувордир.

Ўзбекистон учун ўзи танлаб олган йўл сиёсат ижтимоий соҳага йўналтирилган, республиканинг манфаатларига, шарт-шароитлари ва хусусиятларига энг кўп даражада мос келадиган бозор иқтисодини шакллантиришга қаратилган йўлдир.

Иқтисодий сиёсат латнинг мулкка бўлган муносабати ва мулк шакллари иқтисодий сиёсатнинг асосида ётади.

Жамият сиёсий фикр ривожи тарихида унга турли хил қарашлар мавжуд бўлган ва амалий ҳаётга тадбиқ этилган. Сиёсий тафаккурда жамият ижтимоий-иқтисодий ривожига қарашнинг ўзгариши билан, мулк муносабатларига бўлган муносабат ҳам ўзгармоқда. Собиқ иттифоқнинг тарқалиб кетиши билан жамиятнинг ижтимоий-иқтисодий ривожланиши тўғрисидаги «марксча-ленинча» қараш ўрнига янгича тамойилларга асосланган нуқтаи назарлар иқтисодий сиёсатда ўз ифодасини топа бошлади.

Агарда жамиятлар ижтимоий-иқтисодий ҳаётига эътибор берадиган бўлсак, ривожланишнинг турли босқичларида уларнинг мулкий ҳолатлари турлича бўлганлигини кўриш мумкин. Масалан, мулкнинг умумийлик ҳолати меҳнат тақсимотининг ривожланиши ва манфаатлар доирасининг англаб олиниши билан мулкка нисбатан хусусий муносабатларнинг пайдо бўлиши ёки жамиядта турли мулчилик муносабатларини қўллаб-қувватлаш асосида ривожланишда ўз ифодасини топмоқда.

Шунингдек, мулкнинг хусусий ёки ижтимоий шакларининг устувор бўлган ҳолатлари ҳам мавжуд. Масалан, собиқ иттифоқ даврида мулкнинг ижтимоий шаклига, яъни ишлаб чиқариш воситаларига нисбатан ижтимоий мулчилик муносабати давлат иқтисодий сиёсатининг асосий негизини ташкил этган. Мулкнинг бошқа шакллари, хусусий мулк инкор этилган.

Бунинг оқибатида жамиятда давлат мулкининг ҳокимлиги таъминланиши билан бирга инсонларнинг иқтисадий фаолиятида эркин бўлиш ҳуқуқлари чекланди, мулкка эга бўлиш ҳуқуқидан маҳрум этилди, мулкка нисбатан әгасизлик кайфияти вужудга келди.

Мулкка бўлган муносабатда жамиятнинг ривожланиш қонуниятларини, инсонларнинг табиий хоҳиш ва иродаларини ҳисобга олган ҳолда мулк тизимини шакллантириш зарурлигини ҳаёт кўрсатмоқда.

Бугун жаҳон ҳамжамияти ўртасида қарор топаётган ўзаро манфаатли иқтисодий ҳамкорлик муносабатлари мулкининг ягона бир шаклини эмас, балки унинг турли, хилма-хил шакларини ривожлантириш сиёсатини амалга оширишни тақозо этмоқда. Аввало, а) ҳар бир давлат ўз ичидаги ижтимоий-иқтисодий ривожланиш негизларини мулкининг хилма-хиллиги асосида қурмоқда. б) Бундан ташқари минтақалараро ҳамда давлатлараро янги мулкчилик муносабатлари қарор топмоқда. Халқ ҳўжалигининг турли соҳаларида ўзаро қўшма корхоналар қурилиб, пшга туширилмоқда. Бу дунё миқёсида манфаатли иқтисодий сиёсат олиб борилаётганлигидан далолатdir.

Бундай сиёсат айрим минтақа даражасида ҳам, масалан, Марказий Осиё ҳалқлари манфаатларини ҳисобга олган ҳолда ягона иқтисодий маконни вужудга келтириш, ишлаб чиқариш концепцияси, сув ва энергетика ресурсларидан биргаликда фойдаланиш, шу ҳудудларда иқтисодий интеграцияларни янада чуқурлаштиришни амалга ошириш фаолиятларида ҳам ўз ифодасини топмоқда.

Истиқлол туфайли жаҳон ҳамжамияти давлатлари сингари, Ўзбекистон ҳам ўзига хос тараққиёт йўлидан бормоқда ва ижтимоий-иқтисодий сиёсат юргизмоқда. Мамлакатимизнинг иқтисодий, сиёсий ва маънавий ривожининг ҳозирги босқичида ижтимоий-иқтисодий соҳани ривожлантириш, мавжуд ресурслар ва имкониятлардан самарали фойдаланиш иқтисодий сиёсат олиб бориш учун асос бўлиб хизмат қилмоқда. Ҳокимиятнинг ижтимоий сиёсатида содир бўлган муҳим ўзгаришларидан бири уни инсон манфаатларига бўйсундирилганлигидир. Ўзбекистон Республикаси Конституциясининг 53-моддасида белгилаб қўйилганидек: «Бозор муносабатларини ривожлантиришга қаратилган Ўзбекистон иқтисодиётининг негизини хилма-хил шакл-

лардаги мулк ташкил этади. Давлат истеъмолчилари-нинг ҳуқуқи устулигини ҳисобга олиб, иқтисодий фаолият, тадбиркорлик ва меҳнат қилиш эркинлигини, барча мулк шаклларининг тенг ҳуқуқлигини ва ҳуқуқий жиҳатдан баб-баравар муҳофаза этилишини кафолатлади. Хусусий мулк бошқа мулк шакллари каби дахлизиз ва давлат ҳимоясидадир. Мулкдор фақат қонунда назарда тутилган ҳолларда ва тартибдагина мулкдан маҳрум этилиши мумкин»<sup>1</sup>.

Демак, Ўзбекистон давлатининг иқтисодий ҳаётида содир бўлган қўйидаги жиҳатларни алоҳида ҳисобга олиш керак. Биринчидан, сиёсатда мулкка нисбатан давлат монополиясига, мулкнинг ягоналиги (давлат — умумхалқ мулки ва колхоз—кооператив)га барҳам берилди ва мулкнинг хилма-хиллигига ўтилди. Иккинчидан, хусусий мулкчилик жорий этилди, барча мулкларга бир хилда ҳуқуқ берилиб, унинг дахлсизлиги давлатнинг ҳимоясига олинди.

Бу мавжуд сиёсий институтлар билан жамият иқтисодий тизими, ижтимоий-иқтисодий ҳаёт ўртасида янгича тамойиллар ва негизларда муносабатлар пайдо бўлганлигини кўрсатади.

Ишлаб чиқаришни ташкил этиш турли субъектларнинг эркин иқтисодий фаолият олиб боришлиарни кафолатлаб беради. Ўзбекистон суверен давлат сифатида очиқ иқтисодиётни вужудга келтириш соҳасида фаол иш олиб бўроқда, жаҳон ҳўжалик алоқаларида, халқаро меҳнат таксимотида кенг микёсла иштирок этмоқда. Ўзбекистон давлат сиёсатида иқтисодиётни жаҳон ҳўжалигига қўшишга алоҳида эътибор берилмоқда, у кўп томонлама халқаро ҳамкорлик ташкилотлари фаолиятида қатнашмоқда. Чунончи, Республика Бирлашан Миллатлар Ташкилотининг иқтисодий муассасалари, Жаҳон банки, Халқаро Валюта фонди, Халқаро Молия корпорацияси. Иқтисодий Тараққиётга Кўмаклашувчи Ташкилот, Халқаро Меҳнат Ташкилоти, Жаҳон Соғлиқни Сақлаш Ташкилоти каби ва бошқа халқаро молиявий-иқтисодий ташкилотларга аъзо бўлиб кирди ҳамда уларда фаол сиёсат юргаза бошлади.

Халқаро валюта фонди мутахассислари иштирокида Ўзбекистон иқтисодиётини чўқур ислоҳ қилиш мақсадида мунтазам ўзгартиришлар дастури ишлаб чиқилди.

<sup>1</sup> Ўзбекистон Республикасининг Конституцияси, 18—19-бетлар.

Ўзбекистон Марказий Осиё давлатлари билан биргаликда Туркия, Эрон ва Покистон томонидан тузилган Иқтисодий Ҳамкорлик Ташкилотига аъзо бўлди. Ўзбекистон давлати ташқи иқтисодий сиёсатида жаҳон иқтисодиётига қўшилишдан иборат бўлган стратегик интеграцион вазифа унинг асосий бўғинини ташкил этади. Бу амалда ўз ифодасини топмоқда. Масалан, ҳозирги вақтда республика ҳудудида рўйхатдан ўtkазилган хорижий сармоя иштирокидаги корхоналар 1450 тадан ошди. Ҳамдўстлик доирасида Россия, Украина, Беларусь, Молдова ва МДҲ даги бошқа мамлакатлар билан икки томонлама ўзаро манфаатли ҳамкорликнинг мустаҳкам негизини яратиш сиёсатини олиб бормоқда.

Ташқи иқтисодий фаолиятда уни эркинлаштириш сиёсатнинг асосий мақсадини ташкил этади.

Хорижий ҳамкорлар иштироки билан Республика «Ўздэуват» ва «Ўздэуэлектроникс» (Корея Республикаси), «Ўзиталмотор» (Италия) «ЎзБАТ» (Буюк Британия) ҳиссадорлик бирлашмалари ўзаро ҳамкорликни ўрнатиб, ташқи иқтисодий фаолият олиб бора бошлади.

Бозор муносабатларига ўтиб борилиши давлатни ижтимоий-иқтисодий ҳаётга бевосита аралашишига барҳам берди, чунки ижтимоий-иқтисодий ҳаётни демократлаштирасдан мулкни давлат тасарруфидан чиқариш, эркин иқтисодий фаолиятни ҳаётга жорий этиб, корхоналарга ишлаб чиқариш субъектлари ўртасида ўзаро эркин шартномавий муносабатларни шакллантирасдан туриб унда юксалишга эришиш мумкин эмас. Шунинг учун давлат ижтимоий-иқтисодий ҳаётга нисбатан бевосита аралашиш сиёсатидан воз кечди. Бу бозор муносабатлари шароитида давлат ва ижтимоий-иқтисодий ҳаёт ўртасидаги муҳим сиёсий-ижтимоий қонуният тарзида намоён бўлади. Унда давлат ижтимоий-иқтисодий ҳаётга қандай таъсир кўрсатади ва бошқариш қандай амалга оширилади? Давлатнинг билвосита таъсир кўрсатишини қандай тушуниш керак, деган саволлар туғилади. Давлатнинг ижтимоий-иқтисодий ҳаётга нисбатан сиёсати маъмурий-буйруқбозлик йўли билан эмас, аксинча, унинг қонуний асосларини яратиш ва ишлаб чиқиш ҳамда қатъий назорат ўрнатиш орқали амалга оширилали. Бу нафакат ҳукукий демократик давлат қуришнинг талаби, айни пайт-

да эркин ижтимоий-иқтисодий ривожланишни таъминлаш қонунларига ҳам тўла мос келади, ... бозор муносабатлари шароитида давлатнинг иқтисодиётни бошқаришдаги роли кескин ўзгаради. Иқтисодиётни бошқаришнинг асосий усули давлат органларининг бошқарувчилик фаолияти эмас, аксинча, қонун бўлиб қолмоқда. Давлатнинг бош вазифаси иқтисодий ишлаб чиқариш, ижтимоий ва савдо-иқтисодий муносабатларнинг ўз маромида ишлаши учун зарур шарт-шароитлар яратиб беришдан иборат<sup>1</sup>.

Бу ижтимоий-иқтисодий ҳаётда ва инсонлар тафаккури ва бошқариш тизимида шаклланган эскича фикрлаш, маъмурӣ-бўйруқбозлик, сансалорлик каби иллатлардан қутулишга шароит яратади. Ижтимоий-иқтисодий ҳаётга давлатнинг бевосита аралашадиган соҳаларини камайтириш борасидаги саъий-ҳаракатларни амалга оширади. Бу муҳим иқтисодий, сиёсий-ижтимоий аҳамият касб этади.

**Ижтимоий сиёсат ва унинг моҳияти.** Сиёсатнинг йўналишлари хилма-хил бўлиб, ижтимоий сиёсат унинг муҳим жиҳатини ташкил этади. Сиёсатнинг натижаси ана шу соҳа орқали яққол намоён бўлади ва инсон манфаатларига бевосита дахлдордир.

Бу республикамизда эски ижтимоий-иқтисодий муносабатлар ўрнида янгича тамойилларга асосланган ижтимоий-иқтисодий ислоҳотларни амалга ошириш учун кучли ижро ҳокимиятини зарур қилиб қўйди ва у республика ва маҳаллий давлат ҳокимияти идоралари тарзида шакллантирилди. Ўтмишда синалган анъанавий бошқарув идоралари — ҳокимликлар қайта тикланди.

Сиёсий, ижтимоий-иқтисодий соҳалардаги ислоҳотлардан мақсад юртимизда яшаётган барча фуқаролар учун муносаб ҳаёт шароитларини ташкил қилиш, ижтимоий инфраструктура даражасини яхшилаш, инсонларни, соғлом, маънавий жиҳатдан мукаммал, юксак маънавиятли авлодни шакллантириш ва тарбиялашдан иборатдир.

Мамлакатда ижтимоий-иқтисодий ислоҳотларни амалга ошириш асосида мавжуд муаммоларга барҳам

<sup>1</sup> И. А. Каримов. Ўзбекистоннинг сиёсий-ижтимоий ва иқтисодий истиқболининг асосий тамойиллари. «Ўзбекистон», 1995, 20-бет.

‘бериш инсон ҳуқуқларини амалда таъминлашнинг моддий асосларини яратишга имкон беради. Бундай сиёsat натижасида мустақил давлатимизда шахс эркинлиги, инсон ҳуқуқларининг муҳофазаси ва кафолати, эътиқод, меҳнат ва касбни эркин танлаш ҳуқуқи, таълим олиш, ижтимоий муҳофаза ва бошқа имкониятлар қонун билан ҳимоя қилинмоқда. Шуни таъкидлаш керакки, бозор муносабатлари шароитида Ўзбекистонда давлат бюджетининг катта қисмини ижтимоий соҳага сарфлашга алоҳида эътибор билан ёндашилмоқда. Жумладан, аҳолини ҳимоялашга сарфланадиган харожатлар бюджетнинг икки бандида ўз ифодасини топган. Булар «ижтимоий соҳа» ва «аҳолини ҳимоялаш» деб аталади. Бу бандларда қайд этилган маблағ, масалай, Ўзбекистонда 1996 йилда бюджет харажат қисмининг 51,4 фоизига баробардир<sup>1</sup>.

Ривожланган мамлакатлар ижтимоий соҳага алоҳида эътибор берган бир даврда, сабиқ иттифоқда XX асрнинг 60-йилларининг охиригача «ижтимоий сиёsat» түшунчаси деярли ишлатилмади. Унга иқтисодий сиёsatнинг таркибий қисми сифатида қараб келинди. Бунинг ўзига хос сабаблари мавжуд эканлиги бугунги мустақиллик сиёsatи туфайли аниқ намоён бўлди. 1. Сабиқ иттифоқ давридаги сиёsatда инсон ва умуминсоний манфаатлар иккинчи даражали аҳамият касб этди. Сиёsat инсон манфаатларига тўла хизмат қилмади. 2. Жамиятда нохолисона сиёsat олиб борилди. Максад сабиқ иттифоқ ҳудудидаги барча республикалардаги халқлар, инсонлар манфаатини бир хилда қуриш ва ижтимоий-иқтисодий сиёsat олиб бориш эмас, аксинча марказ манфаатлари учун устуворлик касб этиш бўлиб, миллий даромаднинг асосий қисми бошқа соҳаларга сарф этилди. 3. Республикаларнинг сабиқ иттифоқда мустақиллик даражаси ўз мулкига ўзи эгалик қилиши, ўз тақдирини ўзи белгилаши, ижтимоий-иқтисодий ривожланиш даражаси ҳам бир томонлама «хом ашё» этиширишга асослантирилганлиги ижтимоий муаммоларни хал этишда муайян қийинчиликларни вужудга келтирди. Мамлакатларнинг ижтимоий-иқтисодий ривожланиши давр талабидан орқада қолиб борди.

<sup>1</sup> Н. А. Каримов. Ўзбекистон истиқлол йўлида сабитқадамдир. «Халқ сўзи» газетаси, 1996 йил 22 февраль сони.

Ижтимоий соҳа бўйича қабул қилинган кўпгина тадбирлар амалда бажарилмади. Унга нисбатан «қолдиқ ресурслар»ни ажратиш амалиёти вужудга келди. Бу оқибатда ижтимоий соҳада инсонларнинг тубҳаётий манфаатларига даҳлдор бўлган муаммоларнинг тўпланиб қолишига олиб келди. Қайси жойда ижтимоий муаммолар ўз вақтида ҳал этилмаса, инсонларнинг сиёсатга нисбатан карашлари ўзгаради. Натижада инсон билан сиёсат ўртасидаги фарқ чуқурлашиб боради. Ишлаб чиқаришга «технократик» ёндашиш вужудга келади.

Давлат бошқарувида демократик асосларнинг тузилиши унитар давлат кўринишини ола бошлади. Федерация тамойиллари тўла ҳисобга олинмади. Натижада ижтимоий сиёсатда ижтимоий тенглик ва ижтимоий адолат қоидаларига амал қилинмади.

«Ҳаммани тенг» қилишга бўлган саъи-ҳаракатлар уни бир томонлама тушунишга олиб келди. «Табиий тенгсизлик», «ижтимоий тенглик» билан қўпол равишда уйғуналашиб, жамият ривожида ижтимоий адолат нормаларининг бузилишига сабаб бўлди.

Ижтимоий адолатнинг моҳиятини ҳаммани тенглаштиришдан иборат деб тушунилди. Маълумки, ижтимоий иқтисодий ҳаёт жамиядаги сиёсий муносабатларнинг субъекти ва объекти сифатида намоён бўлади. Жамият ижтимоий сиёсатида сиёсат тамойилларининг ўзгариши унда «синфийлик»- ўрнида «инсоний тамойиллар» ошиши билан «инсонга асл мақсад ва олий қадрият» сифатида қарашиб қоидасига амал қилиш заруриятга айланди.

Ишончли ижтимоий кафолатларнинг таъминланиши иқтисодий ислоҳотларнинг асл мақсади инсонга муносиб турмуш ва фаолият шароитларини вужудга келтириш билан тўла мувофиқ тушади. «Аҳолининг энг химоясиз ва мухтоҷ табакаларини ўз вақтида қўллаб-қувватлаш эса ўз навбатида, ислоҳотларни муваффақиятли ўтказишининг гаровидир. Бошланган ўзгариш ва покланиш жараёнини орқага қайтаришга йўл бермайдиган ижтимоий таянчдир<sup>1</sup>»

Бу соҳада Ўзбекистонда қўйидаги томонлар алоҳида ҳисобга олинди: 1. Бозор муносабатларига ўтишнинг

<sup>1</sup> И. А. Каримов. Ўзбекистон иқтисодий ислоҳотларни чуқурлаштириш йўлида. «Ўзбекистон», 1995, 120-бет.

илк босқичида республика аҳолисини олдіндан ижтимоий ҳимоялаш тадбирлари күрилди. 2. Бозор муносабатларында үтиб борган сари - ижтимоий сиёсаттнинг устувор йұналишлари, аҳолиниң ижтимоий құллаб-құватлаш ва ҳимоя қилиш чоралари ҳамда воситалари үзгариб бориши керак, деган тамойилга асосланилди. 3. Ижтимоий сиёсатта аҳолини ялпи ижтимоий ҳимоялаш тизимидан ишончли ижтимоий кафолаттар ва аҳолиниң ижтимоий құллаб-құватлаш тизимига үтиш мақсадға мувофиқ деб топилди ҳамда республикада адолат тамойилларында изчиллик билан риоя этиш қоридаси янгиланған ижтимоий сиёсат қурилишига асос қылиб олинди.

Давлат ва жамият қурилишининг демократик тамоилларында асосланиши натижасыда ижтимоий сиёсат давлат фаолиятининг энг муҳим йұналишларидан бирига айланди.

Давлат сиёсатында ижтимоий ҳимоя аниқ мақсадли ва аҳолининг аниқ табақаларини қамраб оладиган бўлди. Ижтимоий ҳимоя аҳолининг турли қатламларында қатъий табақалаштирилган тарзда ёндошилганлиги оқибатида давлатнинг моддий ёрдами фуқароларнинг фақат кам таъминланған ва меҳнатга лаёқатсиз тоифаларига нисбатан қўлланиш имкониятини вужудга келтирди.

Аҳолини ҳимоялашда айрим ижтимоий институтларнинг мавқеи ошди. Ижтимоий ҳимоялашда давлат маблағлари билан бир қаторда меҳнат жамоалари, жамоа ва ҳайрия ташкилотлари ҳамда жамғармаларининг маблағларидан фойдаланиш имкониятлари пайдо бўлди. Аҳолига кўрсатилаётган ижтимоий ёрдами амалга оширишда маҳаллий ҳокимият ва бошқарув органларининг ҳуқуқлари анча кенгайтирилди ҳамда уларнинг масъулияти оширилди. Масалан, ҳокимларга маҳалла қўмиталарига аҳолининг ишор қатламларига умумдавлат кафолатлари амалга оширилишини таъминлаш билан бирга амалда жойларниң ўз имкониятларини ҳисобга олган ҳолда уларни ижтимоий құллаб-құватлаш юзасидан құшимча чора-тадбирларни жорий этиш ҳуқуқлари ҳам берилди. Ижтимоий ҳимоялашнинг асоссиз тенглаштириш тизими ўрнида маънавий ва ахлоқий қадриятларимизга, турмуш тарзи ва дунёқарашибиздаги хусусиятларга мос келадиган ўзимизга хос тизим яратилди. Бу амалга оширилаётган

ижтимоий сиёсатнинг инсонпарварлик мөҳиятини кўрсагади.

Аҳолини ижтимоий ҳимоялашнинг янги тизими жорий этилишида маҳалла унинг энг таъсирчан, самарали ва очиқ воситаси деб топилди. Янгича ёндашув туфайли, қонун асосида ўзини-ўзи бошқариш органи мақомига эга бўлған маҳалла оқсоқоллари, уларнинг маслаҳатчилари ва фаоллари маҳаллада яшовчи ҳар бир оиласининг даромад манбаларини яхши билган ҳолда маҳаллаларда респубтика ва маҳаллий бюджет маблағлари, шунингдек, айrim корхона ва ташкилотларнинг тадбиркорлик тузулмалари ва айrim фуқароларнинг ихтиёрий равишда ўтказган маблағлари ҳисобидан маҳсус жамгармалар ташкил қилдилар. Жумладан, «Маҳалла жамгарма фондлари» ташкил қилинди. Бу жамгармалар давлатнинг ижтимоий сиёсатини амалга оширишда муҳим роль ўйнамоқда.

Республикамида амалга оширилаётган ижтимоий-иқтисодий ислоҳотлар туфайли инсонларнинг, турли ижтимоий гуруҳлар ва мулк эгаларининг меҳнатга бўлган муносабатлари ўзгарди.

Инсонлар ижтимоий-иқтисодий жараёнларда тобора фаолроқ иштирок этмоқдалар. Республикаизда аҳолини ижтимоий ҳимоялаш мақсадида бериладиган нафақалар ва моддий ёрдам асосан ғила орқали етказиб бериладиган бўлди.

Оиланинг мавқеини ошириш, оналик ва болаликни ҳимоя қилиш соғлом авлод учун курашнинг узвий бўғинига айланди. Бу жамиятда ижтимоий-сиёсий барқарорликни таъминлаб бермоқда.

Сиёсатнинг мөҳияти ижтимоий адолат нормаларига, тамойилларига қанчалик изчил амал қилинаётганлиги билан ҳам белгиланади. Шунинг учун ҳам ижтимоий адолат сиёсатнинг кўзгусидир. Ижтимоий адолатни ўрнатиш, унга қатъий риоя этиш механизмининг асоси, биринчи павбатда, Конституция унинг ҳуқуқий кафолатловчи асосий ҳужжати ҳисобланади. Бу ижтимоий адолат, ҳуқуқий, демократик давлат қурилишининг ҳам муҳим шарти ҳисобланади.

Шу нуқтаи назардан турли жамиятларда политологлар томонидан қонун устуворлигига, ижтимоий адолат муаммосига алоҳида эътибор бериб келинган ва келинмоқда.

Ижтимоий адолат сиёсат билан узвий боғлиқ бўлиб, уни таъминлашда жамиятнинг сиёсий тизими, қонун чиқарувчи, ижроия ва суд ҳокимиятлари муҳим роль ўйнайди. Ижтимоий адолат кенг қамровли тушунча бўлиб, жамиятнинг ҳамма соҳаларини, ҳар бир фуқаро манфаатларини, ижтимоий-иқтисодий ҳаёт, маънавият, инсонларнинг турмуш фаолиятларининг барчә жабҳаларини қамраб олади. Бундан ташқари ижтимоий адолат давлатлараро муносабатлар, жаҳон ҳамжамияти, халқаро сиёсат, инсон ҳуқуқларига ҳам бевосита дахлдор бўлганлиги учун ҳам сиёсатда алоҳида аҳамият касб этади.

Ижтимоий адолат сиёсий институтлар, субъектлар, турли ижтимоий гуруҳлар, инсонлар фаолияти ва ўзаро муносабатида табиий, сиёсий-ижтимоий, маънавий манфаатлар, ҳуқуқ ва эркинликларнинг мувофиқлигини ифодаловчи меъёрдир.

Жамиятда ижтимоий адолат сиёсатнинг мезони сифатида намоён бўлади. Ижтимоий сиёсатнинг туб моҳияти, негизи унинг асосий бўғинини ташкил этади.

Жамиятнинг ижтимоий-сиёсий, иқтисодий ҳаёт ва унинг моҳияти асосан ижтимоий адолат нормаларига бўлган муносабат ҳамда уни амалда қандай ҳал этиб борилаётанлиги билан белгиланади. Инсон ва умуминсоний тамойиллар уни белгилаб берувчи мезонлардир. Ижтимоий соҳа инсон эҳтиёжлари ва манфаатларининг барча соҳаларига кўра яқинроқ бўлган муайян гуруҳ манфаатлари билан бевосита дахлдордир.

Ижтимоий адолат жамиятдаги барча инсонлар, ижтимоий гуруҳлар, синфлар, элатлар, милллатлар ва халқлар ҳаётига бевосита дахлдор бўлган, улар ўртасидаги муносабатнинг барқарор бўлиб туришини таъминлайдиган соҳа бўлиб, уларнинг меҳнат ва турмуш шароитларини, соғлиқни сақлаш ва бўш вақтларини тўғри ташкил этишга қаратилган, комил инсонларни шакллантиришга асос бўладиган асосий йўналишларни ўз ичига олади.

Қадимдан энг улуғ мутафаккирлар, файлласуфлар, сиёсатшунослар, ҳуқуқ, давлат ва жамоат раҳбарлари ижтимоий адолатни тинчлик, эркинлик, демократия, мустақиллик каби энг умумий инсоний тамойиллар билан уйғун ҳолда таҳлил этганларини кўрамиз. Ўрта аср, ҳозирги замон политологлари ҳам унга алоҳида эътибор бериб, уни жамият сиёсий тизими билан инсон

учун энг зарур булган юқоридаги тамойил асосида үрганиб, унга адолатли, ҳуқуқий, демократик давлат қуришнинг муҳим шарти сифатида ёндошмоқдалар.

Инсонлар кўпинча сиёсатга ўз турмуш шароитларидан келиб чиққан ҳолда баҳо берадилар. Шунинг учун ҳам сиёсатнинг ижтимоий-иқтисодий ҳаёт билан боғлиқ бўлган томонларига, уни ҳаётга жорий этишга алоҳида эътибор бериш инсонларнинг сиёсатга нисбатан масъулийтигини ошириш билан бирга, айни пайтда сиёсатнинг инсон билан уйғуналашиб бораётган фаолиятидан далолат беради. Бу амалда ижтимоий адолат нормаларини тиклайди, давлатнинг кучини оширади ва мустаҳкамлайди. Соҳибқирон Амир Темур айтганидек, «адолат кучда эмас, аксинча, куч — адолатдади» деган тамойилга амал қилиш давлатни мустаҳкамлайди, сиёсат эса инсонийлашади. Ҳазрат Мир Алишер Навоий ўз халқининг келажагини ўйламаган, унинг манфаатларига хизмат қилмаган сиёсатнинг келажаги йўқ деб ҳисоблаган. Зоро, халқ учун хизмат қилиш ижтимоий адолат мезонидир.

Давлатлар тарихидаги сиёсий жараёнларни кузатар эканимиз, бу фикрларнинг нақадар тўғри эканлигига яна бир бор ишонч ҳосил қиласиз. Мустақил Ўзбекистон давлати сиёсати инсон манфаатлари билан уйғун ҳолда олиб борилаётганилиги ҳам шундан далолатdir.

Аммо давлат ва жамият қурилиши ишларида ижтимоий адолатга қатъий риоя этиш ҳамма даврларда ҳам бир хил деб бўлмайди. Хусусан, собиқ иттифоқ ва маркесча-ленинча мафкура ҳукмрон бўлган даврда ижтимоий адолат тамойилларининг қандай бузилганлигини барча яхши билади. Тоталитар тузумда ижтимоий адолат тамойилларининг бузилиши ижтимоий-иқтисодий ҳаётнинг ҳамма соҳаларida кенг ёйилганлигини алоҳида таъкидлаш лозим. Масалан, меҳнат тақсимоти меъёри билан истеъмол меъёри ўтасидаги алоқаларнинг бузилиши, ҳаммани «тengглаштириш» сиёсатининг олиб борилиши, меҳнат ва иқтисодий фаолиятда эркинликнинг топталиши, қонунчилик асосларига, демократик жараёнларда ижтимоий адолат нормаларига амал қилинмаганлиги ижтимоий ҳаёт соҳаларига салбий таъсири кўрсатди.

Жамият сиёсий ҳаётида бўлган ўзгаришлар туфайли ижтимоий адолатга қараш, ижтимоий адолат тамойиллари ўзгарди. Зўравонликка, кучга таянган

давлатда ижтимоий адолатни урнатиш, уни мустаҳкамлаш мумкин эмаслиги ҳамда айрим синф ва гуруҳ манфаатига асосланган сиёсат ижтимоий адолат нормаларига зид эканлиги яққол намоён бўлди. Шу нуқтаи назардан «марксча-ленинча ижтимоий адолат» қонцепцияси ўзининг бир томонлама, чекланган эканлигини кўрсатди. Унинг индивидуалистик ва эгоцентристик қарашлар билан яқинлиги намоён бўлди. Бу концепцияни ҳаётнинг ўзи инкор этди.

Узбекистонда жамиятнинг сиёсий-ижтимоий, иқтисадий ва маънавий ҳаётида амалга ошган ислоҳотлар туфайли ижтимоий адолатни тиклаш ва қарор топтириш, ҳар бир шахснинг мулкдор бўлишга ҳақли эканлиги, меҳнат қилиш, эркин касб танлаш, адолатли меҳнат шароитларида ишлаш ва ишсизликдан ҳимояланиш, қариганда, меҳнат лаёқатини йўқотанда, шунингдек боқувчисидан маҳрум бўлганда ижтимоий таъминот олиш ҳуқуқлари кафолатланди. Пенсиялар, турли нафақалар, ижтимоий ёрдам. бошқа турларининг миқдори расман белгилаб қўйилган тириклий учун зарур энг кам миқдордан оз бўлиши мумкин эмаслиги кафолатланди.

Ижтимоий адолатни қарор топтириш учун аҳоли демократик ўзgartиришларни амалга ошириш зарурлигини англабгина қолмасдан, балки уни чинакам эркинлик, мустақиллик, адолатли, ҳуқуқий давлатга эришишнинг муҳим шарти эканлигини ҳис этмоқда.

Чинакам ижтимоий адолат қонунларнинг қай даражада устунарлиги, ҳуқуқ ва эркинликлар қанчалик кенг берилганлиги, ижтимоий кафолатлар кучи билан белгиланади.

Жамиятда ижтимоий адолат нормаларини мустаҳкамлаш учун ҳар қандай давлат, айниқса, чинакам демократияга интилаётган давлат халқ манфаатларини, ўз фуқароларининг орномуси ва қадр-қимматини, уларнинг эркинликларини ишончли ҳимоя қилишга қодир бўлиши керак.

«Биз шунчаки демократик давлат эмас, балки адолатпарвар демократик давлат қуришга интиляпмиз. Адолатга интилиш халқимиз маънавий-руҳий дунёсига хос энг муҳим хусусиятдир. Адолатпарварлик ғояси бутун иқтисодий ва ижтимоий муносабатлар тизимиға сингиб кетиши, ижтимоий кўмаклашув механизмида ўз аксини топиши керак. Жамиятнинг ҳаддан ташқари

бойларга ва ҳаддан ташқари камбағалларга ажраб кетишига йўл қўйишга бизнинг ҳаққимиз йўқ»<sup>1</sup>.

Демак, жамиятда ижтимоий адолат ва унинг амалий ифодаси бўлган адолатпарварлик ғояси унинг тубмоҳиятини белгилаб беради.

Жамиятда мавжуд ижтимоий гуруҳлар манфаатларини тўлиқ ҳисобга олиш, уни ўзаро мувофиқлаштириб туриш орқали ижтимоий адолатни таъминлаш мумкин бўлади. Шунинг учун ҳам сиёсий муносабатлар, инсон ва умуминсоний тамоилиллар жамиятнинг мезони бўлса, ижтимоий адолат уни амалий жиҳатдан таъминлаб турувчи ва кўрсатувчи кўзгудир.

Ҳар бир жамиятнинг сиёсий тизими такомиллашиб, ривожланиб боради. Ҳар бир давр уни янгича мазмун ва моҳият билан бойитиб боради. Аммо бир нарса маълумки, ижтимоий адолат нормалари ва тамоилиларининг инсон манфаатлари билан мос тушиши, уни ифода этиш зарурлиги сиёсатнинг асосий қоидаси бўлиб қолади.

Сиёсатда инсон унинг асл мақсади ва мезонига айланган жамиятдагина ижтимоий адолат нормалари тўла амалга ошиши мумкин. Шунда сиёсат ижтимоий-иқтисодий соҳа, мавжуд сиёсий институтлар, турли ижтимоий гуруҳлар манфаати билан уйғунлашиб боради. Инсон ўз ақл-заковатлари, мақсад ва манфаатига мос тушадиган сиёсат, адолатли ҳуқуқий давлатни барпо этиш, янги жамият қуриш йўлида ўзаро фаолиятда бўлади. Ижтимоий адолатни қарор топтирган жамият эса ўз истиқболига эга бўлади.

## ТАКРОРЛАШ УЧУН САВОЛЛАР

1. Ижтимоий сиёсат нима?
2. Ўзбекистоннинг мустақил бўлиши ижтимоий сиёсатнинг моҳияти ва мақсадларининг ўзгаришига қандай таъсир кўрсатди?
3. Иқтисодий ривожланиш хилма-хиллигининг сабабларини қандай тушунасиз?
4. Ўзбекистон ижтимоий-иқтисодий ривожланишининг асосини нима ташкил этади?
5. Ижтимоий адолат пима?

<sup>1</sup> Н. Л. Каримов. Ўзбекистон иқтисодий ислоҳотларни чукурлаштириш йўлида. «Ўзбекистон» 1995, 250—251-бетлар.

**ЭТНИК ВА МИЛЛАТАРАРО МУНОСАБАТЛАРНИНГ  
СИЁСИЙ ЖИҲАТЛАРИ**

Давлатлар ўзининг кўп элатли (полиэтник) ва бир элатли (моноэтник) таркибга эга бўлганлиги билан, қадриятларидағи, маданий-маърифий соҳаларидағи, мақсадларини амалга оширишдаги ўзига хослик билан фарқ қиласидар. Бугунги кунда дунёда 1600 дан ортиқ этник гуруҳлар мавжуд бўлиб, улар 5 ярим мингдан ортиқ тилларда сўзлашадилар. Аммо уларнинг кўпчилиги ўз ёзувларига, милларий давлатчилигига ҳам эга эмаслар. Аммо бу уларнинг ўзига хос манфаатлари мавжудлигини инкор этмайди. Шунинг учун кўп миллатли ва кўп тилли мамлакатларда яшайдиган кам сонли этник гуруҳлар билан тинч-тотув яшаш мамлакатда барқарорликни таъминлаш нуқтаи назаридан сиёсатда алоҳида аҳамият касб этади. Турли миллатларнинг мавжудлиги уларнинг ўзига хос хусусиятларини ифода этибгина қолмасдан, уларнинг манфаатлари мавжудлигини ҳам билдиради. Кўп миллатли бўлган мамлакатларда манфаатларни уйғунлаштириш мамлакат тараққиёти учун ҳал қилувчи омиллардан бирини ташкил қиласиди. Шунинг учун ҳам миллатлараро тотувликни вужудга келтириш давлат сиёсатида устувор аҳамиятга эгадир.

**Миллат тушунчаси**      **Жамият ривожида миллатга турли хил нуқтаи назар билан ёндашилган.** Унга муайян сиёсий мақсадлар, мафкуралар, манфаатлар орқали ёндашиш оқибатида миллат тушунчаси—капитализм ёки сиифий нуқтаи назаридан таҳлил этилган тўртта элементнинг бирлиги заминида, чунончи, тил, ҳудуд, иқтисодий турмуш ва маданият бирлиги заминида вужудга келиб тарихан таркиб топган ва мустаҳкам бирлик сифатида ўрганиб келди. Бу собиқ тоталитар тузум даври манбаларида мустаҳкам ўрин олиб келди. Инглиз философи Эрнест Геллер фикрича, миллат «инсон яратган миллат инсон иши ва онгининг маҳсулидир»<sup>1</sup>... «Миллатга мансублик инсонга туғилишда берилади ва унинг бутун ҳаёти давомида ўзгармай қолади.

<sup>1</sup> Геллер Э. Науки и научепализм. — Вопросы философии, № 7, 1989, 124-бет.

У жинс каби мустаҳкамдир...<sup>1</sup>, ёки «Миллат» — эні аввало гурухлар ичидаги таърифланиш бўлиб, у олимлар ёки давлатлар томонидан аниқланган ва киритилган тушунчалар эмас»<sup>2</sup> деган нуқтада назарлар ҳам илгари сурилади.

Бу ҳақда республикамиизда 1992 йилда босмадан чиққан «Политология асослари» (муаллифлар жамоаси)<sup>3</sup> ва Ф. Ш. Шарипов томонидан ёзишган «Сиёсатшунослик»<sup>4</sup> ўкув қўлланмасида анъанавий таъриф такрорланганлигини кўрами<sup>2</sup>.

Миллий ривожланишнинг тарихи ва бугунги кундаги жараёнларидан келиб чиққан ҳолда, миллат тушунчасига таъриф берилишида ва унинг моҳиятини билиб олишда унинг ижтимоий тараққиётга қандай реал таъсир ўтказа олиш имкониятларини назарда тутиш лозим. Шу маънода мавжуд анъанавий таърифларда миллатнинг моҳиятини иқтисодий, ҳудудий ёки бошқа омиллар билан боғлаб тушуниш унинг ички моҳиятига соя солиб келмоқда. Чунончи, миллат тарихий ёки ижтимоий ҳодиса сифатида намоён бўлган, келажакда у қандай шаклланган бўлса шундай «йўқ бўлиб кетади» каби хуласалариниг юзага келишига сабаб бўлган.

Жаҳондаги миллий ривожланиш жараёни собиқ СССРнинг парчаланиши ва миллий жараёнларнинг кескинашувц миллат ҳаётида иқтисодий, ҳудудий омиллар катта роль ўйнашини, аммо у миллат моҳиятининг асосий белгиловчи омили бўла олмаслигини кўрсатмоқда. Масалан, агар ҳудудни устувор деб ҳисоблайдиган бўлсак, ҳақли савол туғилди. Нима учун бир мамлакатга қарашли турли миллатлар асрлар давомида маҳаллий миллат вакиллари билан бирга яшайдилар-у, нега улар маҳаллий миллатларга қўшилиб кетмайдилар? Ёки нега кам сонли миллат вакиллари ҳам узга мамлакатлар ҳудудларида яшасалар ҳам улар «билаң коришиб кетмайди»лар?

<sup>1</sup> Ионин Л. Философия национальности — Перестройка и национальные проблемы. Приложение к журналу «Новое время» 1989, 1-бет.

<sup>2</sup> Тишков В. А. Социальное и национальное в историко-антропологической перспективе. Вопросы философии, №12, 1990, 12-бет.

<sup>3</sup> Политология асослари (муаллифлар жамоаси). Ўкув қўлланма, Тоникент, Университет, 1992, 414-бет.

<sup>4</sup> Ф. Ш. Шарипов. Сиёсатшунослик. Ўкув қўлланмаси Тоникент, Унив.-т, 1992, 163-бет.

Агар иқтисодий бирлик миллат тушунчасининг мазмунини белгилашнинг асосий омили деб қараладиган бўлса, бугунги кунда Европанинг бир қатор мамлакатлари янгича иқтисодий маконни вужудга келтириш учун бирлашмоқдалар, аммо уларнинг ҳар бири ўз миллатининг тилини, меросини, қадриятларини, маданият ва санъатларини, қисқаси ўзлигини саклаб қолиш учун фидой бўлмоқдалар. Ҳаттоқи, уларнинг айримлари маданиятларини ер юзида яшаётган ўзга миллатлар томонидан «ўзлаштирилиши» учун кўнлаб маблағлар сарфламоқдалар.

Миллат тушунчаси тизимида давлатнинг ўрни ҳам алоҳида ўринни эгаллайди. У миллатни бирлаштириб турувчи, унинг қадриятларини, ўзлигини ва манфаатларини ҳимоя қилувчи муҳим сиёсий институтдир. Шунинг учун ҳам ўз миллати номи билан аталувчи давлатлардан ташқарида яшовчи миллат ва элатлар вакиллари қадриятлари, урф-одатлари ҳамда анъаналарига салбий муносабатларнинг вужудга келишини сезган, ўзлигини англашга ва ўзи «ўзга» давлатлар ҳудудларида туғилиб ўсган бўлса ҳам ўз миллати номи билан аталувчи давлатда, ўз миллати билан яшашга интилади.

Давлат ўз миллати манфаатлари, маданияти, қадрияти, урф-одат ва анъаналарини ривожлантиришга катта эътибор бериш билан унда яшовчи бошқа миллатларнинг манфаатларига, уларнинг маданияти, қадриятлари, урф одатлари ривожланишига тўсқинлик қилмайди.

Аксинча, давлат ўзга миллатларнинг ривожланиши учун ҳам ғамхўрлик қиласди. У ўз миллати атрофига бошқа турли-туман миллат, элат вакилларини яқинлаштиришга катта эътибор беради.

Бир сўз билан айтганда, давлат миллий айрмачиликкаш эмас, балки уларнинг ўзаро тинч-тотув яшashi учун кафолат ҳисобланади.

Демак, давлат миллат манфаатларини ифодаловчи муҳим институтдир. Аммо миллатларнинг моҳиятини фарқловчи, асосий белгиловчи омил эмас.

Хулоса қилиб айтиш мумкинки, миллат-тил, маданият (кенг маънода) миллий ўзлигини англаш руҳияти, (психологияси ва ҳиссиёти) урф-одатлар ва анъаналари асосида муайян ҳудудда яшовчи кишилағнинг этник бирлигидир.

Бу таъриф миллат тушунчасининг моҳиятини белги-

ловчи маданий-маърифий омилларга устуворлик беради. Бунинг асосий сабаби қўйидагилардан иборат.

Биринчидан, миллатлар бир-бирларидан тил, урфодат, анъаналар, маданият, қадриятлар ва руҳиятларидаги (психологиялари) ўзига хос хусусиятлар билан ажralиб турадилар.

Иккинчидан, бу хусусиятлар миллатлар мавжуд булган ҳар қандай шаронтда, миллат реал субъект сифатида мавжудлиги ҳақиқат бўлганидек, улар ҳам йўқ бўлиб кетмасдан ривожланиб, такомиллашиб боради.

Учинчидан, миллий маданий-маърифий омил қанчалик ўзаро яқинлашмасин, улар ўз-ўзидан «ассимиляция» (қоришиб) бўлиб кетмайди, балки улардаги ўзига хос хусусиятлар миллатни бирлаштириб турувчи манба роли ни бажаради. Маданий-маърифий омиллар юқорида таъкидлаганимиздек, ҳар бир миллатни таърифловчи хусусият сифатида муҳим омил ҳисобланади.

Миллий масалага ишлаб чиқариш  
Сиёсий жараёнлар  
ва миллий  
муносабатлар  
усули, синфий қарама-қаршиликлар  
нуқтаи назаридан ёндашиш сиёсий  
фикр ривожи бир томонлама экан-  
лигини кўрсатади.

Бундан ташқари, собиқ СССРда коммунистик марказнинг энг муҳим мақсади аҳолини байналмиллалаштириш ҳамда «марказнинг «совет халқи», деган ўзига хос ижтимоий бирликни шакллантириш ғоясини амалга ошириш ҷоғида барча миллий хусусиятлар тўсиқ ҳисобланган. У тоталитар сиёсат мақсадларига мос тушмаган.

Ўзбекистон Республикаси Президенти И. А. Каримов таъкидлаганидек, коммунист идеологлар ва сиёsatчилар бу концепцияни илгари сурар эканлар, афтидан одамларда миллий ўзлигини англаш туйғусининг ўсиш жараёнини атайлаб тажовузкор, сиёсий тус берилган миллатчилик билан алмаштириб қўйган эдилар. Шу тариқа одамларни қонуний равишда ўсиб бораётган ва объектив сабабларга боғлиқ бўлган миллий ўзлигини англаш жараёнларидан чалғитиши мақсади кўзланган эди. Иттилоқдош республикалар ва миллий чекка ўлкалардаги ўз эътиқодига кўра илғор ва ўз халқига садоқатли бўлган кишилар «миллатчиликда» айбланиб, қатағон қилинган эди. Бу мажбуран «байналмиллалаштириш», миллий хусусиятларни йўқ қилиш ниятида бўлган ва империяча манфаатларга мос тушувчи «кўп миллатли» бирликнинг

вужудга келиш жараёнини жадаллаштиришга интилиш эди.

«Халқлар ва миллатларни яқинлаштириш»дан иборат бундай сунъий жараён жамиятда «миллатчилик» деб аташ расм бўлган яширин ва ошкора қаршилик кўрсатиш ҳолларига олиб келган.

Тоталитар сиёsat туфайли вужудга келган бундай вазият миллатлар ва этник гуруҳлар ўртасидаги табиий ривожланиш ҳолатларига тӯғри келмас эди. Аслида эса бу — теран миллӣ қадриятларни, миллатларнинг ўзига хос хусусиятлари ва анъаналарини сақлаб қолиш йўлидаги табиий интилиш, ижтимоий, маънавий ва тарихий тараққиётнинг объектив, бутунлай асосли эҳтиёжи бўлган.

Сиёсий жараёnlар ривожи шуни кўрсатадики, миллатлараро муносабатга холисона ёндашиш, ҳар бир миллатнинг тили, маданий хусусиятларига писандизлик билан қараш ва уни сақлаб қолиниши, ривожланишига шарт-шароит яратмаслик оқибати миллӣ бирликка салбий таъсир кўрсатади. Реал ҳаётда назария билан амалиёт ўртасида номувофиқлик туфайли миллӣ муносабатлар ривожида узилиш содир бўлади.

Миллӣ тараққиётда содир бўлаётган ўзгаришлар, миллӣ омил ролининг ижтимоий, иқтисодий ва сиёсий жараёnlарга кўрсатаётган таъсири кучайган сари миллатларни зўравонлик йўли билан (пинҳоний) яқинлаштириш гояси илгари сурилди.

Ишлаб чиқаришнинг тараққиёти ва ижтимоий иқтисодий омиллар миллат шаклланишининг асосий омилларидан бири эканлигини инкор қилиш қийин. Чунки уларсиз тараққиётнинг, шу жумладан миллӣ тараққиёт даражаларини ҳам тасаввур қилиб бўлмайди. Аммо худди мана шу жойда миллатларнинг шаклланишига формацион ёндашишнинг бир томонлама жиҳати намоён бўлади. Миллатнинг хусусиятларини ўзида намоён эта-диган айrim белгилар ёки омиллар қачондан мавжуд бўлган? ёки фақат ана шу ижтимоий-иқтисодий тузум миллатнинг бирлик бўлиб шаклланишига олиб келганими? деган саволлар туғилади. Лекин бу бирликларнинг мустақил равишда юзага келишига уларнинг турли ҳудудларга бўлиниб, моддий манфаатлар юзасидан ўзаро бирлашишлари сабаб қилиб кўрсатилади. Ўз навбатида, ана шу моддий зарурият уларнинг мустақил (ягона) тил,

маданият (кенг маънода) ва ягона урф-одатлари шаклланишига олиб келган деган фикрлар мавжуд.

Миллий ривожланишнинг ҳар бир реал тараққиётидан келиб чиққан ҳолда янги фикрларни ишлаб чиқишига ҳам ўрин қолдирған ҳолда масалага реал қараш лозим.

Миллатлараро ва этник муносабатлар ўзининг сиёсий жиҳатига эга. У сиёсий тусга кирмаслиги керак, акс ҳолда кучли салбий йўналиш касб этиши мумкин. Бу давлатлараро муносабатларга, давлат ва миллат хавфсизлигига, барқарорликка таҳдид солиши мумкин.

Демак, миллатнинг бирлик бўлиб шаклланиши ва ривожланишида инсошинг акл-заковати охиригача илғаб ололмаган ички маънавий омиллар мавжуд бўлгаи. Худди ана шу маънавий омиллар миллат шаклланиши томон бораётган жараёнларда етакчилик ролини эгаллаб борган.

Миллий манфаатлар учун қайфуриш ҳар қандай мамлакатда уларни бирлаштириб турадиган асосий омил ҳисобланади. Уни айрим синфлар манфаатига бўйсундириб бўлмайди. Миллат ижтимоий тараққиётнинг маҳсули сифатида давлат сиёсатида миллатлар ва этник гуруҳлар ўртасидаги муносабатларда ҳар бир миллат эҳтиёжлари ва манфаатларини бошқа миллат ёки этник гуруҳлар манфаатларига қарши қўймаган ҳолда амалга ошириш муҳим ўрин тутади. Давлат ҳокимиятининг муҳим вазифаси ҳар қандай нохуш ҳолатларнинг олдини олишига қаратилган қонунларни ишлаб чиқариш орқали миллий тенглиқ, ҳар бир миллат вакилига фуқаро сифатида қараш, унинг ҳақ-хуқуқларини, эркинилигини кафолатлашдан иборат.

Турли миллатларнинг мавжудлиги  
Миллий муносабатларнинг  
намоён бўлиши

объектив равишда кўп миллатли элатларда миллий муносабатларнинг вужудга келишига олиб келади. Чунки ҳар бир миллат маълум манфаатлар атрофида бирлашиб ягона этник бирликни ташкил қиласди. Миллий манфаатлар муайян маънода зарурий эҳтиёжларни англашдир. Демак, ана шунга мувофиқ манфаат ҳар бир миллатнинг ўз ҳуқуқлари, эркинликларини таъминлаш маданиятининг, тили, қадриятларининг барқарор ривожланишига, жаҳон цивилизациясида ўзга миллатлар ўртасида ўзини тушуниб етишига, ўсиб борадиган заруриягини барқарор ривожланишини таъминлашга қаратилған эҳтиёждир. Бу манфаатлар билан мос тушмаган ҳар қан-

дай сиёсат миллий ривожланишда муаммоларнинг түпланишига сабаб бўлади.

Миллий масала деганда, турли миллат ва элатларнинг ўзаро муносабатларида зарур эҳтиёжларни қондиришга тўсқинлик қўлувчи ҳолатлар юзага келиши тушунилади. Бу муаммолар сиёсатда миллатнинг манфаатларига нисбатан салбий ҳаракатлар мавжудлиги оқибатида юзага келади.

Миллий масала икки йўналишда намоён бўлади. Унинг биринчиси, турли миллатлардан иборат кўп миллатли давлатлар ички ҳаётida содир бўлиши мумкин.

Бунда миллий эҳтиёжлар доимий равишда ўсиб боради ва миллатнинг тараққиёт сари интилишида етакчи роль ўйнайди. Аммо миллий тараққиёт учун эҳтиёжларнинг ўсиб боришининг ўзи етарли эмас. Шу билан бирга уларни қондириш учун зарур бўладиган имконият ва шароитлар етарли бўлиши тақозо этилади. Ана шу имкониятларни кўп миллатли давлатларда баравар вужудга келтириш мавжуд ижтимоий тузум ва давлат олиб борадиган сиёсатга боғлиқ бўлади. Агар турли миллатлар яшайдиган давлатларда бир миллатга нисбатан иккинчи бир миллатга тараққиёт учун зарур бўладиган имкониятлар доираси кенг бўлса, ёки бир миллат манфаатлари иккинчи миллат манфаатларидан устун қўйилса миллатлараро муносабатларда норозилик келиб чиқади.

Миллий манфаатларни тенг қондириш, уларнинг ривожланишини таъминлаш жуда мураккаб масала. Аммо ҳар қандай кўп миллатли давлатларда яшаётган миллатлар учун барча соҳаларда тенг шароитлар яратиш, манфаатларни ўйғуллаштириш давлат сиёсатида устувор бўлиши лозим. Бундай муҳитнинг яратилиши миллатлараро муносабатларда турли муаммолар юзага келишининг олдини олади, миллий ривожланишнинг ва давлатнинг барқарор тараққий қилишини таъминлайди. Бу муҳитнинг вужудга келиши миллатларнинг ўзлари, мавжуд давлат тузуми ва уни бошқариш, миллий сиёсатни мөҳирона олиб бориш санъатига боғлиқ бўлади. Миллий масаланинг келиб чиқишидаги иккинчи йўналиш мамлакатлараро олиб бориладиган иқтисодий, ижтимоий-сиёсий ва маданий соҳалардаги муносабатларда устуворликка интилиши оқибатида содир бўлиши мумкин. Бу асосан ўз манфаатларини ўзга мамлакатлар манфаатларидан устун қўшишга интилаётган давлатларнинг фоалияти оқибатида келиб чиқади ва ўз навбатида, мам-

лакатлараро ихтилофлар ёки ўзаро қарама-қаршиликларнинг келиб чиқишига сабаб бўлади. Бундай ҳолат давлатларининг ўзаро муносабатларига боғлиқ.

Юқоридагилардан кўриниб турибдики миллий масала шу жамиятлардаги иқтисодий, ижтимоий-сиёсий ва маънавий соҳаларда юзага келадиган инқирозлар оқибатидир.

Жаҳон тараққиёт тарихидан маълумки, капиталистик ишлаб чиқариш усулининг юзага келиши хом-ашё ва арzon ишчи кучини талаб этган. Капиталистик ишлаб чиқариш ҳали юзага келмаган ёки кам ривожланган мамлакатларда ана шуларнинг ҳар иккаласи ҳам мавжуд. Европанинг кўпгина давлатлари тараққиётдан орқада қолган Осиё, Африка, Лотин Америкаси мамлакатларини ўzlарига бўйсундириб, ишчи кучи ва мавжуд хом ашёлардан фойдаланиб келдилар.

Собиқ совет ҳокимияти ўрнатилганидан кейин миллий тенгизлилкни тугатиш, миллатларнинг муносабатларида ўзаро дўстлик ва ҳамкорлигини вужудга келтириш тўғрисида бир қатор ҳужжатлар қабул қилинди. Лекин уларнинг ҳаммаси қофзодагина бўлиб, амалда эса собиқ совет жамиятини қуриш жараённада миллий ривожланиш ва миллатлараро муносабатларда янги-янги мураккаб муаммолар юзага келди.

Уларнинг шаклланиши бир томондан, миллий тараққиётни марказдан бошқарилиши ва бу жараённи тоталитар тузум манфаатларига хизмат қилдиришга қаратилган сиёsat олиб борилиши билан боғлиқ бўлса, иккинчи томондан, собиқ совет иттифоқи таркибида барча миллатлар ва элатларнинг ўзлигини англаш жараённинг ўсиб бориши уларнинг ўз маданий мёросларини эгаллашга, тиллари, маданияти, урф-одатлари, анъаналарини ривожлантиришга ва қадриятларини тиклашга бўлган интилишларининг кучайиб боришига олиб келди. Ана шу ўсиб келаётган эҳтиёжлар сиёsatда ҳисобга олинмади, оқибатда миллатлараро муносабатларда зимдан порозиликларнинг ривожланиб боришига олиб келди.

Бугун Марказий Осиё минтақасида миллатлараро муносабатлар билан боғлиқ бўлган айrim можароли вазиятларнинг сабабларини тарихан ва атрофлича ёндашиш орқали тўғри баҳолаш мумкин. Бунинг бир қирраси Россия империяси олиб борган ва Совет ҳокимияти давом эттирган сиёsat оқибатларига бориб тақалади.

Чор Россияси, сўнгра эса совет давлатининг аниқ

мақсадга қаратилган миграция сиёсати Марказий Осиё минтақаси аҳолисининг полиэтник таркиби янада хилмалхил бўлишига олиб келди. Ҳозирги кунда совет тузумидан кейинги Марказий Осиё давлатлари ҳудудида 100 дан ортиқ миллат ва элат яшамоқда. Қарийб йигирма миллат вакиллари минтақага Сталин қатағонлари натижасида сургун қилиб кўчирилганлар сифатида келиб қолганлар. Турли даврларда уни мустамлакага айлантириш, 20—30-йиллардаги саноатлаштириш, ҳалқларни депортация қилиш ва мажбурий кўчириш, урбанизация жараёнларининг фаоллашуви ва бошқа ишлар таъсир кўрсатган.<sup>1</sup>

Миллат ва миллатлараро муносабат-Сиёсат ва миллий лар жамият ҳаётида катта ўрин эгалтараққиёт лайди. Миллий ривожланишни ва миллатлараро муносабатларни барқарор такомиллаштириб бориш кўп миллатли ҳар қандай давлат учун муҳим амалий аҳамиятга моликдир. Шунинг учун ҳам ҳар бир кўп миллатли давлатнинг мустақил ишлаб чиқилган миллий сиёсат концепцияси бўлиши шарт.

Миллий сиёсат — давлат томонидан жамиятдаги турли миллатлар ва этник гуруҳларнинг ривожига, миллатлараро муносабатларни такомиллаштиришга ва шу асосда барқарор ривожланишни ташкил қилишга қаратилган, аниқ мақсад асосида олиб борадиган фаолиятдир.

Давлатнинг фаолиятида амалга ошириладиган миллий сиёсат ҳар бир миллатнинг ўз тақдирини ўзи белгилари, миллатларнинг тенг ҳуқуқлигини таъминлаш, миллатлараро муносабатларда давлатда яшайдиган ҳар бир миллатнинг манфаатларини ҳисобга олиш, бир миллатни иккинчи миллатга қарама-қарши қўймаслик, маҳаллийчилик, шовинизм ва миллатчилик каби салбий жараёнларнинг юзага келишига йўл қўймасликни назарда тутади. Жаҳоннинг кўпгина ривожланган мамлакатларида миллий ривожланиш ва миллатлараро муносабатларни такомиллаштириб боришининг муайян тажрибалари тўпланган.

Бугунги кунга келиб, илгари мустамлака бўлиб яшаган ҳалқлар ўзларининг мустақиллигини қўлга киритдилар ва ривожланишнинг ўзлари танлаган йўлидан бор-

<sup>1</sup> И. А. Каримов. Ўзбекистон XXI аср бўсағасида хавфсизликка таҳдид, барқарорлик шарглари ва тараққиёт кафолатлари. «Ўзбекистон» 1997, 76-бет.

моқдалар. Ривожланган мамлакатларда ҳам миллатлар-аро муносабатларни такомиллаштириб бориш жараёнла-ри давом этмоқда.

Тўғри бугунги кунда дунёning айрим давлатларида фуқаронинг миллатини расман белгилаш амалиётидан воз кечилгаи. Аммо бу ўша мамлакатларда ҳам мұчлый масаланинг мутлақ ҳал этилганлигини билдирамайди. Миллатнинг мавжуд бўлиши, албатта уларнинг ҳар бирининг ўзига хос эҳтиёжларининг ўсиб боришини такозо қиласи. Ана шуни ҳисобга олган ҳолда миллий ривожланиш ва миллатлараро муносабатларни мунтазам ра-вишда такомиллаштириб бориш зарур.

Миллий ривожланиш ва миллатлараро муносабатларни такомиллаштириб боришдаги дунёning кўпгина ривожланган мамлакатларида тўплланган тажрибалар шундан иборат бўлдики, бу мамлакатларнинг кўпчилигига ҳар бир миллатнинг сонидаң қатъи назар ривожланиши учун ишлаб чиқилган ҳуқуқий ҳужжатлар реал ҳаётда амалга оширилишига катта эътибор берилиди. Миллий эҳтиёжларнинг мунтазам равища қондирилиб борилиши асосида давлатлар ўз атрофида табиий равища турли миллат ва элат вакилларини бирлаштиришга ҳамда демократик фуқаровий жамият қуришга эришдилар.

Аммо миллий ривожланишни ташкил қилиш ва миллатлараро муносабатларни «такомиллаштиришда» собиқ тоталитар совет давлати олиб борган сиёсат назарий жиҳатдан яроқсиз эканлигини ҳаёт тасдиқлади.

Бу сиёсатнинг тамал тошлари, юқорида таъкидлага-нимиздек, анча олдин қўйилган эди. Хусусан у пролетариат манфаатларига миллий манфаатларнинг бўйсундирилиши, миллий ривожланиш ғояларининг ягона мафкуравий манфаатларга бўйсундириш, давлат сиёсатини шу асосда қуришга қаратилган эди. Бу собиқ СССРнинг тузилиши, иттифоқ республикаларини шакллантириш миллий давлат чегараларини маккорлик билан ўтказишидан бошлиган эди. Собиқ тоталитар совет давлатининг миллий масалани «ҳал» қилишдаги зўравонлик сиёсатига 1937—38 йиллари узоқ Шарқда яшайдиган корейс халқининг Марказий Осиёга зўравонлик билан кўчирилиши, кейинчалик Волга бўйида яшайдиган қалмиқлар, чеченлар, ингушларнинг кўчирилиб юборилиши, Крим татарлари, месхетиялик туркларни зўравонлик билан ўз она Ватаандаридан маҳрум қилиб Марказий Осиёга кўчирилиб юборишлари мисолдир.

Ҳозирги Ўзбекистон ҳудудида 1887 йилда 70 га яқий халқларнинг вакиллари яшаган бўлсалар, 1926 йилда 91 та, 1959 йилда 118 та, бугунги кунда 123 тадан ортиқ миллат ва элат вакиллари яшамоқдалар.

Миллий масалани ҳал «қилишнинг» энг жирканч кўрсаткичларидан яна бири шу бўлдики, тоталитар тузум раҳбарлари иложи борича миллатларни бир-бирларига зўравонлик билан қўшиб юборишни ҳам амалга оширидилар. Таниқли этнограф С. И. Брукнинг келтирган маълумотларига кўра, 1926 йилда ўтказилган ахоли рўйхати бўйинча собиқ совет ҳудудида 194 та этник бирлик яшаган бўлса, бу кўрсаткич 1959 йилда 100 тага, 1970 йилда 104 тага, 1979 йилда 101 тага тушиб қолган. Ўз-ўзидан кўриниб турибдики, улар катта миллатларга қўшиб юборилган, оқибатда, улар ўз она тиллари, урф-одатлари, анъаналари ва қадриятларидан аста-секинлик билан маҳрум бўлган.

Собиқ тоталитар совет давлати СССР ҳудудида ягона тилни шакллантириш, миллий маданиятлар ўрнига ягона маданиятни вужудга келтириш ва миллатларнинг руҳий-маърифий хусусиятларини умумлаштириш борасида ҳам жуда катта ишларни амалга ошириди. Масалан, 1940 йилда собиқ СССР ҳудудида яшаётган халқларнинг тилларида чиқарилган бадиий китоблар ва журнallар 25,2 фоизни ташкил қилган бўлса, 1960 йилда 18 фоизни, 1989 йилда 11 фоизни ташкил қилди. 90-йилларнинг бошларига келиб собиқ СССР ҳудудида 60 миллион киши на рус тилини ва ўз она тилини мукаммал билмайдиган чала саводларга айландилар. Тил соҳасида олиб борилган сиёсатда рус тили расмий тилга айланиб борди. Бу ҳужжатларда кўз-кўз қилинар ва кўкларга кўтариб мақтадар эди. Аммо ўз она тилини «эсдан» чиқариб ўзлигини йўқотиб манқуртга айланиб бораётган миллатлар ҳақида ҳеч қаерда гапирилмас ва ёзилмас эди. Бундан ташқари собиқ итифоқдош республикаларнинг раҳбарларига ишончсизлик билан қараш миллий сиёсат юритишнинг муҳим тамойилига айланган эди. Бу сиёсат ўз ғавратида, миллий ривожланиш жараёнларини зўравонлик йўли билан бошқариш мумкин эмаслигини тасдиқлади.

Миллий мустақиллик ва миллий ривожланиши

Мустақилликнинг эълон қилиниши республикада миллий ривожланишининг янги босқичини бошлаб берди. Мустақилликни қўлга киритган ҳар

бир миллат ўз тақдирини ўзи белгилаш ҳуқуқига эга бўлди. Миллатлар тараққиётнинг ўзларига мақбул бўлган йўлидан бориш имкониятларини қўлга киритдилар. Жаҳоннинг ривожланган мамлакатлари билан тенг ҳуқуқли ўзаро манфаатдорликка асосланган алоқаларни олиб бориш, жаҳон халқаро ташкилотларининг тенг ҳуқуқли аъзолари бўлиш баҳтига муссар бўлдилар.

Ўзбекистон Республикаси Президенти И. А. Каримов республикамизнинг ўз мустақиллигини қўлга киритганлигининг моҳиятини шундай кўрсатади: «Ўзбекистоннинг давлат мустақиллигини қўлга киритганлиги ва у халқаро миқёсда тан олинганлиги шуни билдирадики, бундан буён республика мустақил ички ва ташқи сиёсатини олиб боради... Республикани ҳақиқатан ҳам унинг миллий манфаатларидан қелиб чиқсан ҳолда, халқнинг азалий турмуш тарзи, анъапалари, урф-одатлари ва кўнникмаларини, мавжуд беқиёс табиий бойликларни ҳар томонлама ҳисобта олиб, юксалтириш амалда мумкин бўлиб қолди».<sup>1</sup>

Ҳақиқатан ҳам миллий тараққиётга ўзгаларга қарам ҳолда эришиб бўлмайди. Чунки ўзгаларга қарамлик миллатнинг ҳуқуқ ва эркинликларини чегаралайди, унинг имкониятларини юзага чиқаришга йўл қўймайди. Ўз мустақиллигини қўлга киритган барча эркесвар халқлар иқтисодий, ижтимоий-сиёсий ва маданий ривожланиш соҳаларида қийинчиликларга дош бериб, ўз мустақиллигини мустаҳкамлаш борасида катта ишларни амалга оширмоқдалар.

Зоро, юқорида таъкидлаганимиздек, миллатнинг мавжуд бўлишининг ўзи унинг маълум манфаатлари борлигини тақозо қиласди.

Республика Президенти таъкидлаганидек, «Бизнинг жамиятимиз этник гуруҳлар ва миллатлар ўртасида шу ҳудудда яшайдиган ҳар қандай одамга ўзини эркин ва тенг ҳуқуқли деб ҳис қилиш имконини берадиган ўзаро муносабатлар ўрнатилишига интилмоқда».<sup>2</sup>

Хозир Республика изда 100 дан ортиқ миллат яшаб турибди. Ҳар қандай миллатнинг, шу жумладан ўзбек миллатининг ҳам бирлиги унинг бошқа суверен давлат-

<sup>1</sup> И. А. Каримов. Ўзбекистон: Миллий истиқлол, иқтисод, сиёсат, мағкура. «Ўзбекистон», 1993, 38-бет.

<sup>2</sup> И. А. Каримов. Ўзбекистон XXI аср бўсағасида ҳавфисиаликка таҳдид, барқарорлик шартлари ва тараққиёт кафолатлари. Тошкент. «Ўзбекистон», 1997, 83-бет:

ларда, хусусан Марказий Осиё мамлакатларида яшаёт-  
ган ўз этник қадриятлари билан яқипдан муносабатда  
бўлишини назарда тутади.

Статистика маълумотларининг тасдиқлашича, ҳозир-  
ги кунда анчагина ўзбеклар Ўзбекистоннинг ташқариси-  
да яшамоқдалар.

Масалан, Тожикистонда жами аҳолининг 24,4, Қирғи-  
зистонда 13,8, Туркманистонда 9,0, Қозогистонда 2,5 фо-  
изини ўзбеклар ташкил қилади.

Ўзбекистон давлати бугун ўзининг этник сиёсатида  
шахс ҳуқуқларини ҳимоя қилишнинг улуғвор бўлишига,  
миллий озчиликнинг ҳуқуқлари ҳам камситилмаслиги  
шарт деган қоида, шунингдек, давлатнинг этник сиё-  
сатидаги бош йўл миллатлараро зиддиятларни амалий  
тарзда ҳал этадиган усулларига таяниши лозим, деган  
тамойиллар асосида ҳал этмоқда. Чунки миллий ва  
миллатлараро муносабатлар ривожланишида ўзаро ман-  
фаатларни ҳисобга олиш мавжуд бўладиган қарама-қар-  
шиликларининг низоларга айланмаслигининг олдини ола-  
ди. Мана шу соҳада мустақил Ўзбекистон давлати олиб  
бораётган-сиёsat кўп жиҳатдан ўзининг устуворлигини  
тасдиқлаб келмоқда. Ўзбекистон ўзининг барча қонун ва  
ҳужжатларида ўз ҳудудида яшаётган барча миллатлар  
ва элатларнинг ҳуқуқлари, эркинликлари ва манфаат-  
ларини ҳуқуқий жиҳатдан кафолатлаб қўйган.

Хусусан, Ўзбекистон Республикасининг Конституция-  
сида: «Ўзбекистон республикаси ўз ҳудудида истиқомат  
қилувчи барча миллат ва элатларнинг тиллари, урф-  
одатлари ва анъаналари ҳурмат қилинишини таъминлай-  
ди, уларнинг ривожланиши учун шароит яратади», деб  
таъкидланган<sup>1</sup>.

Миллий муносабатлар стратегиясида икки муҳим йў-  
налиш асосий ўрин тутади. Биринчиси, миллатлараро  
тараққиёт учун кенг имкониятларни яратиш. Турли мил-  
латлар ва элатлар вакилларини бирлаштирувчи, улар-  
нинг умумий мақсадларини амалга оширишда миллати-  
дан қатъи назар фуқаровий ҳуқуқларга таяниш.

Иккинчиси, миллий муносабатларни зўравонлик асо-  
сида шакллантириш ва ривожлантириши ташкил этиши-  
га барҳам бериш, чунки унинг салбий оқибатлари собиқ  
тоталитар тузум тажрибасида ўз ифодасини топганлиги  
ҳаммага маълум.

<sup>1</sup> Ўзбекистон Республикасининг Конституцияси, 9-бет.

Ана шу тажрибалардан келиб чиққан ҳолда айтиш мумкинки, миллий ривожланиш ва миллатлараро муносабатларни такомиллаштириш чинакам демократия асосига қурилиши лозим, бўлади. Бунинг мазмуни шундаки, юкорида таъкидланган иккала жараёнда ҳар бир миллатнинг ва этник гуруҳнинг ўзига хос хусусиятлари, манфаатлари ва тараққиётларидаги эҳтиёжлари билан боғлиқ бўладиган, ўзгалардан фарқ қилиши мумкин бўлган томонларини давлат ўз сиёсатида ҳисобга олиши зарур.

Мустақилликни мустаҳкамлашнинг муҳим омилларидан бири миллий ривожланишни ва миллатлараро муносабатларни ташкил қилиш ҳамда уйғуллаштиришдан иборат.

Мустақилликни мустаҳкамлаш йўлидан бораётган бугунги миллатлар учун жуда катта муаммолар турибди. Бугун улар ўзлари қўлга киритган мустақилликнинг улуғ неъматларидан баҳраманд бўлиш учун фақат сиёсий ҳуқуқларни қўлга киритиш билан чекланмасдан, уни реал ҳаётга тадбиқ қилиш даражасига кўтарилишлари, иқтисодий, маданий-маърифий соҳаларда катта муаммоларни ҳал қилишлари учун мустаҳкам миллий бирликини, тотувликни ва яратувчилик мухитини вужудга келтиришлари лозим. Шу билан бирга мустақилликни қўлга киритиши миллат қандай даражада ривожланган бўлмасин ёки қандай маънавий имкониятларга эга бўлмасин уйинг ўзга миллатлардан ажralиши ёки якка яшаш томон интилишини, яна ҳам аниқроқ қилиб айтидиган бўлсак, ўз қобиғига ўралиб қолишини билдиримайди. Балки, ўз атрофида бирга яшайтган турли миллатлар ва этник гуруҳлар билан ўзаро дўстона муносабатларни ривожлантириб, уларга ёрдам кўрсатиб, уларни ўз атрофида бирлаштириб, юксак маданиятни шакллантиради.

Миллатлар ва элатлар ичидаги ўзаро алоқаларни ўзаро ҳамжиҳатлик, миллий тотувликка асосланиши мамлакатлар ривожида стратегик аҳамиятга эга.

Ўзбекистонда вужудга келган миллатлараро ҳамжиҳатликни таъминлашда «Туркистон умумий уйимиз» ҳаракати муҳим ўрин тутмоқда. Бунда «Туркистон» деганда, азалдан келиб чиқиши фақат туркий бўлган ҳалқларгина эмас, балки ўлканинг барча аҳолиси ҳисобга олинмоқда. Бу бир ҳалқни бошқасига қарама-қарши қўйиш, миллий устунлик сиёсатини рад этади. Ўзаро ҳамжиҳат-

лик миллий тараққиётнинг муҳим омили булиб хизмат қилади.

«Ўзбекистон халқини миллатидан қатъи назар ўзбекистон Республикасининг фуқаролари ташкил этади» деган қонун амалга оширилмоқда. Бу давлат сиёсатининг тўғри қонуний асосга қўйилганлигидан далолат берида ҳамда демократик жамият қуриш талаблари билан мос тушади.

## ТАКРОРЛАШ УЧУН САВОЛЛАР

1. Миллат нима?
2. Қайси омиллар миллатнинг шаклланишида етакчи ҳисоблашади?
3. Миллий тараққиётда давлат сиёсати қандай роль ўйнайди?
4. Миллий мустақиллик деганда нимани тушунасиз?
5. Миллий мустақилликни мустаҳкамлашпилиг қандай йуллари ва омилларини биласиз?
6. Миллатлароро муомала маддияти тушунчасини изоҳланг.

## 10-мавзу

### КАДРЛАР СИЁСАТИ

Сиёсий етакчи ва  
сиёсий бошқарув

Сиёсий етакчи деганда жамиятда раҳбарлик қилувчи, унинг сиёсий тизимини мувофиқлаштириб турувчи, жамиятнинг иқтисодий, ижтимоий ва маънавий тизимларини мунтазам равишда такомиллаштириб, уни мувофиқлаштириб, мамлакатнинг ички ва ташқи ривожи истиқболларини белгилаб берувчи раҳбар тушунилади.

Давлат ва жамият тараққиётида сиёсий етакчининг ўрни алоҳида аҳамиятга эгадир. Сиёсий етакчилик сиёсий бошқарувнинг объектив заруриятидан келиб чиқади. Чунки биринчидан, жамиятни ташкил қилиш ва унга давлатда яшайдиган аҳолини уюштириш, умумманфаатларини ифода этувчи стратегик мақсадни белгилаб олиш ва уни амалга ошириш учун одамларни маълум мақсадга йўналтиришга ҳар доим объектив зарурият мавжуд бўлган; иккинчидан, жамиятнинг ўзи ҳам стихиялик равиша барқарор ривожлана олмайди, балки унинг сиёсий тизимини ва умуман барча институтларини ўзаро мувофиқлаштиришни тақозо қиласи; учинчидан, давлатнинг халқаро миқёсида тутган ўринини белгилаш, халқ манфаатларига мос тушадиган ташқи сиёсатини ишлаб чиқиш ва уни амалга оширишда ҳам ягона раҳ-

барлик зарур бўлади. Ана шу вазифалар сиёсий раҳбарнинг етакчилигига амалга оширилади.

Сиёсий раҳбарнинг етакчилиги жамиятни сиёсий тизимини бошқаришда муҳим ўринни эгаллайди. Чунки жамиятнинг сиёсий тизими жуда мураккаб бўлиб, уни ташкил қилувчи институтлардан биронтасининг барқарор ишламаслиги ёки уларнинг ўзаро муносабатларида номутоносибликтининг вужудга келиши давлат ҳаётига салбий таъсирини курсатади. Ана шунинг учун ҳам жамият ҳаётида сиёсий бошқарувга катта эътибор берилади. **Сиёсий бошқарув**, жамият сиёсий тизимини тартибга солиш жараёнларини ташкил қиласи. Сиёсий бошқарув ўз мазмунига кўра жамият сиёсий ҳаётининг издан чиқишининг олдини олишга хизмат қилувчи жараён ҳисобланади. У сиёсий тизимни барқарорлаштиради ва уни жамиятнинг иқтисодий, ижтимоий ва маънавий тизими билан мувозанатини ушлаб турнишга хизмат қиласи.

Сиёсий бошқариш ўз моҳиятига кўра иккига бўлинади: биринчиси сиёсий раҳбарлик бўлса, иккинчиси сиёсий бошқарув ижросидир. **Сиёсий раҳбарлик** ўз ичига сиёсий қарорларни шаклланиши муаммоларини, уларнинг моҳиятини тушуниб етиш, таҳлил қилиш, сиёсий қарорларни қабул қилиш жараёнини, қабул қилинган қарорларнинг натижаларини тахминан олдиндан (прогноз қилиш) айтиш, кўзланган мақсадларни энг қулай ва мақбул шароитда амалга оширишда маълум сиёсий кучлар ва институтларнинг фаолиятига хизмат қилувчи услублар, воситалар ва формаларни ишлаб чиқиш, қўйилган мақсадларни амалга оширишга салоҳияти етарли бўлган кадрларни танлаш ва уларни жой-жойига қўйиш кабиларни олади.

Сиёсий раҳбарликнинг ижроси — сиёсий қарорларни ташкилий жиҳатдан амалга оширилишидир. У ўз ичига: сиёсий қарорларни тадбиқ қилишда объект (сиёсий тизим) ва субъект (бошқарув) ўртасида ўзаро алоқадорликни вужудга келтириш, ташкил қилиш, сиёсий қарорларни бевосита амалга ошириш, бошқариладиган сиёсий жараёнлар тўғрисида олинган маълумотларга асосланиб, сиёсий қарорлар билан жараёнлар ўртасидаги юзага келадиган тафовутларни аниқлаш, мавжуд реалликдан келиб чиқиб, сиёсий ижро раҳбарлигига зарурий ўзгаришлар киритиб бориш ва сиёсий раҳбарлик учун янги амалий муаммоларни белгилаб олиш кабиларни олади.

Жамият ривожланиши ва унда яшовчи инсонларнинг

фаоллиги ошиб бориши, халқаро муносабатларнинг мураккаблашувни сиёсий бошқарув жараёнини изчиллик билан такомиллаштириб боришини тақозо қилади. Бундай мураккаб жараёнлар шароитида: «Суверен давлатнинг ҳар бир раҳбари, ҳар бир етакчиси оддий кишилар ишонч билдириб унинг зиммасига юклаган жуда катта бурч ва масъулиятни теран англаб, үй-хәёлини ҳамиша тинчлик, осойишталикни сақлаш, авайлаш ва мустаҳкамлашга қаратмоғи керак» — деб таъкидлайди И. А. Каримов.<sup>1</sup> Бу табний равишда сиёсий етакчига бўлган эҳтиёжнинг ҳам ўсиб боришига сабаб бўлади. Сиёсий етакчининг сиёсий раҳбарликни ташкил қилиш салоҳияти жамиятда амал қиласидиган сиёсий тизим ва сиёсий институтлар фаолиятида умуминсоний манбаатларни уйғулаштириш имконини беради.

Демократик жараёнлар шаклланаётган мамлакатларда сиёсий бошқаришнинг амалий аҳамияти жуда катта. Чунки дастлабки кезларда ҳокимиятларнинг турли шакллари конституцияда белгиланган меъёрларга мослашиши жуда мураккаб кечади.

Хусусан, ҳокимиятларнинг амал қилиши билан фуқароларнинг вужудга келган янги имкониятлар даражасида фаолият кўрсатиши ўртасидаги фарқ юқори бўлади.

Сиёсий етакчилик механизми эса ана шу юзага келган муаммоларни ҳал қилишга ёрдам беради. Бундан ташқари сиёсий бошқарув тизимида жамоат ташкилотлари фаолиятини умуммиллий манбаатларга ва инсон мақсадларига йўналтира билиш ҳам катта ўрин эгаллади. Чунки турли сиёсий партиялар ва бошқа жамоат ташкилотларининг юзага келиши фақат маълум гуруҳлар манбаати учун кураш олиб бориши эмас, балки ана шу гуруҳлар манбаати миллий ва умуминсоний манбаатлар уйғулаштириш вазифасини бажарган ҳолдагина жамиятда барқарор сиёсий жараён амалга ошади. Аммо сиёсий етакчининг мақсади жамият ҳаётида маъмуриятчиликни ёки бюрократизмни вужудга келтириш эмас, балки демократик институтлар ва жамоат ташкилотларининг барқарор ҳаракат қилишилари учун ёрдамлашишдир. Бу жараёнда сиёсий институт-

<sup>1</sup> И. А. Каримов. Ўзбекистон XXI аср бўсағасида хавфспазликка таҳдид, барқарорлик шартлари ва тараққиёт кафолатлари. «Ўзбекистон», 1997, 7-бет.

лар тизимида фаолият курсатаётган раҳбар кадрлар-нинг роли катта бўлади.

Кадрлар ва бошқарув тизими Кадрлар деб дастлабки касб тайёр-гарлигидан ўтган ва маҳсус билимлар, меҳнат кўнилмалари ёки танланган соҳа фаолияти бўйича тажрибага эга бўлган малакали ходимларга айтилади. Кадрлар билан бошқарув тизими чамбарчас боғлиқдир. Бошқарувни ташкил қилиш ва амалга оширишда кадрлар асосий куч ҳисобланади. Шунинг учун ҳам давлат вужудга келиб уни бошқаришга зарурият туғилибдики, кадрларга бўлган эҳтиёж ҳам юзага келган.

Давлатнинг вужудга келиши маълум бир гуруҳлар манфаатини амалга ошириш билан боғлиқ бўлмасдан, балки бутун жамият, унда яшаётган барча фуқаролар манфаатларини ўйғунлаштириб бориш учун ҳам зарурдир. Давлат жамият ва унда яшаётган фуқароларни манфаатлари йўлида тегишли қонунлар ишлаб чиқиши, уни амалга оширишни ташкил этиш, назорат қилиш, бошқариш, тарбиялаш каби вазифаларни бажаради.

Давлат ана шу вазифаларни кадрлар орқали бажаради. Шунинг учун уларнинг жамият ҳаётида ўрни катта. Уларнинг билими, ақл заковати, ташкил этиш, идора қилиш ва тарбиялашдаги қобилияти, ташаббускорлиги ҳамда маҳорати жамият ривожланишида ёки унинг орқага кетинида белгиловчи омиллариди.

Давлат ҳар бир тарихий босқичда вужудга келган муаммолар ва вазифалар хусусияти ҳамда кўламини ҳисобга олган ҳолда янги кадрларни тайёрлаш, жойжойига қўйиш ва улардан унумли фойдаланиш йўлларини ҳамда услубларини такомиллаштириб боради. Бошқача қилиб айтганда, кадрлар сиёсатини ишлаб чиқади ва амалга оширади.

Ҳозирги кадрлар тизимини шартли равишда олти гуруҳга ажратиш мумкин: биринчи гуруҳга бошқарув структурасида, хусусан, ижро этувчи ҳокимият тизимида фаолият кўрсатаётган кадрлар; иккинчи гуруҳга саноат қишлоқ хўжалигига хизмат қилаётган муҳандислар, техниклар, технологлар, ишчилар, агрономлар, сув хўжалиги ва ҳ.к. соҳаларида ходимлар; учинчи гуруҳга аҳолига хизмат кўрсатиш тизимида фаолият кўрсатаётган кадрлар; тўртинчи гуруҳга илм-маданият, маориф, олий таълим, соғлиқни сақлаш, мудофаа, давлат хавфсизлиги,

ички ишлар тизимида фаолият кўрсатаётган ходимлар; бешинчи гуруҳга бозор муносабатлари шароитида шаклланадиган янги тизим—тадбиркорлик, тижорат, банкирлик, фермерлик соҳасидаги кадрлар; олтинчи гуруҳга жамоат ташкилотлари, сиёсий партиялар, хайрия фондлари ва бошқа оммавий ташкилотларда фаолият кўрсатадиган кадрлар киради.

Кадрларнинг бу олти гуруҳи бир-бири билан чамбар-час боғлиқ. Аммо улар ўз касблари, манфаатлари ва фаолиятларининг турлилiği билан бири иккинчисидан фарқ қиласди. Шунинг билан бирга уларнинг давлат ва миллат ҳаёти билан боғлиқ бўлган бир қатор умумман-фаатлари ҳам мавжуддир. Ана шу манфаатларни барча тизимда фаолият кўрсатадиган кадрлар томонидан тушишиб етилиши мамлакат ҳаётининг уйғун ривожланиши учун муҳим аҳамиятга эгадир.

Кадрлар тизими турмуш, мамлакат тараққиёти, янги тармоқларни шакллантириш ва юзага келган янги мураккаб муаммоларни ҳал қилиш заруриятини ҳисобга олган ҳолда изчилик билан такомиллаштирилиб борилади.

Шунинг учун ҳам кадрларга эътибор давлат фаолиятида устувор сиёсат ҳисобланади. Уларнинг юксак салоҳияти билан давлат ўз олдига қўйган вазифаларни амалга оширади. Кадрлар сиёсати уларни тайёрлаш, жойжойига қўйиш ва улардан жамият манфаатларини амалга ошириш йўлида фойдалана билишни ташкил қиласди.

Кадрлар сиёсати ҳар бир давлатнинг ривожланиш даражасини, унинг ўзига хос хусусиятларини, қадриятлар даражасига кўтарилиган турли анъаналарини ифода этади. Кадрлар сиёсатида асосий вазифалар қаторида кадрларни жамият ривожланиши тармоқлари тизими заруратидан келиб чиқсан ҳолда бошқариш назарияси ва амалиёти билан қуроллаштириш, уларни бошқаришнинг мураккаб муаммоларини ҳал этишда зарур кўникмаларга эга бўлишлар учун имкониятлар яратса билиш каби мураккаб жараёнлар туради.

Мустақилликни қўлга киритган мамлакатлар учун миллий кадрлар тайёрлаш вазифаси уларнинг келажагани белгилаб берадиган асосий омиллар қаторига киради. Шу маънода миллий кадрлар тайёрдаш сиёсати мустақил Ўзбекистон давлати фаолиятида муҳим йўналишлардан бирини ташкил қиласди. Чунки кадрларни тай-

ёрлаш ва улардан фойдаланишдан кўзланган асосий мақсад мустақилликни мустаҳкамлаш, мавжуд моддий ва маънавий салоҳиятдан унумли фойдаланишdir. Кадрлар сиёсатида қуидаги йўналишлар устувордир: 1. Кадрларни тайёрлашда жамиятнинг ўсиб бораётган эҳтиёжларига эътиборни қаратиш. 2. Кадрларни иқтисодий, ижтимоий-сиёсий ва маданий соҳаларда содир бўладиган муаммоларнинг мезонлари ҳамда хусусиятларига қараб малакаларини ошириб бориш ёки мослашуви тўғрисида ғамхўрлик кўрсатиш. 3. Кадрларга юклатилган масъулиятга жавобгарлик, ташкилотчилик, фидойилик каби хислатларни тарбиялаш кабилардир.

Кадрлар сиёсати жамиятнинг иқтисодий муаммоларини ҳал қилиш учун керак бўлибгина қолмасдан, балки унинг сиёсий жиҳати ҳам зарур. Ўз Ватанининг келажаги учун жавобгарлик туйғуларига эга кадрлар бўлмас экан жамият барқарор ривожланиб бора олмайди. Зоро, мамлакат келажаги, унинг дунёдаги ўрни кўп жиҳатдан кадрларга боғлиқdir. Шунинг учун ҳам кадрларни тайёрлаш, жой-жойига қўйиш ва улардан фойдаланишда сиёсий етуклик даражаларига ҳам катта эътибор берилади. Бундай кадрларни тайёрлаш мураккаб жараён ҳисобланади ва узоқ давом этади. Бу жараён энг аввало, ҳалқ таълими тизимини такомиллаштиришни талаб этади. Чунки кадрларга дастлабки таълим ва тарбия мактабларда берилади. Шундан сўнг улар билимларини ўрта маҳсус ўқув юртларида, олий таълим тизимида оширадилар. Кадрлар тайёрлашнинг барча бўғинлари бир-бири билан чамбарчас боғлиқdir. Таълим ва тарбия ишлари жамият заруриятидан келиб чиққан ҳолда дастурларни ишлаб чиқиш ҳамда уларни ҳаётга тадбиқ қилишда яққол намоён бўлади.

Кадрларни тайёрлашда уларнинг ишлаб чиқаришнинг маълум бир йўналишида тажриба тўплаш кўнилмаларини эгаллашига, ташкилотчилик қобилиятини ўстиришга ва фаолликни шакллантиришларига катта эътибор берилади.

Кадрларни тайёрлашда давлат ўз олдига қўйган мақсадлар ва вазифаларнинг мазмуни ҳамда йўналишларидан келиб чиқади. Шунинг учун ҳам кадрлар сиёсати мунтазам равишда такомиллаштирилиб боришни тақозо қиласди.

## Кадрлардан фойдаланиш

Кадрлар сиёсатини шакллантириш, жамиятни ривожлантириш борасида мавжуд бўладиган стратегик вазифалар кўламини ҳисобга олиш муҳимдир. Сиёсатда жамиятнинг иқтисодий, ижтимоий-сиёсий ва маданий соҳаларида содир бўладиган турли ўзгаришлар ҳамда уларни тараққиёт ўзанига йўналтира билиш билан боғлиқ бўлган жараёнларга катта эътибор берилади.

Кадрлардан фойдаланишда уларни мутахассис ёки ташкилотчи сифатидаги қобилиятига эътибор бериш ҳам кутилган натижа беравермайди. Худди ана шу қобилият билан бирга ишлаб чиқариш билан боғлиқ бўлмаган раҳбар кадрлардан ишлаб чиқариш ёки ноишлаб чиқариш соҳасини давлат фаолиятига мослаштиришда «воситачилик» қилишлари ҳам талаб этилади. Бу «воситачилик» давлат механизмларининг барқарор ишлаб туришига ёрдам беради.

Ташкилотчилик, раҳбарлик қобилиятига эга бўлган кадрларга жамоанинг маълум бир соҳасининг қолаверса, бутун бир давлатнинг «олтиқ» фонди сифатида қаралади. Шунинг учун ҳам маълумотларнинг кўрсатишича, кадрларнинг бир соҳадан иккинчи соҳага ўтиш ҳолатлари кўпчилик ривожланган мамлакатларда жуда камдан-кам содир бўлади. Бу эса кадрларга ўз соҳасининг юксак билимдони даражасига эришишига катта ижобий ёрдам беради. Шуни ҳам айтиш керакки, жамият қайси даражада ривожланган бўлса ҳам кадрларни танлаш, жой-жойига қўйишда маълум бир мезонлар бўлиши лозим. Собиқ совет тузуми даврида кадрларни тайёрлаш, танлаш, уларни жой-жойига қўйиш, улардан фойдаланиш умумий андоза асосида бўларди. Яъни ўзидан юқори турувчи раҳбарга садоқатнинг юксак даражада бўлиши етарли эди. Бундан ташқари раҳбар кадрларни тайёрлашда собиқ КПССнинг асосий таянчи бўлган комсомол ташкилотларида «элитага» яқин бўлган ёшлар танланиб, улар қисқа вақт ичидаги юқори лавозимларга кўтаришадилар. Бу иллатнинг илдиз отиб ривожланиб кетиши реал ҳаётда сўз билан иш бирлигининг йўқолиб кетишига, жамиятнинг боши берк кўчага кириб боришига сабаб бўлган эди. Кадрларни раҳбарлик лавозимига тайинлашнинг собиқ совет тузуми даврида шаклланган «элита» тамойилига амал қилиши эса жамиятда ўзига хос раҳбарлар қатламини вужудга келтиради. Бу жарён моддий ва маънавий бойликни яратувчи оддий меҳнат

аҳли билан «элита» ўртасида ўзаро «бегоналашиш» ҳолатининг қарор топишига сабаб бўлди. Ана шу бегоналашиш жамиятда маъмурий буйруқбозликка асосланган бошқаришнинг нодемократик услубини шакллантиришда етакчи роль ўйнади. Бу ўз навбатида, фақат раҳбарлик ишларида салбий оқибатларни келтириб чиқарибгина қолмай, балки моддий ва маънавий бойликлар ишлаб чиқарилишининг камайиб кетишига сабаб бўлди.

Кадрлар сиёсати ҳам жамиятнинг қайси йўлдан ривожланишини белгилаб берувчи омиллардан бири ҳисобланади.

Бугунги кунда кадрларни танлаш, жой-жойига кўйиш ва улардан фойдаланиш энг аввало оддий ишлаб чиқаришдан тортиб давлатни бошқаришгача бўлган барча бўғипларда жадал суръатлар билан бораётган демократик жараёнларни ҳисобга олиш билан боғлиқ. Бу жараёнларнинг юзага келиши иккита муҳим муаммони келтириб чиқарди. **Биринчидан**, мулкчиликнинг турли шакллари ривожланмоқда ва кўпгина қобилиятили ёшларнинг мулкчиликнинг нодавлат секторига ўтиб бориши кучаймоқда. **Иккинчидан**, бозор муносабатлари шаклланаётган янги шароитда моддий манфаатдорликни қондиришнинг хусусий мулкчилик шаклларида имкониятлар кенг бўлган бир вақтда давлат секторида фаолият кўрсатаётган кадрлар масъулиятини ошириш иқтисодий механизмида вужудга келмоқда. Собиқ совет тоталитар тузуми шароитида эса раҳбар кадрларнинг масъулиятини оширишнинг қўрқитишига асосланган механизми шакллантирилган эди. Чунки партия сафидан чиқарилган ҳар бир раҳбарнинг келажаги йўқ эди. Шунинг учун ҳам раҳбарлар ўзига топширилган ишни қофозда бўлса ҳам бажаришга мажбур эди. Эндиликда бундай эски механизмларнинг умри тугади.

Мамлакатимизда бозор муносабатлари жадал суръатлар билан шаклланаётган бугунги кун кадрларни тайёрлаш ва уларнинг масъулиятини оширишнинг янги механизmlарини ишлаб чиқишини ҳамда ҳаётга изчиллик билан тадбиқ қилишни тақозо қилмоқда. Ана шундай механизmlар тизимида биринчи навбатда, иқтисодий манфаатдорликни қондириш устувор ўрин эгаллайди. Лекин уни кадрлар сиёсатини ишлаб чиқишдаги охирги йўналиш деб қараш нотўғри ҳисобланади. Чунки бугун кадрларда юксак Ватанпарварлик, миллатпарварлик, умумманфаатларни амалга оширишда фидойилик каби

хислатларни шакллантириш энг долзарб мезонларни ташкил қиласи.

Юқоридаги ҳолатларнинг олдини олиш учун кадрларни танлаш, жой-жойига қўйиш ва улардан фойдаланишда қўйидаги тамоилларга амал қилиш мақсадга мувофиқдир:

**Биринчидан**, кадрларнинг юксак касб маҳоратига асосий мезон сифатида қараш, яъни кадрларни тарбиялашда улар ўз касбларини чуқур эгаллашлари учун шароит яратиш.

Кадрлар давлат ёки нодавлат секторида ишлашларидан қатъи назар, мунтазам ўз малакаларини ошириб боришлари зарур.

**Иккинчидан**, кадрларни раҳбарлик лавозимига күтаришда улар салоҳиятини ҳисобга олиш керак. Бугунги кунда ўз касбининг моҳир устаси бўлишнинг ўзи етарли эмас. Бошқариш тизимидағи ўзгаришлар, ишлаб чиқариш тармоқларидаги технологик жараёнларнинг янгиликани бориши кадрларнинг фақат ўз соҳасини эмас, балки унга яқин тармоқлар билан боғлиқ бўлган соҳалардан ҳам хабардор бўлишини тақозо этади. Мана шуталабларга жавоб берадиган кадрларни бошқарув тизимларига кенг жалб этиш бугунги куннинг энг долзарб вазифасидир.

**Учинчидан**, кадрларни тайёрлашда уларнинг тадбиркор бўлишларига аҳамият бериш зарур. Улар кам меҳнат ва харажатлар сарфлаб, юзага келган муаммоларни қисқа вақт ичида ҳал қилиш қобилиятига эга бўлишлари керак.

**Тўртинчидан**, кадрларда ватанипарварлик туйғулари юксак бўлиши катта аҳамиятга эга. Ҳар бир фуқаро ўз она Ватанини севиши улуғ қадрият ҳисобланади. У авлоддан авлодга мерос бўлиб келди. Раҳбар кадрлар ўзларига топширилган лавозимни масъулият билан адод этишлари, Ватан ва халқнинг ишончини оқлашлари лозим. Лавозимдан ўз ва яқинларининг манфаатлари йўлида фойдаланиш кўнгилсиз оқибатларга олиб келади. Шунинг учун ҳам кадрларни жой-жойига қўйишда Ватан фидойиси бўлган, она заминнинг қадрини биладиган, ҳар бир ташлаган қадамида ўз халқнинг орзу умидларини рўёбга чиқаришга интилган кишиларни танлаш мақсадга мувофиқ келади.

Аслини олганда раҳбар кадрларнинг оддий мутахасисидан фарқи ҳам у ёки бу масалани ҳал қилишда Ва-

тан, инсон манфаатларини ҳимоя қилишидан иборатdir. Собиқ тоталитар тузум шароитида раҳбарлик қилиш марказ кўрсатмаси асосида бўларди. Худди мана шу нарса кадрларда ижрочилик, боқимандалик хусусиятини шакллантирган эди. Бугунги кунда ҳам баъзи соҳаларда фаолият кўрсатаётган кадрлар ана шу «касалдан» халос бўла олмаяптилар. Бозор муносабатлари шакллангаётган ҳозирги шароитда «боқимандалик» касалидан қанчалик тезроқ қутилсак, муаммолар шунчалик тезроқ ҳал бўлади. Бу эса бошқарув ва ишлаб чиқариш тармоқларининг ривожланишига ижобий таъсири кўрсатди, тармоқларнинг бир жойда депсиниб туришига йўл қўймайди.

**Бешинчидан**, кадрларни танлашда уларни юксак дарражадаги маънавий-ахлоқий фазилат эгаси бўлиши жамият тараққиёти учун foят мухим. Юксак маънавий-ахлоқий фазилат эгаси деганда кишиларнинг миллати, дини, ирқи, урф-одатларидан қатъи пазар, уларнинг ҳурматини жойига кўя оладиган, қадрлайдиган, тил топа биладиган, ўз атрофиға бирлаштириш қобилиятига эга бўлган кишилар тушунилади. Бундай фазилатларга эга кадрлар халқнинг ишончини қозонадилар ва мавжуд муаммоларни ҳалқ билан яқдил бўлиб ҳал қилишга кафолат берадилар.

Мустақилликни мустаҳкамлаш шакллангаётган кадрлар сиёсатида ана шу тамойилларни ҳаётга реал тадбиқ қилиш, ислоҳотларни янада чуқурлаштириш имкониятини беради.

**Узбекистонда** мұваффақиятлар, мустақилликни мус-  
**кадрлар сиёсати** таҳкамлаш, она Ватанини жаҳоннинг ривожланган мамлакатлари даражасига кўтариш бора-  
сида олдинда турган вазифалар кўламини тушуниш ҳар бир инсондан фаоллик кўрсатишни, бугунги куни-  
мизнинг долзарб масалаларини ҳис қилишини талаб эта-  
ди. Утиш даврида амалга ошириладиган вазифаларнинг кўлами қанчалик катта бўлмасин, уни қисқа вақт ичи-  
да ва имкон қадар камчиликсиз босиб ўтиш лозим. Бун-  
га реал омиллар мавжуд. **Биринчидан**, жаҳонда босиб ўтмоқчи бўлаётган йўлдан ўтган ва тараққиётнинг юқо-  
ри босқичига кўтарилган мамлакатлар тажрибалари бор. Биз ислоҳотларни амалга оширишда ривожланган мамлакатларнинг ўтиш даврида йўл қўйгани камчилик-

ларини такрорламасдан, эришилган ютуқларга миллий хусусиятларимиздан келиб чиқсан ҳолда ижодий ёндошиб, ривожланиш имкониятига әгамиз. **Иккинчидан**, бугун бутун инсоният шу жумладан, халқимиз ҳам фан, техника, технология, иқтисодиёт ва маданий-маърифий соҳаларни ривожлантиришда ақл-заковати жиҳатидан катта салоҳиятга эга бўлди. **Учинчидан**, халқимиз мустақил давлатни шакллантиришда аждодларимиздан мерос бўлиб келаётган улкан қадриятлар ва тажрибаларга әгадир. **Тўртинчидан**, ўтиш даври вазифаларини амалга оширишда амалий аҳамиятга эга бўлган сиёсий барқарорлик ва фуқароларнинг ахиллигини таъминлаш имкониятлари мавжуд. **Бешинчидан**, халқимизда меҳнат-севарлик, яратувчилик ва вазминлик каби хислатлар борки, улар ҳар қандай мураккаб вазифани амалга оширишнинг кафолатидир.

Буларнинг мавжудлиги олдимизда турган улкан вазифаларнинг ўз-ўзидан бажарилиши деган гап эмас. Чунки бир тузумдан иккинчисига ўтиш иқтисодий, ижтимоий-сиёсий, маданий-маърифий соҳаларни тубдан ўзгартиришни тақозо қиласди. Ана шу ўзгартириш йўлини (концепциясини) ишлаб чиқишида юқорида келтирилган имкониятлардан унумли фойдалана билиш лозим.

Республика Президенти И. А. Каримов ҳам кадрлар сиёсатига катта эътибор бериб келмоқда. Жумладан, Сирдарё, Бухоро, Навоий, Қашқадарё, Самарқанд, Хоразм ва бошқа вилоятлардаги бўлиб ўтган сессияларда, Республика Олий Мажлиснинг сессияларида кадрлар тафаккурида энг аввало, Ватан мустақиллигини мустаҳкамлаш масъулиятидан келиб чиқсан ҳолда туб ўзгаришларнинг шаклланишига раҳбар кадрларнинг ўзига юклатилган масъулиятини бажаришда фидойилиги амалий аҳамиятга әгалигини таъкидлади.

Бу борада Президентнинг 1993 йилнинг февраль ойида Вазирлар Маҳкамасидаги бўлиб ўтган мажлисда «ишимизда икки йўналиш баб-баравар бақамти бориши керак. Биринчиси, янги давлат, янги тузумнинг шакли, андозасини яратиш бўлса, иккинчиси, ана шунга муносиб мақсадни тўғри англатадиган, ишни уddyalайдиган одамларни танлаш, жой-жойига қўйишдан иборат. Биз янги тузум, давлат шаклини тузаяпмиз, аммо унга жон кир-

гизадиган одамлар — кадрлар керак» деб кўрсатгани бежиз эмас<sup>1</sup>.

Бугун мустақилликнинг улкан вазифалари амалга оширилаётган пайтда 80-йилларнинг бошида «пахта иши», «ўзбеклар иши» номи билан халқ орасида ташилган улкан давлат раҳбарлари, жамоат арбоблари, олимлар, ёзувчилар ва кўпгина зиёлиларнинг жисмонан йўқ қилинишига қаратилган сабиқ марказ томонидан олиб борилган кадрлар сиёсатини эслайлик. Кадрларни тарбиялаш, жой-жойига қўйиш ва улардан фойдаланиш ниқоби остида ўтказилган бу жирканч сиёсат сабиқ тоталитар совет тузуми тарихида ўчмас из қолдириди.

Маҳаллий миллат вакилларидан бўлган кадрлар қанчалик иқтидорли бўлмасин, унга ишонилмаган ва унинг ёнида албатта «айфоқчилар» бўлган. Агар биринчи раҳбар маҳаллий миллат вакили бўлса, иккинчиси албатта Марказ одами, ёки аксинча, иккинчиси маҳаллий миллат вакили бўлса, биринчиси албатта Марказдан бўларди. Хусусан, 1984—1989 йилларда «пахта иши» юзасидан 17 минг киши устидан тергов ишлари олиб борилди Улардан 5 минг киши суд қилинди ва жазога тортилди. Марказнинг олиб борган бу ишлари оқибатида республикадан 58 минг масъул ходим вазифасидан озод этилди («Совет Ўзбекистони», 1991 йил 28 апрель).

«Яроқсиз» кадрлар ўрнига маҳаллий миллат вакилларидан эмас, балки энг зарур бўлган жойларга марказдан кадрлар юборилган. Бу кадрларнинг кўпчилиги илгари ўз ишини уddyалай олмаган, ҳатто Ўзбекистонда бирон марта ҳам бўлмаган, унинг иқлими, шарт-шароитлар ҳақида мутлақо тасаввурга эга бўлмаган кишилар эди. Натижада Ўзбекистонда иқтисодий, ижтимоий-сиёсий ва маданий-маърифий соҳаларда аҳвол аввалги га қараганда ҳам оғирлашди. Уларни тугатиш зарур эди.

Бугун Ўзбекистоннинг мустақил кадрлар сиёсати мураккаб иқтисодий муаммоларни ҳал қилиш жараёнида шаклланмоқда.

Давлатнинг кадрлар сиёсатини шакллантиришдаги фаолиятида «эски» кадрлардан фойдалана билиш ва «янгисини» тарбиялаб етиширишдек вазифа туради. Кадрларни тарбиялаш жараёни фақат вақт жиҳатидан узоққа чўзилиши билан бирга янги қурилаётган жамият муаммоларини тушуниб ета оладиган, янгича онг,

<sup>1</sup> Қаранг: «Халқ сўзи», 1993 йил 20 февраль.

Маданиятни шакллантириш ва тафаккур қилиш салоҳиятини мустаҳкамлаб боришдек жуда мураккаб вазифаларни ҳал этишини ҳам тақозо қиласди. Ана шу вазифалар кўламининг кенглигидан ва муаммоларнинг мураккаблигидан келиб чиқиб, Ўзбекистоннинг кадрлар сиёсатини шакллантиришига назар ташланса қўйидагилар кўзга ташланади: биринчидан, кадрлар сафида, собиқ совет тузуми даврида шаклланган, катта тажрибага эга бўлган бошланган ислоҳотларнинг амалга ошишида фаоллик кўрсатган «эски» кадрлар гурӯҳини кўриш мумкин. Уларнинг кўпчилиги ҳақиқатан ҳам мамлакатимиз ва халқимиз манфаатлари йўлида тажриба ва маҳоратларини ҳамда куч-ғайратларини ишга солмоқдалар. Уларнинг бу фаолиятлари мустақил кадрлар сиёсатини шакллантиришда база бўлиши мумкин. Аммо уларнинг ҳаммасида ҳам юқорида кўрсатилган ижобий хислатлар мавжуд деб айтиб бўлмайди. Бу хусусда Республика Олий Мажлисининг биринчи сессиясида Республика Президенти И. А. Каримов: «Бизнинг кўплаб раҳбарларимиз, фаолларимиз эски тизим асоратларидан жудо бўлмаяптилар», деб таъкидлаб ўтган эди (Қаранг: «Халқ сўзи», 1995 йил 24 февраль).

Бунга эса қўйидагилар сабаб бўлмоқда: 1. Собиқ совет тузуми давридаги бошқариш ва тафаккур қилиш андозалари ўша давр кадрларига (баъзилари) сингиб кетганлиги ҳамда тафаккурни ўзгагтириш салоҳияти этишмаётганлигига. 2. Салоҳият этишса ҳам эски тузумни қўймаси, иккиланиш ва вазиятга караб иш кўриш руҳиятининг устуворлигига. 3. Ўша тузум кадрларининг айримларида жамият ва давлат ҳаётида бўлаётган жарёнларга лоқайдлик, мустақиллик шароитида ҳам шунга ўхшаш кайфиятнинг сақланиб қолганлигидадир.

Аслида, давлат бошлаган ислоҳотларни амалга оширишда кадрларнинг етакчилиги, ташаббускорлиги зарур.

Янги жамиятни бунёд этиш мураккаб бўлганлиги сабаби ҳамма соҳаларда кадрлар сиёсатини шакллантиришда маълум муаммоларни ҳал этиш узоққа чўзиши, янгиларининг вужудга келиши табиийдир. Республикада бу мавжуд муаммоларни ҳал этишининг моддий, маънавий ва интеллектуал имкониятлари мавжуддир. Бу борада қатор амалий ишлар қилинмоқда. Жумладан, бугунги кунда кадрлар сиёсатини шакллантиришда маориф, олий таълим тизими ва малака ошириш тар-

Моқлари фраодиятини ривожлантиришга катта эътибор билан қаралмоқда. Республика раҳбариятининг қўллаб-қуватлаши туфайли ёшларни хорижий мамлакатларда ўқиши ва тажриба алманишга юбориш амалга оширилаётганлигини алоҳида таъкидлаш лозим. Хорижий мамлакатларда икки мингдан ортиқ Республика ёшлари турили соҳалар бўйича таълим олмоқдалар. Мамлакатимизда мустақиллик йилларида кўпгина саноат тармоқлари каби автомобиль саноатининг вужудга келганлиги бу соҳада ишлайдиган кадрларни қайта тайёрлашни талаб этади. Натижада кўплаб кадрлар хорижий мамлакатларининг заводларида малака оширишга юборилмоқда. Бу ишлар келажакда ўзининг натижаларини беради.

Узбекистонда ўтказилаётган иқтисодий, ижтимоий-сиёсий соҳадаги ислоҳотлар хотлар раҳбар кадрларни тайёрлаш жараёни ва жой-жойига қўйишни изчиллик билан такомиллаштириб боришини тақозо қилмоқда. Ҳусусан, раҳбар кадрларга қўйилган янги талабларга миллат, ҳалқ анъаналари ва манфаатларидан ҳамда давлатчилик меросимиздаги ижобий томонлардан келиб чиққан ҳолда ёндашилмоқда. Янги жамиятни қуриш қонунларини тўла ҳисобга олган ҳолда раҳбар кадрларга хос бўлган янги талаблар ишлаб чиқилди. Улар қўйидагилардан иборат: 1. Ўз ишини билиш. 2. Иш юритишни уddyалай олиши. 3. Кадр ва раҳбар сифатида, ишни олиб бориш билан боғлиқ жиҳатларга мустақиллик талаблари асосида ёндаша билиши. Булар, ўз навбатида, қўйидаги хусусиятларга ҳам алоҳида эътибор берилишини талаб қиласи. а) мустақиллик ва унга бўлган муносабат; б) Ватангча бўлган садоқати. Президент И. А. Каримовнинг асарларида, кадрларни танлаш ва жой жойига қўйишнинг асосий мезонлари ишлаб чиқилган. Уларга: 1. Раҳбарликка мослиги. 2. Масъулиятни ҳис этиш даражаси. 3. Садоқат, мустақилликка ишонч. 4. Ташкилотчилик. 5. Мустақиллик вазифаларини амалга оширишда ҳалқ билан ўзаро ҳамкор бўлиш. 6. Ўз атрофида соғлом кучларни тўплаш ва унга таяниш. 7. Расмиятчиликка берилмаслик. 8. Ўз билимини, малакасини мунтазам оширадиган. 9. Янгича тафаккур тарзига эга, фикрлар хилма-хиллинини инкор этмайдиган. 10. Ўзгалар фикрини эшитадиган ва ҳурмат қиласидиган. 11. Ўз манфаатини инсонлар манфаатлари билан уйғун кўрадиган

«Элим деб, юртим деб ёниб яшайдиган» фидойи кадрларга эга бўлиш кабилар киради.

Бугун раҳбар кадрлардан дунё билан раҳбарликни дунёвий меъёрлар билан уйғунликда боғлаб олиб бориш, тадбиркорлик ва ижодийлик талаб этилмоқда. Дунё ахборот тизими янгиликларидан доимий хабардор бўлиш, ундан амалда фойдаланишин давр тақозо эта бошлиди.

Ислоҳотларни амалга оширишда раҳбар кадрларнинг халқнинг маънавияти ва ўтмиш маданий меросини билиш даражаси ва муносабатига алоҳида эътибор берилмоқда. Раҳбар кадрларнинг фаолиятида халқнинг миллий қадриятларига асосланиш ва уларнинг маънавиятини юксалтириш вазифалари устувор қилиб қўйилди. Раҳбар кадрлар давлат ва жамият бошқарувининг турли бўғинларида, давлат ҳокимияти, маркази ва маҳаллий ўз-ўзини бошқариш органлари, жамият ижтимоий, сиёсий ва маданий ҳаётининг барча жабҳаларида ўз салоҳиятларини намоён этиш имкониятига эга бўлдилар. Мустақиллик туфайли ислоҳотлар жараёнига фаол иштирок этиш муҳим вазифа қилиб қўйилди. Халқимиз орасида ўтиш даврининг дастлабки йилларидаёқ, шундай фидойи кадрлар ислоҳотларни оғишмай амалга оширишда ўзларининг ақл-идрокларини намоён этдилар деинш мумкин.

Узбекистонда демократик, ҳуқуқий давлат қуриш тажрибаларини, кадрлар фаолияти билан боғлиқ ҳолда таҳлил этиш шуни кўрсатадики, раҳбар кадрларнинг бозор муносабатлари, давлат ва жамият қурилиши жараёнларини замонавий фан-техника, ютуқлари асосида, истиқлол гоялари билан қайта қуроллантирилган билимга, янгича тафаккурга бўлган эҳтиёжлари ҳамон сақланиб турибди. Республиканинг иктисадий, сиёсий ҳаётида амалга оширилаётган ислоҳотлар жараёни, улардан энг илгор дунёвий билимларни эгаллашларини тақозо этмоқда. Унга бўлган талаб ошиб бормоқда.

Узбекистон раҳбар кадрлар ва уларга хос хусусиятларга ёндошишда шарқона бой тарихий-маданий анъана-ларга эга. Шу ўринда Абу Наср Форобийнинг, раҳбарнинг 12 фазилати тўгрисидаги фикрларини келтириш ўринлидир. Унда фозил шаҳар ҳокимининг тўрт мучали соғлом бўлиши, табиатан нозик, фаросатли бўлиб, умумий аҳвол қандайлигини равшан тасаввур қила олиши, нарсаларни хотирасида тўла-тўқис сақлаб қоладиган,

тафсилотларини унутмайдиган, зеҳни уткир ва зукко, ўз фикрини равшан тушунтира олиш мақсадида, чиройли сўзлар билан ифодалайдиган, таълим олишга билим ва маърифатга ҳавасли бўлиши, унинг машаққатларидан қочмайдиган, маний бузуқликлардан ўзини тия оладиган, ҳақ ва ҳақиқатни, одил ва ҳақиқий одамларни севадиган ёлғон ва ёлғончиларни ёмон кўрадиган, ўз қадрини билувчи, ориятли, табиатан адолатпарвэр ва ўзи зарур деб хисобланган чора-тадбирларни амалга оширишда қатъиятли, саботли, журъатли, жасур бўлиши, қўрқоқлик ва ҳадисирашларга йўл қўймаслиги зарур эканлигини таъкидланган<sup>1</sup>.

Шарқда ҳоким тўғрисида фикр юритишга жуда кенг масъулият билан ёндошилганлигини, унинг майданий-маърифий жиҳатларига устуворлик билан қаралганлигини кўрамиз. Бу фазилатларга эга бўлиш бугунги кунда ҳам зарур ва аҳамиятлидир. Раҳбар кадрлар ички дунёси, ҳаётӣ тамойиллари жамият сиёсий ҳаётига бевосита таъсир кўрсатади. У раҳбарликнинг турли усусларини танлаши мумкин. Жаҳон тажрибасида раҳбарлик бошқарув услубида; а) авторитар; б) либерал; в) демократик кўринишлари кўпроқ учрайди.

Республикада амалга оширилаётган демократик жараёнлар бошқарувнинг оқилона усулини танлашни тақозо этмоқда. Мамлакат олдида турган вазифаларни амалга ошириш мақсадида ўзининг хусусий манфаатлари билан гурӯҳ манфаатларини, жойдаги шарт-шароитларни аниқ ҳисобга олган ҳолда умуминсон манфаатлари билан ўзаро ўйғунаштиришга хизмат қиласидиган иш услуби уни яхши раҳбар деб тан олинишига асос бўлади.

Раҳбар кадрлар фаолиятида: а) ўзаро тинчлик ва ҳамкорлик; б) бир-бирини тушуниш; в) хайриҳоҳлик; г) ўз камчилигини кўра оладиган; д) айримларни улуғлаш, тобелик руҳиятидан устун турадиган; е) ходим меҳнатини, салоҳиятини холисона баҳолайдиган ва рагбатлантирадиган; ж) мустақил, ижодий ишлаш, яратувчилик фаолиятлари алоҳида аҳамиятга эга.

Раҳбар кадрларнинг бундай жиҳатларга эга бўлишини бозор муносабатлари талаблари, қонуниятлари ҳам тўла тақозо этади.

<sup>1</sup> А. Н. Форобий. Фозил одамлар шахри. Т., 1992, 159—160-бетлар.

Мустақиллик раҳбар кадрларга янгича талаб құястаптандығында үзига хос қонуний жараёндир. Бу истиқболда раҳбар кадрлардан жамиятта ва үз ишида «муваффакият» ва аксинча «муваффакиятсизлик» сабаблари күп жиҳатдан үзига ҳам боғлиқ эканлыгини аңглаб, оқилюна иш юритиши ва раҳбарлық қилиши мустақилликнинг истиқболини, ислоҳотлар жараёнини белгилаб беради ва унга боғлиқ бўлади.

Мамлакатни ривожлантириш вазифалари кадрлар сиёсатини изчиллик билан такомиллаштириши, хусусан кадрларнинг етакчилик салоҳиятини оширишини, уларнинг масъулиятини ошириб боришни тақозо қиласди.

### ТАКРОРЛАШ УЧУН САВОЛЛАР

1. Сиёсий етакчи ҳамда сиёсий бонқарувчи деганда нимани тушунасиз ва улар нима учун керак?
2. Кадрлар сиёсати ва кадрлар деганда нимани тушунасиз?
3. Кадрларни танлаш, жой жойига қўйишнинг асосий тамоҳиллари нималардан иборат?
4. Кадрлар сиёсатидинг яғи тизимишнинг шаклларини нима?
5. Кадрлар сиёсатида ёшлиарнинг ўрини қаандай?
6. Ўзбекистонда ўтказилаётган ислоҳотлар жараённанда раҳбар кадрларга қўйилаётган талаблар нималардан иборат?

### 11-мавзуу

#### СИЁСАТ ВА МАҶНАВИЯТ

**Сиёсат ва миллий маънавият** Мустақиллик ҳар бир инсонга ўзлиги-ни ва миллий маънавиятини англашда янги уфқлар очди. Президент И. А. Каримов таъкидлаганидек, Ўзбекистон ўз миллий маънавияти негизларига, қадриятларига таянган ҳолда дунёвий давлат қуриш вазифаларини амалга ошироқда. Бу үзига хос ва мостараққиёт йўлини амалга оширишда муҳим омил ҳисобланади. Давлат ва жамият қуриш ишларини халқнинг миллий маънавияти билан ўзаро ҳамоҳанг бўлиб, уни чуқурроқ англаш, ҳар бир киши онгли фаолиятнинг асосида бўлишига эришиш кўпқиррали, аммо давлат даражасида аҳамиятга молик. Уни амалга ошириш йўлларини излаш билан бирга тўғри тушуниш ҳам зарур.

Маънавият — ҳар бир инсоннинг (миллатнинг) ички руҳияти, ақл-заковати, унинг ўз-ўзини англаши, яхши-

ликларга, эзгу ниятларга тұла қалбі, олдинға қараб янги марралар сари онгли равища фаоллик күрсатыш, билим ва интилиш салоҳиятидир. Үнда инсонларнинг турли даврларда шаклланган тафаккур тарзи, анъаналари, дунё ва инсоний муносабатлар тұғрисидаги қарашлари, тасаввурлари ўз ифодасини топади. Улар хилма-хил бўлиб, турли ҳалқлар, миллатларнинг эътироф этиши билан боғлиқ равища маънавий ҳаётida қадр топа боради. Инсонларнинг дунёни идрок этишлари, тасаввур ва қарашлари уларнинг турмуш тарзи билан уйғунликда муайян одатлар, тамойиллар анъаналар тарзида шаклланиб, турли ҳалқлар ва миллатларнинг маънавиятига айланиб боради. Ана шу маънавиятнинг шаклланиш жараёни ҳар бир миллат маданиятида ўзига хос хусусиятларга эга. Ҳар бир киши қарашлари, дунё тұғрисидаги тасаввурлари билан миллат маданий меросини, апъаналарини бойитишига ўз ҳиссасини қўшади ва ривожлантиради. Ҳалқлар онги ва тафаккури, дунёга муносабати, дунё ва жамият тұғрисидаги қарашлари уни идрок этиш орқали умуминсоний қараш, қадр-қиммат билан ўзаро уйғунлашади. Бу уйғунлик ҳалқларнинг ўтмиши, бугуни ва истиқболини bogлаб турувчи маънавий омил сифатида намоён бўлади. Инсон онги ва тафаккури, қарашлар инсоний моҳияти билан миллий маънавиятга хизмат қиласди. Шунинг учун адабиёт, маънавият, фан, дин, ижтиёмий онг шакли сифатида маданиятда ўз ўрнига эга. Аммо барча адабиёт ва санъат асарини ҳам миллатнинг маънавий мулки деб ҳисоблаб бўлмайди. Шунда доимо эл назарида бўлган буюк аллома, муҳандис, саркарда, даҳо шахслар кўз олдимииздан ўтади. Макон ва замон таъсирида бўлган шахслар эмас, аксинча макон ва замонни ўзида мужассам этганлар буюкликка дахлдордир. Турли ҳалқлар ва миллатлар ривожида шундай маънавият бойиклари мавжудки у инсон тафаккурининг маҳсули сифатида вақт ва макон синовидан ўтиб келмоқда. Бунинг сабаби, улар умуммиллий ва инсоний қадриятни ўзаро уйғун ҳолда идрок эта олганлигидадир. Булар ўз фалсафасида, қарашида, тасаввурида, дунёнинг яхлитлиги ва инсоний моҳиятини идрок эта олган даҳолардир. Миллатнинг кўзгуси сифатида улар ўз фикрлари, амал қилган тамойиллари билан ҳар бир давр, макон ва замон талабларига жавоб берган. Инсон фаолияти юксак инсоний гояларга, миллий маъна-

виятга асосланган тақдирдагина самарали булиб, тарақ-қиётга хизмат қиласы.

Хар бир халқ яхлит дунёниң бир бүлгесі. Аммо инсон инсонға, халқтар халқтарға тұла ўшшамайды. Бир-бiriннайткайтында, уларниң фарқ қиласынан жиҳатлари, хусусиятлари мавжуд. У халқнинг тарихан шаклланган миллий маънавияти орқали намоён булиб, бу халқнинг қадриятлари, анъаналари, урф-одатларида, фаолият мезонлари сифатида ўз ифодасини топады. Бу бир кишининг эмас, аксинча айрим миллат, халқнинг маънавий мулки сифатида түпланиб, бойиб келган. Маънавият — турлы халқтар ва миллатлар маънавий дунёси, уларни бир-бири билан боғлаб, ривожлашишнинг ворисийлигини, узлуксизлигини таъминлаб тұрувчи миллий ва умуминсоний маънавий қадриятлар тизимиدير.

Бошқарув халқларнинг миллий ва умуминсоний маънавият негизларига таянса бундай жамият юксаклық сары юз тутады. Маданият ва маънавиятнинг ўйғунлигини таъминлаган ҳолда фозиллашади.

Миллий маънавиятимиз қадр топаётган ҳозирги даврда, уни бойитишимиз, янги авлодларга етказиб, маънавий мерос сифатида қолдиришимиз миллат олдидағи бурчимиздир. Шунда миллий ўзлигимизни янада тұла-роқ англаған бұламиз. Хар бир миллат маънавияти бойтарихга эга. Бошқа халқларнинг миллий маънавиятидаги яхши анъаналар, урф-одатлар, қадриятларни қадрлаш ва уларни ўрганиш миллий маънавиятимизни янада бойтады. Чунки инсон онги ва тафаккурининг бойиб бориши, ўз «қобиғидан» чиқишига әхтиёж сезмаса, ўзининг нұқсанларини, ниманинг яхши ёки ёмонлигини аңглай олмайди. Чунки миллий маънавият ҳам тұхтамас жараён. Хар бир инсон онги, макон ва замонға ўз таъсирини күрсатиши, миллий маънавиятимиздан жой олған айрим одатлар, маданий мерос сифатида қолиши табиий. Ҳаётнинг ўзига хос талаблари бор: унга қараш керак, унинг ўзи мураббий. Миллий маънавиятимиз дунёвий илмларға таянади. Миллий маънавият тамоилиллари инсоний мөхиятта ўз ифодасини тояды. Инсон қадр-қиммати, эркинлик, демократия, мустақиллик унинг умум дунёвий жиҳатларидир. Аммо у халқларнинг анъаналари, урф-одатлари, расм-руслар, күрсатмалари билан боғлиқ ҳолда амалга ошади. Унда миллий маънавиятнинг ўзига хос жиҳати намоён бўла-

ди. Чунки дунёни шундай идрок этаётган халқга бошқа халқлар амал қилған ва қилаётган урф-одат, айъана ларни «кўчириб» айнан шундай ҳолда татбиқ этиб бўлмайди. Жамият сиёсий, ижтимоий, маънавий ҳаётида ҳар бир миллатниң ўзига хос жиҳатлари кўринар экан, халқнинг ўзига хос аиъаналарига, хусусиятларига таянмаган ҳолда ўзга мафкуранни жорий этиш, давлат ва жамият қурилиши ишларини амалга оциришга уринини жамиятда ҳар бир халқнинг ўзига хос ва мос ривожланиши қонунига зиддир.

Турли миллатлар, халқларниң маънавий дунёсида миллий маънавият тарзида қадр топаётган тамойиллар, қоидалар ва меъёрлар ўз аксини топади. Улар миллий маънавият даражасида қадрга эга бўлиши учун шу халқ ёки миллат тафаккури тарзида уйғулашиши керак. Миллий маънавиятда унинг маъноси, моҳияти ўз аксини тонади. Шу ўринда Амир Темур ҳазратлари «Бизнинг кимлигимизни билмоқчи бўлсангиз, биз қурдирган биноларга қаранг» деганида фақат тарихий обида сифатида бинонинг шаклига эмас, балки шу халқ маънавияти ва маданияти салоҳиятининг кучу қудратининг юксаклигига эътиборини қаратмаганмикан?! Тарихий обидалар маданий мерос бўлиш билан бирга, маънавият эканлигини бугунги авлодлар тўла англаб этиши, ундан тегишли хулосалар чиқариши лозим ва миллий тараққиёт учун фидойилик кўрсатишни руҳан сезиш даражасига кўтарилиши зарур. Мусулмон маънавий ҳаётида Ислом дин ва илм сифатида қадр топди. Миллий қадриятимиз билан уйғуналашди. Бунга сабаб ундаги ғоялар инсон ва умуминсоний моҳият билан ўйғуналашиб кетганлигига эмасми?

Миллий аиъаналар, урф-одатлар ёки қарашлар ҳамма жойда ҳам бир хилда қабул қилинмайди ва ривожланмайди. Бунинг учун, аввало унинг моҳияти инсон манфаатлари билан уйғун бўлиши ҳамда уни тушунадиган, сингдирадиган, қабул қиласидиган онг ва тафаккур керак. Шунда у миллатниң маънавий ҳаётига, тараққиётниң муҳим омилига айланади. Жойларда халқларниң ҳоҳиш-иродасига қарши зулм ва зўравонликка асосланган собиқ иттилоғи парчалангач унинг мафкураси, ғоявий негизлари ҳам таназзулга юз тутди. Унинг моҳияти умуминсонийлик, инсон мақсад ва манфаатлари, эркинлик ғоялари билан уйғун бўлмаганилиги сабаб инсонлар маънавий ҳаётида қадр топмади. Инсонлар

учун хизмат қилган тафаккур нурларигина миллий маънавиятга айланади ва уни бойитади. Масалан, «демократия», «эркинлик» ҳар бир миллатнинг орзуси, инсоний эрк қадр-қиммат сифатида доимо қадрланиб келинган ва келинмоқда. Миллий маънавиятимиз ҳам ўз ўрнига эга. Собиқ «тутқунлик» даврида маънавият топталди, қадрсизланди, лекин тамомила йўқ бўлиб кетмади. Халқ миллий маънавияти негизларини ўз қалбидан сақлади.

Халқнинг миллий маънавиятига айланган анъана-лар айрим кишиларнинг қараши, тасаввuri, ички ҳиссий кечинмалари эмас. Аксинча, у моҳияти билан муайян халқ ёки миллат маънавий дунёси, қарашлари, турмуш тарзлар билан шаклан ва мазмunaн умумисоний манфаатлари, орзу умидлари, ҳаётий тамойиллари ўртасида уйғунликдир. Миллатнинг ўзлигини англаши учун қадрли бўлган, турмуш тарзида амал қилинадиган, инсоний муносабатларга дахлдор, эътироф этилган меъёрлардир. Демак, маънавият миллатлар томонидан тан олинган, уларнинг ҳаётида ўз ўрни бўлган, миллат ёки халқ сифатида ўзига хослигини кўрсатиб турадиган, амал қилинаётган тамойиллар, анъаналардир. Миллий маънавиятда шу миллатнинг маънавий дунёси ўз ифодасини топади ва унинг маънавий мулки ҳисобланади.

Миллий маънавият халқларнинг ўтмиши, келажаги билан боғлиқ, шундай боғловчи муҳрки, ундаги ворисликнинг бузилиши миллий ривожланишнинг ўзаро мувофиқлик қонунига зиддир. Миллий маънавиятнинг инсоний моҳияти қанча юқори бўлса, шунчалик маънавий юксак бўлади. Давлат ва жамият қурилиши ишида фаол қатнашишга эришиш инсонлар онги ва дунёқарашини ўзгариши орқали, жамиятнинг маънавий мулки сифатида эъзозланиши мумкин. Бугун ислоҳотлар жарашидан четда турган, лоқайд муносабатда бўлаётган шахсларни маънавиятли деб бўлмайди. Миллий маънавиятли юқори инсонларгина фурулишижоатли, фидойи ва фаол бўлишлари мумкин. Миллий маънавиятда муайян миллатнинг фалсафаси, ҳаёт тўғрисидаги қарашлари, тасаввурлари, шахсий, миллий ва умумисоний қадриятлар, маданиятнинг маънавий негизлари ифодалана-ди. Ҳар бир инсон миллий маънавиятда мужассам бўлгани сингари, миллий маънавий хусусиятлар ҳам инсонларнинг фаолиятида ўз ифодасини топади.

Жамият инсонлардан ташкил топғанлығи учун ҳар бир жамиятда шахслар ўзларига хос алоқида ақл-заковати, онг ва тафаккури, маънавий дунёси билан умуммиллат маънавиятини умуминсоний қадриятлар билан бойитади. Шунинг учун ҳам шахслар жамият ривожига, миллий маънавиятга сезиларли таъсир кўрсатиши, унинг тараққиётини тезлатиши, ўзлари хис этган ёки хис этмаган ҳолда нафақат айрим миллат ривожига, балки дунё ҳалқлари ривожига ҳам катта таъсир кўрсатиши мумкин. Бунга инсон ақл-заковатининг маҳсули сифатида фан ва техникада қўлга киритилган ҳар бир ютуқни алоқида мисол тарзида келтириш мумкин. Улар айрим миллатлар маънавий мулкидан дунё ҳалқлари маънавий мулкига айланади ва муносиб ўрин эгаллайди. Умуминсоний қадрга — аҳамиятга молик тафаккур маҳсули сифатида дунё ривожига хизмат қиласди.

Демак, инсон ақл-заковати умуминсоний ахлоқ нормаларига таяниши ва умумманфаатлари билан уйғун бўлиши зарур. Инсон онги, тафаккури миллат, ҳалқ онги ва тафаккури, қарашлари билан уйғун бўлсагина унинг умуммиллий аҳамияти намоён бўлади. Миллий маънавиятда инсонларнинг турли даврдаги қалб туйғулари, интилишлари, орзу-умидлари яхлит ҳолда ўз ифодасини топади. У тарихий хотиралар тарзида авлодлардан-авлодларга етиб боради. Ҳалқнинг руҳини акс эттиради. Миллий маънавият — ҳалқнинг ўтмиши ва бугунги куни билан боғлиқ руҳият, маданият, анъаналар самарасидир. Унда шахсий, миллий ва умуминсоний қадриятлар мужассамлашади ва турли шаклларда: ҳалқ онги ва қарашлари, оғзаки ижоди, ёзма ва тарихий манбалар, фан, дин, адабиёт ва санъатда намоён бўлади. Давр, вақт ва макон таъсирида сараланиб боради. Миллий маънавият ўзининг ривожида давр, вақт ва маконда орқада қолмаслиги билан уйғун бўлиши зарур.

Ҳалқнинг миллий маънавияти ўша давлат сиёсати ва мағкураси таъсирида бўлиши мумкин. Аммо қандай сиёсат ва мағкура таъсирида бўлмасин инсон маънавий дунёси, ҳаёт тўғрисида қарашлари сифатида ўзининг ҳаётийлигини сақлаб қолади, давомийлик хусусиятига эга. У миллатларнинг, ҳалқларнинг ижтимоий, маънавий ўзига хослигининг ифодаси сифатида ҳаёт билан ҳамнафасдир. Буни тузиш, атайлаб тазийк ўтказиш миллат ва ҳалқлар ҳоҳиш-иродаси билан боғлиқ бўлган ривожланиш қонуниятига тўғри келмайди.

Бугун ўзини маънавиятли деб билган ҳар бир инсон ислоҳотларга миллий маънавият талаби билан ёндошади. Чунки «Ҳар бир давлат қурилиши маълум халқнинг миллий-маънавий маҳсули, ўзлигини намоён этиш ва маънавий-онглилик тараққиётининг пиллапоясиadir. Бу тараққиёт зинани қадам-бақадам босиб, бир меъердаги харакатни, вақтдан ўзиб кетмаслигини тақозо этади. Вақт ҳамма нарсага қодир. Унда тафаккур, фалсафа, ҳамма нарса мужассам» (Гегель). Айтиш мумкинки, давлатда шу халқ, миллат, ҳар бир инсон ақл-заковати, маънавияти мужассамлашади. Бугун Ўзбекистонда давлат ва жамият қурилишида мавжуд тарихий, миллий маънавиятга таяниб иш кўрсатилганлиги ҳам ана шу ҳаётий фалсафанинг ифодасидир. Давлат сиёсагида миллий маънавиятнинг қадр топаётганлиги миллатнинг ўтмиши ва бугуни, қадр-қиммати, униг ақл-заковати билан ҳамоҳанг, ўзининг ривожланиши истиқболига эга.

Жамиятни ривожлантиришда маънавият муҳим ўрин тутади. У жамиятда содир бўладиган жараёнларга, иқтисодий ва ижтимоий-сиёсий соҳаларнинг ривожланишига бевосита таъсир этади ҳамда инсонларнинг маданий-маърифий муносабатларида моддий куч сифатида ўз ифодасини топади. Маънавиятнинг яна бир муҳим кучи шундаки, у турли миллатларнинг мавжудлигини ифода этади ва уларнинг ҳар бирини ўзаро бирлаштириб турувчи асосий омил ҳисобланади.

Шунинг учун ҳам жаҳон мамлакатлари ривожланиши тарихидан маълумки, босқинчи давлатлар ўзлари босиб олган мамлакатларда ўз ҳукмронликларини абадийлаштириш учун мустамлакага айланган халқларнинг маънавиятларини, тилларини, қадриятларини, урф-одат ва анъаналарини йўқ қилиш учун кураш олиб борганилар.

Демак, маънавиятни ривожлантириш жамият ва унда яшовчи инсонларнинг маънавий бойлигини ошириш учун зарур бўлибина қолмасдан, шу билан бирга давлат мустақиллигини ва миллатнинг мавжудлигини таъминлашнинг қурдатли маънавий кучи ҳам ҳисобланади. Шунинг учун ҳам маънавият ҳар қандай давлатнинг сиёсатида мустақил йўналишни ташкил қилиб келган ва бундан кейин ҳам шундай бўлиб қолади.

**Маънавий  
маданият**

Илмий манбаларда маданият тушунн-  
часига турли хил таъриф берилади ва  
турли хил нуқтаи назар билан ёндошилади. Аслида ма-  
даният кўп қирралик тушунча бўлиб, инсон ва жамият

ҳаётиниг барча соҳаларини ўз ичига қамраб олади.

Маданият инсоннинг дунёни ўзлаштиришдаги, табиат, жамият ва инсон ички дунёси шаклланини ҳамда ривожланишидаги ўзига хос фаолияти даражасини кўрсатувчи тушунчадир.

Маданият бир исча турларга бўлинади. Уларнинг ҳар бирининг жамият ва инсон тараққиётида ўзига хос ўрни бор. Бугунгача маданиятнинг барча турларини моддий ва маънавий маданиятга ажратниш анъанавий тарзда давом этиб келмоқда.

Моддий маданият меҳнат, ишлаб чиқариш, турмуш, табиатга бўлган муносабатларни ўз ичига олади.

Маънавий маданият инсоннинг билим эгаллашдаги фаолияти, ички дунёси, руҳияти, ахлоқи, эстетик ва сиёсий маданияти билан белгиланади.

Жамият ҳаётида улар бир-бири билан чамбарчас боғлангандир. Масалан, ишлаб чиқаришининг ривожланиши моддий маданиятни ташкил қиласа, бу жаёнда маълум билимларни эгаллаш ва уни бевосита ишлаб чиқаришга жорий этиш маънавий маданият мезонидир. Маънавий маданият инсоннинг онгли фаолияти, унинг яратувчалик қобилияtlари билан боғлиқ. Ана шу онгли фаолиятини ҳаётга юқори даражада татбиқ эта олишга эришиш моддий бойликларни кўпайтиради, жамиятнинг барқарор ривожланишида, милллий ва миллатлараро тутувликни таъминлашда муҳим ўрин тутади.

Шунинг учун ҳам Мустақил давлатлар иқтисодий, ижтимоий-сиёсий муаммоларни ҳал қилишда маънавий соҳани ривожлантириш маънавий сиёсатда муҳим вазифа деб қарайдилар.

Маънавий маданият ўз ичига шунингдек, маориф, фан, адабиёт, санъат, ахлоқ, одоб, урф-одатлар, қадриятлар ва мағкура каби элементларни олади. Маънавий маданиятнинг бу элементлари бир-бири билан чамбарчас боғланган, уларни ривожлантириш давлат сиёсатининг муҳим йўналишини ташкил этади. Унинг давлат сиёсати билан боғлиқлигининг асосий сабаби:

Мустақил давлат маънавий маданиятининг юксак бўлиши унинг интеллектуал (ақл-заковат) салоҳиятининг ривожланишини билдиради. Бу биринчидан, моддий неъматларни ишлаб чиқариш ва ундан унумли фойдаланишда катта аҳамиятга эга. Қайси мамлакатда интеллектуал салоҳият мустаҳкам бўлса, ўша

мамлакатнинг барқарор ривожланиш имкониятлари ка-  
фолатланган бўлади, иккинчидан, мустақил давлатлар  
ўзларининг маданиятларини сақлаб қолишга ҳаракат  
қиласидилар. Ўзинга хос маданияти бўлмаган давлат ўз-  
лигини йўқотади. Чунки маданият мустақил давлатнинг  
ўзига хос муҳим белгиларидан биридир, учинчидан, ма-  
данияти ривожланган давлат фуқаролари ўзларининг  
манбаатларини ҳимоя қила оладилар, тўртинчидан, маъ-  
навий маданият иқтисодий, ижтимоий-сиёсий тараққиёт-  
га ижобий таъсир кўрсатади. Маънавияти ривожланган  
ҳар бир мамлакатнинг иқтисодий ҳаёти юксалади, унда  
мавжуд бўладиган турли ижтимоий-сиёсий муаммолар  
баҳамжиҳатлик билан ҳал қилинади.

Давлат сиёсатида маънавий маданиятни ривожлан-  
тириш етакчи вазифалардан бирини ташкил этади. Ма-  
даниятнинг давлат фаолиятида муҳим ўрин эгаллаши  
ҳақида гапирганда маънавий маданият ва сиёсий ма-  
даният тушунчалари ўртасидаги фарқни ва ўзаро боғ-  
лиқликни ҳисобга олиш лозим.

Маданиятнинг бу иккала турини бир-бирига боғла-  
масдан туриб, умуман жамият ижтимоий-сиёсий ҳаётida  
садир бўладиган турли жараёнларга таъсир кўрсатиш  
мумкин эмас. Жамият тараққиёти жараёнида маънавий  
маданиятни ривожлантиришнинг сиёсий муносабатларда  
намоён бўладиган жиҳатлари мавжуд. Маънавий ма-  
даният ривожлацтирилмас экан, табиий равища  
сиёсий маданият ҳақида гапириш мумкин эмас. Маъна-  
вий маданият инсоц, элат, миллат, ҳалқ ва жамиятнинг  
ички маънавий оламини ташкил этса, сиёсий маданият  
шахс, ижтимоий гуруҳ ёки омманинг мавжуд ижтимоий  
тузумга, сиёсий ҳокимиятга, унинг институтларига, сиё-  
сий ва жамоат ташкилотларига муносабатларида ўз  
ифодасини топади.

Сиёсий маданиятнинг ривожланиш жараёнларини  
тўғри тушуниш учун давлат томонидан маънавий ма-  
даният соҳасида олиб бориладиган сиёсатни билиш мақ-  
садга мувофиқдир. Маънавий маданият сиёсий мада-  
ниятни ўрганиш учун зарур бўлибгина қолмасдан, бал-  
ки, політолоғия фанидаги бошқа мавзуларни ўрганиш-  
га ҳам ёрдам беради ва жамиятнинг барча механизм-  
ларининг уйғун ишлашига ўзининг таъсирини кўр-  
сатади.

Шунинг учун ҳам маънавий маданиятни ривожланти-  
риш давлат сиёсатининг муҳим вазифасидир.

**Сиёсий маданият** Сиёсий маданиятнинг ривожланини  
сиёсий жараёллар билан узвий боғлиқ бўлади. Давлат маданиятни ривожлантириш, халқ билим даражасини ошириш йўлида изчил сиёсат олиб борса, жамият барқарор ривожланишига эришини мумкин. Агар давлат маданиятнинг ривожланишини умуминсон манфаатларига эмас, балки айрим синфлар, сиёсий партиялар манфаатларига қаратадиган бўлса, жамиятда албатта бир-бирига қарама-қарши кучлар ва ҳаракатлар шаклланишига олиб келади. Масалан, оддий меҳнаткашларнинг билим олиш, маданий-маърифий жиҳатдан ривожланиш имкониятлари чекланиб келинган даврлар бўлган. Бу эса, ўз навбагида, тўқнашувларга сабаб бўлган. Тарихий тажрибадан маълумки, собиқ totалитар совет тузуми даврида давлат маданиятни ягона мафкура ва ягона сиёсий партия манфаатлари йўлида ривожлантирган эди. Натижада инсон онги ягона «қолип» асосида фикрлаган эди. Собиқ иттифоқ даврида олиб борилган давлат сиёсати миллий маданиятларни тугатиш, унинг ўрнига эса ягона «коммунистик» маданиятни вужудга келтиришга қаратилганди. Миллий ривожланишнинг имкониятлари чекланган сари ҳар бир миллатнинг олиб борилаётган сиёсатга норозилиги зимдан кучайиб борди ва мавжуд тузумнинг емирилишига олиб келди.

Бундан давлат сиёсатида маданиятнинг ривожланиши мамлакатнинг миллат, элатлар ва умуминсоний манфаатлар йўналишига қаратилсанда жамиятда барқарорликка эришиш мумкинлигига яна бир борионч ҳосил қилинади.

**Маънавий маданият шакллари ва сиёсат** Маориф маънавий маданиятнинг асосини ташкил этади. Маорифни ривожлантириш халқнинг саводини чиқаришни мақсад қилиб қолмасдан, балки жамиятнинг ривожланишида асосий куч ҳисобланадиган малакали кадрларни тарбиялаб етиштиришни ҳам ўз ичига олади. Инқилобгача Марказий Осиё (Урта Осиё) халқларини, жумладан, ўзбекларни саводсиз деб аташ фақат марказдагина эмас, балки республиканинг ўзида чоп этиладиган адабиётларда ҳам қайта-қайта тақрорланиб, халқ онгига сингдириб келинган. Бундан кўзланган асосий мақсад босиб олиш натижасида вужудга келган янги тузумни кўкларга кўтариш, халқни шу тузум руҳида

тарбиялаш ва уларда асрлар давомида шаклланиб келгани таълим тизимиға нафрат уйғотиш эди.

Ўзбекистон аҳолисининг атиги 1,8 фоизи саводхон деган маълумотлар бериб келинди. Ваҳоланки, маълумотларга қараганда, собиқ иттифоқдош республикаларниң ўша даврдаги саводхонлик даражаси бир-бирига яқин бўлган. Масалан, Россия аҳолисининг 24 фоизи, Белорусь аҳолисининг 24,7 фоизи ва Туркестон аҳолисининг 19,5 фоизи саводли бўлган (Қаранг: Ким П. Г. Уйдирма ва ҳақиқат. «Ўзбекистон адабиёти ва санъати» газетаси, 1989 йил 20 сентябрь). Туркестон халқлари «саводлилар» қаторига киритилмаган. Мавжуд мадрасалар билим масканлари саналмаган. Россиянинг босқинчилигини оқлаш мақсадида Туркестон халқлари фақат ана шу амалга оширилган «инқилоб» шарофати билангиша «саводхон» бўлди деган «концепциялар» ўйлаб чиқарилди.

Уша даврда маънавий заарар етказилган ашаддий томонлардан бири миллий тилларниң иккинчи ўринга қўйилиши бўлди. Бунинг таъсири ҳануз давом этмоқда. Чунки ўз она тилларини мукаммал биладиган миллий кадрлар ниҳоятда камайиб кетган эди.

Мустақиллик шарофати туфайли бугунги кунда республикамиизда бутун таълим тизимини ислоҳ қилиш ишлари амалга оширилмоқда.

Республика Президенти И. А. Каримов таъкидлага-нидек: «... Янги демократик таълим концепциясини ишлаб чиқиш ва амалга ошириш лозим бўлади. Бунда ўзбек халқининг ва республика ҳудудида яшовчи бошқа халқларниң миллий, тарихий ва маданий анъаналари, маънавий тажрибаси таълим ва тарбия тизимимизга узвий равишда киритилиши зарур»<sup>1</sup>.

Бу тадбирниң амалга оширилиши миллатимизда асрлар давомида шакллантирилган таълим тизимини тиклашга ва ривожланган мамлакатлар эришган тажрибалардан кенг фойдаланишга ёрдам беради, мамлакатимизда бошқа соҳалар учун зарур бўлган кадрлар этиштиришни тезлаштиришга ижобий таъсир кўрсатади.

Маънавий маданиятнинг ривожланишини таъминлашда фаннинг роли айниқса каттадир. Зеро, жамият

<sup>1</sup> И. А. Каримов, Ўзбекистон: миллий истиқлол, иқтиқод, сиёсат, мағкура. «Ўзбекистон», 1993, 47-бет,

фақат илмий тафаккурниң ютуқларига асосланиб ривожланади. Ана шу тафаккурниң ютуғи бұлған фан бир томондан табиат ва жамият қонуниятларини үрганиш ва уни амалиётда құллаш жараённан мустаҳкамланиб боради. Ҳозирги кунда фан чинакам ишлаб чиқарувчи күчгә айланиб бормоқда. Бунда сабаб фан, техника ва технология ютуқлари ишлаб чиқаришга жорий қилинибгина қолмасдан, шунинг билан бірге ана шу ишлаб чиқаришнинг ўзи ҳам билимларни мукаммал әгаллаб олиш орқали бажарилмоқда.

Ишлаб чиқаришни чуқур илмий билимларга асосландын қолда бошқаришга бұлған зарурият мамлакатимизда иқтисодий, ижтимоий-сniесий ва маданий соҳалардаги истроҳотларни амалга оширишда яққолроқ сезилмоқда. Бу ўз навбатида, жуда катта күчларни талаб этмоқда.

Ҳозирги шароитда фаннинг роли фақат илмий кашфиётларни яратып ва уларниң имкониятларини инсон манбаати йўлида хизмат қилидиришдан иборат бўлиб гина қолмасдан, балки жамиятнинг маънавий қиёфасини, миллӣ ва умуминсоний қадриятлар негизида тубдан қайта қуришга хизмат қилишдан ҳам иборатидир. Бу вазифани амалга оширишда ижтимоий фанлар салмоқли ўринни әгаллайди. Жамият ҳаётида рўй берадиган ўзгаришларни ўз вақтида англаб олишга қаратилган илмий назарияларниң ишлаб чиқилмаганлиги, жамият ҳақидаги илгаридан маълум бұлған назарияларга ёпишиб олиш ва уларни реал тараққиёт имкониятлари асосида ривожлантирмаслик оқибати ижтимоий фанларда тараққиёт ҳақида бир ёқламаликни ва доктрины келтириб чиқарди. Собиқ мағкура таъсирида ижтимоий фанларниң ҳаётдан сезиларлы даражада узилиб қолғанлиги воқелигимизда содир бўлиб турган ижтимоий-иқтисодий, сиёсий ва маънавий-ахлоқий жараёнларни чуқур таҳлил этишга, уларниң сабабларини, шунингдек, бундан бўёнги ривожланиш тенденцияларини аниқлашга фаолроқ ёндошишни талаб этади.

Ижтимоий фанлар инсонларда яратувчилик, фидойилик ва ватанипарварлик рухиятини шакллантириш орқали ҳам жамият тараққиётига салмоқли ҳиссасини қўшади. Ижтимоий фанларни маориф ва олий таълим тизимида ўқитилишидан мақсад ҳам қайсиdir синфлар ёхуд партиялар манбаатларини ҳимоя қилиш эмас, балки мамлакатда миллӣ, маданий-маърифий ва сиёсий

- онгни ривожлантириш, ёшларга жамият түғрисида концепцияларни ўргатиш, уларни ўз ватанининг фидойилари қилиб тарбиялаш, миллий ва умуминсоний қадриятларни эгаллашларига ёрдам беришдир. Шу сабабли ҳам давлат ўз фаолиятида фундаментал фанларга катта аҳамият бериш билан бирга ижтимоий фанларнинг тараққий этишига ҳам эътибор қиласи.

Маънавий маданиятнинг муҳим белгиларидан яна бири **адабиёт** бўлиб, у инсон руҳий оламига таъсир кўрсатувчи маънавий бойликдир. Адабиётнинг барча кишилар ўртасида оммавийлиги ҳамда таъсирчанлиги билан жамият маънавий тараққиётига қўшадиган ҳиссаси бекиёсdir. У инсоният тарихида яратилган барча моддий ва маънавий меросларни авлоддан-авлодга етказишида, жамиятда мавжуд бўладиган барча сиёсий ва ижтимоий жараёнларни ўзида ифода эттиришда амалий аҳамиятга эга. Адабиёт ҳар бир даврнинг маънавиятни ифода этиш билан бирга мавжуд муаммоларни кўтариб чиқиш ва уларни ҳал қилишда инсонларнинг фаоллигини оширишга катта ёрдам беради. Собиқ иттифоқ даврида асарларга партиявийлик принциплари мажбуран киритилиб, у принципга «хиёнат» қилувчи, реал воқеликни акс эттирувчи асарлар яратган ёзувчилар қатағонга учрадилар. Лекин кўпгина ёзувчилар асарларида реал воқеликни кўрсатиб, жамиятда яшовчи кишиларниadolатга, инсонийликка, ватанпарварликка ва умуминсоний қадриятларни тиклашга чақиравчи ғояларни тарғиб қилдилар.

Жамият маънавиятнинг ривожланишида **санъат** ҳам катта аҳамиятга эга. Санъат ўз навбатида, театр, мусиқа, рассомчилик, ҳалқ ҳунармандчилиги ва бошқаларни ўз ичига олади ҳамда улар бир-бирлари билан чамбарчас боғлиқ.

Давлат ўз сиёсатида маънавий маданиятни ривожлантирища мамлакат ва миллат манфаатларини ўзида уйғулаштирган мафкурага таянади.

Мафкура ижтимоий тарихий ҳодиса бўлиб, ҳар бир жамиятнинг маънавий йўналишини белгилаб берадиган турли соҳалардаги ғоялар, қарашларнинг ифодасидир.

Мафкура бир неча турларга бўлинади: миллий давлат, мустақиллик, сиёсий мафкура кабилар.

Сиёсий мафкура маълум бир ижтимоий гурӯҳ, синф, сиёсий партия, миллат, давлат, жамият манфаатини

ифодаловчи ва ҳимоя қилувчи сиёсий, ҳуқуқий, фалсафий, ахлоқий, бадиний, диний гоя ва қарашлар тизимишdir.

Шу жиҳатдан ёндошганимизда мафкура жамият ва давлат миқёсида қўйидаги вазифаларни бажаради. Биринчидан, давлат ривожланишининг иқтисодий, ижтимоий-сиёсий ва маданий-маърифий соҳаларидаги вазифаларини ўзіда мужассамлаштирувчий гоядир, иккичидаи, давлатга турли миллат, элат, синфлар ва ижтимоий гуруҳларни бирлаштириб турадиган омилдир, учничидан, давлат олиб борадиган ички ва ташқи сиёсатининг моҳиятини фуқароларга кеңг тарғиб қиласди, тўртничидан, давлат худуди доирасида яшаётган фуқароларни яратувчилик, бунёдкорлик, ижодкорлик фаолиятини янада кенгайтиради ва уларни аниқ мақсадларга йўналтириб боради, бешиничидаи, мафкура жамиятда маълум қарашларни шакллантиради ва фуқароларда сиёсий маданиятни ривожлантиради.

Мафкура ҳоким бўлмаслиги, айрим ҳолда бир сиёсий партияning манфаатларини ифода этмаслиги лозим. Чунки бундай ҳол жамиятда турли синфлар, гуруҳлар ёки сиёсий партиялар ўртасида қарама-қаршиликка, салбий оқибатларга олиб келади.

Ҳар қандай мустақил давлатнинг барча манфаатларини уйғулаштирувчи мафкураси бўлиши лозим. Шуни ҳам айтиб ўтиш керакки, дастлаб бирон-бир мафкурани давлат мафкураси сифатида олиш мумкин эмас. Мафкуралар хилма-хиллиги шароитида давлат сиёсатида маданиятнинг барча соҳалариши ривожлантириб бориш катта ўринни эгаллади. Маънавий маданият ривожланишининг энг муҳим шартларидан яна бири миллий тилнинг ривожидир. Тил фақат мулоқот воситаси эмас, шунинг билан бирга маданият ҳамдир. Тил омили орқали миллий онг, маданият, қадриятлар ривожланади ва миллатнинг бирлиги таъминланади.

Собиқ совет тоталитар тузуми шароитида миллий тилларни ривожлантириш ҳақида қоғозда катта «ҳуқуқлар» берилган эди. Аммо амалда уларнинг мулоқот, тарбия, миллий кадрлар тайёрлаш, миллий онгни шакллантириш борасидаги имкониятлари чеклаб қўйилганди. Айниқса, маориф ва олий таълим тизимларида миллий тилни ўқитишга ажратилга соатларнинг изчиллик билан қисқартирилиб бориши маҳаллий кадрларнинг тайёрланишига салбий таъсир кўрсатди. Бу ўз навбатида,

собиқ иттифоқдош республикаларда миллий, маданий-маърифий тараққиётнинг орқага кетишига олиб келди.

Ўзбек тилига давлат мақоми берилди ва Асосий қонун бўлган Конституцияда «Ўзбекистон Республикасининг давлат тили, ўзбек тилидир»,—деб белгиланди.<sup>1</sup>

Бугунги кунда Ўзбекистон давлати маънавий маданиятни ривожлантиришнинг муҳим белгиларидан бири бўлған ўзбек тилининг тараққий этиши учун кенг имкониятларни яратмоқда. Кўриниб турибдики, маънавий маданиятнинг барча соҳаларини ривожлантириб бориш ҳар бир мустақил давлат олиб борадиган сиёсатнинг муҳим томонларидан бирини ташкил этади. Чунки маънавий маданияти тараққий этмаган давлатнинг келажаги ҳам бўлмайди.

**Мустақиллик, маънавият ва маданият** Мустақил јашашга ҳар бир халқнинг тўла ҳаққи бор. Ўзгаларга қарам халқнинг келажаги бўлмайди. Сиёсий мустақил бўлған халқгина ўзининг бир бутунлигини, маданиятини, урф-одатлари, анъаналари, қадрпятларини, ўзлигини сақлаб қолади. Худди ана шунинг учун ҳам улкан маънавият ва қадрпятларга эга бўлған ўзбек халқи ўз мустақиллиги учун кураш олиб борди.

Бугунги мустақил Ўзбекистон янги жамият борасида катта ишларни амалга ошироқоқда. Ўзбекистонда амалга оширилаётган ислоҳотлар тизимида маънавий маданиятни ривожлантириш вазифасиға эътибор қаратилмоқда. Жамиятда давлат сиёсатида иқтисодий, ижтимоий-сиёсий соҳаларда маънавиятнинг ўрнига алоҳида эътибор берилмоқда. Мустақиллик шароитида миллатнинг қадр-қиммати, ғуурини кўтармасдан, ўзлигини англаш учун имкониятлар яратмасдан туриб, бошқа соҳаларда ислоҳотларни амалга ошириб бўлмайди. Шунинг учун ҳам Республика Президенти И. А. Каримов бу масалани давлат сиёсатида энг муҳим вазифа сифатида туришини алоҳида таъкидлаб, «моддий ислоҳотлар, иқтисодий ислоҳотлар ўз йўлига, уларни ҳал қилиш мумкин. Халқнинг таъминотини ҳам амаллаб туриш мумкин. Аммо маънавий ислоҳотлар, қуллик ва мутелик исканжасидан озод бўлиш, қаддини баланд тутиши ота-боболаримизнинг удумларини тиклаб, уларга

<sup>1</sup> Ўзбекистон Республикасининг Конституцияси. «Ўзбекистон», 1992, 9-бет.

муносиб ворис булиш бундан оғирроқ ва бундан шарафлироқ вазифа йўқ бу дунёда», — деб таъкидлаган эди<sup>1</sup>.

Мустақилликни қўлга киритгандан кейин ўтган вақт ичидаги маънавиятни тиклаш борасида катта амалий ишлар бажарилмоқда. Шу жумладац маданий меросимизни ўрганиш ва уларни кенг ташвиқот қилиш, миллий урф-одатларни, анъаналар ва қадриятларни тиклаш, дин, маориф, олий таълим тизимида ислоҳотлар ўтказиш, миллий адабиётимиз ва санъатимизнинг ривожи учун янада кенг имкониятлар яратиш, она тилимизнинг давлат миқёсида қўлланишига эътибор бериш каби катта ишлар бажарилмоқда.

Буюк бобомиз Амир Темур таваллудининг 660 йиллиги муносабати билан ЮНЕСКО нинг қарорига биноан 1996 йилнинг Амир Темур йили деб эълон қилинишин ҳамда бу анжуманинг бутун жаҳонда нишонланиши миллатимиз мавқенини янада кўтарди.

1996 йилнинг 21—24 апрель кунларида ЮНЕСКО нинг қароргоҳи бўлган Франция пойтахти Париждаги Амир Темур таваллудининг 660 йиллигинига бағишлиланган юбилей ўtkазилди.

Унда Республика Президенти И. А. Каримов бошчилигига ватанимиздан борган делегация иштирок этди. Бу эса маънавий ҳаётимизда катта воқеадир. ЮНЕСКО нинг қарори билан 1997 йилнинг октябрь ойида қадимий Бухоро ва Хива шаҳарларининг 2500 йиллигининг ўтказилиши ҳам жаҳон жамоатчилиги томонидан ўзбек халқи маданиятининг юксаклигини тан олиш бўлди.

Маданият ривожланиши ўз-ӯзидан содир бўлмайде, балки қонуниятларга таянади. Шу маънода ҳам маданиятни ривожлантириш аниқ амалий ишларни бажаришни тақозо қиласди.

Худди шу маънода ҳам амалга оширилаётган барча тадбирлар ва бажарилган аниқ ишлар миллий маданиятимиз ривожланишида мустақилликнинг катта хизмати дейиш мумкин. Маданиятнинг ривожланиш қонуниятларидан бири — ворислиkdir. Яъни халқнинг тараққий этиб бориши жараёнида илгари яратилган моддий ва маънавий бойликларнинг авлоддан-авлодга мерос бўлиб ўтишини таъминлашдир. Бу қонуният фақат маънавий ривожланишининг муҳим шарти бўлибгина қолмасдан,

<sup>1</sup> И. А. Каримов. Ўзбекистон: миллий истиқлом, иқтисод, сиёсат, мағкура. «Ўзбекистон», 1993, 167-бет.

Шунинг билан бирга авлодлар ўртасидаги ўзаро боғлиқлик ва алоқадорликни давом этиши ҳамдир. Маданиятнинг умри боқийлиги энг аввало, ҳар бир миллат меросининг илдизлари бақувват билиши билан боғлик. Миллий маданият илдизининг бақувватлиги ўз даврида жаҳон маданияти ва фани ривожланишига улкан ҳисса қўшган Муҳаммад ал-Хоразмий (780—847), Абу Наср Форобий (873—950), Абу Райҳон Беруний (973—1048), Абу Али ибн Сино (980—1037), Амир Темур (1336—1405), Мирзо Улугбек (1394—1449), Алишер Навоий (1441—1501), Захриддин Муҳаммад Бобур (1483—1530) ва бошқа алломалар томонидан халқимизга қолдирилган бетакрор ва ўлмас мерос билан белгиланади.

Маданият ривожланишининг яна бир мұхим қонунияти миллий маданиятларнинг ўзаро таъсир кўрсатиши ва бир-бирини бойитишидир. Маданияти юксак ривожланган халқ бошқа халқлардан ажralган ҳолда яшай олмайди, балки бошқа халқдан ниманидир ўрганади ва унга ниманидир ўргатади.

Миллий маданиятларнинг ўзаро таъсири фақат уларнинг ўзаро бойишининг мұхим шарти бўлиши билан миллатларнинг ўзаро яқинлигини, ёрдамини ва ҳамкорлигининг ривожланишининг ҳам мұхим омили ҳисобланади. Бу ўз навбатида, миллатлараро муносабатларда шаклланиши мумкин бўлган турли низоларнинг олдини олишда ҳам катта аҳамиятга эга. Маданиятнинг ривожланишидаги юқорида келтирилган қонуниятларнинг амалга ошиши мустақил давлатимиз сиёсатида ўз ифодасини топаётганлигини алоҳида таъкидлаш лозим.

Маданиятни ривожлантириш борасида мустақилликни қўлга киритганимиздан кейинги йиллар давомида амалга оширилган тадбирлар, эришилган ютуқлар қанчалик кўп бўлмасин, ҳали бу борада бажариладиган ишлар кўлами ниҳоятда каттадир. Айниқса, мамлакатимиз жаҳоннинг ривожланган мамлакатлари тажрибасидан ўтган ва тараққиётнинг асосий имкониятлари сифатида қадрият даражасига кўтарилган, бозор муносабатларига асосланган жамиятни қуриш томон жадал қадам ташлаётган бугунги кунда маданиятни ривожлантириш борасида ҳам талайгина муаммоларни амалга оширишини тақозо қўймоқда.

Маълумки, бозор муносабатларининг нисонлар хоҳиши-иродасига бўйсунмайдиган ўзига хос қонунларни мавжуд. Уларни сунъий ўзгартиришга қаратилган ҳар

қандай ҳаракат кутилған натижани беравермайди. Шуннинг учун ҳам маданиятни ривожлантириш уларни ҳисобга олишни тақозо этади. Мамлакатимизда бозор мұносабатлари жадал суръатлар билан шаклланаётган бугунғи күн маориф, олий таълим ва фанни ривожлантириш ҳамда бу соҳада чуқур ислоҳотларни ўтказишнинг моддий таъминланишига эътиборни қартишни тақозо қылмоқда. Давлатимиз ўз сиёсатида, мавжуд иқтисодий қийинчиликларга қарамасдан, бу соҳага ўз имкониятлари даражасида катта эътибор билан қараб келмоқда. Республика Президентининг 1994 йил 23 апрелда «Маънавият ва маърифат» жамоатчилик марказини ташкил қилиш түғрисида», 1996 йилнинг 9 сентябрида «Маънавият ва маърифат» жамоатчилик маркази фаолиятни янада такомиллаштириш ва самарадорлигини ошириш түғрисида» қабул қылған фармонларининг амалий аҳамияти катта бўлди. Бу фармонларда «Маънавий, маърифий ислоҳотлар давлат сиёсатининг асосий устувор йўналиши деб ҳисоблансан» деб кўрсатилиши мамлакатимизда маънавият ва маърифатни ривожлантиришга жиддий эътибор беришга имконият берди<sup>1</sup>.

Айниқса, республика Олий Мажлисининг IX сессиясида 1997 йил, август «Таълим түғрисида» ва «Кадрлар тайёрлаш миллий дастури» түғрисида қонунларнинг қабул қилиниши давлатимиз сиёсатида маънавият, маданият ва интеллектуал салоҳиятга катта эътибор берилаётганининг ёрқин далили дейиш мумкин.

Бугунги бозор иқтисодиёти шаклланаётган шароитда мавжуд бўлган иқтисодий қийинчиликлар қабул қилинган қонунларнинг реал амалга ошишига ўзининг таъсирини ўтказаётганлигини ҳисобга олишни талаб этмоқда.

Айниқса, маънавият, маърифат, таълим ва илмни ривожлантиришга багишлаб қабул қилинган қонунларни амалга оширишга эътибор қаратиш зарур бўлади. Чунки Республика Президенти И. А. Қаримов таъкидлаганидек, «Мустақиллик мамлакатимиз аҳолисининг билим доирасини кенгайтирди. Тарих ва ҳозирги замон воқеаларига мурожаат қилиш бизнинг ижтимоий тафаккуримиздан ҳаётни идрок этишининг мавҳум ва ақида-парастлик қолипларини енгиб ўтишини, мустақил фикр

<sup>1</sup> Қаранг: «Халқ сўзи», 1996 йил 10 сентябрь

юритиш ва рўй бераетган ҳодисаларин баҳолай олиш қобилиятини талаб этади»<sup>1</sup>.

Мамлакатимиз ҳалқарининг яратувчилик фаолиятини ривожлантириш, уларниг маънавий, маърифий, ҳуқуқий ва сиёсий онгини ўстириш вазифасини бажаришда катта аҳамиятга молик бўлган оммавий ахборот воситалари ва вақтли матбуотни фаоллаштиришга зарурият кучаймоқда.

Қирғиз ҳалқининг буюк ёзувчиси Чингиз Айтматов таъкидлаганидек, «энди маданиятни кўтариш керак. Инсон маънавияти, руҳий олами ҳамиша диққат эътиборда бўлмоғи лозим. Зоро, инсон ҳаётининг, тирикчилигининг бош мазмуни айланиб-айланиб маънавиятга тақалади»<sup>2</sup>.

Худди ана шунинг учун маънавият ва маданиятни ривожлантириш давлат сиёсатининг муҳим соҳаси бўлиб қолади. Зоро, мустақиллигимизни мустаҳкамлаш, иқтисодий, ижтимоий соҳадаги ислоҳотнинг натижалири, мамлакат ва миллат тараққиёти маънавият ва маданиятни қандай ривожлантира билишга кўп жиҳатдан боғлиқдир.

## ТАҚРОРЛАШ УЧУН САВОЛЛАР

1. Миллий маънавият деганда нимани тушунасиз?
2. Сиёsat билап маънавият ўртасидаги алоқадорлик нимадан иборат?
3. Маънавият ва сиёсий маданият тушунчалари ўртасида фарқлар нима?
4. Давлат сиёсатида маънавий ривожланиш қандай роль ўйнайди?
5. Ўзбекистонда мустақиллик йилларида маънавий маданиятни ривожлантириш борасида қандай ишлар амалга оширилди?
6. Ўзбекистонда маънавият ва маданиятни ривожлантиришнинг асосий вазифалари нималардан иборат?

<sup>1</sup> И. А. Каримов. Ўзбекистон XXI аср бўсағасида хавфсиазликка таҳдид, барқарорлик шартлари ва тараққиёт кафолатлари. «Ўзбекистон», 1997, 150-бет.

<sup>2</sup> «Ўзбекистон адабиёти ва санъати» газетаси, 1995 йил 8 сентябрь.

12-мавзу  
СИЕСАТ ВА ЁШЛАР

Ёшлар сиёсатнинг объекти ва субъекти тисодий ва маданий ҳаётида ёшлар муҳим ўрин тутади. Сиёсат ёшларнинг жамиятдаги ўрнини белгилаб беради. Айни пайтда ёшлар ҳам сиёсатга фаол таъсир кўрсатади. Жамиятнинг сиёсий тизимида ёшларнинг тутган ўрни, мавқеининг қандай даражада бўлиши улар руҳиятининг шаклланиши, таълим-тарбия жараёнларининг қандай амалга оширилиши, сиёсатнинг характеристики, давлат ва жамият қурилишининг умумий ва ўзига хос хусусиятлари, амал қилиш тамойиллари, мақсад ва вазифалари билан узвий боғлиқ бўлади. Ёшлар алоҳида ижтимоний демографик қатлам сифатида сиёсатнинг объекти ҳисобланади, чунки ҳар бир ривожланган давлат ўз сиёсатида ёшларга алоҳида эътибор беради. Ёшларга доир сиёсат олиб боришга ҳаётий эҳтиёж доимо мавжуд бўлади. Давлат ёшлар ҳаётига доир қонунлар қабул қиласди, уларнинг ҳақ-хукуқларини белгилаб беради ва кафолатлайди. Ёшлар ҳаётида содир бўлаётган ҳар бир ўзгариш давлат сиёсатида аниқ ҳисобга олинини мухимдир. Ёшлар айни пайтда сиёсатнинг субъекти ҳамдир. Бунда ёшлар манфаатларини ҳимоя қиласидиган сиёсий институтлар, жамоа ташкилотлари назарда тутилиши билан бирга, ҳар бир ёш жамиятнинг фуқароси сифатида сиёсатнинг субъекти ҳисобланади. У сиёсатда иштирок этади, унга таъсир кўрсатади, Давлат ва жамият қурилиши, ишларида, жамият сиёсий тизимини янада такомиллаштиришда бевосита қатнашади.

Шунинг учун ҳам республикада одил, демократик, ҳукуқий давлат қуриш мақсади ва вазифаси ёшларни сиёсатнинг онгли, сиёсий жиҳатдан етук иштирокчиси сифатида тарбиялаш билан узвий боғлиқ. Давлатнинг ёшларга доир сиёсатида, аввало шу давлатнинг сиёсий ҳолати мухим ўрин тутади.

Мустақиллик ҳар бир давлатда ўзига хос ёшлар сиёсатини белгилаб олиш ва амалга ошириш имкониятини яратиб беради. Бу сиёсатнинг характеристики, мақсад ва вазифаларига бевосита таъсир кўрсатади. Шу нуқтаи назардан ёндошганда Ўзбекистон республикасининг мустақилликка эришиши давлатнинг ёшларга доир сиёсатида алоҳида босқич ҳисобланади. Шу асосда

сиёсат ва ёшлар ўртасида уйғунлик шаклланмоқда ва сиёсатда ёшлар муаммосига алоҳида эътибор берилмоқда.

Сиёсатда ёшлар муаммосига алоҳида эътибор беришнинг ҳар бир давлат учун характерли бўлган умумий ва ўзинга хос жиҳатлари мавжуд бўлиб, унинг умумий томони шуидан иборатки, ёшлар жамият истиқболининг, келажагининг асосий бўғини ташкил этади. Ёшлар жамиятнинг меҳнат ресурслари га бўлган талаб ва эҳтиёжини қондирувчи замон талабига мос фан-техника ютуқларини халқ хўжалигининг турли соҳаларига жорий этувчи, тараққиётни таъминлаб ва доимо плгари қараб ривожлантириб борувчи, жамиятни янги куч билан тўлдириб турувчи ягона манба ҳисобланади.

Шунинг учун ҳам давлат сиёсатида ёшлар билан боғлиқ бўлган ижтимоий муаммоларни ўз вақтида англаш ва уни бартараф этиш муҳим стратегик аҳамият касб этади. Жамиятнинг сиёсий тизими, ижтимоий-иқтисодий, маданий-маърифий муносабатлари соҳасида, ҳар бир меҳнат жамоаси мулкнинг қандай шаклда жорий этилганлигидан қатъи назар, унда ёшларнинг ўрни бор. Бу уларнинг фаолият даражаси билан боғлиқ.

Ёшлар жамиятда муайян ижтимоий-демографик қатлам, гуруҳдан иборат. Бу гуруҳни ўзининг динамик, ўзгарувчанлик характери, ўзига хос сиёсий, ижтимоий-психологик хусусиятлари билан боғлиқ равишда ўзига хос қизиқиш, хатти-ҳаракатлар, интилишлар, мақсад ва вазифалар бирлаштириб туради. Айни пайтда улар турли хил фаолиятда бўлади ва бир-биридаи фарқ ҳам қилади.

Мустақиллик туфайли жамият сиёсий-ижтимоий ҳаёттида амалга оширилган ислоҳотлар туфайли ҳаётда амалга оширилаётган демократлаштириш жараёни ёшларга янги имкониятлар яратиб бериш билан бирга, улар олдига жиддий вазифалар қўйди ва масъулият юклади.

Давлат сиёсатида ёшларнинг жамиятдаги ўрнига «пролетар ёшлари» нуқтаи назаридан қараш ва ёндошиш ўзгарди. Аввало, Узбекистон аҳолисининг ярмини 18 ёшгacha бўлган ёшлар ташкил этиши, уларнинг табиий равишда мамлакатимизнинг ижтимоий-сиёсий,

иқтисодий ва маънавий ҳаётида қандай салмоқли ўрин тутишини кўрсатади.

Шуни ҳам айтиб ўтиш керакки, ёшларнинг ҳаётий позицияси, дунёқараши, руҳияти ўз-ўзича шаклланмайди. Бунга алоҳида эътибор бериш, тарбиялаш, илм-фан сирларини ўргатиш зарур.

Ёшларга муносабат биринчидан, жамиятнинг қандай ҳолда (мустақил ёки аксинча) ўзида сиёсий-ижтимоий, иқтисодий ва маънавий муаммоларни ҳал этилаётганлиги билан боғлиқ бўлса, иккинчидан, жамиятда давлатнинг ўрни, демократия ва эркинлик билан узвий боғлиқдир.

Истиқлол туфайли жамият ҳаёти демократлашмоқда. Демократлаштириш ва эркинлик эса мустақиллик вазифаларини амалга оширишга кенг имкониятлар яратиб беради.

Ўзбекистонда сиёсат ва ёшларнинг ўзаро алоқаларида оқилона муносабат шаклланмоқда. Давлатнинг ҳокимлигидан воз кечилди. Давлат ижтимоий-иқтисодий, маънавий жараёнларга бевосита аралашув, яъни а) қонунлар ишлаб чиқиш; б) қатъий назорат ўрнатиш; в) умум манфаатларни ҳимоя этиш орқали жамиятни бошқаришда фаол таъсир кўрсатмоқда. Бу Ўзбекистоннинг дунёвий тамойилларига жавоб берадиган, одил, демократик, адолатли, ҳуқуқий давлат қуриш мақсадига тўла мос келади ва унинг умуминсоний мөҳиятини белгилаб беради. Бу давлат сиёсатида а) сиёсат ва ёшлар муносабати қонун устуворлигига асосланганлиги; б) ёшларнинг мақсадлари, манфаатлари қонунда ўз ифодасини топганлиги, давлат ва жамият қурилишининг инсон манфаатларига бўйсундирилиб, ўзаро уйғунлигини шакллантиришга қаратилганлиги; в) демократия ва инсон эркинлиги жамият ривожининг муҳим омили тарзида, мустақиллик вазифалари ислохотларни охирига етказишнинг истиқболли таянчи эканлигига алоҳида эътибор берилаётганлигидан далолатдир. Булар келгусида республиканинг миллий равнақини таъминлаб беради. Демократик давлат сифатида илғор ривожланган давлатлар қаторидан муносиб ўрин эгаллаб, ёшларнинг сиёсий ҳаётидаги фаоллигига ижобий таъсир кўрсатади.

Ўзбекистон давлат ва жамият қурилишида демократиянинг шарқона, миллий, миңтақавий хусусиятларини ўзида мужассамлаштирган, жамоатчилик фикри-

га таянадиган, жамиятдаги барча ижтимоий гуруҳ ва шахс манфаатларини мувофиқлаштириб турадиган бошқарув тизимининг бой тажрибасига эга. Бу Ўзбекистон давлатининг ёшларга доир сиёсатида ҳам ўз ифодасини топмоқда. Ўзбекистонда турли гуруҳ ёшларининг манфаатлари ўзаро мувофиқлаштирилган тарзда демократлаштириш жараёни амалга ошмоқда. Бу сиёсий барқарорлик, турли миллат ёшлари ва гуруҳлари ўртасида ўзаро тотувликни мустаҳкамлайди ва мустақилликни ижтимоий ва иқтисодий, маънавий жиҳатдан қувватлайдиган кучларни жипслаштиради.

Ўзбекистонда щунчаки демократик давлат эмас, балки адолатпарвар демократик давлат қуриш мақсад қилиб олинган. Адолатга интилиш халқимиз руҳий дунёсига хос энг мухим хусусият. Адолатпарварлик ғояси бутун иқтисодий кўмаклашув механизмида ўз аксини топишни мумкин.

Бугунги ёшлар адолатни куч асосида ўрнатиб бўл-маслигини, аксинча адолатга асосланган давлат ва жамиятнинг кучли бўлиши муқаррарлиги тўғрисидаги шарқона қарашларининг моҳиятини англаб етмоқдалар.

Бу миллий давлат сиёсатининг назарий-фалсафий асосини ташкил этаётганлиги учун ҳам ўз моҳияти билан умуминсоний тамойилларга жавоб беради ва истиқболга эга.

**Ёшларнинг ҳуқуқ ва бурчлари** Мустақиллик туфайли шу давлатнинг мақсади ва вазифаларининг, сиёсатининг асосий тамойилларидан келиб чиққан ҳолда, ёшларнинг ҳуқуқ ва бурчларининг ҳуқуқий асослари яратилди. Бу Ўзбекистон Республикаси Конституциясининг «Инсон ва фуқароларнинг асосий ҳуқуқлари, эркинликлари ва бурчлари» деб номланган бўлимида ўз ифодасини топган. Шунингдек, Ўзбекистон давлатининг бир қатор қабул қилинган қонунларида ҳам белгилаб берилган.

Ёшларнинг ҳуқуқлари, эркинликлари ва бурчлари ҳам Конституцияда белгилаб қўйилган умумий қоидалар, фуқаролик, шахсий ҳуқуқ ва эркинликларидан келиб чиқади.

Шу асосда ёшларнинг сиёсий ва ижтимоий ҳуқуқлари, эркинликлари кафолатланади. Уларнинг яшаш ҳуқуқи, эркинлиги ва шахсий дахлсизликлари ва ҳаётини ҳимоялаш, сайлаш ва сайланишлари, республика

худудида бир жойдан иккинчи жойга күчишлари, республикада яшаш ва ундан чиқиб кетиш ҳуқуқи, шунингдек, сўз ва эътиқод эркинлиги, ўзи истаган ахборотни излаш, олиш ва уни тарқатиш ҳуқуқи ёки виждон эркинлиги белгилаб қўйилган. Ёшларнинг бирон-бир динга эътиқод қилиш ёки 'ҳеч қайси динга эътиқод қиласлик ҳуқуқлари ҳам кафолатланган.

Ўзбекистон Республикасининг Конституциясида фуқароларнинг иқтисодий ва ижтимоий ҳуқуқлари ҳам ўз ифодасини топган. Унда мулкдор бўлиши, омонатларининг сир тутилиши ва мерос, меҳнат қилиш, эркин касб танлаш, ишсизликдан ҳимояланиш, ижтимоий таъминот олиш, тиббий хизматдан, маданият ютуқларидан фойдаланиш ҳуқуқи, илмий ва техникавий ижод эркинлиги кафолатланган.

'Мустақил республикамизнинг давлат сиёсатида таълим тизимини такомиллаштиришга алоҳида ўрин берилб, миллий кадрлар тайёрлаш дастури ишлаб чиқилди. Ёшларнинг ўзлари хоҳлаган йўналишлар бўйича илм олишларига кенг имкониятлар яратилди, чунончи, гимназия, лицей, колледжлар ташкил топиб, уларда келажаги порлоқ республика ёшлари таълим олмоқда. Бугунги кунда таълимни ислоҳ этиш дастури қабул қилиниб, ҳаётга тадбиқ этиш мўлжалланган. Шунингдек, олий ва ўрта маҳсус билим юртлари моддий техника базасини мустаҳкамлашга, унга замонавий техника воситаларини жорий этишга, информатика тизимини кенг жорий этишда дунё тажрибасидан фойдаланишга алоҳида эътибор берилмоқда.

Таълим тизимларига тайлор тест синовлари орқали амалга оширила бошланди.

Мустақиллик туфайли ёшлар дунё билан боғландилар. Ёшлар «Умид» жамғармаси орқали ривожланган мамлакатларга: АҚШ, Англия, Япония, Германия ва бошқа кўпгина мамлакатларга бориб, дунёвий илм сирларини эгаллаш имкониятига эга бўлмоқдалар. Бу Ўзбекистон давлати ўз сиёсатида ёшларнинг илм олиш ҳуқуқларини реал амалга ошириш бўйича имкониятлардан кенроқ фойдаланиш учун шарт-шароит яратиб берадиганлигидан далолат беради.

Дунё тажрибаси шуни кўрсатадики, мамлакат ривожида илм ва ҳунар эгаллаш мўҳим ўрин тутади. Ёшлар бунга алоҳида эътибор беришлари, илм-фан сирларини чуқур эгаллаб, ўз Она-Ватанларини ривож-

ланган, маданий-маърифий жиҳатдан юксак давлатлар қаторига қўшишлари зарур. Буни ҳар бир ёш чуқур ҳис этиши даркор. Шуни ҳисобга олган ҳолда, Ўзбекистонда таълим-тарбия, маданий-марифий ишларга катта эътибор берилмоқда. Миллийлик ва қадриятлар, бой маданий меросимиздан кенг фойдаланилган ҳолда ўрганилмоқда. Айни пайтда ёшлар ўз вазифаларини ҳам чуқур англашлари, Конституцияда белгилаб қўйилган бурчларини бажаришлари шарт. Бу бурчлар Конституция ва қонунларга риоя қилиш, ҳар бир кишининг ҳуқуқ ва эркинликларини, шаъни ва қадр-қимматини ҳурмат қилиш, халқнинг тарихий, маънавий-маданий меросини авайлаб асрар, атроф табиий муҳитга эҳтиёткорона муносабатда бўлиш кабилардан иборат. Булар республика ҳар бир фуқаросининг бурчи эканлигини чуқур ҳис этган ҳолда ёшлар ўзларида юксак ватанпарварлик туйғуларини шакллантиришлари ва Она Ватанга хизмат қилишлари зарур.

Бугунги ёшларга таълим-тарбия беришга мустақиллик талаблари, умуммиллат, Ватан, истиқбол нуқтаси назаридан ёндошиш ҳаётий заруриятга айланмоқда. Мустақиллик туфайли ёшлар оғигда, дунёқарашларида туб ўзаришлар амалга ошмоқда. Қўпгина ёшларимиз мустақилликни чуқур англаган ҳолда ўз фаолиятларини илм сирларини эгаллашга, ҳунар ўрганишга, хорижий тилларни эгаллашга, бой маданий меросимиз, тарихий анъаналаримизни эъзозлаган ҳолда, республикамииз ижтиомий ҳаётида фаол иштирок этмоқдалар.

Зеро, чуқур билим ва салоҳият эгалари бўлган ёшларгина келажагимизнинг мустаҳкам пойдеворини яратадилар. Маънавий қадриятларимизни авлодлардан-авлодларга етказадиган, уни бойитадиган, авайлаб, асрар сақлайдиганлар ҳам ёшлар эклигини эсдан чиқармаслигимиз керак. Шунинг учун ҳам уларнинг ҳаётига бефарқ қараш—бу ўзлигимизга, келажагимизга бефарқ қарашдир. Республика Президенти И. А. Каримов ёшларни соғлом ва маърифатли, комил инсонлар килиб тарбиялашга алоҳида эътибор билан ёндошмоқда. Чунончи, Ўзбекистонда соғлом авлод учун Декларациясида кабул қилинган Халқаро жамғарма ишлаб турганлиги ёки ўсиб келаётган авлод тарбиясига қўшилган улкан ҳисса учун бериладиган «Соғлом авлод учун» Олий Давлат ордени таъсис этилиб, айрим фидоий мураббийлар, таълим-тарбия ходимларининг унга

сазовор бўлганлиги давлат сиёсатида ёшларга берилётган эътиборнинг натижасидир.

Ўзбекистон мустақиллик туфайли дунёга чиқди. Ўзбекистон ёшлари маданий-маърифий соҳада чет эллар билан ҳамкорлик қилмоқдалар.

Президентимиз ЮНЕСКО ижроия кенгаши мажлисида сўзлаган нутқида ҳам ёшлар муаммосига жиддий эътибор керак эканлигини алоҳида таъкидлади. Ўзбекистон келажак авлодлар ҳуқуқлари конвенциясини ишлаб чиқишида фаол иштирок этишда тайёр эканлигини билдириди. Булар албатта, ёшларнинг ҳақ-ҳуқуқларини ҳимоя қилиш билан бирга, ёшлар орасидаги айrim салбий ҳолатларнинг, ижтимоий муаммоларнинг олдини олишга ва уларни бартараф этишга шарт-шароит тайёрлайди.

Маълумки, маънавий қадриятларимиз ёшлар ҳаётинда муҳим ўрин тутади. Улар ўзи яшаб турган замин, Она Ватан тарихини халқимиз орасидан етишиб чиқкан бугун мамлакатимиз фахри бўлиб, дунёга танитаётган улуғ сиймоларни, мутафаккир ва саркардалар ҳаётини чуқур билиш ва ўрганишлари давр талабидир. Зоро, бой тарихий ва маданий обидаларимиз ёшларда ватанпарварлик, миллатпарварлик туйғуларини янада чуқурроқ шакллантиради. Шунда ёшлар онгода шарқона умуминсоний фазилатларга бой, меҳр-оқибат, эзгулик, яхшилик, ҳурмат-иззат каби сифатлар янада мукаммалроқ шаклланади. Мустақилликнинг янада мустаҳкамроқ пойдеворини яратиб, маънавий қадриятларимизни тиклашга, ўзлигини англашга эришилади.

**Сиёсат ва ёшларни** ўзбекистон давлати ўз сиёсатида ижтимоий ёшларни ижтимоий ҳимоялашга алоҳимоялаш ҳида эътибор билан ёндошмоқда. Аҳолининг энг ҳимоясиз ва муҳтоҷ табақаларини ўз вақтида қўллаб-қувватлаш эса, ислоҳотларни муваффақиятли ўtkазишнинг гарови, бошланган ўзгариш ва покланиш жараёнини орқага қайтишга йўл бермайдиган ижтимоий таянч сифатида муҳим ўрин тутди.

Ўзбекистон бозор муносабатларини илк даврида аҳолини олдиндан ижтимоий ҳимоялаш йўлидан борди. Бу мақсадга эришиш учун давлат йўли билан бошқаришнинг кўпдан-кўп усуллари ва услубларидан фойдаланилди. Жумладан, миқдори мунтазам ўзгариб турадиган иш ҳақи, пенсиялар, стипендиялар, турли нафақалар, компенсация тўловлари тарзидаги пул тў-

ловлари ҳам, имтиёзлар ва турли дотация тарзидаги бевосита тўловлар ҳам кенг қўлланилди. Шунингдек, дастлабки йилларда бошланғич синф ўқувчилари ва ёлғиз пенсионерлар учун бепул ионушталар, икки ёшгача бўлган болалар учун бепул овқат, мактаб ўқувчилари ва талабалар учун овқатнинг арzonлаштирилиши каби имтиёзлар амал қилиб турди. Ёшларни ижтимоий ҳимоялашга, уларга ишлаб чиқаришдан ажралган ҳолда ўқиб, билим олишлари учун зарур моддий шароит яратишга катта эътибор берилиб, олий ўқув юртлри талабаларининг, техникумлар ва ҳунар-техника билим юртлари ўқувчиларининг, аспирантларнинг стипендиялари миқдори бир неча марта оширилди. Бу тадбирларнинг барчаси давлатнинг бюджет маблағлари ҳисобидан амалга оширилди. Шунингдек, миллий анъанааларни назарда тутиб, биринчи бор никоҳдан ўтаётган келин-куёвлар учун мебель ва гилам маҳсулотлари сотиб олишнинг имтиёзли тартиби белгиланди.

Бу ижтимоий ҳимоялаш тадбирлари иқтисодий ислоҳотларнинг биринчи босқичида кутилган натижаларни берди, албатта.

Ўзбекистон давлат сиёсатида ижтимоий ҳимоялаш тадбирлари доимо такомиллаштириб борилди. Ялпи ижтимоий ҳимоялаш тизимидан ишончли ижтимоий кафолатлар ва аҳолини ижтимоий қўллаб-қувватлаш тизимиға ўтилди. Нафақалар ва моддий ёрдамни бевосита оила ҳамда маҳаллалар ёрдамида амалга ошириш жорий этилди.

Бу келтирилган далиллар шуни кўрсатадики, инсон манфаатларини ҳисобга олиш ва унга зарур шартшароитлар яратиб бериш давлатнинг ёшларга доир сиёсатининг асосий бўғинини ташкил этади. Давлат ёшларга келажак, мамлакатнинг истиқболи нуқтани назаридан ёндошилган ҳолда уни ижтимоий ҳимоялашни асосий мақсад қилиб қўяди ва шу йўлда сиёсат олиб бормоқда.

Ёшларнинг эса бу имкониятлардан тўлалигича фойдаланишлари, ўзларининг илмлари, ҳунар ва макалаларини оширишлари, мамлакат олдида турган вазифаларни ҳал этишда фаол иштирок этишлари муҳимдир.

Давлат сиёсатида республиканинг ҳар бир вилояти, туман ва шаҳар, кишлоқларида аҳолининг ўсиши суръатларини аниқ ҳисобга олган ҳолда, ёшларнинг таркибида

ўзига хос хусусиятлардан келиб чиқиб, мулкнинг турли шаклларини эркин жорий этишга шарт-шароит яратилмоқда. Қўплаб кичик ва ўрта корхоналар қурилмоқда, тадбиркорлик фаолиятлари ривожланмоқда ва қўллаб-қувватламоқда. Унинг хуқуқий асослари яратиб берилмоқда. Ёшларни иш билан таъминлаш, аҳолининг бандлик даражасини оширишга, айниқса қишлоқ ёшлари учун қўшимча иш жойларини очилишига шароит яратиш, саноат ва хизмат кўрсатишининг янги-янги соҳаларини ташкил этишга алдҳида эътибор билан ёндошилмоқда. Жамиятнинг сиёсий-ижтимоий, иқтисодий, маданий-маърифий ҳаётида бўлаётган ўзгаришлар ёшларни турли сиёсий партия ва ҳаракатларда ҳамда давлат ва жамиятни бошқариш жараёнига иштирок этишига шароит яратади.

Ёшлар орасида ўзига хос қараши, муқобил фикр, аниқ таклиф ва мулоҳазаси бўлганларниң сони кўпайиб боради. Республика «Камолот», «Олтин мерос» жамғарма фондлари бундай ташаббусларни ҳар томонлама қўллаб-қувватлаши ёшлар ҳаракатларининг ривожланиб боришига ижобий таъсир кўрсатади, яъни ёшларнинг фаоллиги янада ошади, сиёсий онги юксалади. Улар ўз фаолиятларини Ватан, мустақиллик, демократия вазифалари билан янада мукаммал боғлайдилар. Булар ислоҳотларнинг янада демократлаштиришга, ёшларни республикада эркин, демократик, адолатли, фуқаролик жамиятини қуриш ишларига фаолроқ иштирок этиб боришлирга, тегишли сиёсий-ижтимоий, иқтисодий, маданий, хуқуқий асослар яратиб беради.

**Ёшлар ва фуқаролик жамияти** Ўзбекистон Республикаси фуқаролик жамиятини қуришга қаратилган тараққиёт йўлини белгилаб олди. Мустақилликнинг ўтгаи йиллари давомида бу жараёнларда муҳим ўзгаришлар амалга ошди. Сиёсий-ижтимоий, иқтисодий ислоҳотлар жамиятнинг сиёсий тизимини, унинг иқтисодий асосларини тубдан ўзgartирди. Давлат ва жамият муносабатлари ва унга қараш ўзгарди.

Жамиятда давлатнинг ўрни ва мавқен тўғрисидаги масала ўзгарди, бу фуқаролик жамияти қурилишининг муҳим жиҳатини ташкил этади. Жамиятни бошқаришда давлатнинг монополиясига барҳам бёрилиши, сиёсий тизимни янги демократик ҳуқуқий асосларга кўчиши, қонун устуворлигининг жорий этилиши, кўп пар-

тіявийлик, сиёсий ва бошқа түрлі хил носиесій таш-кілотларнинг фаолият күрсата бошлаганлиги жамият-да барча ижтимоий гурұхлар қатори ёшларнинг онғы ва тафаккурига, дунёқараши, мавжуд тасаввурларини ўзгаришига ҳамда уни янгича тамойиллар, меъерий нормаларга айланишига шарт-шароит яратиб бермоқда.

Бугунги ёшлар ягона мағкуравий ақидалардан холи бўлиб, уларнинг дунёқараашлари жамият тұғрисидаги янгича қарапар асосида қарор топмоқда. Чунки улар жамият ижтимоий ривожланишининг турли сиёсий институтлар, мағкуралар вва фикрлар хилма-хиллигига асосланган ижтимоий-сиёсий, маданий-маърифий макон ва замон орқали дунёни янгича идрок эта бошладылар. Бу ёшларнинг жамиятдаги ўрни ва мавқеи тұғрисидаги қарапарларининг ўзгариши билан бирга, улардан давлат ва жамият қурилиши жараёнларида янгича онғ ва тафаккур, тамойиллар ва қарапар асосида ёндошишларини талаб этаётганligини чуқурроқ ҳис этишлари бу-гун ижтимоий маънавий эхтиёжга айланди.

Бунинг республикамиз учун характерли бўлган кўпгина томонлари мавжуд.

**Биринчидан**, Ўзбекистон аҳолиси таркибида ёшларнинг тутган ўрни ва салмоининг даражаси баланд. **Иккинчидан**, фуқаролик жамияти қурилиши билан боғлиқ бўлган ҳар бир жараён узвийлиги, давомийлиги асосида доимо ёшлар билан тўлиб, бойиб боради.

Бу ўзига хос муҳим қонуният бўлиб, Ўзбекистоннинг дунёга юз тутиши, жамиятнинг барча соҳаларида илгор ривожланган мамлакатлар билан ўзаро манфаатли ҳамкорликда замонавий тәхника ва технология асосида иш юритиш, уни ижтимоий ҳаётга татбиқ этиш, ана шу ёшлар орқали амалга ошади. **Учинчидан**, фуқаролик жамияти қурилиши ҳам илм-фан ютуқларига таянади. Ёшларнинг уни мукаммал эгаллаб олиши умуммаданий, маърифий даражаси орқали халқлар ва миллиатлар ҳаётида ўз ифодасини топади. Бу ҳар бир ёшдан ана шу масъулиятни англашими тақозо этади.

**Тўртинчидан**, республиканинг ижтимоий-сиёсий, иқтисодий жараёнларида бўлаётган муҳим таркибий ўзгаришларни ҳис этиш, уни чуқур тушуниш ва англаб етган ҳолда, бозор муносабатлари билан боғлиқ бўлган жамият ривожланиши қонуниятларга тайёр ҳолда кириб бориш давр талабидир.

Бугунги ёшлар бундан беш-олти йил олдинги ёш-

лардан үз қараптасып, тасаввурлары, ҳәётта муносабатлары билан тамоман фарқ қиласылар. Үтиш даври ёшлар тафаккурига чуқур ўзгаришларни олиб кирди, күпгина ёшларимиз унга аниқ тасаввур, қараптасып, маңсада мейерий нормалар билан муносабатда бўла бошладилар. Үтиш даврига хос бўлган айрим тартибсизлик ҳолатлари, тасаввурлардаги қоронғулар ўрнида, аниқлик пайдо бўла бошлади. Ёшлар мустақиллик янги талаблар қўяётганлигини, янги жамиятни қуришнинг илм-фанини эгаллаш билан боғлиқ катта имкониятлари пайдо бўлганлигини тўлиқ англаб етмоқдалар. Бу имкониятлар қўйидаги йўналишларда яққол кўзга ташланмоқда. Биринчидан, илғор мамлакатларнинг илм-фан соҳасида эришган ютуқларини эгаллаш. Иккинчидан, бунинг учун энг зарур бўлган хорижий тилларни ўрганишга бўлган интилиш. Учинчидан, давлат ва жамият қурилиши билан боғлиқ янги йўналишларда пайдо бўлган, тезкорлик билан ижтимоий ҳәётимизга сингиб бораётган турли фан соҳаларини эгаллашга бўлган интилишdir.

Республика мустақиллигининг ўтган йилларида 1000 ортиқ талабалар, 100 дан ортиқ аспирантлар энг илғор, ривожланган мамлакатларда турли соҳаларда илм-фан сирларини эгаллаб келдилар. Энг муҳими шундаки, хорижий давлатлардан келган мутахассислар ёшларимизга хос иқтидор, қобилиятларга юқори баҳо бермоқдалар. Бундай ёшлар киши қалбида алоҳида миллий ғуурланиш туйғусини уйғотади.

Зоро, ёшлар жамиятнинг шундай бўғиники, белгиланган стратегик вазифаларни амалга оширишда, жамиятнинг истиқболи, ривожини таъминлашда боғловчи, янгиликнинг ижодкорлариidir. Ўзбекистонда турли соҳалар бўйича иқтидорли ёшларни қўллаб-қувватлаш борасида муҳим тадбирлар амалга оширилмоқда. Жумладан, «Камолот» «Умид» жамғармаси ташкил этилди. Бу жамғармалар орқали иқтидорли ёшлар чет элда таълим олишга мұяссар бўлмоқдалар. Иқтисод, ҳуқуқ, информатика ва компьютерлаштириш, табиий фанлар, қишлоқ хўжалиги, экологик ва сув тизимларини бошқариш ҳамда журналистика бўйича Ўзбекистон Президентининг грантларини олишга мұваффақ бўлган ёилар АҚШ, Буюк Британия, Франция, Германия ва Япониянинг турли университетларида

бакалавр ва магистр даражасини олиш учун ўқиш имкониятига эга бўлмоқдалар.

Бу фуқаролик жамияти қурилиши қонуниятларига батамом мосдир. Чунки жамият қурилишини кадрларсиз, уларнинг ақл-заковати ва салоҳиятисиз тасаввур этиб бўлмайди. Ҳар қандай жамиятнинг асосида илммаърифат ётади. Ислоҳотлар жараёни ўзига мос ақлидроқ, онг ва тафаккурни, илм-фан ривожини ҳам тақозо этади. Бу фуқаролик жамияти қурилиши жараёнида яққол кўринади. Фуқаролик жамияти фуқароларнинг ўз-ўзини бошқаришга ўтиб бориш жараёни сифатида «фуқаролар жамиятидан» фарқ қиласди. Фуқаролар жамиятида давлатнинг ҳокимлиги, бошқаришда монополияси ва аралашувининг таъсири катта. Ёшларнинг онги ва тафаккурида, жамиятдаги сиёсий-ижтимоий, иқтисодий жараёнларда шунчаки иштирок этиши, қонунсизлик, сохта эркинлик, итоаткорлик руҳияти, фаолсизлик, оддий ижрочилик кайфиятлари уларни сиёсий-ижтимоий жараёнларнинг обьекти сифатидаги ўрни билан характерланади ва бу жамиятнинг ўзига хос ҳолатини курсатади. Фуқаролик жамияти эса тамомила бошқача янги тамойилларга, сифат ўзгаришига асосланадиган жамиятнинг ҳолатидир. Бунда ҳар бир инсон жамиятдаги сиёсий-ижтимоий жараёнларда субъект сифатида иштирок этиши, қонун устуворлиги, демократия, эркинлик бош тамойилга айланади. Ёшлардан шижаат, ижодкорлик, бунёдкорлик, фаоллик каби муҳим фазилатларни талаб этади.

Ҳар бир фуқаро жамиятнинг мустақил, маъсул шахси даражасига этиши шарт бўлиб қолади. Бунинг конституцион, ҳуқуқий асослари яратилади ва кафолатланади. Бу жараёнларни тўла амалга ошириш ҳар бир ёшдан юксак сиёсий онг, маданият талаб этади. Қонунларни билиш ва унга амал қилиш фуқаролик жамиятининг мезони бўлади. Қонун олдида ҳамманинг тенглиги, унга амал қилиш ва кафолатланишига эришиш унинг муҳим жиҳатидир.

Фуқаролик жамияти қурилиши ёшларнинг турли сиёсий-ижтимоий институтларда фаол иштирок этиши билан бирга, улар фаолияти, ақл-заковати мамлакат олдида турган мақсадлар, вазифалар билан уйғун бўлиши-дavr талаби ҳисобланади. Аммо ҳар доим ҳам турли сабаблар билан бунга тўла амал қилинмаган.

Бугун ҳар бир халқ, міллаттнің ақл-заковати давлат ва жамият мұносабатларида үз ифодасини тоимоқда. Жамиятдаги ҳар бир шахс, уннің қайси соҳадаги фаолиятидан қаттың назар, у аввало, үз онғи ва тафаккурида халқи, міллаттнің мақсад да манфаатларини тұла англаши ва ідрок этиши; иккінчидан, у міллати, Ватан манфаати билан үз фаолияти, мақсад да манфаатларини үйғун эта олсагина жамият олдидаги бурчини тұла адо этган ҳисобланади. Жамиятда яшаб, уннің мақсад да манфаатларидан айри бўлиш ёки үз манфаатини, фаолиятини үз міллати ва Ватани манфаати билан үйғун ҳолда ідрок этмаслик уни шахс сифатида үзлигии тұла намоён этишга имкон бермайди. Шахслар фаолияти, уннің міллій үзлиги Ватан да міллат түйғулари билан ҳамоҳанг бўлса, уларда шижиаткорлик янада ошади. Аммо ёшларнің міллій онғи, руҳи ана шундай юксак инсоний түйғулар билан тұла да баркамол бўлишига эришиш осонликча бўлмайди. Ватан меҳри она сути билан инсоннің гўдаклик пайтидан унга сингади. Уннің онғи, тафаккури, қалбидан жой олиб боради. Уннің ҳаёт фаолияти жараёнида янада баркамоллашиб үз халқи, міллаттнің үтмиши, бугуни да истиқболи билан боғланади. Ватанпарварлик түйғусига айланади. Ёшлардаги фидойилик ҳам янада юксакроқ намоён бўлади.

Шу ўринда, бугунги ёшларнің илм-фанга бўлган ижобий мұносабатларини қайд этган ҳолда, айрим ёшлар онғи да тафаккуридаги ярим үйғоқлик, лоқайдлик, фаолсизлик билан боғлиқ бўлган салбий ҳолатлар жамият ривожи, Ватан да міллат манфаатларига зид әканлигини алоҳида қайд этмоқчимиз. Буни англаб ётишнің бирдан-бир йўли ҳар бир ёшнің илм-фанга бўлган мұносабатини ўзгартириш билан боғлиқдир.

Тўғри, фаолиятлар соҳаси, касблар хилма-хил. Аммо, чукӯр билим, ақл-идрок талаб этмайдиган бирон-бир соҳа йўқ. Ёшлар қайси соҳада ишламасин, қайси касбни танламасин, у эркин меҳнат фаолияти сифатида аввало, илм-фанга, ақлга таяниши, юксак инсоний фазилатлардан ажралиб қолмаслиги керак. Шунда ёшлар фаолияти дунёвий давлат да жамият қурилиши жараёнлари билан янада үйғуналашиб боради. Юксак маданият да маърифатга асосланған давлатга адолат, фозиллик хосдир. Республикада давлат да жамият қу-

рилиши жараёни халқнинг, миллатнинг манфаатлари, ақл-идроқи билан уйғуналашиб, ұзига хос күч-қудрат-га тұлиб боради. Бунга әришиб боришда ёшларнинг ўрни бекіседір.

### ТАҚРОРЛАШ УЧУН САВОЛЛАР

1. «Ешлар» тушунчаси нима?
2. Мустақиллик туфайли Ўзбекистон давлатининг ёшларга доир сиёсатида қандай үзгаришлар содир бўлди?
3. Ёшлар жамият хаётида қандай ўрин тутади?
4. Давлатнинг ёшларни ижтимоий ҳимоялашдан мақсади ва вазифалари нималардан иборат?
5. Ешлар ва сиёсий институтлар ўртасидаги боғлиқлик қандай?

**IV БҮЛИМ**  
**ЖАҲОН СИЁСАТИ**  
**ВА ХАЛҚАРО МУНОСАБАТЛАР**

**13-мавзу**  
**ХАЛҚАРО МУНОСАБАТЛАР**

**Халқаро муносабат тушунчаси**      Халқаро муносабатлар халқаро сиёсий муносабатларда ўзига хос ўринга эга.

У икки ёки ундан ортиқ мамлакатлар, турли хил сиёсий ва нодавлат ташкилотлар билан бўлган алоқаларни ифода этади. Унинг фаолияти халқнинг талаб ва эҳтиёжлари, давлат манфаатлари, халқаро нормалар ва қадриятлар билан боғлиқ бўлади. Халқаро муносабатлар рақобат ёки ўзаро ҳамкорлик асосида қурилиши мумкин.

Халқаро муносабатларда жаҳон ҳамжамиятидаги давлатлар ўртасида сиёсат олиб борища ўзаро манфаатларни ҳисобга олиш зарурлигини англаб этиш ва уни ҳисобга олган ҳолда ёндашиш зарур. Бу халқаро муносабатларда сиёсат тамойилининг айрим давлатларнинг манфаатлари таъсир доирасидан чиққанлигини, умуминсоний қадриятлар халқаро муносабатлар белгилаб берувчи асосий мезон бўлиб бораётганлигини кўрсатади. Албатта бунинг ўзига хос сабаблари мавжуд.

Биринчидан, сиёсат тарихи, унинг ўзига хос оқибатлари турли давлатлар, сиёсий ва носиёсий ташкилотлар ўртасидаги муносабатларни тартибга солиш, уларнинг манфаатларига мос тушадиган тамойилларга асосланиш зарурлигини тақозо этади.

Иккинчидан, бугунги кунгача жаҳон цивилизациясига катта хавф солиб турган қуроллар (ядро қуроли, кимёвий қуроллар) тўпланиб қолганлиги ва уни ишлаб чиқаришга бўлган ҳаракатнинг мавжудлиги ва унинг олдини олиш билан боғлиқ.

Учинчидан, халқаро муносабатларда айрим давлат раҳбарлари, сиёсий партиялар ва шахсларнинг бир томонлама қарашларининг ҳамон сақланиб қола-

ётганлиги, янги қуролларни ишлаб чиқишига бўлган интилишлар, давлатларга нисбатан муносабатда «эўравонлик», «кучга таяниш», «тазийқ кўрсатиш»нинг турли усулларидан фойдаланиш, «халқаро террорчилик ҳаракатлари» ва ундан манфаатдор кучларнинг мавжудлиги, халқаро сиёсатда ўзаро манфаатли ҳамкорлик йўлида, ихтилофлар пайдо бўлганда уни сиёсий йўллар билан ҳал этиш маърифий йўл эканлигини тан олиш зарурати билан боғлиқ.

Халқаро муносабатларда ўзаро ишлаб чиқилган нормаларга амал қилиш, янги жаҳон урушининг олдини олиш ва унинг оқибатларини ҳамма учун бир хилда эканлигини, ер юзида ҳаётни сақлаб қолиш, инсоният тақдиди билан боғлиқ муаммо эканлигини халқаро сиёсатда ҳисобга олган ҳолда муносабатда бўлиш зарурлиги давлатлар, сиёсий партиялар, ташкилотлар ўртасида халқаро муносабатлар доирасида ўзаро кучлар нисбатини мувофиқлаштирган ҳолда сиёсат юргизишни тақозо этади.

Давлатлар ўртасидаги муносабатларни «кучга таянган ҳолда» ҳал этиш инсоният бошига оғир мусибатларни келтириб чиқариши аниқ. Бунга инсоният тарихида бўлиб ўтган қонли урушлар мисол бўлиб, буни ҳар бир сиёсатчи эсдан чиқармаслиги зарур.

Тарих шундан гувоҳлик берадики, ер юзида кеинги 5 ярим минг йилнинг атиги 300 йилигина тинч ва осойишта ўтган. Қолган вақтларда 15 мингдан кўп ҳар хил урушлар бўлиб ўтган. Бу урушлар биргина Европада XVII асрда 3 млн, XVIII асрда 5 млн.дан кўпроқ, XIX асрда 6 млн, XX асрда эса 70 млн.дан ортиқ кишининг ҳаётига зомин бўлган<sup>1</sup>.

XXI аср бўсағасида жаҳон ҳамжамиятида муҳим ўзгаришлар содир бўлмоқда. Халқаро муносабатларнинг характери ва мазмунида, тузилишида катта ўзгаришлар кузатилмоқда. Халқаро муносабатлар тамойиллари қайта кўриб чиқиши, уни янгича идрок этишини тақозо этмоқда. Жаҳон цивилизациясининг эртанги тақдиди, халқаро муносабатлар муаммосининг ҳал этилиши, инсонпарварлик муаммосини янгича тушуниш ва талқин этиш уни англаш даражаси билан уй-

<sup>1</sup> О. А. Проскурин. Баланс интересов государств — основы прогресса цивилизации. Социально-политические науки. 1991. № 4, 65-бет.

ғуналашиб, унй амалда татбиқ этиш халқаро сиёсатнинг асосий бўғинига айланди.

Ҳозирги даврда дунёнинг турли бурчакларида турли хил ихтилофлар мавжуд. Бундай ихтилофларни Россия ҳудудидаги Чеченистон воқеаларида, Тожикистон, Афғонистон, Фаластин ва Исройл ўртасидаги муносабатларда, сабиқ Югославиядаги воқеалар ва бошқа айрим давлатларда бўлаётган ўзаро келишмовчиликлар, ихтилофларда кўриш мумкин. Уларнинг кўлами хилма-хил бўлиб минтақалараро, давлатлараро, мамлакатнинг, ўз ичида содир бўлмоқда.

Инсониятнинг яшаб қолишини таъминлаш, барча тинчликсевар кучлар олдида турган асосий вазифадир. Шуни чуқур ҳис этган ҳолда, кенг жамоатчилик, сиёсатдонлар, шахслар водород бомбасидан фойдаланиш асосидаги урушнинг нима эканлигини аниқ тасаввур этишлари муҳим. Бу ўёки бу шаҳарларни шунчаки бомбардировка этиш эмас. Агар атом бомбаси Хиросимани вайрон этган бўлса, биргина водород бомбаси эса ундан катта бўлган шаҳарларни вайрон этадиган кучга эга. Бугун Хиросимада портлатилган бомбага нисбатан 25000 марта кучли бўлган бомбаларни яратиш имконияти мавжудлигини ҳисобга олсак, у инсоният бошига ақл тасаввур этолмайдиган даражада мудҳиш оқибатларни солиши мумкин. Шунинг учун ҳам халқаро муносабатларда буни ҳисобга олган ҳолда, ўзаро манфаатли муносабатлар олиб бориш, келишмовчиликларни ҳарбий йўллар билан эмас, аксинча тинч сиёсий йўллар билан ҳал этиш инсоният олдидағи масъулиятни англашни тақозо этади.

Халқаро муносабатларда умуминсоний тамойилларга асосланган ҳолда муносабатда бўлиш келажакка ишонч туғдиради. Бу ер юзида тинчликни сақлаб қолиш учун халқаро муносабатларни ўзаро ишонч ва тенг манфаатлар асосига қўйишга олиб келади.

**Халқаро муносабатлар ва халқаро сиёсат** XX аср халқаро муносабатларда содир бўлган муҳим ўзгаришлар билан характерланади. Бугун халқаро муносабатлар назариясида «ташқи сиёсат» тушунчалиси билан бирга «халқаро сиёсат» тушунчалиси ҳам кенг ишлатила бошланди. Ташқи сиёсат — бу давлатнинг мамлакат ташқарисида, давлатлараро муносабатларда ўзининг миллий ва умумбашарий мақсадлари, хавфсизликни таъминлашга йўналтирилган

фаолиятидан иборат. Халқаро сиёсат, бу халқаро муносабатларда иштирок этаётган турли давлатлар, субъектлар, сиёсий партиялар ва ҳаракатлар, сиёсий ва носиёсий ташкилотлар, ижтимоий гуруҳлар ва шахсларнинг халқаро меъёрлар, нормалар, қадриятлар асосида ўзаро муносабатларини сақлаб туришга қаратилган фаолиятидир.

Халқаро муносабатлар — давлатлар ўртасида, давлатлараро ташкилотлар, партиялар, турли хил шахслар томонидан ташқи ва халқаро сиёсатда белгиланган тамойиллар асосида ҳамкорликни амалга оширишда уни ўзаро мувофиқлаштирувчи алоқалардир. Халқаро муносабатлар ўзаро ҳамкорликдаги давлатлар сонини кўпайиб бориши билан бирга муаммоларни ҳал этишда улар ўртасида бир-бирига бўлган боғлиқликнинг ҳам ошиб бориши билан характерланади. Айниқса, собиқ Иттифоқнинг тарқалиб, янги мустақил давлатларнинг пайдо бўлиши, Шарқий Евropa мамлакатларида содир бўлган ўзгаришлар, жаҳон социализм системасининг барбод бўлиши, халқларнинг ўз тақдирини ўзи белгилаш ҳуқуқини қўлга киритиб, мустақил равишда ички ва ташқи сиёсат олиб бораётганлиги халқаро муносабатларни янада бойитди. «Ташқи сиёсат» бу бир давлатнинг ўз миллий ҳудудидан ташқарида иккинчи давлат билан бўлган муносабатида ўз ифодасини топади.

Халқаро сиёсат алоҳида шахслар ёки давлатлар ўртасидаги ижтимоий муносабатларнигина эмас, балки муайян гуруҳ ёки давлат манфаатларини амалга ошириш бўйича алоқаларни, фаолият соҳаларини ҳам ўз ичига олади. Масалан, Евropa Иттифоқи (ЕИ) ва унга аъзо бўлган давлатлар экологик сиёсий манфаатлар ва маънавий қадриятлар тизими билан боғлиқ бўлган муҳим муаммоларни ҳал этиш, халқаро ҳуқуқ нормаларига риоя этишини қўллаб-қувватлашда муҳим роль ўйнайди. Евropa мамлакатларининг халқаро сиёсати ва Евropa Иттифоқи нафақат шу ҳудудда, балки дунёвий муаммоларни ҳал этишда ҳам фаол қатнашмоқда. Халқаро муносабатлар халқаро сиёсий, иқтисодий-ижтимоий муносабатлар билан узвий боғлиқ бўлади ва давлатнинг ички ва ташқи сиёсатида муҳим ўрин тулади. Ташқи сиёсатнинг таъсири тўғрисидаги фикрлар Австрия социологи Л. Гумпловичнинг сиёсий қарашларида, ҳозирги геополитика тўғрисидаги назарияларда

ўз ифодасини топган. Улар халқаро муносабатлар зиддиятли эканлигининг сабабларини, ернинг ҳосилдорлик даражасига боғлаб, ҳосилдорликнинг ҳудуд ва минтақаларда ҳар хиллиги, халқлар ёки давлатларнинг дунё сиёсатидаги мавқеининг турли хиллилигига олиб келади деб тушунтироқчи бўладилар. Уруш ва куч ىшлатиш сиёсатининг муқаррарлиги тўғрисида хулоса қиласидилар. Сиёсатда бундай фикрлаш ўзаро низоларни куч ишлатиш билан бартараф этиш кераклиги тўғрисидаги ақидани келтириб чиқаради.

Таниқли Америка социологи Г. Моргентау халқаро сиёсатга ўз муносабатини билдириб, «бошқа сиёсат сингари, халқаро сиёсат куч тўплаш учун курашдир. Халқаро сиёсатнинг мутлақ мақсади қандай бўлишидан қатъи назар, куч тўплаш ҳамма вақт унинг бевосита мақсади ҳисобланади»<sup>1</sup>. Халқаро сиёсатга бундай ёндошиш, биринчидан, давлатлар ўртасидаги муносабатда кучга таянишга, иккинчидан, куч тўплашга ундейдиган фаолиятни келтириб чиқаради. Бу ўзаро муносабатларда ишончни эмас, балки ишончсизлик, сиёсий нобарқарорликни келтириб чиқаради.

Халқаро сиёсатга бошқача «ўзаре боғлиқлик» нуқтаси назаридан қарашлар ҳам мавжуд бўлиб, у ички ижтимоий ва халқаро муносабатларнинг teng ҳуқуқлилигига асосланади. Бунда давлатларнинг ривожланишида ички ва ташқи омилларнинг узвий алоқадорлиги ва бир-бирига таъсири эътиборга олинади. Бундай қарашда у ёки бу томоннинг устуворлиги тамоили эмас, ўзаро манфаатлилик тамоили асос сифатида қаралади.

Ҳар бир давлатнинг ривожланиши ташқи омиллар билан боғлиқ бўлиб, бу боғлиқликнинг таъсири тобора ошиб бормоқда. Бу ўз навбатида, бугунги умумбашарий муаммолар билан боғлиқ. Чунончи, тинчлик учун кураш ва уруш хавфининг олдини олиш, экология ва аҳолини озиқ-овқат маҳсулотлари билан таъминлаш билан боғлиқ бўлган муаммолар жаҳон жамоатчилигининг дунё олдидаги масъулиятини оширмоқда. Бу муаммолар ҳар бир давлатнинг ички сиёсати билан боғлиқ бўлганлиги учун ҳам уларни бир-бирларини тушунган ҳолда сиёсат олиб боришга унダメоқда ва бундай сиёсат тарафдорлари кўпаймоқда.

Америкалик олим П. Гуревич давлатларнинг ички

<sup>1</sup> Основы политологии. М., 1992, 242-бет.

ижтимоий муносабатларига таъсир кўрсатадиган тўрт омилни ажратиб кўрсатади. Булар: интервенция, давлатнинг ички ишларига аралашиш, халқаро иқтисод ва давлатларнинг халқаро тизимиdir. Албатта, бундан бошқа омиллар ҳам борки, бу омиллар давлатларнинг ички ҳаёти ва унинг барқарорлигига, тинч ривожига салбий таъсир кўрсатиши мумкин.

Муҳими, шу нарсани ҳисобга олиш зарурки, халқаро сиёсатда қабул қилинган халқаро нормалар, тамоилилларга бир томонлама амал қилиш, ўзаро муносабатларда бир томонлама «манфаатдорлик»ни назарда тутган ҳолда сиёсат олиб бориш ёки муносабатда бўлиш фақат давлатларнинг ривожига салбий таъсир кўрсатиб қолмасдан, умуман дунёда сиёсий барқарорликнинг бузилишига сабаб бўлади.

Халқаро сиёсатда бўлаётган ўзгаришларни атрофлича ўрганиш сиёсий жараёнларга ва унинг ривожи йўналишларига холисона ёндошишни ва баҳо беришни тақозо этади.

**Халқаро сиёсатнинг ўзига хос хусусиятлари** XX асрнинг охири ва янги аср бўсафасида ҳозирги дунё халқаро сиёсати ўзига хос ютуқлар, муаммо ва хусусиятлар билан характерланади. Зоро, халқаро сиёсат ҳар бир давр характеристига, мавжуд кучлар нисбатига, давлатларнинг ижтимоий-сиёсий, иқтисодий ривожланиш тамойилларига, унинг дунё ҳамжамияти ривожи тамойилларига мос тушиши ёки тушмаслигига, мақсад вазифаларига кўра турли хил бўлиб келган.

XX асрнинг иккинчи ярмида халқаро сиёсатда бўлган ўзгаришларнинг марказида икки ижтимоий-сиёсий тизимнинг пайдо бўлиши қанчалик ўз ўрнига эга бўлиб, халқаро муносабатларни, унинг ривожланишини «белгилаб» берган бўлса, бугунги кунда ана шу тизимнинг бирининг таназуллга учраши, собиқ СССРнинг тарқалиб кетиши, Шарқий Европа мамлакатларидаги бўлган ўзгаришлар халқаро сиёсатнинг боришига, унинг мақсади ҳамда давлатлар ўртасидаги муносабатларнинг қурилишига катта таъсир кўрсатди. Буни тўла маънода XX асрнинг охирги чорагида содир бўлган халқаро сиёсатнинг муҳим воқеаси деб айтиш мумкин. Бу халқаро сиёсат ва муносабатларда ўзига хос қонуниятларни келтириб чиқармоқда.

Бугун жаҳон тараққиётига «икки қутбли» қараш ўрнида кўп қутбли ёндашув пайдо бўлди.

Бугун халқаро сиёсатда, давлатларнинг бир томонлама «кучга таяниб» сиёсат олиб бориши, «зўравон» ликка асосланиш, иккинчи бир давлатнинг ўз куч-қудратини мустаҳкамлаш чора-тадбирларини кўришга ундаған ижтимоий ҳолатлар ўрнида, янгича тарзда «ўзаро тенг манфаатдорлик» асосида муносабатда бўлиш тенденцияси кузатилмоқда. Халқаро сиёсатни умуминсоний тамойилларга бўйсундириш, у ёки бу давлатнинг етакчилигидан воз кечиш, давлатларнинг ички ишларига аralашмаслик, умумбашарий муаммоларни биргаликда ҳал этиш халқаро сиёсатда кучлар нисбатини барқарорлаштиришга, ўзаро ишончнинг қарор топишига олиб келади. Бу йўлда дунёдаги мавжуд кўпгина халқаро сиёсий институтлар, халқаро ҳуқуқ, сиёсий партиялар, ҳаракатлар ҳамда носиёсий оммавий ташкилотлар фаолият кўрсатмоқдалар. Давлатларнинг ривожланиши халқаро сиёсат билан узвий боғлиқлиги ижтимоий ҳаётнинг асосида ётувчи умумий қонуний жараёнларни инкор этмайди. Бу биринчидан, ҳар бир давлат ижтимоий-сиёсий, иқтисодий, маданий ҳаётининг дунё ҳамжамияти билан боғлиқ бўлган умумий томонларининг намоён бўлиб боришида кўринса, иккинчидан, дунё ҳамжиҳатлигининг яхлит ва ўзаро боғлиқ ҳолда ривожланишида намоён бўлади. Халқаро сиёсатда амал қиласидан умумий қонуниятлар ҳар бир давлатнинг ўзига хос хусусиятлари, унинг ижтимоий-иқтисодий, маданий ривожланганлик даражаси билан узвий боғлиқ бўлади. Бу халқаро сиёсатда ўз аксини топади, чунки мустақил ҳар бир давлат халқаро муносабатлар билан қанчалик боғлиқ бўлмасин, ўзининг миллий, минтақавий, ҳудудий хусусиятларини ҳисобга олган ҳолда халқаро сиёсат олиб боради. Халқаро сиёсатнинг ўзига хос хусусиятларидан бири ҳам миллий хусусиятларни инкор этиш орқали эмас, аксинча халқаро сиёсатда миллий манфаатлар ва хусусиятлар ўртасида ўзаро уйғунликни, мувофиқликни таъминлаш эканлигини дунё жамоатчилиги, барча илфор кучлар тушунисиб етмоқда. Турли сиёсий кучлар онги, тафаккурида бундай узвий боғлиқликни ҳис этиш ўзини дунё сиёсий жараёнларининг бир бўлаги сифатида кўришга шароит яратмоқда. Инсоният олдидағи масъулиятни англаш, дунёнинг яхлитлиги учун кураш давлатларни ўзаро

ҳамжиҳатликка ундаиди. Ҳалқаро муносабатларда иқтисодий ва сиёсий алоқаларда сиёсий субъект сифатида давлатлар мавқеининг ошиб бориши эмас, аксинча пасайиб бориш ҳоллари кузатилмоқда. Ҳалқаро муносабатларнинг демократик асосларининг ошиб бориши манфаатлар умумийлиги асосида давлатларнинг яқинлаб боришида янгича асосларни вужудга келтирмоқда. Давлатлар ўртасидаги муносабатнинг янги тури яратилмоқда. Урушга тамомила барҳам бериш умуминсоният олдида турган мақсад сифатида унга муносабатда бўлиш сиёсати пайдо бўлмоқда. Жаҳон жамоатчилигининг фикри айрим сиёсатдонлар Фикридан устунлигини кўрсатмоқда. Ҳалқаро сиёсат ва ҳалқаро муносабатларни демократиялаштириш жараёни унинг муҳим хусусиятидир. Сиёсий жараёнларни инсонийлаштириш амалга ошмоқда. Ҳалқаро сиёсатда умуминсоний қадриятлар аста-секин устувор бўлиб бормоқда. Чунки зўравонлик йўли билан кучга таяниб инсониятни баҳтли қилиш мумкин эмас. Собиқ иттифоқ даврида, жамият ижтимоий-сиёсий ҳаётининг ўта мафкуралаштирилиши, сиёсатнинг айрим синф манфаатига бўйсундирилиши инсон манфаатларини мавҳумлаштириб қўйган эди. Ҳалқаро сиёсатда ва муносабатларда носорлом муҳит вужудга келиб, давлатлар ўртасида ишончлизик кучга, қуролланиш пойгасига зўр беришга олиб келган эди. Дунё бир-бирларига қарама-қарши икки гурухга бўлинган эди. Бугунги янгича сиёсатда инсонни ҳимоя қилиш ва унинг хавфсизлигининг ҳалқаро нормаларини янада такомиллаштиришга устуворлик бериш сезилмоқда. Ҳалқ дипломатияси ривожланмоқда. Ядровий қуролларни қисқартириш ва кимёвий қуролларни тугатиш тўғрисида битимлар фаолият кўрсатмоқда. Инсон ҳуқуқлари тўғрисида актлар мавжуд. Европа, Осиё, Африка ва Лотин Америкасида ҳамкорлик ва хавфсизликни таъминлашнинг минтақавий механизmlари ишлаб турибди. Бу ҳалқаро сиёсатга ижобий таъсир кўрсатмасдан қолмайди. Мамлакатларнинг иқтисодий, маданий ривожланишини, сиёсий барқарорликни таъминлайди.

Ўзбекистоннинг ўз мустақиллигини қўлга киритиши, суверен давлатга айланиши унинг ҳалқаро майдонга чиқишига, ҳалқаро ҳамжамият билан сиёсат олиб боришига имконият туғдирди. Ҳалқаро ҳамжамиятнинг тўла ҳуқуқли аъзоси бўлган Ўзбекистон Республикаси

халқаро муносабатларда мустақил давлат, халқаро ҳуқуқнинг субъекти сифатида қатнашмоқда. Унинг асосий мақсадлари мустаҳкам тинчлик, қуролсизланиш, ўз ҳудудини ядро қуролидан холи қилиш, ядровий қуролни ва бошқа оммавий қирғин қуролларини йўқотиш, суверен давлатлар ўртасидаги низо ва зиддиятларни ҳал этишда куч ишлатишга йўл қўймаслик, инсониятнинг жаҳоншумул муаммоларини ҳал этишда давлатлар ҳамкорлиги ва халқлар бирдамлигидан иборатдир.

XX аср ўрталарида дунё хавфсизлик тизими икки тизимнинг ўзаро муносабатига ва ўзаро мухолифлик мувозанатига асосланган бўлса, энди ёш суверен давлатлар билан ривожланган мамлакатлар ўртасида янгина ҳалқаро иқтисодий, сиёсий, маънавий-мағкуравий асосларда ўзаро муносабатлар қарор топа бошлади. Маълумки, ҳалқаро сиёсатда давлатлар ўртасида муносабатларда амал қиласиган қонуниятлар ва тамойиллар давр ўзгариши билан ўзгариб туради. Масалан, ҳалқаро сиёсатда XX асрнинг ўрталаридан 80-йилларга «кучга таяниш» асосида муносабатлар вужудга келди. Ички сиёсатда «ҳарбий куч-қудратни» мустаҳкамлаш билан боғлиқ бўлган фаолиятлар кўзга ташланди. Ҳалқаро муносабатларда давлатларга нисбатан «душман»лик ёки ишончсизлик билан ёндошиш улар ўртасидаги муносабатнинг асосига кўчди. XX асрнинг охирида Дунё сиёсий харитасида ўзгаришлар содир бўлди, жаҳон ҳамжамияти шаклланди. Бу ўзгаришлардан Ўзбекистон ҳам четда қолгани йўқ.

Ўзбекистоннинг инсоният цивилизациясида салмоқли ўрни бор. Мустақил муносабатларнинг лик туфайли Ўзбекистон жаҳон ҳамсубъекти жамияти ва давлатлараро хавфсизлик тизимида ўз ўрнини топмоқда. Бугун Ўзбекистон турли ҳалқаро давлат ва нодавлат ташкилотлари, биринчи галда, БМТ ва Европа хавфсизлик ва ҳамкорлик ташкилоти ишларида иштирок этмоқда. Жаҳондаги турли хил сиёсий ташкилотлар Ўзбекистонда бўлаётган ислоҳотларни амалга оширишга, ҳалқаро сиёсатда фаол иштирок этиб, минтақада тинчлик ва барқарорликни сақлаб туришга ижобий таъсир кўрсатмоқда.

Ўзбекистон Республикасининг БМТ билан ҳамкорлиги ошиб бормоқда. Бу ҳамкорлик ҳалқаро иқтисодиёт, ижтимоий соҳа, соғлиқни сақлаш, маданиятни тиклаш,

атроф мұхитни мұхофаза қилиш ва бошқа соқаларни ҳам қамраб олмоқда. Ўзбекистоннинг Шимолий Атлантика Ҳамкорлиги Кенгаши, Европа Иттифоқи, Европа Кенгаши, НАТО ва бошқа ташкилотлар билан алоқаларидан тинчлик йўлида фойдаланишга алоҳида аҳамият берилмоқда. Бунда давлат ўз олдига қандай мақсад ва вазифаларни қўйғанлиги ҳамда уни қандай во-ситалар асосида амалга ошириши мұхим аҳамиятга эга. Давлатлараро муносабатларда ва халқаро муносабатларда ҳам давлатлар ўз ички маънавий нормаларини ҳисобга олиб, халқаро ҳуқуқ нормаларига асосланган ҳолда фаолият кўрсатишлари зарур. Аммо тараққиёт даражаси турлилиги давлатлар ичида, давлатлар ўртасида айrim ихтилофларнинг сақланиб туриш сабабларидан биридир. Халқаро сиёсатда айrim давратлар эгоизми давлат билан келиша олмаслиги керак. Сиёсатдонлар, халқаро сиёсат субъектлари бошқа давлатлар ва сиёсатдонлар ҳамда субъектларнинг фикри билан тўла ҳисоблашиши, уни ҳурмат қилиш асосида сиёсат олиб боришлари лозим.

Халқаро сиёсат биринчидан, ҳар бир давлат сиёсатида дунё тартиблари, меъёрларини аниқ ҳисобга олган ҳолда ташқи сиёсатни олиб боришни талаб қиласди. Иккинчидан, бошқа давлатларга ўзаро тенг ҳамкор сиғатида қараш ўзаро манфаатли муносабатлар асосида миллий манфаатларни ҳисобга олиш ва ҳурмат қилишини тақозо қиласди. Ўзбекистон Республикаси ўзининг миллий хавфсизлик стратегиясига эга, у ўзини ички ва ташқи душман хавфидан ҳимоя қилиш, мамлакатда барқарор сиёсий, тинч ҳаётни яратиш асосида иқтисодий, маданий ривожланиш, фуқароларнинг эркин фаолияти учун осойишта ҳаёт тарзини яратиб бериш чоратадбирларини қурган ҳолда ўзининг халқаро мавқеини янада чуқурроқ тиклаб бормоқда. Бугун Ўзбекистон Республикасининг давлат мустақиллигини мустаҳкамлаш, унинг ҳудудида барқарорликни таъминлаш мамлакатимизнинг жаҳон хўжалиги тизимида ва жаҳон ҳамжамиятида муносиб жойни эгаллашига эришиш — давримизнинг энг асосий вазифасидир.

Ўзбекистон давлати миллий хавфсизлик масаласида ягона давлат сиёсати бўлмиш барча сиёсий, иқтисодий, ташкилий, ҳарбий, ҳуқуқий ва бошқа чора-тадбирларнинг ўзаро ўйғун ва мукаммал тизимини ишлаб чиқиши

ва уни амалга оширишда хайрхоҳлик билдириб, ички ва ташқи сиёсат олиб бормоқда.

Собиқ иттифоқ даврида олиб борилган сиёсат туфайли барча иттифоқдош республикалар асосан ички сиёсат билан шуғулланган. Мустақиллик туфайли республикаларнинг суверен давлат сифатида ташқи сиёсат олиб боришига ва дунё билан боғланишига шартшароит пайдо бўлди.

Ўзбекистонда халқаро муносабатларда ташқи сиёсатни йўлга қўйишинг асосий тамойиллари ишлаб чиқилди. Бу тамойиллар, аввало Ўзбекистоннинг бошқа мамлакатларнинг ички ишларига аралашмаслик, бирон бир давлатнинг таъсир доирасига тушмаслик деган қоидага қатъий амал қиласди. Ўзбекистон ўз миллий давлат манфаатларига асосланиб, мафкуравий қарашлардан қатъи назар, дунёнинг барча мамлакатлари билан ўзаро муносабатларни мустақил белгилаш асосида халқаро муносабатларда иштирок этмоқда. Бунда икки томонлама, кўп томонлама муносабатларда ўзаро манфаатли алоқалар ўрнатилмоқда.

Ҳозир Ўзбекистонни дунёдаги 150 тадан ортиқ давлат тан олди. Улардан 74 таси билан дипломатик муносабатлар ўрнатилди. Ўзбекистон пойтахтида 35 дан ортиқ мамлакатларнинг, шу жумладан АҚШ, Япония, Германия, Буюк Британия, Франция ва Хитой каби давлатларнинг элчихоналари ишлаб турибди. Ҳозирги кунда 20 дан ортиқ давлатларда (АҚШ, Германия, Франция, Туркия, Ҳиндистон, Россия ва бошқалар) давлатимизнинг элчихоналари иш бошлади. Ўзбекистоннинг халқаро муносабатлардаги фаолиятида Мустақил Давлатлар Ҳамдўстлиги мамлакатлари билан бир қаторда Марказий Осиёдаги давлатлар билан олиб бораётган сиёсати ҳам алоҳида ўрин тутади. Зоро, Ўзбекистон халқаро сиёсатда ҳамдўстлик гоясини қўллаб-қувватлади ва унинг муассислари қаторига кирди.

Ҳар бир давлат, унинг халқи ўзининг хоҳиш-иродаси, мамлакатига хос хусусиятлар ҳамда ривожланиш қонуниятларига мос тараққиёт йўлини танлаши, унга ҳеч бир давлат халақит бериши ёки аралashiши халқаро ҳуқуқий нормаларга ҳам мутлақо тӯғри келмайди. 1996 йил 15 марта Россия давлат Думаси ана шундай ҳуқуқий нормаларни ҳисобга олмасдан, яна «Собиқ Иттифоқни тиклаш» гоясини илгари сурди. Турли хил тушунчалар «иқтисодий интеграцияни чуқурлашти-

риш», давлат ва сиёсий тизимлардан юқори турадиган «Федерация» ёки «конфедерация» каби уюшмалар тузиш таклиф этилди.

Бунга Ўзбекистон давлати халқаро муносабатларда ўрнатилган тамойилларга содик қолган ҳолда ўз муносабатини билдири ва ўзи танлаган тараққиёт йўлидан қайтмаслиги ҳақида қатъий фикрини айтди. Маълумки, иқтисодий интеграцияни чуқурлаштириш тўғрисидаги шартномага айrim давлатлар аъзо бўлиб кирди.

Халқаро муносабатлар тизимида Марказий Осиё давлатларининг ўзига хос ўрни мавжуд. Ўзбекистон Республикаси ҳам шу минтақада тинчлик, сиёсий барқарорлик, халқлар ўртасида мавжуд бўлган тарихий, маданий, маънавий мерос, анъаналарига содик қолган ҳолда ўзаро ҳамкорлик олиб боришга, ягона иқтисодий маконни яратишга, «Туркистон умумий уйимиз» ҳаракати асосида иш юритишга алоҳида эътибор бермоқда. Бу минтақада осойишталикни таъминлашга, халқлар ва мамлакатлар ривожига ижобий таъсир кўрсатмоқда.

Бугунги кунда ҳар бир давлат ўз манфаатларидан келиб чиққан ҳолда давлатлар билан алоқаларини олиб бормоқдалар. Ҳусусан Марказий Осиёдаги Қозогистон, Қирғизистон ва Тожикистон давлатлари Россия ва Белорусь иттифоқига аъзо бўлиб кирдилар. Албатта бу иттифоққа кириш ёки кирмаслик уларнинг ички ишларидир. Лекин Ўзбекистон ўз манфаатларидан келиб чиққан ҳолда бу иттифоққа қўшила олмаслигини билдирган эди. Аммо бундай иттифоқнинг вужудга келиши Марказий Осиё халқларининг азалий дўстлигига рапхна сола олмайди. Чунки бу халқларнинг ўтмиши ҳам, келажаги ҳам ўзаро бирлик асосида бўлиб келган, бундан кейин ҳам шундай бўлиб қолаверади. Бу халқлар вақилларини мустақилликни қўлга киритиш ва мустақил давлатлар тузиш ғоялари бирлаштирган. Бу халқлар Туркистон деб ном олган улкан ҳудудда асрлар давомида яшаб келгацлар. Шу маънода ҳам Марказий Осиё давлатларининг ўзаро интеграяси минтақанинг умумманфаатларига хизмат қиласди. Республика Президенти И. А. Каримов таъкидлаганидек, «Марказий Осиё мамлакатлари даражасидаги интеграцияга келсак, у ўзининг алоҳида хусусиятлари билан ажralиб туради. Бу интеграция ўз моҳиятига кўра ҳамиша халқ интег-

рацияси бўлиб келган ва шундай бўлиб қолмоқда»<sup>1</sup>. Ҳусусан, Ўзбекистон, Қозогистон, Қирғизистон давлатларининг ягона иқтисодий макон тўғрисида имзолаган шартнома Марказий Осиё халқлари олдида турган мураккаб вазифаларни биргаликда ҳал қилиш йўлида кўйилган муҳим қадам ҳисобланади. «Бу ҳамдустлик — давлатчиликни қарор топтириш ва бозор муносабатларига ўтишнинг мураккаб даврида минтақадаги мамлакатларнинг куч-ғайратлари ва саъй-ҳаракатларини бирластиришга қаратилгандир»<sup>2</sup>.

Ўзбекистон Қозогистон ва Қирғизистон Республикалари давлат бошлиқларининг Бишкекдаги (1996 йил, май) учрашуви якунлари тўғрисидаги ахборотда давлат бошлиқлари Марказий Осиёдаги бу давлатларда сиёсий барқарорликни сақлаш, иқтисодий ислоҳотларни ва демократик ўзгаришларни изчиллик билан амалга ошириш, бу давлатларнинг мустақиллигини ҳурмат қилиш, ҳудудий ишларига аралашмаслик қоидаларига риоя этиш асосида биргаликда амалий ҳаракат қилиши минтақадаги вазиятга ижобий таъсир қиласи, халқаро ҳавфсизликни мустаҳкамлаш ишига муҳим ҳисса бўлиб кўшилади.

Юқоридагилардан кўриниб турибдики, Ўзбекистон мустақил давлат сифатида жаҳон сиёсатида фаол иштирок қилмоқда. Халқаро муносабатларнинг ривожланишига ва минтақавий муаммоларни ҳал этишга ўзининг ҳиссасини қўшиб келмоқда. У халқаро муносабатларда умумжаҳон манфаатларини ўзида ифода эттирган тамойилларга амал қилмоқда. Бу ўз навбатида, Ўзбекистоннинг халқаро обрўсининг ошиб боришига ўзининг ижобий таъсирини кўреатмоқда.

### ТАКРОРЛАШ УЧУН САВОЛЛАР

1. Халқаро муносабатлар нима?
2. Халқаро муносабатларда қандай тамойилларга асосланинг позим?
3. Халқаро сиёсат нима?
4. Ўзбекистоннинг халқаро муносабатларидағи ўрии қавдай?
5. Ўзбекистон Республикасининг халқаро сиёсий ва носиёсий ташкилотларда иштироки.
6. Марказий Осиё минтақасида Ўзбекистоннинг ўрии қавдай?

<sup>1</sup> И. А. Каримов. Ўзбекистон XXI аср бўсағасида ҳавфсизликка таҳдид, барқарорлик шартлари ва тараққиёт кафолатлари. «Ўзбекистон», 1997, 320-бет.

<sup>2</sup> Ўша аср, 322—323-бетлар.

**ТАШҚИ СИЁСАТ**

**Ташқи сиёсат  
ва унинг моҳияти**

Ҳар бир давлат мустақил ташқи сиёсат олиб боради. «Ташқи сиёсат» деганда давлатнинг ҳудудидан ташқаридаги давлатлар билан ёки давлатлардаги фаолияти назарда тутилади. Давлатларнинг ўзаро фаолияти дунё давлатлари фаолияти билан узвий боғлиқ. Давлатнинг ташқи сиёсати унинг ички сиёсати, ижтимоий-иқтисодий ривожланиш даражаси, халқаро муносабатларда амал қилаётган тамойилларга бўлган муносабати, мақсади ва вазифалари билан белгиланади.

«Халқаро сиёсат» давлатлар ва халқлар ўртасидаги муносабатни тартибга солиб туришга қаратилган сиёсат сифатида ҳар бир давлатнинг ташқи сиёсати, давлат ҳокимиятининг шакли, сиёсий йўли тизимининг характеристери билан узвий боғлиқ бўлади.

XX асрнинг охирги чорагида дунёда содир бўлган сиёсий ўзгаришлар туфайли давлатларнинг ташқи сиёсати, унинг мазмуни ва характеристи тўғрисида қарашлар ўзгарди. Давлатлар ташқи сиёсатида икки ижтимоий-сиёсий тизим ёки «капитализм билан социализм» лагери, «ўзаро куч ишлатиш», иқтисодий, сиёсий, ҳарбий ҳокимликка эришиш, тазиқ кўрсатиш, мамлакат ичидаги низомларни қўллаб-қувватлаш, мафкуравий йўллар билан эмас, балки давлатнинг суверенитетини тан олиб, халқаро ҳуқуқ нормаларига таянган ҳолда, халқларнинг эркинлигини ҳурмат қилиш асосида ташқи сиёсат олиб бориш амалиётига ўтилмоқда.

**Ташқи сиёсатнинг  
мақсади ва  
вазифалари**

Давлатнинг сиёсий-ижтимоий, иқтисодий ривожланиши учун нормал ташқи муҳитни яратиш, жаҳон ядро урушлари хавфини йўқ қилиш ва умумий

қуролсизланиш, хавфсизликка эришиш, давлатлар билан ўзаро манфаатли ҳамкорликлар ўрнатиш, бозор иқтисоди, мулкнинг хилма-хиллиги асосида жаҳон ҳамжамияти билан ўзаро иқтисодий ҳамкорликлар ўрнатиш, хорижий давлатлар билан қўшма корхоналар ташкил этиш, сармояларни жалб этишга имкониятлар яратиш, мамлакат ички ва ташқи хавфсизлигини таъминлашда ўз ифодасини топади.

Ташқи сиёсат халқаро ҳуқуқий нормаларга, тамойилларга қатъий амал қилишни, догматизмга, субъекти-

визмга йўл қўймасликни тақозо этади. Ташқи сиёсат дунё ҳамжамиятида бўлаётган ўзгаришлар динамикаси, сиёсий воқеалар характеристини, мақсад ва вазифаларни аниқ ҳисобга олиши керак бўлади.

Ташқи сиёсатда давлатлараро муносабатларда ўзаро келишилган тамойилларга холисона ёндошилса, унга амал қилинса давлатлар ва халқларнинг эркин ривожланишига, умум тараққиётга кўмак бўлади. Ташқи сиёсатда умуминсон манфаатларига зид бўлиб тушадиган ҳолатлар пайдо бўлиши тараққиётга салбий таъсир кўрсатиши, давлатлар ўртасидаги муносабатларга, тинчликка хавф туғдириши мумкин. Давлатларнинг ташқи сиёсатда ҳарбий стратегик устунликка эришиш ақида-сидан воз кечишлари муҳим. Бунинг учун давлатлар хавфсизликни таъминлашнинг сиёсий йўлларини кўпроқ излашлари, қуролланишга давлатнинг хавфсизлигини таъминлашнинг омили сифатида қарашдан воз кечиш зарур. Чунки қуролланишга устуворлик бериш йўли биринчидан, сиёсий тафаккур, ташқи сиёсат тамойилларига, умуммиллий хавфсизликни таъминлаш мақсадларига зиддир. Бу йўл иккинчидан, ҳар бир мамлакатнинг ижтимоий-иктисодий ривожланишига, мавжуд ижтимоий муаммоларни ҳал этишга салбий таъсир кўрсатади. Учинчидан, халқаро муносабатларга ҳам салбий таъсир кўрсатади. Ҳозирги даврда ташқи сиёсатнинг янги концепцияси янгича фикрларга асосланмоқда. Ҳозирги дунё қанчалик хилма-хил, ранг-баранг ва зиддиятли, ўзига хос хусусиятларга эга бўлмасин, унинг яхлитлигини тан олиш ташқи сиёсатда муайян ютуқларга эришишнинг асосини ташкил қиласи.

Ташқи сиёсатни шунчаки такомиллаштириш эмас, аксинча қатъий ислоҳ этиш давр талабидир.

Ташқи сиёсатни мафкурадан холи этиш хавфсизликни таъминлашнинг муҳим кафолати бўлиб, уни муайян мафкуравий ақидаларга эмас, балки дунёнинг барча мамлакатлари, қитъалари ва минтақалари билан ўзаро муносабатлари, мамлакатларнинг сиёсий тизими, халқаро ҳуқуқнинг барча тан олган қоида ва мезонлари асосда қуришни тақозо этади. Ташқи сиёсатда ва инсоният тафаккурида бўладиган ўзгаришлар давлатлараро муносабатлар соҳасида умуминсоний тамойилларга асосланган ғояларга амал қилиш зарурлигини кўрсатмоқда. Ўзбекистоннинг дунё ҳамжамияти хал-

қаро ташкилотлари, давлатлар, МДХ ва Марказий Осиё давлатлари билан олиб бораётган ташқи сиёсати борасидаги саъй-ҳаракатлари фикримизнинг далилидир. Бу Ўзбекистон Республикаси ташқи сиёсатининг умуминсоний тамойиллар ва манфаатлар билан тўла мувофиқ эканлигини билдиради. Ўзбекистон Республикаси НАТОнинг коллектив хавфсизликни таъминлашга қаратилган «Тинчлик йўлида ҳамкорлик» лойиҳасини (1994 йил, июль) имзолаб, ўз вазифасини Европада хавфсизлик ва ҳамкорликка бағишлиланган анжуманлар, жаҳон ҳамжамиятидаги давлатлараро муносабатларда фаол иштирок этиш мавжуд нуфузли ҳалқаро сиёсий ташкилотлар билан ҳар томонлама ўзаро ҳамкорлик ўрнатиш орқали амалга оширилоқда.

#### Ташқи сиёсатнинг тамойилларида

**Ташқи сиёсат**                  **унинг мақсад ва вазифаси яққол на-**  
**тамойиллари**                  **моён бўлади**

Политологияда ташқи сиёсат тамойиллари тўғрисида фикр юритар эканмиз, ҳалқаро сиёсий институтлар, ташкилотлар томонидан ишлаб чиқилган ва қабул қилинган тамойилларни билиш муҳимдир. Бу қандай тамойиллар ва ташқи сиёсатда унинг ўрни нимадан иборат? деган савол туғилиши табиийдир. Давлатлар ўртасидаги муносабатларни тартибга солиб туришда, ички ва ташқи сиёсат олиб боришда бу тамойиллар муҳим роль ўйнайди. Давлатларда ўзаро ҳамкорликнинг асосида турадиган, ташқи сиёсат стратегиясини ишлаб чиқиши ҳар бир давлатга маълум бир масъулият юклайди. Үнга амал қилмаслик эса давлатлар ўртасидаги муносабатнинг бузилишига олиб келиши мумкин. Чунки тамойиллар орқали ўзаро муносабатлар қурилади.

Ташқи сиёсатда бу тамойилларни бир неча кўринишларда кўриш мумкин. Биринчидан, ташқи сиёсат эркинлик, демократия, мустақиллик билан боғлиқ бўлиб, умуминсоний тамойиллар сифатида намоён бўлади. Ҳар бир давлат демократия, умуминсоний тамойилларга асосланиши, уларга кўра инсон, унинг ҳаёти, эркинлиги, шаъни, қадр-қиммати ва бошқа хуқуқлари олий қадрият ҳисобланиши зарур. Демократик хуқуқ ва эркинликлар ҳар бир давлатнинг конституцияси ва қонунлари билан ҳимоя қилинади ҳамда амалга оширилади. Иккинчидан, ҳар бир давлат ташқи сиёсати Конституциясида белгилаб қўйилган ва қабул қилган тамойил-

ларга асосланади. **Учинчидан**, мустақил ҳар бир давлатнинг ташқи сиёсатида белгиланган тамойиллари унинг халқаро муносабатларда тутган йўлиниң мақсад ва вазифаларининг моҳиятини белгилаб беради. **Тўртингчидан**, ташқи сиёсатда унинг асосларини кўрсатиб берадиган давлатлараро муносабатларни мувофиқлаштириб турадиган тамойиллардир.

**Халқаро ташкилотлар; мақсад ва вазифалар** аро муносабатларда ўзига хос ўрни мавжуд. Халқаро муносабатларнинг ўзгариши халқаро ташкилотларнинг

фаолиятини қайта қуриш ва ислоҳ қилиш заруратини тақозо қилмоқда. Шу билан бирга юзага келган янги шароитларда Республика Президенти таъкидлагандек, «Бутун дунё яхлит ва бир-бирига боғлиқ тизим бўлиб бормоқда, унда ўзи-ўзидан қаноатланишга ва маҳдудликка ўрин йўқ. Бу ҳол ҳозирги халқаро муносабатларни шакллантирганда, халқаро тузилмалар билан ўзаро алоқаларда ва уларнинг фаолиятида иштирок этганда мутлақо янгича ёндашувларни ишлаб чиқишини зарур қилиб қўймоқда»<sup>1</sup>.

Ўзбекистон Республикаси жаҳон ҳамжамиятида, халқаро ташкилотлар тизимида ўз ўрнига эга бўлиш, унга кириш суръатларини тезлаштириш, халқаро давлат ва нодавлат ташкилотлари ишида фаол иштирок этиш имкониятидан кенг фойдалана бошлади.

Бугунда Ўзбекистон БМТ, ЕХХТ ва бошқа нуфузли халқаро ташкилотларнинг аъзосидир. Жаҳоннинг 150 дан ортиқ давлатлари билан дипломатик муносабатлар ўрнатилган. Республикада 35 давлатнинг элчихоналари очилган, 88 хорижий ваколатхоналар рўйхатдан ўтган, 24 ҳукуматлараро ва 13 ҳукуматга қарашли бўлмаган ташкилот фаолият кўрсатмоқда. Мустақиллик йилларида Ўзбекистон 700 дан ортиқ халқаро битим ва шартномалар тузди.

Халқаро ташкилотлар сиёсий, иқтисодий ҳаётимизни қайта қуришга, миллий хавфсизлигимиз, миintaқада тинчлик ва барқарорликни таъминлашда муҳим ўрин тутади. Бу давлатлар ички ва ташқи сиёсатида бўлаётган ўзгаришлар, давлатлараро муносабатлар мав-

<sup>1</sup>. И. А. Каримов. Ўзбекистон XXI аср бўсағасида хавфсизликка таҳдид, барқарорлик шартлари ва тараққиёт кафолатлари. «Ўзбекистон», 1997, 298-бет.

жуд сиёсий институтлар фаолияти билан узвий боғлиқлигини кўрсатади. Ўзбекистон Республикаси ҳалқаро ташкилотлар билан ҳамкорликда ҳудудий, минтақавий, умумбашарий муаммоларни бартараф этишда фаол иштирок эта бошлади. Масалан, дунёда энг нуфузли ташкилот БМТнинг Ўзбекистондаги ваколатхонасининг ишлаб туриши, Ўзбекистон Республикаси Президентининг БМТнинг сессияларидағи нутқлари (1993 йил 23 сентябрь), унда дунёвий ва минтақавий муаммоларнинг илгари сурилиши, БМТ ҳомийлигида Ўзбекистон, Қозоғистон ва Қирғизистон Республикаларининг тинчлик ўрнатиш баталонини тузиш ҳамда мазкур «Марказий Осиё баталони» муассислари бўлган уч давлатнинг БМТ захира кучлари тўғрисидаги битимларига қўшилиши юзасидан белгиланган чора-тадбирлар бўйдан далолатdir. Шунингдек, БМТнинг тараққиёт дастури, қочоқлар иши бўйича ваколатли олий комиссари, Болалар жамғармаси, Саноат тараққиёт дастури, Наркотикларни назорат қилиш бўйича дастур, Жаҳон соғлиқни сақлаш ташкилоти, аҳоли жойлашиш жамғармаси сингари ихтисослашган муассасаларни ўз таркибига бирлаштиришга муваффақ бўлди.

Бундай ҳамкорлик ҳалқаро иқтисодиёт, ижтимоий соҳа, соғлиқни сақлаш, маданиятни тиклаш, атроф муҳитни муҳофаза қилиш ва бошқа соҳаларда ҳам амалга оширилмоқда.

Ўзбекистон Республикасининг Президенти И. А. Каримов БМТ Бош Ассамблеясининг 48-сессиясида Тошкент шаҳрида мазкур ташкилотнинг Марказий Осиёда хавфсизлик, фаровонлик ва ҳамкорлик муаммоларига бағишлиланган доимий семинарини ташкил этиш таклифи билан чиқди. Бу Ўзбекистоннинг дунёда ва ҳалқаро сиёсатда ўз нуфузига эга бўлиб бораётганлигини кўрсатади.

#### Носиёсий ташкилотлар ва ҳаракатлар

Ҳалқаро ҳаётда сиёсий ташкилотлар, институтлар ва партиялар билан бирга носиёсий ташкилотлар, уюшмалар, фуқароларнинг турли бирлашмалари мавжуд. Улар айрим гуруҳлар манфаатларини, қизиқиш ва интилишларини ифода этади.

Носиёсий ташкилотларда ва ҳаракатларда ўзаро манфаатларнинг «ижтимоий» ва «сиёсий» жиҳатлари намоён бўлади. Кўпгина давлатларда бундай ҳаракатлар анча ривожланган бўлиб, давлат тузулмасида, пар-

ламентда ўз таъсир доирасига эга. Ижтимоий-сиёсий ҳаракатларни тартибга солиб турувчи қонунлар ҳам мавжуд. Ҳозирги даврда кенг тарқалган ва сиёсий аҳамиятга эга бўлган: Истеъмолчилар ҳаракати, Касаба уюшмалари, Турли-хил реформистик ва инқилобий ҳаракатлар, Экологик ҳаракат, Хотин-қизлар ҳаракати, Ёшлар ҳаракати, Тадбиркорлик ҳаракати, Миллий ҳаракатлар ва деҳқонлар ҳаракатлари кабиларни мисол тариқасида келтириш мумкин. Бу носиёсий ҳаракатлар АҚШ ва Европа ҳамда Осиёнинг бир қатор мамлакатларида кенг тарқалган.

Америка политологлари бундай ҳаракатларни «манфаатлар гуруҳи» ёки «таъсир этиш гуруҳи» деб айтадилар. Бунда сиёсатни турли хил гуруҳ манфаатларининг натижаси бўлган «сиёсий ҳаёт»нинг моҳиятидан излаб тушунтирадилар.

Политологияга доир айрим адабиётларда, шунингдек, «политология асослари»да ҳам уни ижтимоий-сиёсий ҳаракат деб ҳисоблаш мақсадга мувофиқ деб қаралади. Мавжуд ҳаракатларни маълум сиёсий институтлар, давлат ва партия тизимидан ташқарида эканлигини ҳисобга олган ҳолда ҳамда унинг олдиға қўйган мақсади «ижтимоий» ва айни пайтда «сиёсий» вазифаларни қамраб олганлиги учун ҳам бу ҳаракатларни «ижтимоий-сиёсий» ҳаракатлар деб айтилишининг асоси бор. Бундай ҳаракатлар ҳар бир мамлакат ёки давлат ижтимоий-сиёсий ҳаётидаги мавжуд бўлиб, мамлакат олдида турган ижтимоий, сиёсий муаммоларни ҳал этишда ўзига хос ўринга эга. Масалан, АҚШ саноатчиларининг миллий уюшмаси ва савдо палатаси давлат аппаратининг деярли барча бўғинларини назорат қиласи ёки Британия Саноат конфедерациясини, Франция тадбиркорлари миллий кенгашини бунга мисол тариқасида келтириш мумкин. АҚШдаги адвокат Ральф Найдер ташаббуси билан вужудга келган «Истеъмолчилар ҳаракати» ишлаб чиқарилаётган товарларни тадқиқ этиш, бозорни ўрганишда алоҳида ўринга эга бўлиб, муайян ютуқларга эришाटганлиги учун ҳам конгресс томонидан «Истеъмолчилар ҳуқуқларини ҳимоя қилиш тўғрисида»ги қонунни қўллаб-қувватланшиига эришишга муваффақ бўлган. Бу масала бўйича Францияда Давлат маслаҳатчиси лавозими киритилган. Швеция, Германия, Австрия ва бошқа мамлакатларда бу ҳаракат самарали фаолият кўрсатмоқда

Елланган хизматчиларнинг моддий, иқтисодий манфаатларини касаба иттифоқлари ҳимоя қиласди. Шунингдек, касаба иттифоқлари айрим касаба уюшмалари ва уларнинг фаолиятини ҳам назорат қиласди. Шунингдек, сиёсий ташкилотларнинг ўзига хос турларидан бири — клублар ҳисобланади. Унда жамият ҳаётин билан боғлиқ бўлган муҳим сиёсий-ижтимоий тадбирлар ишлаб чиқилиши ва амалга оширилиши мумкин.

Бу носиёсий ҳаракатлар ўз олдиларига қўйган мақсадлар, уни амалга оширишга бўлган муносабатларига қараб турли хил: консерватив, инқилобий ёки либерал кўринишларда бўлиши мумкин. Демак, улар мавжуд ижтимоий-сиёсий тадбирларни қўллаб-қувватлашлари, анъаналар, урф-одатларни янада кўпроқ тарафдори бўлишлари ёки уларни ислоҳ қилишнинг тарафдори бўлиб чиқишлиари ёйинки уни тубдан ислоҳ қилишнинг, ўзгариши қўллаб, ҳаракат қилишли мумкин.

Айрим ҳаракатлар жамият олдида пайдо бўлган умумбашарий муаммоларнинг олдини олиш, уни бартараф этишдаги фаолликлари билан алоҳида ажралиб турадилар (масалан, экологик ҳаракат ва х. к.). Улар айни пайтда айрим сиёсий партиялар билан ҳам у ёки бу муаммоларни ҳал этишда ўзаро ҳамкорликлар ўрнатиб жамоатчилик асосида муҳим сиёсий-ижтимоий ютуқларни қўлга киритмоқдалар.

Мавжуд ҳаракатлар орасида «хотин-қизлар ҳаракатлари», «ёшлар ҳаракатлари», «ищчилар ҳаракати», «дэҳқонлар ҳаракатлари»ни алоҳида таъкидлаш лозим. Улар ҳам ҳалқаро ижтимоий-сиёсий, иқтисодий ва маънавий ҳаёт билан боғлиқ бўлган қатор муаммоларни кўрсатиш ва уни бартараф этиш чораларини кўришда сиёсий ҳаётга сезнларли таъсир кўрсатиб келмоқдалар.

Фуқароларнинг ҳуқуқ ва эркинликларини ҳимоя қилишда ҳамда вакилликлар орқали иштирок этишда ҳокимият тизимлари ўз ўринларига эга.

Дунёда сиёсий жараёнларнинг бориши, мамлакатлардаги демократик ўзгаришларнинг ривожи шуни кўрсатадики, давлатнинг сиёсий тизими билан боғлиқ равишда турли ижтимоий-сиёсий ҳаракатларнинг пайдо бўлишига, унинг мавқеининг ошишига шарт-шароит вужудга келиши мумкин. Ёки аксинча, бундай ҳаракатларга бўлган эҳтиёж камайиб ҳам бориши мумкин. Шуни айтиш керакки, ижтимоий-сиёсий, маънавий ҳаётда турли ижтимоий гуруҳлар манфаати жамият

сиёсий ҳаёти билан қанчалик уйғун ҳолда ўз ифодасини топиб сиёсат юргизилса, жамиятда носиёсий ҳаракатларга талаб ва әхтиёж қолмайды.

Айни пайтда, носиёсий ҳаракатларнинг давлат ва сиёсий партиялар тизимидан ташқарида эканлигини ҳисобга олиш керак. Улар ўзларининг ҳуқуқий ва сиёсий ваколатлари билан сиёсий партиялардан фарқ қиласидар. Бундай ҳаракатлар жамият ҳаётида бевосита ёки бийлосита равишда доимо ўз таъсирини ўтказиб туриши мумкин.

**Ўзбекистон давлатининг ташқи сиёсати.** Ўзбекистон Республикаси миллий манфаатларини ҳисобга олган ҳолда, ташқи сиёсатнинг мақсад ва вазифасини аниқ белгилаб олди. Ўзбекистон Республикаси Конституциясининг 17-моддасида: «Ўзбекистон Республикаси халқаро муносабатларнинг тўла ҳуқуқли субъектидир. Унинг ташқи сиёсати: давлатларнинг суверен тенглиги, куч ишлатмаслик ёки куч билан таҳдид қиласмаслик, чегараларнинг дахлсизлиги, низоларни тинч йўл билан ҳал этиш, бошқа давлатларнинг ички ишларига аралашмаслик қоидаларига ва халқаро ҳуқуқнинг умумёттироф этилган бошқа қоидалари ва нормаларига асосланади. Республика давлатнинг, халқнинг олий манфаатлари, фаровонлиги ва хавфсизлигини таъминлаш мақсадида иттилоғлар тузилиши, ҳамдўстликларга, давлатлараро тузилмаларга кириши ва улардан ажralибчиқиши мумкин», дейилади<sup>1</sup>.

Давлатнинг ташқи сиёсатида унинг ички манфаатлари ҳисобга олинади ва назарда тутилади. Бу ички ва ташқи сиёсатнинг бир-бири билан боғлиқ эканлигини кўрсатади. Ташқи сиёсатнинг ўзига хос йўналиши халқаро ҳуқуқ ва муносабатларнинг турли хил субъектлари ўртасидаги алоқаларни бошқариши, улар фаолиятини ўзаро манбаатли, умуминсоний қадриятлар, халқаро тамойилларга мувофиқ тарзда ташкил этишини назарда тутади.

Ташқи сиёсатнинг ўзгариб туриши жуда кўпгина омиллар билан белгиланади. Чунончи, жамиятнинг ривожланиш хусусиятлари, сиёсий тизими, сиёсий ҳокимият ва сиёсий кучлар, сиёсий раҳнамолар, мафкура-вий тамойиллар ташқи сиёсатга бевосита таъсир кўр-

<sup>1</sup> Ўзбекистон Республикасининг Конституцияси, 12-бет.

сатади. Ташқи сиёсатнинг ўзгариши биринчидан, мамлакатнинг ижтимоий-сиёсий, иқтисодий тизими, мақсадлари билан боғлиқ бўлса, иккинчидан, мамлакат ташқарисидаги ҳолат, давлатлараро муносабатлар, халқаро аҳвол, давлатнинг халқаро муносабатлар ва ҳуқуқ нормаларига қандай даражада амал қилиши ёки қилмаслиги кабиларга ҳам боғлиқ.

Ташқи сиёсатнинг қандай натижалар бериши ва унинг мақсад ва вазифалари давлатнинг хоҳиши билан гина боғлиқ бўлмасдан, унга боғлиқ бўлмаган ҳолатлар ҳам ташқи сиёсатга таъсир кўрсатиши мумкин. Шунинг учун ҳам ташқи сиёсатда давлатлар ўз фаолиятини ўзаро манфаатли мақсадларга йўналтиришга, инсоният олдида турган умумбашарий, минтақавий муаммоларни ҳал этишга, жаҳон тараққиётига ижобий таъсир кўрсатиши қаратиши керак.

Давлатлар ташқи сиёсатининг асосини тинчлик учун кураш, куч ишлатмаслик, зўравонликни қоралаш, қўшничилик муносабатларини ривожлантириш, давлатларнинг ички ишларига аралашмаслик каби тамойиллар ташкил этади.

Ҳар бир давлат ўз ташқи сиёсатида халқаро ҳуқуқ нормаларига қатъий амал қилиши ва мутаносибликини таъминлаши зарур. Бу мутаносиблик бузилса, ташқи сиёсатнинг боришига, давлатлараро муносабатларга, умумий тинчлик ва барқарорликка салбий таъсир кўрсатиши мумкин.

Халқаро муносабатларда ишлатиладиган «элчи», «консул», «вакил», «нота», «шартнома», «битим», «чиқариб юбориш», «ишонч ёрлиги», «ишончсизлик билдириш» каби атамалар жаҳон сиёсатида унинг муайян ҳолатини, ташқи ҳаётда содир бўлаётган ўзгаришларнинг характеристини белгилайди.

XX асрнинг охирги чорагида содир бўлган ўзгаришлар, хусусан, 80-йилларнинг охири ва 90-йилларнинг бошларида рўй берган сиёсий ўзгаришларда собиқ совет давлати ва Фарбий Европадаги собиқ социалистик мамлакатлар ташқи сиёсатида уларнинг ўрни ва мавқеидаги ўзгаришлар алоҳида ўрин тутади. Собиқ Иттифоқнинг тарқалиб кетиши, мустақил давлатларнинг пайдо бўлиши билан характеристланади. Бу ўзгаришлар ўзининг моҳияти, характеристи билан дунёнинг кўпгина давлатларининг ташқи сиёсатларига кучли таъсир кўрсатди.

Бу ўзгаришлар АҚШ, Европа мамлакатлари ва бошқа ривожланган давлатлар ташқи сиёсатидаги ўзгаришлар билан ҳам характерланади. Улар ташқи сиёсатда Европа ҳамжамиятини мустаҳкамлаш ва уни кенгайтириш, Европадаги давлатлар учун чегараларни очиб қўйиш, Хельсинки руҳига тўла мос келадиган ҳамкорлик муносабатларини ривожлантириш, ҳарбий хавфсизликни таъминлашнинг самарали воситаларидан кенг фойдаланиш каби муҳим вазифаларни амалга ошириш йўлини тутмоқдалар. Ташқи сиёсатда «совуқ уруш сиёсати, зўравонлик», «кучга таянган ҳолда тазиқ кўрсатиш йўлини тутиш» каби ақидалар аста-секин барҳам топиб бормоқда.

Дунё давлатлари ташқи сиёсатида давлат раҳбарларининг ўзаро учрашувлари, ҳалқаро имзоланаётган битимларда ташқи сиёсатда ҳозирги дунёning ўзаро боғлиқлиги ва унинг зиддиятларини ҳал этишдан ҳар бир давлатнинг манфаатдор эканлигини англаш сари борилмоқда. Бу ҳалқаро муносабатларда ихтилофларни сиёсий йўллар билан ҳал этишнинг мақсадга мувофиқлигини кўрсатади.

Жаҳон ҳамжамияти ўртасида шаклланиб, тобора мустаҳкамланиб бораётган янгича муносабатлар ташқи сиёсатни янгича тафаккур асосида қуришга, ҳарбий қуролларни қисқартиришга, ядро қуролларини ишлаб чиқаришни тұхтатиш ва ундан воз кечиш йўлини тутишга унダメқда.

## ТАКРОРЛАШ УЧУН САВОЛЛАР

1. Ташқи сиёсат нима?
2. XX аср охирида давлатлар тапқи сиёсатида қандай ўзгаришлар содир бўлди?
3. Ташқи сиёсат қандай тамойилларга асосланади?
4. Ҳалқаро ташкилотлар ташқи сиёсатда қандай ўрий тутади?
5. Носиёсий ҳаракатлар нима?
6. Ўзбекистон давлатининг ташқи сиёсатига хос бўлган жиҳатлар нимада?

## СИЕСАТ ВА УМУМБАШАРИЙ МУАММОЛАР

Жамият ҳаётида ўзининг кўлами, қамрови ва салмоғи жиҳатидан шундай муаммолар борки, улар алоҳида давлат ва миллий ҳудуд билан боғлиқ бўлмаганилиги сабабли «умумбашарий» мазмун касб этади.

Политология фани нуқтаи назаридан ҳам бу муаммоларни давлат ҳокимиятининг ички ва ташқи сиёсати билан боғлиқ эканлигини кўрсатиш катта аҳамиятга эга. Жамиятнинг сиёсий тизимининг муҳим элементи бўлган давлатнинг ички сиёсати асосидагина бу муаммоларни муваффақиятли ҳал этиш мумкин.

«Умумбашарий» деганда инсоният ҳаётини таъминловчи ва унинг ривожланишига асос бўлувчи, башариятнинг бугунги куни ва истиқболи билан боғлиқ бўлган соҳалар тизими тушунилади. «Умумбашарий» муаммоларнинг кўлами ва шакллари хилма-хилдир.

XX аср ниҳоясида дунёда бекиёс ижтимоий-сиёсий, техникавий ўзгаришлар юз берди. Уларнинг сабаблари ва оқибатларини таҳлил этиб, муҳим хуласалар чиқаришни ҳаётнинг ўзи тақозо этади. Рўй берган воқеаларда қонунийлик, объективлик ҳолатлари билан бирга мавжуд умумназарий мантиқ доирасидан четга чиқиши, кутилмагани ҳолатлар кўнроқ кўзга ташланмоқда. Дунё тараққиёти инсоният учун кутилмагандага ўз ривожланиши ўйлани ўзгартириб, унинг янги-янги ўзига хос моделларини кашф этмоқда.

Мафкуравий меъёrlар асосида режалаштирилган икки хил, бир-бирига тамомила қарама-қарши бўлган ривожланиш ўйлари XX аср охирига келиб, умумбашарий тартиботга зид бўлганлиги сабаб ҳозирги замон тараққиёти учун «модель» бўла олмади. Халқлар хоҳиш-иродасига зид равища ҳакамлик даъво қилган Шўро империясининг парчаланиши туфайли дунё халқлари сингари Ўзбекистон халқи ҳам ўzlари танлаган ўйлдан ривожланиш имкониятига эга бўлди. Бу омил ҳам чуқурлашиб бораётган кўпвариантли тараққиёт жараёни билан уйғунлашиб бормоқда.

90-йилларнинг бошларида жаҳон сиёсий харитасида собиқ «социалистик тизим» таъсир доирасида бўлган улкан ҳудудда батамом янги мустақил давлатлар вужудга келди. Бу Ер юзида янги геосиёсий жараённи

бошлаб берди. Суверен давлатлар нуфузли халқаро ташкилотлар таркибидан жой олди ва ўз сиёсий тақдирини ўзи белгилаш, қадриятлари ҳамда манбаатларини ҳисобга олган ҳолда жаҳон сиёсатининг субъекти сифатида намоён этиш имкониятини қўлга киритди. Бу эса, ўз навбатида, зудлик билан жаҳон ҳамжамияти олдида ҳал этилишини талаб этадиган янги вазифа ҳамда муаммоларни келтириб чиқариши табиий.

Дарҳақиқат, бирмунча аниқлик касб этган бўлсада, янги геосиёсий вазият ҳам анъанавий муаммоларни бартараф этаолмаганилиги сабабли дунёда таҳликали ҳолатлар барҳам топмади. Башарият янги хавфлироқ таҳдидларга дуч келди. Жумладан, асрлар давомида аксарият ижтимоий ларзалар ва бесамар сиёсий тўқнашувларнинг сабабчиси бўлган собиқ мафкуравий ақидаларнинг ўрнига келаётган янгича тафаккур жаҳонни инсонлар орзу қилган даражада ўзгартиришга қурби етмай турган бир пайтда айрим мамлакатларнинг ривожланиш моделларининг тубдан ўзгариши, кўпгина муаммоларни келтириб чиқарди. Узоқ йиллар мобайнида икки сиёсий тизим ва уларнинг бевосита таъсири остида амалиётга татбиқ қилиниб келган халқаро меъёрлар доирасида фаолият кўрсатишга мажбур бўлган турли хил сиёсий кучлар бугун ўзларини эркин ҳис этишмоқда ва ўзига хос тараққиёт йўлини танламоқда.

Айни пайтда жамият сиёсий ҳаётида дунёвий давлат қурилиши жараёнларига хос бир томонлама ёндошиш аломатлари ҳам содир бўлмоқда. Жумладан, диний сиёсийлашув натижасида дунёда ўзига хос «адоватли вазият» пайдо бўлди. Ундан ўзларининг сиёсий мақсадлари йўлида фойдаланишга интилувчилар сафи кўпайди.

Маълумки, миллатлар, элатлар ва умуман, турли туман гуруҳлараро можаролардан жамият ҳеч қачон манбаатдор бўлмаган. Зеро, зиддиятлардан ҳоли келажак кучларнинг инсон манбаатлари ва камолоти муаммоси, инсонларнинг орзу-ўйлари, талаблари турли замонларда ва турли мамлакатларда яшаб ўтган буюк мутафаккирлар асарларида ўз аксини топган. Афсуски, миллатларнинг тотув ва ҳамкорликда ҳаёт кечириши кўп ҳолларда уларнинг ўзига боғлиқ бўлмаганилиги ва миллатлар ўртасида мавжуд бўлган айрим ихтилофлар ва келишмовчилик ҳокимиятга интилувчи айрим

сиёсий кучлар фаолиятига ҳам бориб тақалади. Бундай нохуш ҳолатларнинг ҳанузгача бартараф этилмаганлиги, унинг дунё ва ҳар бир давлат барқарорлиги ва тараққиётiga таҳдид солаётганлиги ҳеч кимга сир эмас.

XX аср охири ва XXI аср бўсағасида айрим ривожланган давлатлар халқаро майдонда олиб бораётган сиёсатида ҳам сезиларли ўзгаришлар бўлиш ўрнига ўзларининг бир томонлама манфаатларини рӯёбга чиқаришга хизмат қилиб келаётган тартиботларни зўравонлик билан муҳофаза қилишмоқда, айрим минтақаларда эса таъсир доираларини янада кенгайтириш ва мустаҳкамлашга уринмоқда. Давлатлараро муносабатларнинг турли даража ва тизимларида халқаро ҳуқуқ меъёрларига зид равишда камситиш ҳолатлари рўй бермоқда. Бу ҳолатларни сезаётган кўплаб давлатлар, муқобил чоралар излашга мажбур бўлмоқда.

Маданиятлар, қадриятлар ва интилишларнинг табиий ранг-баранглигидан ўзларининг мақсадлари йўлида фойдаланишга номаърифий уринишлар натижасида ғужудга келаётган муаммолар назорат қилиб бўлмайдиган, кенг миқёсли ҳалокатлар хавфини туғдириши мумкин. Умуман, кўп жиҳатдан тилсими ечилмаган дунё янга узоқ йиллар давомида тўпланиб қолган мушкулотлар, муаммолар ва можаролар билан тўқнаш келмоқда. Жаҳон ҳамжамияти бундай салбий муаммоларнинг XXI асрга ҳам ўтишидан манфаатдор эмаслигига янада кескинроқ ҳоҳиш билдиримоқда. Тўғри, XXI аср бўсағасидаги жараёнлар, тамойиллар, таҳдидлар гарчи шу макон ва замонда пайдо бўлаётган бўлса ҳамки, улар ўзига хос тарихий илдизларга эга. Уларнинг ҳал этилиши учун мутлақо янги концептуал асослар, ечим моделлари ва услублар зарур. Бундан ташқари уларни келтириб чиқарган сабабларни ҳам аниқлаш ва унга жавоб бериш XX аср охирининг талабига айланмоқда. Ўзбекистон Республикаси Президенти И. Каримовнинг «Ўзбекистон XXI аср бўсағасида хавфсизликка таҳдид, барқарорлик шартлари ва тараққиёт кафолатлари» номли фундаментал илмий асари мана шу ташвишли муаммоларнинг таҳлилига ҳамда дунё яхлитлигини сақлаб қолиш йўлларини излаб топишга йўналтирилганлиги сабабли умумбашарий аҳамиятга моликдир.

Биз ҳамда барча замондошлар яшаётган кўп жи-

хатдан сирли, ҳамон бесамар таҳдид ва ташвишларга тўлиб тошган «дунёнинг ўзи нима? Уни асраб қолиш ва ўзгариши мумкинми? сингари қатор саволларга И. А. Каримов батамом янгича ёндашувлар ва андозалар асосида, бутун дунё хавфсизлиги, унинг тақдирига таҳдид солиб турган: миңтақавий можаролар, диний руҳдаги экстремизм ва фундаментализм, буюк давлатчилик шовинизми ва миллатчилик ва миллий маҳдудликни, этник, миллатлараро маҳаллийчилик ва уруғаймоқчилик асосидаги зиддиятларни, коррупция ва жиноятчиликни, экологик муаммоларни кўрсатади<sup>1</sup>.

Мустақил Ўзбекистон Республикасининг XXI асрдаги салоҳияти ва мавқеини «миллат ва ҳалқнинг маънавий камолотига, маърифатига умумдавлат сиёсати сифатида қараш лозимлиги» билан чамбарчас боғлайди. Жумладан, жаҳон сиёсат майдонида собитқадамлик билан фаолият бошлаган Ўзбекистон фуқароларнига хос бўлган ватанпарварлик, миллий ифтихор ва бағри кенглиқ, умуман «ўзбек руҳи» давлатлараро муносабатларга ва умумбашарий геосиёсий вазиятга ижобий таъсирини ўtkазаётганлиги кишида беихтиёр фарҳланиш, миллий ғурур туйғуларини уйғотади. Жаҳон сиёсатида нисбатан катта тажрибага эга эмаслигига қарамасдан Ўзбекистон Республикаси, ўз салоҳияти ва салобати билан ҳалқаро муҳитга маълум даражада вазминлик ва барқарорлик бахш этмоқда.

Шу ўринда бир фикрни алоҳида таъкидлаш лозим. Тоталитаризм, ирқчилик, ва мустамлака тизимидан демократияга ўтишда XX аср охиридаги улкан ва ўта зиддиятли умумсайёравий бурилишнинг моҳияти, йўналиши ва ечими кенг қамровли ва чуқур сиёсий таҳлилини топиши зарур.

Инсоният тафаккурида ҳукмрон бўлиб келган синфийлик мафкураси ўрнида диний ва дунёвий қарашларнинг уйғунылиги, ҳар қандай мафкура ва манфаатлар тизимига нисбатан инсон манфаатларининг бекиёс афзаллигини, тўғрироғи, бу муаммоларнинг барчасига инсоний мезонлардан келиб чиқилганлигини англаш зарур.

Президент И. А. Каримов, умумбашарий муаммолар

<sup>1</sup> И. А. Каримов. Ўзбекистон XXI аср бўсағасида хавфсизликка таҳдид, барқарорлик шартлари ва тараққиёт кафолатлари. «Ўзбекистон», 1997, 14-бет.

тұғрисида фикр юритиб, жумладан уйдирма, яъни «ислом таҳди» орқали миллионлар руҳиятига қўрқув ҳиссини олиб кирувчиларга қарата исломнинг бошқа жаҳон динлари сингари умуминсоний маънавий қадриятларни асрлар оша асрлаб-авайлаб ҳозирги авлодга етиб келганлигида беназир хизмат қилаётганлигини алоҳида таъкидлар экан, «башарти кимда-ким исломни ва исломий маданият давлатларини янги «ёвузлик салтанати» ва ялпи хавф-хатар ҳудуди деб тасаввур қиласа, бу ҳол XXI асрнинг бутун келажак тарихи учун фожиали хато бўлур эди,—деб кўрсатади<sup>1</sup>.

Ижтимоий танглик ва ноаниқликлар, ўзаро ишончсизлик руҳи сақланиб турган бир даврда, шаклланаётган янги халқаро тартиботнинг тақдири ҳақида чуқур ўй ва режалар даврнинг бош лейтмотивининг бири сифатида намоён бўлади. Бу жаҳон жамоатчилигини ва ҳар бир тафаккур соҳибини батамом янги гоялар тизими сари етаклайди. Жумладан, янгича халқаро тартиботлар қарор топиши маданиятлараро, динлараро, давлатлараро муносабатларнинг мақбул меъёрлар доирасида шаклланишининг ўзига мос моделларини танлаш ҳуқуқи берилганлиги ва унинг сўзсиз тан олиниши билан боғлиқ.

Мустақил тараққиёт йўлига кирган Ўзбекистон давлати ҳам XXI асрда технологик жиҳатдан тараққий этган етакчи мамлакатлар қаторидан жой олажак. Бунинг учун дунёвий муаммоларни ҳисобга олган ҳолда ички ва ташқи сиёsat юргизмоқда. Ўзбекистон давлатининг сиёsatда умумбашарий муаммоларни ҳал этишда фаол иштирок этаётганлиги мустақиллик ифодасидир.

Бу хусусда мамлакатимизнинг БМТ, ЮНЕСКО, Интерпол, Европа Қенгаши, Европа қайта қуриш ва тараққиёт Банки, Халқаро валюта Фонди, ЭҚОСАН каби халқаро иқтисодий ва бошқа ташкилотларга аъзо бўлганлиги мавжуд муаммони ҳал этишда фаол иштирок этишга имконият беради.

<sup>1</sup> И. А. Каримов. Ўзбекистон XXI аср бўсағасида ҳавфсизликка таҳди, барқарорлик шартлари ва тараққиёткафолатлари, 48-бет

## Умумбашарий муаммолар ва халқаро ташкилотлар

Умумбашарий муаммолар жаҳонда давлатлараро интеграцион жараёнларни кучайтиришни тақозо этади. Умумбашарий муаммони якка бир мамлакат ҳал эта олмайди. Уни фақат ўзаро ҳамкорлик асосидагина ҳал этиш мумкин. Ҳар бир мамлакатдан жаҳон ҳамжамияти томонидан фақат бир нарса талаб қилинади—у ҳам бўлса имкони борича умумбашарий муаммоларни келтириб чиқармаслик, сайёрамиз (планетамиз) ҳаётига хавф туғдирмаслик чорасини давлат миқёсида назарда тутишдир.

Атом, ядро энергиясидан фойдаланиши назорат этувчи халқаро ташкилот — МАГАТЭга жаҳон ҳамжамиятининг эътибори ошди, унга ғоят юксак халқаро масъулият юкланди. Халқаро носиёсий ташкилотлар — Халқаро ядро физикаси олимлари уюшмаси, Халқаро болалар фонди, Халқаро хотин-қизлар уюшмаси, Халқаро врачлар уюшмаси ва бошқа қатор ташкилотлар Чернобиль фалокати умумбашарий эканлигини таъкидлаши ва жаҳон жамоатчилигининг эътиборини ядрорий манбалардан фойдаланишга нисбатан хушёрликка унади.

Умумбашарий муаммоларга муносабат ҳар бир давлатнинг тузуми, сиёсий тизими билан узвий боғлиқдир. Агар мамлакатда инсонпарварликка, инсон ҳуқуқларини, биринчи галда, унинг табиий ҳуқуқларини мухофаза қилишга қаратилган сиёсат юргизилса, умумбашарий муаммонинг олди олинади.

Агар мамлакатда инсон ҳуқуқлари поймол этилса, давлат ҳалқ учун эмас, балки ҳалқ давлат учун қабилидә тоталитар сиёсат юргизилса, миллий ахлоқ, маънавият ва маданият назар-писанд қилинмаса — муқаррар равишда умумбашарий муаммо вужудга келади. Бундай муаммоларда экологик муаммоларнинг сиёсий жиҳати мавжуд. Чунки улар минтақалараро таъсир ва оқибатга эгадир. Шуни таъкидлаш лозимки, экологик муаммоларни сиёсий жиҳатдан баҳолаш умумбашарий табиатни англаш имконини беради. Бу, ўз навбатида, мазкур муаммоларни ҳал этишга қаратилган мунтазам ва давлатнинг изчил сиёсатини тақозо этади. Энг муҳими экологик муаммоларнинг сиёсий таҳлили нафақат сиёсий онг ва сиёсий маданият, шунингдек, ҳуқуқий онг ва ҳуқуқий маданиятни ривожлантириш билан ҳам бевосита боғлиқ.

**Орол фоқиаси —  
умумбашарий  
муаммо**

Орол минтақасида экологик тангликтининг юзага келишининг асосий сабаби ҳукмрон тоталитар сиёсат, сиёсий қарамлик, собиқ шўронинг маҳаллий ҳукуматларда олиб борган сиёсатининг натижасидир. Пахта яккаҳокимлиги туфайли минтақа табиати, унинг табиий мувозанати, она табиатнинг табиий ҳолати бузилди.

Бундан табиат ва унинг бойликларини ўзлаштирумаслик, ундан фойдаланмаслик, табиатдан узоқлашиш, уни ўз ҳолига қўйиш керак, деган холоса чиқмайди.

Табиат жамиятнинг асосидир. Жамият қачонки табиат билан уйғунлашса, ундан оқилона фойдаланиш йўлларини топа олса, ижтимоий тараққиёт ўзининг исhtiқболига эга бўлади. Умумбашарий муаммолар инсониятни ядро ҳалокати хавфидан сақлаш, ялпи ва умумий тинчликни таъминлаш, ҳайвонот ва ўсимликлар дунёсини асрар, қашшоқлик, очарчиликка қарши кураш, атроф-муҳитни муҳофаза қилиш, СПИД ва бошқа юқумли касалликларга қарши биргаликда кураш олиб бориш, кам тараққий этган мамлакатлар аҳолиси турмуш тарзини илғор мамлакатлар аҳолисининг турмуш даражасига тенглаштириш каби хилма-хил долзарб муаммоларни ўз ичига олади.

Умумбашарий муаммолар, сиёсий жиҳатдан қатор халқаро уюшма ва ташкилотлар фаолияти жаҳон жамоатчилиги, давлат раҳбарлари эътиборига ҳавола қилинади ва мазкур ташкилотларнинг фаолиятида муҳим роль ўйнайди.

Умумбашарий муаммоларнинг сиёсий жиҳатлари уни ўз вақтида ҳал этмаслик бутун инсониятга хавф туғдириши мумкинлиги билан боғлиқ. Масалан, Ер атмосферасида озон тешигининг, айниқса Арктика осмонида тобора кенгайиб бориши, Орол денгизи, Байкал кўли, Чернобиль атом станциясидаги ҳалокат умумбашарий муаммолар жумласига киради.

ХХ асрнинг давлатлараро муносабатларида атроф муҳитни муҳофаза қилиш муаммоси ўта долзарб умумбашарий хусусиятга эга муаммо бўла бошлади. Бу ҳозирги замон илмий-техника тараққиётининг табиий муҳитга, унинг инсон саломатлигига кўрсатаётган таъсири билан боғлиқ.

Экологик хавфсизлик муаммоси аллақачонлар миллий ва минтақавий доирадан чиқиб, бутун инсониятнинг

умумий муаммосига айланди. Шунинг учун ҳам уни ҳал этишда жаҳон сиёсати, турли хил сиёсий институтлар, сиёсий ва носиёсий ташкилотларнинг ўзаро ҳамжиҳат иш олиб боришилари муҳим.

Рим клубининг «XXI аср йўли» деб аталмиш тадқиқотларида кўрсатилганидек, ер юзида тупроқ қуриши, ўрмонлардан маҳрум бўлиш, балиқларнинг ҳаддан кўп овланиши, тузли ёмғирлар, атмосфера ифлосланиши, озон қатлами бузилиши кабилар рўй берди.

Мутахассисларнинг фикрига кўра, 2000 йилга бориб ўрмонлар эгаллаб турган майдон қуруқликнинг 1/6 қисминигина ташкил этади, ҳолбуки 1950 йилларда улар 1/4 қисмни эгаллаган эди. Жаҳон океанининг сувлари ҳалокатли равишда ифлосланиб бормоқда, унинг такрорий маҳсулдорлиги кескин камаймоқда. Натижада турли хил касалликлар кўпаймоқда. Табиий захиралардан фойдаланиш ортмоқда. Бетўхтов давом этаётган қуролланиш пойгаси, атом, кимёвий қуроллар ва оммавий қирғин қуролларининг бошқа турларини ишлаб чиқариш, сақлаш ва синаш инсоният яшайдиган муҳит учун жуда катта хавф туғдирмоқда.

Инсон табиатнинг хўжайини деган соҳта социалистик мафкуравий даъво, айниқса, Марказий Осиё минтақасида кўплаб одамлар, бир қанча ҳалқлар ва миллатларнинг ҳаёти учун фожиага айланди. Бу жараёнлар Ўзбекистонга ҳам бевосита дахлдор бўлиб, улар: «биринчидан, ернинг чекланганлиги ва унинг сифат таркиби пастлиги билан боғлиқ хавф тўхтовсиз ортиб бормоқда. Республиkaning 447,4 минг кв.км. ортиқ бўлган умумий майдонининг атиги 10 фоизинигина экин майдолари ташкил этади. Марказий Осиё мамлакатлари орасида Ўзбекистонда аҳолининг зичлиги, айниқса юқори бўлиб, 1 кв.км. 51,4 киши тўғри келади, бу рақам Қозоғистонда—6,1, Қирғизистонда—22,7, Туркманистанда—9,4 ни ташкил этади. Республикамизда, ҳар бир одамга 0,17 гектар экин майдони тўғри келса, Қозоғистонда—1,54, Қирғизистонда—0,26, Украина—0,59, Россияда—0,67 гектар экин майдони тўғри келади<sup>1</sup>.

Ерларнинг ниҳоят даражада шўрланганлиги, радиоактив ифлосланиш ҳам катта хавф туғдираётганлигини алоҳида қайд этиш лозим.

<sup>1</sup> И. А. Каримов. Ўзбекистон XXI аср бўсағасида хавфсиаликка таҳдид, барқарорлик шартлари ва тараққиёт кафолатлари 117-бет.

жамияти бундан ташвишга тушмоқда. Терроризм жаҳон давлатлари учун ўта жиддий хавф туғдирмоқда. Бундай шароитда сиёсий тузумнинг характеридан қатъи назар, жаҳоннинг ҳар бир мамлакати ўзаро келишувга, терроризмга қарши муросасиз кураш олиб боришга мажбур бўлмоқда.

Терроризм у ёки бу шаклда XX асрнинг 20—30-йилларида пайдо бўлди. У жиноятчиликнинг алоҳида бир кўриниши бўлганлиги учун Европа мамлакатларининг жиноят кодексларида терроризмни таърифлашга илк уринишлар 20-йиллардан бошлаб кузатилди. «Терроризм», деганда давлат ҳокимиятида у ёки бу шаклда ижтимоий тартибни бузишга, уни ичдан ноқонуний қўпоришга қаратилган муайян гуруҳнинг ёки шахснинг хатти-харакати тушунилади. Миллатлар Лигаси томонидан 1937 йили терроризмни жазолаш ҳақида Конвенция, шунингдек Халқаро жиноят судини тузиш ҳақидаги Конвенция қабул қилинди. Мазкур конвенциялар, амалда ишламаган бўлса-да, уларнинг қатор моддаларини давлатларнинг ҳуқуқий дастурларида террор билан боғлиқ бўлган жиноятни жазолаш, универсал кўринишдаги юрисдикцияга эга бўлиш, жиноятчи ни таъқиб этиш ёки уни судга топшириш каби мажбуриятлар шаклида ўз аксини топди.

Терроризмга қарши курашнинг асосий ҳуқуқий дастурлари иккинчи жаҳон урушидан кейин пайдо бўлди. XX асрнинг сўнгги йилларига келиб терроризмнинг ўнга яқин кўринишлари пайдо бўлди. Унинг ўта жиддий ва ашаддий бўлган маҳаллий ва халқаро ташкилотлари, гуруҳлари ва ваколат марказлари вужудга келди. Террорчилик хатти-ҳаракатлари нафақат битта давлат фуқароси, балки бошқа давлатлар манбааларига ҳам хилоф шаклда амалга оширилиши терроризмни халқаро ҳодиса, деб баҳолашга асос бўла бошлади. **Бу** масалан, ҳаво ва денгиз лайнерларини куч ишлатиб гаровга олиш, бошқа мамлакатларга зўрлик билан олиб қочиш, портлатиш ва ҳоказоларда кўринади. Шунинг учун БМТ ва унинг маҳсус сиёсий тармоқлари ИКАО, Халқаро граждан Авиацияси ташкилоти, МАГАТЭ (Атом Энергияси бўйича Халқаро Вакиллик) ва бошқа ташкилотлар ёрдамида халқаро терроризм, инсон ҳуқуқларини бузулишига қарши қаратилган халқаро ҳуқуқий ва сиёсий ҳужжат-

Терроризмга  
қарши курашув-  
чи халқаро  
ташкилотлар

маҳаллий ва халқаро ташкилотлари, гуруҳлари ва ваколат марказлари вужудга келди. Террорчилик хатти-ҳаракатлари нафақат битта давлат фуқароси, балки бошқа давлатлар манбааларига ҳам хилоф шаклда амалга оширилиши терроризмни халқаро ҳодиса, деб баҳолашга асос бўла бошлади. **Бу** масалан, ҳаво ва денгиз лайнерларини куч ишлатиб гаровга олиш, бошқа мамлакатларга зўрлик билан олиб қочиш, портлатиш ва ҳоказоларда кўринади. Шунинг учун БМТ ва унинг маҳсус сиёсий тармоқлари ИКАО, Халқаро граждан Авиацияси ташкилоти, МАГАТЭ (Атом Энергияси бўйича Халқаро Вакиллик) ва бошқа ташкилотлар ёрдамида халқаро терроризм, инсон ҳуқуқларини бузулишига қарши қаратилган халқаро ҳуқуқий ва сиёсий ҳужжат-

лар тизими 60—70-йилларда ёқ вужудга келди. Бундай ҳужжатлар жумласига Токиода қабул қилинган «Ҳаво лайнери бортида содир этиладиган террор ҳаракатига қарши Конвенция» (1963), Гаагада қабул қилинган «Ҳаво лайнерларини ноқонуний эгаллашга қаратилган Конвенция» (1970), Монреалда қабул қилинган «Граждан авиацияси йўловчиларининг ҳаётига суиқасдга қарши Конвенция» (1971), «Дипломатик ходимларни ҳимоя қилишга бағишлиланган Конвенция» (1973), «Гаровга олишга қарши халқаро Конвенция» (1979), «Ядервий материалларни жисмоний ҳимоя қилиш ҳақида Конвенция» (1980), «Денгиз кемаларини ҳавфсизлигини таъминлашга қаратилган Конвенция» (1988), «Ҳарбий конфликтлар жараёнида террор ҳаракатларини таъқиқлаш, халқаро гуманитар хуқуқ нормалари асосида айрим портловчи моддаларни чеклаш ҳақидаги Конвенция» (1991)лар киради.

Терроризмга қарши қаратилган халқаро уюшмалар ҳам қарор топди. Булар жумласига БМТ ва уни маҳсус тармоқларидан ташқари, Америка мамлакатлари Асоциацияси (AMA), Жанубий Осиё регионал ҳамкорлик Ассоциацияси (ЖОРҲА), Европа Кенгаши, Европа ҳавфсизлиги ва ҳамкорлиги Кенгаши (ЕХХК) ва ҳ.к.лар киради.

Терроризмга қарши кураш халқаро ташкилотлардан ташқари давлатлараро шартномалар асосида ҳам амалга оширилади.

Терроризмга қарши курашга қаратилган ҳамкорликка оид шартномалар Италия ва Туркия, Франция ва Испания, Франция ва Венесуэла, АҚШ ва Италия давлатлари ўртасида ҳам тузилди.

Терроризмга қарши кураш мустақил Узбекистон Республикаси ички ва ташқи сиёсатининг ҳам ажралмас қисмидир.

Узбекистон Республикаси ўзининг ташқи ва ички ишлар вазирликлари орқали БМТнинг терроризмга қарши курашувчи маҳсус халқаро ташкилотлари, Европа кенгаши, Интерпол ва ҳоказо Уюшмалар билан ўзаро ҳамкорлик ҳақида шартномаларни имзолади ва унга риоя қилади.

Хуш, терроризмга қарши шунчалик жиддий халқаро муносабат шаклланган экан, у конкрет шаклда қандай оқибатлар асосида вужудга келди, деган савол туфилади.

Агар 20-йиллар шўроларнинг «қизил террорини», 60-йилларнинг бошида АҚШ президенти Жон Фицжеральд Кеннедининг ўлдирилишини, АҚШ негрлар ҳуқуқларининг оташин ҳимоячиси Мартин Лютер Кингни 1974 йилда ўлдирилишини ҳисобга олмасак, яқин 15 йил ичидаги жаҳонни ларзага солган қатор террор ҳаракатлари содир бўлди. Бунинг натижасида минглаб кишиларнинг ёстиғи қуриди. Кўзга кўринган давлат арбобларининг аллақанчаси айнан террор ҳаракати эқибатида бу дунёдан бевақт кўз юмдилар. Бунга аниқ мисол тариқасида Миср Президенти Айвар Саодат (1981), Хиндистон Бош вазири Индира Ганди (1984), Швеция Бош вазири Уолф Пальме (1986), Покистон Президенти Муҳаммад Зиё-ул-Хақ (1988), Ливан Президенти Рене Маввад (1989), Хиндистон Бош вазири Раджив Ганди (1991) Жазоир Олий давлат кенгашининг раиси Моҳаммад Будиаф (1992), Шри-Ланка Президенти Рапасингхе Премадаса (1993), Руанда Президенти Жювеналь Хаби-Яrimана (1994), Бурунди Президенти Сиприен Нтарямира (1994), Исройл Бош вазири Исҳоқ Рабин (1995) террорчилар томонидан турли ҳолатларда ўлдирилиши каби фожиали воқеаларни кўрсатиш кифоядир.)

Терроризм якка шахс ёки груп таъсиридан содир этилсада, унинг орқасида муайян ташкилотлар ва ҳаракатлар туради. Ҳозир ўзининг шафқатсиз фаолияти билан жаҳон халқларини даҳшатга солувчи бундай ташкилотлар жумласига Шимолий Ирландиянинг Ольстер шаҳрида «Ирландия Республика армияси», ислом террор ҳаракатининг сардори «ХАМАС», Шри-Ланкадаги «Тамил илама»ни озод этиш йўлбарслари, Афғон «Талибон» ҳаракатларини киритиш мумкин.)

«Давлат терроризми»нинг моҳияти **Давлат терроризми** шундаки, террор ёрдамида у ёки бу давлатга ёки муайян груптарга мақбул бўлган ҳукуматнинг арбобларига сунқасд уюштириш ёки давлат тўнтаришини содир этишга уринишdir. Шунинг учун террорчиллик, қўпорувчилик, руҳий таъсир орқали у ёки бу давлатни заифлаштириш, ҳолдан тойдириш айрим давлатларининг «сирли» қуролларидан бирига айланниб қолган эди. Жаҳоннинг турли мамлакатларига яширин тарзда қурол-аслаҳа етказиб бериш, у ерларда ҳарбий тангликларни юзага келтириш, ҳаттоқи ядрорий материаллар ва хом ашёларни ҳам террорчилар қўлига

ўтказишга ҳаракат қилиш XX асрнинг 70—80 йилларида ўзининг юқори нуқтасига етди.

Зўрлик, қўрқытиш воситасида маълум сиёсий, иқтисодий ва ҳарбий мавқега эришиш тактикаси ҳамон қатор ижтимоий ва диний-мазҳабий гурӯҳлар, миллатчи-шовинистлар томонидан қўлланилмоқда. Бу ҳақда Европа хавфсизлик Кенгаши, МАГАТЭ, Интерпол ва бошқа ҳалқаро ташкилотлар рўй-рост гапиришмоқда.

Давлат терроризмига барҳам бериш бутун инсониятнинг эзгу орзусидир. Бироқ айрим давлатларнинг геополитик манфаатлари бундай эзгу ниятларнинг амалга ошишига ҳалақит бермоқда. Айрим давлатлар мустақилликка қадам қўйган янги ёш давлатларни мустақил тараққиёт йўлидан тойдиришга, миллатлар ўртасида низо солишга, бир-бирларига қарама-қарши қўйишдан воз кечолмаяптилар. Юқорида таъкидлагани миздек, терроризм ўзининг турли-туман кўринишларига эга. Давлат сиёсати, мағкураси ва сиёсий мақсадларини ифода этувчи, уларни ҳимоя қилувчи шахсларга жисмоний ёки маънавий тазиيқ ўтказиш, агар улар ўз мақсадларидан қайтмаса йўқ қилишгача бориши—террорчилек намояндадарининг машъум режасидир. Улар ҳукуматнинг обрўсини тўкишга, жамиятда айрим сиёсий гуруҳ ва қатламларнинг манфаатларига зид келувчи ислоҳотларнинг, ўзгаришларнинг ўтказилишига қаршилик кўрсатади. Терроризм сиёсий руҳ билан суғорилганлиги ва сиёсий мақсадларга асосланганлиги билан молиявий, иқтисодий, мағкуравий ва диний кўринишлардан фарқ қиласди. Давлат терроризмининг мақсади ҳокимиятда тўнтариш қилиш ёки истеъфога чиқариш ва пировард мақсадда эса ўз сиёсий манфаатларига мос келувчи қўғирчоқ «ҳукумат»ни барпо этишга қаратилганнира. Терроризмнинг энг мудҳиш ва жирканч кўринишларидан бири мустабид тузум даврида Туркистон ўлкасида кузатилди. Натижада кўзга кўринган давлат арбоблари, зиёлилар, фан ва маданият арбоблари қатағон қилинди. Миллий озодлик ғоялари учун курашган айрим сиёсий ва ҳалқ ҳаракатларига «босмачилик» ҳаракати, деб сиёсий тамға босилди.

Фашизм ва терроризм моҳияти, мақсад нуқтай-на заридан жуда яқин ҳодисалардир. Терроризм мамлакатда сиёсий плюрализмнинг, кўппартиявийликнинг, ҳақиқий демократиянинг қарор топишига тўсқинлик қиласди. Шунинг учун терроризм ҳар қандай мамлакат учун

миллий фожиа, ҳалокатдир. У мамлакатнинг иқтисодий, маданий ва маънавий равнақини секинлаштиради кишиларда умидсизлик, тушкунлик, давлат ишларига лоқайдлик ва ишончсизлик кайфиятларини туғдиради.

Террор тоталитаризмга хос ҳусусият узвий боғлашга билинган зўравонликни  
мұхим жиҳати давлат механизми воситасида ҳақиқат билан зўравонлики  
узвий боғлашга уринишда кўринади. Бунда куч, зўравонлик ҳақиқатни белгилайди. Большевизм, нацизм, фашизм кучли террорни амалга оширувчи тоталитар давлат ҳокимиятига таянган эди. Буларга нацизм лагери, собық Совет гулаги ҳаётий гувоҳдир.

Тоталитар сиёсий режимда, террор гуноҳсиз кишиларни олдиндан ўйлаб тўқилган баҳоналар асосида ҳам  
йўқ қиласи. Масалан, Гитлер Германиясида яхудийларга нисбатан ўрнатилган террор, собық тоталитар шуро жамиятида эса «синфий душман»ларга қарши кураш ниқоби остида амалга оширилди. Терроризм шунинг ўчун сиёсий мазмунга ҳадидир. У ўзининг турли кўринишлари орқали тabora кенг миқёсда намоён бўлмоқда. Булардан бири—сиёсий терроризмдир.

Сиёсий терроризм мазмуни, табиати ва мақсадлари нуқтаи назаридан давлат терроризмига жуда яқинидир. Бироқ улар ўртасида маълум фарқ ҳам мавжуд. Сиёсий терроризм собық советлар давлатида жуда кенг ривожланган эди. Сиёсий терроризмни гоҳида «катафон» ҳам деб атashади. «Катафон» йиллари алоҳида машъум саҳифа тарзида халқимиз хотирасида абадий қолди. Халқимизнинг ажойиб ва мард ўғлонлари, қизлари «катафон» домида фарқ бўлишиди.

Мавжуд давлат тартибини сақлаб қолиш ёки уни ҳимоя қилиш учун сиёсий террор қўлланади. Сиёсий террор шунингдек, давлат тартибига қарши экстремист, миллатчи ёки ўта «сўл» кучлар томонидан ҳам сиёсий ҳокимиятни қўлга киритиш, давлат аппаратини қўлга олиш мақсадида ҳам ишлатилади.

Сиёсий терроризм ва давлат терроризми ўртасида ўхшашлик, умумийлик бўлишлиги билан бир қаторда улар ўртасида маълум тафовут ҳам мавжуд. Бу фарқ террор ҳаракатларининг шакли ва услуби орқали намоён бўлади.

Холоса қилиб айтганда, сиёсий терроризм турли

шаклда амалга ошириладиган ва турли оқибатларга олиб келадиган сиёсий ҳодисадир.

Халқаро жиноятчиликнинг барча турлари шу жумладан, терроризм кенг кўламдаги хавфсизликни сақлаб туриш истиқболларини шубҳа остида қолдирмоқда. Марказий Осиё миңтақаси ана шу нуқтаи назардан қараганда, халқаро жиноятчи уюшмалар учун «ширин луқма» эканлигини бизнинг ташқи ва ички сиёсатда ҳисобга олинаётганлиги тасодифий эмас. Бу миңтақа жаҳон коммуникациялари туташган жой бўлиб, у наркотик моддалар билан савдо қилувчи корхоналар эътиборини доимо тортиб келади. Марказий Осиёни халқаро террорчиларни синовдан ўтказиб олинадиган майдон деб ҳисоблайдиганлар ҳам йўқ эмас. Шунинг учун ҳам Ўзбекистон ҳуқуқни ҳимоя қилувчи тизими ўз хавфсизлигига ҳамда халқаро хавфсизликка таҳдид соловучи бундай ҳодисаларга ҳушёрлигини оширмоқда. Жаҳон ҳамжамияти билан биргаликда бу соҳада фаол ҳамкорлик қилиш чораларини кўрмоқда.

XXI аср бўсағасида халқаро терроризмнинг янги янги турлари пайдо бўлмоқда. Шундай янги турларидан компьютер терроризми хусусида тўхташ жоиздир. Маълумки, XX асрнинг сўнгги йилларида умумжаҳон ахборот, коммуникация тизими шаклланди. Интернет, электрон почта ва ҳ.к. системалар тобора кенг қулоч ёймоқда. Шунинг билан бирга маълумотлар банкига «йўл» топишга уринишлар ҳам секин-аста кузатилмоқда. Масалан, давлат мудофая қудрати, миллий хавфсизлик билан боғлиқ бўлган маълумотларга компьютер алоқалари воситасида эга бўлишга уриниш ҳам халқаро терроризмнинг бир кўринишидир. Чунки бундай хатти-ҳаракатларнинг заминида айrim давлатлар сиёсий гуруҳ ва ташкилотларининг манфаатлари яширган бўлади.

Компьютер терроризми илфор технологиялар лойиҳасини ва истиқбол режалар билан боғлиқ бўлган маълумотларни эгаллашга қаратилган жиноий ҳаракатdir. Буни таъзиқловчи халқаро битим ёки конвенция ҳозирча мавжуд эмас, унга эҳтиёж эса халқаро сиёсатда эътибор беришни тақозо этади.

Терроризмга қарши курашни бир ёки бир неча мамлакатлар кучларининг тарқоқ ҳолатида амалга ошириб бўлмайди. Бунинг учун барча мамлакатларнинг яқдиллиги зарурдир. Бугунги кунда жаҳон мамлакат-

ларининг аксарият қисми буни яхши тушунмоқдалар ва  
бу йўлда ижобий силжишлар кўзга ташланмоқда.

Халқаро терроризм ва унинг кўринишларига қар-  
ши кураш инсониятнинг тинчлик учун курашининг аж-  
ралмас қисмидир. Бунинг боиси-терроризм ўз асос эъти-  
бори билан давлатнинг ичида ва халқаро муносабат-  
ларда тинчлик ва осойишталикни бузадиган ҳодиса  
эканлигидир.

Халқаро терроризм XX аср учун характерли бўлган  
ва жаҳон ҳамжамиятига талафот етказаётган сиёсий-  
жиноий ҳодисадир.

### ТАКРОРЛАШ УЧУН САВОЛЛАР

1. Терроризм нима ?
2. Терроризмнинг қандай кўринишлари мавжуд?
3. Террор ҳаракатининг сиёсий жиҳатлари нималарда намоён  
бўлади?
4. Терроризм қачон пайдо бўлган?
5. XX асрда террор ҳаракатларига доир мисоллар келтиринг?
6. Терроризмга қарши курашаётган қандай халқаро ташкилот-  
ларни биласиз?
7. Ҳозир қандай террорчи ташкилотлар мавжуд?

# ФУҚАРОЛИК ЖАМИЯТИНИНГ ШАҚЛЛАНИШИ

17-мавзу

## ЯНГИ СИЁСИЙ-ИЖТИМОИЙ ТУЗУМ: МОҲИЯТИ ВА ХУСУСИЯТЛАРИ

Янги сиёсий-  
ижтимоий тузум-  
га ўтиш: моҳият  
ва вазифалар

Мустақиллик туфайли жамиятда бў-  
лаётган ўзгаришлар инсонларнинг жа-  
мият ривожи ва қурилиши тўғриси-  
даги мавжуд қаравшларини, тасаввур  
ва унга ёндошув тамойилларини ўзгартирди. Ўзбекис-  
тон Республикаси ўзига хос дунё ҳамжамияти сиёсий  
макони билан мувофиқ равишда янги сиёсий-ижти-  
моий тузумга ўтмоқда.

ХХ асрнинг охирги чораги сиёсий макондаги ўзга-  
ришларда алоҳида бир босқич сифатида, фикр тарихи-  
дан жой олди. Мустақиллик кўпгина давлатларга янги  
сиёсий ижтимоий тузумга ўтиш имкониятини яратди.  
Собиқ жамиятда шаклланган ижтимоий-сиёсий, иқ-  
тисодий ва маънавий асослар ислоҳотлар руҳига, маз-  
муни ва моҳиятига тўғри келмасдан қолди.

Маълумки, собиқ иттифоқ сиёсий, иқтисодий, маъ-  
навий тузуми қуийидаги жиҳатларга асосланар эди. Жа-  
миятнинг умумхалқ давлати бўлиб, синфсиз мавҳум  
коммунистик жамиятни қуришни ўзининг олий мақса-  
ди қилиб қўйган эди. Жамиятнинг иқтисодий негизи иш-  
лаб чиқариш воситаларига, ижтимоий мулкчиликка та-  
янди, давлат-умумхалқ мулки ҳамда колхоз-коопера-  
тив мулки унинг асосини ташкил этди ва унга нисбатан  
давлат монополияси таъминланди.

Марксча-ленинча мафкура эса маънавий ҳаётнинг  
асосини ташкил этиб, давлат мафкурасига айланди.  
Жамиятнинг ривожига синфий тамойилдан келиб чиқ-  
кан ҳолда муносабатда бўлинди.

Собиқ иттифоқнинг сиёсий тизими федерация та-

мойилларига асосланиб, унинг таркибида бўлган итти-фоқдош республикаларнинг ижтимоий-сиёсий, иқтисодий ва маънавий ривожланиш имкониятларига, мустақиллик, эркинлик каби тамойилларга зид кела бошлади. Ижти-моий-иқтисодий ривожланишда бир томонламаликка йўл қўйилди, жамиятнинг демократиялашиши, инсон ҳуқуқлари, миллатларининг ўз тақдирини ўзи белгилаш билан боғлиқ бўлган ҳуқуқий нормалари бузилди. Жамият ривожланиши билан халқларининг хоҳиш-иродаси ўртасида ўзига хос номувофиқлик вужудга келди. Бу аста-секин жамият ривожланишига салбий таъсир кўрсатди, жиддий муаммоларнинг тўпланиб, дунёвий та-мойиллардан орқада қолиб, зимдан ўзаро келишмовчилик, ихтилофларнинг кучайишига сабаб бўлди.

Мустақиллик ва эркинликка бўлган эҳтиёж табиий равишда халқларнинг хоҳиш-иродаси сифатида намоён бўлди. Унинг амалга ошиши жамият олдида янгича ижтимоий-сиёсий асосларда давлат ва жамият қурилиши ишларини амалга оширишни тақозо этди. Мустақиллик туфайли давлатлар сиёсий тизимида улкан ва жиддий ўзгаришлар юз берди. Аввало, давлатнинг ҳуқуқий пойдевори яратилди. Энг юксак демократик талабларга жавоб берадиган мустақил Ўзбекистон Республикасининг биринчи Конституцияси қабул қилинди. Собиқ Совет давлати халқимиз ҳаётига четдан зўра-вонлик билан жорий этилганлиги, унинг шакли ва моҳияти халқимизнинг ахлоқий, маънавий ва руҳий қадриятларига ўзаро мос тушмаганлиги учун ҳам уни ислоҳ этмасдан янги жамиятни қуриш мумкин эмас эди.

Шунингдек, мустабид тузум ўз халқининг тарихини, унинг руҳи ва урф-одатларини, ўз авлод-аждодларини билмайдиган манқуртларга таянар эди. Шунинг учун ҳам эски тузумнинг байроқларида ва шиорларида баён қилинган ғоялар амалдаги ишлардан анча узоқ эди. Худди шу боис бу давлатнинг сиёсий тизими билан халқ эҳтиёжлари ўртасида жарлик пайдо бўлди. Яъни инсон, унинг моддий, маънавий миллий қадриятлари топталди.

Мустақиллик туфайли Ўзбекистон халқи олдида шундай тарихий имконият пайдо бўлди, миллий давлатчилик негизларини аниқлаш, маданий-маърифий меросимизга, анъаналаримизга мос янги жамият қурилек буюк вазифа вужудга келди. Янги жамият қурилиши янгича сиёсий, ижтимоий-иқтисодий ва маънавий

негизларга қўйилди. Бозор иқтисоди тамойилларига асосланган эркин очик, демократик давлат қуриш асоси мақсад қилиб қўйилди.

Ўзбекистон Республикаси Конституциясининг 53-моддасида: «Бозор муносабатларини ривожлантиришга қаратилган Ўзбекистон иқтисодиётининг негизини хилмажил шакллардаги мулк ташкил этади. Давлат истеъмолчилярнинг ҳуқуқий устунлигини ҳисобга олиб, иқтисодий фаолият, тадбиркорлик ва меҳнат қилиш эркинлигини, барча мулк шаклларининг тенг ҳуқуқлигини ва ҳуқуқий жиҳатдан баб-баравар муҳофаза этилишини кафолатлади. Хусусий мулк, бошқа мулк шакллари дахлсиз ва давлат ҳимоясидадир. Мулкдор фақат қонунда назарда тутилган ҳолларда ва тартибдагина мулкидан маҳрум этилиши мумкинлиги — белгилаб қўйилди.<sup>1</sup>

Ижтимоий-сиёсий жиҳатдан халқ давлат ҳокимиятининг бирдан бир манбаи эканлиги, ижтимоий ҳаёт сиёсий институтлар, мафкуралар ва фикрларнинг хилмажиллиги асосида ривожланиши, ҳеч қайси мафкурани давлат мафкураси сифатида ўрнатилиши мумкин эмаслиги, инсон, унинг ҳаёти, эркинлиги, шаъни, қадрийат ҳисбланган умуминсоний тамойилларга асосланиши белгилаб олинди. Ўзбекистон Республикасида қонуннинг устуворлиги тан олинди. Адолатли, демократик, ҳуқуқий давлатни шакллантириш, янги ижтимоий тузумга ўтишнинг асосий йўналишини ташкил эта бошлади.

Бу мураккаб, ўзига хос қийинчиликлар, ихтилофлар ва зиддиятлар асосида амалга ошиши муайян даврни, ўтиш даврини тақозо этиши намоён бўлди. Ислоҳотларнинг биринчи ва иккинчи босқичлари олдида турган вазифаларни амалга ошириши ана шу ўтиш даврицинг ўзига хос жиҳатидир. Бу умумий, сиёсий, ижтимоий, иқтисодий маънавий қонуният сифатида мустақил тараққиёт йўлида ривожланган ҳамда бир ижтимоий-сиёсий тизимдан иккинчисига ўтган барча давлатларда кузатилди.

Ўтиш даврининг мақсади, вазифаси ҳамда моҳияти «капитализмдан социализмга ўтиш даври» тўғрисида-

<sup>1</sup> Ўзбекистон Республикасининг Конституцияси, 18—19-бетлар.

ги қарашлардан фарқ қилишини ҳисобга олишни, уни айнан тушуниш мумкин эмаслигини билдиради. Бунинг муайян сабаблари мавжуд. Булар:

**биринчидан**, тоталитар тузумнинг ижтимоий-сиёсий, иқтисодий, маънавий инқизори натижаси сифатида пайдо бўлди;

**иккинчидан**, жамият ҳаётининг барча жабҳаларини янгилашадига асосида ислоҳ этиш шаклланган сиёсий, ижтимоий, иқтисодий, маънавий тизим ўрнида янгилашадига тизимни ва муносабатни шакллантириши заруриятга айлантириди;

**учинчидан**, шу давлатнинг тарихи, миллий, маданий-маърифий мероси, анъаналарини қайта тиклаш ҳамда қарор топтириш билан боғлиқ;

**тўртинчидан**, инсонлар онги ва тафаккурини эскича қарашлар, мағкуравий ақидалардан халос этиш мустақиллик тафаккурини шакллантириш билан боғлиқ;

**бешинчидан**, ўтиш даврида мустақиллик, эркинлик, халқларнинг хоҳиш-иродасига мувофиқ танланган тараққиёт йўлидан бориши миллий истиқлол вазифасини амалга ошириш ва мағкурасини шакллантириш билан боғлиқ;

**олтинчидан**, янги эркин, демократик, ҳуқуқий, адолатли, фуқаролик жамиятини қуриш вазифаси, мақсади билан алоқадор эканлигини ҳисобга олиш зарур. Чунки бу ишларни амалга ошириш жуда катта ташкилий, сиёсий, ижтимоий-иқтисодий, маданий тадбирларни амалга оширишни тақозо этади. Янги жамиятни қуриш мақсади ва вазифалари миллий хусусиятларни инкор этмайди, аксинча бу хусусиятларга таянган ҳолда дунёвий тажрибаларни ҳисобга олади. Давлат ва жамият сиёсий тизимида муҳим ўзгаришлар киритади, давлат ва жамият муносабатларини янгилашадига асосларга қўяди.

Ўтиш даврининг биринчи босқичи ислоҳ қилиш жараёнининг қийинчиликларини, айни пайтда табиий иқтисодий муносабатларни тиклашга ёндошишлар бирхил андозада ва одатий эмаслигини кўрсатади. Биринчи босқич бутунлай янги иқтисодий тизимнинг ҳуқуқий негизларини яратиш, миллий давлатчиликни шакллантириш ва мустахкамлаш, эскича фикрлаш тарзларини ўзгартиришдан иборат эди. Бу босқичда янги тузум учун ишончли пойдевор яратиш вазифаси қўйилди ва ҳал қилинди.

Республикада янги жамиятни қуришга ўтиш даврида иккита вазифани бирданига ҳал қилишга тұғри келди. Бу билан маъмурый-буйруқбозлик тизимининг оқибатларини енгис, танглика барҳам бериш, иқтисодиётни барқарорлаштириш ва шу билан бирга республиканинг ўзига хос шароитларини ҳисобга олган ҳолда бозор муносабатларининг негизларини шакллантиришдан иборат бұлған вазифа ҳал этилди. Қисқа даврда иқтисодиёт соҳасига тегишли бұлған, иқтисодий муносабатларни шакллантиришнинг ҳуқуқий негизини барпо этадиган 200 дан ортиқ асосий қонун ҳужжатлари қабул қилинди.

Жумладан, «Ўзбекистон Республикаси Давлат мустақиллигининг асослари тұғрисида», «Ўзбекистон Республикаси Вазирлар Маҳкамасы тұғрисида», «Жойларда давлат ҳокимияти тұғрисида», «Фуқароларнинг ўз-ўзини бошқариш органлари тұғрисида» ги қонунлар қабул қилинди. Бундан ташқары тизимдаги ўзгаришларға, ҳұжалик юритишга доир, инсонни ҳуқуқий жиҳатидан құллаб-құвватлайдын, давлат мүлкини хусусийлаштириш ва күп укладлы иқтисодиёт асосларини яратыш, қишлоқ ҳұжалигини ислоҳ қилишга доир, нархларни әркинлаштиришга ва бозор инфраструктурасини шакллантиришга доир ва ташқи иқтисодий ислоҳотлар, иккинчи босқичнинг вазифалари ва устувор йұналишлари сифатида белгилаб олинди. Хусусийлаштириш жараёнларини чуқурлаштириш ва рақобат мұхитини шакллантириш, макро иқтисодиётни барқарорлаштиришга әришиш, миллий валюта қадрини ошириш, кучли ижтимоий кафолатни таъминловчы демократик давлатни қарор топтириш янги жамиятни барпо этишнинг мұхим вазифаси сифатида белгиланди.

**Фуқаролик жамияти тұғрисидаги қарашлар** Сиёсий фикр ривожи тарихида күп-гина политологлар, файласуфлар, ҳуқуқшунослар «фуқаро» ва «фуқаролик» жамияти муаммосини таҳлил этишга алоҳида эътиборларини қаратиб, ўз қарашларини ва нұқтай назарларини билдирганлар. Давлат ва жамият муносабатини қандай бўлиши кераклиги муаммоси билан қизиққанлар. Турли давлатлар сиёсий тизими, унда фуқаро билан жамият, давлат муносабатлари алоҳида ўрганилган. Бундай қарашлар хилма-хил бўлиб, уларнинг умумий ва ўзига хос хусусиятлари мавжуд.

Ана шундай қарашларда Аристотелнинг 'алоҳида ўрни бор. Унинг «Сиёсат» асарида, фуқаролик жамияти муаммосига эътибор берилади. Аристотель «Полис»га инсоният жамиятининг баҳтли ҳаётини таъминлашнинг энг олий шакли сифатида қарайди. Давлат тузумларини ўрганиб, Платон лойиҳасини таҳлил этади, унинг ютуқ ва камчиликларини кўрсатади. Аристотель давлат тузумининг олти хил кўринишини қайд этади. Шундан учтасини тўғри, учтасини эса нотўғри шакллари сифатида келтиради.

Аристотелнинг нуқтаи назарича: давлат тузумининг тўғри шакллари а) подшо ҳокимияти; б) аристократия; в) полития ҳисобланади. Тирания, олигархия ва демократия эса давлат тузумининг нотўғри шакллари сифатида қайд этилади. Уларнинг ҳар бирини қайд этиш билан бирга, уларнинг характерли жиҳатларини, хилманинг бўлиш сабабларини ҳам асослайди.

Подшо ҳокимияти умум манфаатга асосланадиган бир кишининг бошқаруви бўлса, тирания эса ўзининг хусусий манфаатига асосланадиган бир кишининг бошқарувидир.

Аристократия — давлатни барча фуқаролар манфаати йўлида нисбатан кўпчилик бўлмаган кишилар томонидан бошқарилиши бўлса, олигархия эса, фақат ўз манфаатини ўйлайдиган, бадавлат ҳисобланган, нисбатан кўпчилик бўлмаган кишиларнинг бошқарувидир. Полития умумий фаровонликни ўйлайдиган, маълум қоидалар асосида танланган кўпчиликнинг бошқарувидир. Демократия эса ҳеч қандай мулкка эга бўлмаган кўпчиликнинг манфаати йўлидаги бошқарув эканлигини таъкидлайди.

Аристотель давлат бошқарувининг тўғри шакли асосига умумманфаат ва фозилликни қўяди, фозиллик йўқ бўлса, у намунали, фозил давлат қурилиши муаммосига алоҳида эътибор беради ва яхши ташкил этилган давлат тузилишига баҳтли тасодиф билан эмас, балки илм ва онгли режа асосида эришиш мумкинлигини таъкидлаб, «тўла ҳуқуқли фуқаро» ва «тўла ҳуқуққа эга бўлмаган фуқаро» тушунчаларини ишлатади. Ёшлида ҳарбий бўлган, ёши катталашиб борганда ҳукмдор, судья ва ҳоказо бўлиб борганларни тўла ҳуқуқли фуқаро деб тушунса, ҳунармандчилик, савдо ва деҳқончилик билан шуғулланадиганларга алоҳида ижтимоий қатлам сифатида қарайди. Ҳар бир давлатнинг вужудга кели-

шини табиий ривожланишнинг натижаси деб ҳисоблаиди.

Аристотель давлат ва жамият муносабатини таҳлил этар экан, қандай тузилишга эга бўлган, ким томонидан ва қандай асосларда бошқарилган жамиятни «адолатли» деб айтиш мумкин деган муаммога ўз муносабатини билдиради. Жамиятни бошқаришда унинг қонуний асосига эътибор беради. Қонунларнинг тўғри ваadolatli bўliшини, давлат фаровонлиги ҳамда умум манфаатга хизмат қилишини таъкидлади. Адолатнинг шахсга муносабатини таъкидлаб, табиатан ўзаро тенг бўлишлари кераклигини кўрсатади. Айни пайтда «тenglik» ва «тengsizlik» тушунчаларининг таҳлилини беради. Давлат тизимининг тўғри шаклига мувофиқ бўлган қонунларниadolatli эканлигини, давлат тизими нинг нотўғри шаклига мувофиқ қонунларни эсаadolat-siz bўliшлигини кўрсатади.

Платон ва Аристотелнинг жамият ва давлат тўғрисидаги қарашлари Абу Наср Форобий томонидан атрофлича ўрганилган. «Фозил одамлар шаҳри» асарида Форобий ўз қарашларини ифода этган, Платон ва Аристотелнинг жамият ва давлат тўғрисидаги қарашларини янги назарий хулосалар билан бойитган. Асарда жамиятнинг тузилиши, фозил жамият ва унинг фуқаролари тўғрисида, фозиллик ва жохиллик сабаблари, фозиллар шаҳри ҳокими, унинг фазилатлари тўғрисида буюқ аллома ўзининг қимматли фикрларини билдиради. Бошқаришнинг жамоатчилик асослари тўғрисида дастлабки foяларни илгари суради.

Форобий Фозиллар шаҳри ҳокими фазилатлари тўғрисидаги фикрини билдирад экан, унинг (яъни ҳокимнинг) тўрт мучали соғлом бўлиши кераклигини; табиатназарик, фаросатли, суҳбатдошининг фикрини тез англаб оладиган; эшитган, кўрганларни хотирасида тўлатукис сақлаб қола оладиган, барча тафсилотларда ўзини тия оладиган, ҳақиқатни севадиган, ёлғончиларни ёмон кўрадиган ўз қадрини билувчи, туғма олий ҳимматли, мол-дунёга қизиқмайдиган, табиатан адолатпарвар, ўзи зарур деб ҳисоблаган ишларда қатъиятли, саботли, журъатли, жасур каби фазилатларини 12 сифатга ажратиб, унинг зарурлигини кўрсатиб берган. Давлат ва жамиятни бошқариш ҳамда фуқаролик жамияти қуриш талаблари нуқтаи назаридан ёндошгандада ҳам бу

сифатлар бугунги кунда ўзининг долзарблиги, назарий ва амалий аҳамиятини сақлаб турибди.

Давлат ва жамият тўғрисидаги қарашлар И. Кант, Гегель каби мутафаккирларнинг асарларида ҳам учрайди. Умуман шуни алоҳида таъкидлаш керакки, инсониятнинг пайдо бўлиши билан давлат ва жамият муносабатлари тўғрисида ҳам турли хил қарашлар пайдо бўлиб, ривожланиб борган. Қадимги Ҳиндистон, Хитой, Греция, Шарқ ва Ўрта Осиё, Европа мутафаккирлари қарашлари, шунингдек ҳозирги даврда ҳам давлат ва жамият тўғрисида муайян ғоялар, қарашлар илгари сурилмоқда.

Бу соҳада инсоният тафаккури катта маънавий ютуққа эришди ва тажриба тўплади. Амир Темур, Мирзо Улугбек, Заҳириддин Муҳаммад Бобур, Алишер Навоийнинг асарларида давлат ва жамият муносабатига доир жуда қимматли фикрлар учрайди. Ҳусусан, фуқаролик жамияти қурилишининг асосида турадиган, қонунийлик, адолат, умуминсонийлик тамойилларига алоҳида этибор берилганлиги, давлат бошқаруви, таълим, тарбия, оила билан боғлиқ ҳолда ўрганилганлиги эътиборни ўзига жалб этади. Бу қарашлар доимо ривожлантириб келинган. Айниқса XIX аср охирида шаклланган «Жадидчилик» ҳаракати қарашларида мустақиллик, эркинлик, илм-маърифат билан боғлиқ ҳолда таҳлил этилган ва ёндошилган. Фуқаролик жамияти тўғрисидаги қарашларни ўргангандা, Ж-Ж. Руссо, И. Кант, Гегель қарашларини назарий жиҳатдан ўрганиш характеристидир.

Масалан, Ж Ж. Руссо «Ижтимоий шартнома ёки сиёсий ҳуқуқ тамойиллари» тўғрисида фикр юритиб, ижтимоий шартнома фуқаролар ўртасида ўзаро тенглик ва ҳуқуқ нормаларини таъминлашнинг муҳим омили эканлигини ва тенгликнинг узвий боғлиқлигини, сиёсат, сиёсий ҳокимият, давлат тузилиши ва шаклларини таҳлил этади.

И. Кант, фуқаролар жамиятининг ривожланиши давлатнинг ғивожланишига нисбатан кейинроқ пайдо бўлсада, фуқаролар жамияти оила билан давлат ўртасидаги намоён бўладиган ажралишдир деб таърифлайди. «Давлат, — деб, давом эттиради И. Кант. — алоҳида шахслардан иборат, уларнинг бирлигини, гарчи у шунчаки умумийликдан иборат бўлсада, уни фуқаролар жамияти деб тушунадилар. Янги давр муаммоси

билин шуғулланувчилар давлатга нисбатан бошқача қарашни ифодалай олмадилар»<sup>1</sup>.

Демак, Кант ҳар бир шахсга хусусий ҳол сифатида қарайди, аммо бу хусусийлик энг умумий жиҳатлар билан узвий боғлиқ. Чунки инсонлар бир-бирлари билан турли хил шахсий ўзгача мақсад билан боғлиқ бўлсада, аммо бу мақсад хусусийлик сифатида, бошқалар билан бўлган муносабатда энг умумий кўришишни олади. Гегельнинг ҳуқуқ фалсафасида ҳам фуқаролик жамиятига доир қарашлар илгари сурилган.

Собиқ Иттифоқ даврида эса давлат ва жамият тўғрисидаги қарашлар, ягона мағкурани давлат сиёсати даражасида амал қилиши оқибатида, бирмунча сийқаланди. Инсонларда «давлат», «пролетариат диктатураси», умумхалқ давлати» тўғрисида мавҳум қарашлар, давлатга қарамлик руҳияти шаклланди. Жамият билан давлат ўртасида ўзига хос узилиш пайдо бўлди. Қонунчилик, демократия, инсон ва сиёсат муносабатларида фуқароларнинг мавқеи тушиб борди. Айни пайтда, бошқа ривожланган мамлакатларда сиёсат, давлат ва жамият муносабатлари, сиёсий ҳокимият тизими, эркинлик, мустақиллик муаммолари янгича тамойиллар асосида янгича назарий ҳулосалар билан бойиб борди.

Ўзбекистонда  
фуқаролик жамия-  
ти қурилиши

Мустақиллик туфайли Ўзбекистон Республикаси ўз сиёсий тизимини ислоҳ этиш, давлат ва жамият қурилиши соҳасида ҳам аниқ вазифаларни белгилаб олишини тақозо этди. Ўзбекистонда қандай давлат қурилади? Унинг сиёсий ва ижтимоий негизи, унинг қиёфаси қандай бўлиши керак? Давлат ва жамият муносабатлари қиёфаси қандай бўлади? Фуқаролик жамияти қандай бўлади? Бу саволларга жавоб топиш фуқаролик жамияти қурилиши, мақсад ва вазифаларини аниқ тасаввур этишга ёрдам беради.

Ўзбекистон Республикасининг Президенти И. А. Қаримов, Ўзбекистон фуқаролик жамиятини қуришга интилаётгандигини таъкидлаб, бу жамиятнинг маъносини характерлаб: «бунинг маъноси шуки, давлатчилигимиз ривожлана борган сари бошқарувнинг турли-хил вазифаларини бевосита ҳалқقا топшириш, яъни ўзини-ўзи

<sup>1</sup> Апталогия мировой философии в 4-томах/ Т-3, М.: 1991, 338-бет.

бошқариш органларини янада ривожлантириш демакдир», дейди<sup>1</sup>.

Демак, давлатчилик ривожланиши билан боғлиқ равишда давлат ва жамият, уни бошқариш тизимида муайян ўзгаришлар содир бўлиб боради. Бу ўзгаришни давлатнинг ижтимоий-сиёсий ҳаёт соҳаларига бўлган муносабатида аниқ кўриш мумкин. Бунда, икки хил ҳолат доимо кўзга ташланади. 1. Жамият сиёсий тизими, унинг мақсади ва вазифаси билан боғлиқ равишда давлат сиёсий-ижтимоий, иқтисодий ва маънавий ҳаёт соҳаларига бевосита аралашиши мумкин. Бунда давлат монополияси таъминланади. 2. Аксинча, давлат ижтимоий-иқтисодий ва маънавий соҳаларига бевосита аралашмайди.

Жамият ривожига сиёсий нуқтаи назардан қаранди, бу икки хил ҳолат қандай, унинг моҳияти, натижалари тўғрисида нималар дейиш мумкин. Маълумки, ҳар бир мамлакат сиёсий тизими, унинг характеристи, ижтимоий базаси, ҳаракатлантирувчи кучлари, бошқарув шакли хилма-хил бўлиб, бир давлат иккинчи давлатга шаклан ва мазмун жиҳатидан амал қилиш механизми нуқтаи назаридан айнан ўхшashi мумкин эмас. Ҳар бир давлат ўзига хос ҳусусиятга эга бўлиши табиий. Давлатнинг моҳиятига кўп жиҳатдан жамият ҳаётида туттган ўрни, унга муносабати, амал қилаётган тамойилларига қараб баҳо берилади. Юқорида қайд этилган биринчи ҳолатда давлат ва жамият муносабатида фуқароларнинг иштироки юқори эмаслиги, бошқаришда маъмурий-буйруқбозлик ҳолатлари кучайиб, бошқаришнинг демократик асослари топталади.

Инсонларда ҳамма нарсани давлат ҳал этади, деб унга умид боғлаш, унга таяниб қолиш руҳияти шакланади. Бу эса бошқаришнинг демократик асослари билан бирга, ҳуқуқий, инсонлар эркинлиги билан боғлиқ бўлган муҳим ижтимоий адолат нормаларининг бузилишига сабаб бўлади. Бундай асосда фуқаролик жамиятини қуриш мумкин эмас. Жамият иқтисодий ҳаётини бошқаришда давлат органларининг бошқарувчилик фалияти эмас, қонун устувор бўлади. Бундан давлат ўз мавқеини тўла йўқотар экан деган хулоса келиб чиқмайди. Аксинча, давлатнинг бош вазифаси ўзгаради. У

<sup>1</sup> И. А. Каримов. Ўзбекистон сиёсий-ижтимоий, иқтисодий татараққиётининг асосий тамойиллари «Ўзбекистон», 1995.

иқтисодий, ишлаб чиқариш, ижтимоий-иқтисодий муносабатларнинг ўз маромида ишлаши учун зарур шартшароитларни, қонуний асосларни яратиб беради. Бу давлат ва жамият муносабатларининг иккинчи ҳолати фуқаролик жамияти қурилиши талаблари ва хусусиятларига ҳам тўла мос келади. Бу давлатнинг бош ислоҳотчиси сифатида, жамият ижтимоий-сиёсий ҳаётидаги мавқеига янгича ёндошиш амалга ошаётганлиги ни кўрсатади.

Бугунги ўтиш даврида Ўзбекистонда маҳаллий давлат ҳокимияти ҳамда унинг бошқарув идораларида шундай тизим шакллантирилди. Янги тарихий жараёнда ўтмишда синалган анъанавий бошқарув—ҳокимликлар қайта тикланди.

Фуқаролик жамияти қурилиши жараёнида давлат икки хил йўл билан, яъни жамият ҳаётининг қонуний асосларини яратиш ҳамда қатъий назорат ўрнатиш орқали яратувчилик ишларини амалга оширишга шартшароит тайёрлаб беради. Фуқаролик жамиятида давлат ҳокимияти ва бошқарув органлари умуммиллий манфаатларга дахлдор энг муҳим вазифаларнигина амалга оширади. Мудофаа, давлат хавфсизлиги, ташқи сиёsat, пулмолия ва солиқ тизимини шакллантириш, қонунчиликни ривожлантириш шулар жумласидандир. Ўзбекистонда янги жамият қуришда ҳақиқий демократик қадриятларни вужудга келтиришда, миллий равнақимизнинг асосларини ривожлантиришда, ўз-ўзини бошқаришии амалга оширишда маҳалла муҳим роль ўйнайди.

Янги жамият қуриш жараёни жамиятнинг ижтимоий тузилишида, ижтимоий гурӯҳ ва қатламлар, миллий муносабатлар, оила-турмуш муносабатларида ҳам муайян ўзгаришлар билан характерланади. Давлатнинг ўрни ва мавқеига янгича қарашнинг амалда жорий этилиши билан ижтимоий муносабатларда инсон ва умуминсоний тамойиллар, қадриятларга алоҳида аҳамият берила бошланди. Сиёсий, иқтисодий ва маънавий ислоҳотлар ижтимоий муносабатларда ҳам ўз ифодасини топди. Жамият ривожида маданий-маърифий, маънавий-ахлоқий қадриятларнинг құммати ошиб борди.

Фуқаролик жамияти қуриш жараёни моддийлик ва маънавият үйғунлигига эришишга алоҳида эътибор беришни тақозо этади. Давлат унинг ҳомииси сифатида уни қўллаб-қувватлайди, тарбия маънавий соҳанинг

асосий йўналиши бўлиб, янги жамиятни қуришда ўз аҳамиятини сақлаб қолади.

Давлат ва жамият муносабатида «фуқаролар жамияти» ва «фуқаролик жамияти» тушунчаларини, улар ўртасидаги умумий ва фарқли жиҳатларни ҳисобга олиш керак. «Фуқаролар жамияти» тушунчаси ҳар бир жамиятнинг фуқаролардан ташкил топишини англатади. «Фуқаролик жамияти» тушунчаси жамият муносабатларида янги босқич бўлиб, фуқароликни чуқур англаған ҳолда, давлат ва жамият қуриш жараёнида, жамиятни бошқаришда фуқароларнинг иштирок этиб, ўз ўзини бошқаришга ўтиб бориши билан боғлиқ бўлган жамият ривожининг янги сифат ҳолатини билдиради.

Ўзбекистон давлат сиёсатида бўлган ўзгаришларнинг туб моҳияти, янги жамият қуришнинг мақсади ва вазифаси ҳам ана шунга қаратилган. Мақсад шунчаки фуқаролар жамиятини эмас, балки «Фуқаролик жамиятини» қуришдан иборат эканлигидadir.

Бу вазифани бажариш ва унга эришиш жуда хилма-хил. Чунончи, жамият ҳаётининг демократлашиши, муқобил сайлов тизими, кўппартиявийлик, сиёсий институтлар, мафкура ва фикрлар хилма-хиллиги, мулкчилик шаклларининг кўпайиши, давлатнинг ўрни ва мавқеига янгича ёндошув, қонунга устуворлик берилиши истиқболда Ўзбекистонда янги жамият қуриш вазифасига хизмат қиласди.

Янги жамият қуриш вазифаларини  
амалга ошириш қонуннинг устуворлиги  
гига асосланади. Қонун устуворлиги  
амалда таъминланган жамиятдагина  
негизлари яратилади. Фуқаролик жамияти қурилишининг мақсади ҳам буни тўлиқ тақозо этади.

Фуқаролик жамияти инсон ва давлат ўртасидаги муносабатда инсон манфаатларининг устуворлиги таъмйилига асосланади. Ҳар қандай қонун, ҳаракат соҳасидан қатъи назар, ишлаб чиқилаётган ва муҳокама этилаётган пайтда, шунингдек, уни амалда таъминлашда инсон манфаатлари, ҳуқуқларига қанчалик мос тушиш даражасига қараб, ҳуқуқий давлатга эришиб бориши мумкин. Қонун олдида ҳамманинг teng эканлиги, қонуннинг ҳамма учун бир хил кафолат бўлиши муҳим аҳамият касб этади. Бу ҳуқуқий давлатнинг муҳим мезони ҳисобланади.

Фуқаролик жамияти ва ҳуқуқий давлат қуриш жараёни бир-бири билан узвий боғлиқ. Давлат ва давлат ҳокимиятининг барча тармоқлари иш жараёнида қонун асосида фаолият кўрсатади, инсон ҳуқуқларини ҳимоя қиласди ва уни қўриқлаш ишига сафарбар этади. Қонун инсон эҳтиёжлари, мақсад ва манфаатларини ифода этган тақдирда, улар жамият сиёсий тизимини қўллаб-кувватлаш билан бирга, амалга оширилаётган ижтимоий-сиёсий, иқтисодий, маданий-маърифий жараёнларда фаолроқ иштирок этади, уларнинг фаоллиги жамият сиёсий тизими билан ўзаро мувофиқлашиб боради. Шундай инсонлар ўзларини эркин ҳис этадилар ҳамда эртаниги кунга ишонч билан қарайдилар. Давлат ҳокимияти бўғинлари билан улар ўртасидаги муносабатларда қонун устуворлиги асосий тамойилга айланиб боради.

Янги жамият вазифалари фуқароларнинг манфаатлари ва ҳуқуқларини ҳимоя қилиш тизимини янада кенгайтириб боришни тақозо этади. Бунда, суд, конституцион суд, ҳуқуқни муҳофаза этиш идоралари муҳим роль ўйнайди. Айни пайтда инсон ҳуқуқлари, фуқаролик жамияти тамойилларига мувофиқ келадиган қонунларнинг мавжудлиги ҳали жамият фуқароларининг, давлатнинг ҳуқуқларини билиши, мавжуд қонунларини ҳурмат қилиши ва унга амал қилиши уларнинг ҳуқуқий онг ва маданият даражаларига қанчалик боғлиқ бўлса, қонунларнинг жамият ривожи босқичи, халқларнинг миллий, ўзига хос хусусиятларини, тарихий анъана ва меросларини ҳисобга олишига ҳам шунчалик боғлиқ бўлади.

Ҳуқуқий давлат ҳар бир фуқаронинг ҳуқуқлари бузилиш ҳолларини маъмурий йўллар билан эмас, аксинча суд йўли билан, инсон ҳуқуқларини бузмаган ва унга қатъий амал қилган ҳолда кўриб чиқилишига зарур шарт-шароит вужудга келтиради.

Ҳуқуқий давлат фуқароларга берилган эркинлик даржаси билан белгиланади. Фуқароларнинг эркинлиги қанчалик ошиб борса, фуқаро билан давлат ўртасидаги муносабат ўзаро мувофиқлашиб, айрим зиддиятлар, келишмовчиликлар бартараф этиб борилади. Фуқароларнинг ҳуқуқлари қанчалик кафолатланса, қонун устуворлиги, ҳуқуқий онг ва маданиятнинг ошиб бориши билан фуқароларнинг жамият олдидаги маъсулияти ҳам ошиб боради.

Фуқароларнинг амалий фаолияти қандай тамойил асосида қўйилганлиги муҳим аҳамият касб этади. Қонун ҳам инсон ва умуминсоний тамойилларга асосланган тақдирда ҳар бир фуқаронинг ижтимоий аҳволи, жинси, ирқи, миллати, тили, дини, эътиқоди, шахси ва ижтимоий мавқеидан қатъи назар бир хил ҳуқуқ ва эркинликларга эга бўлиб, уларнинг қонун олдida тенглиги таъминланади.

Ҳуқуқий давлатда фуқаро ва давлат бир-бирига нисбатан бўлган ҳуқуқлари ва бурчлари билан ўзаро борланади. Бу муносабатлар жамият ривожи давомида қонун асосида тартибга солиниб, ўзаро мувофиқлаштирилиб борилади.

Узбекистон Республикасининг Конституциясида қайд этилганидек, «фуқаролар ўз ҳуқуқ ва эркинликларини амалга оширишда бошқа шахсларнинг, давлат ва жамиятнинг қонуний манфаатлари, ҳуқуқлари ва эркинликларига путур етказмасликлари шарт»<sup>1</sup>.

Ҳуқуқий давлат Конституция асосида, инсонлар ва фуқароларнинг асосий ҳуқуқлари, эркинликлари ва бурчларига алоқадор бўлган умумий қоидаларни, фуқаролик, шахсий ҳуқуқ ва эркинликлар, сиёсий, иқтисодий-ижтимоий ҳуқуқлар ва бурчларни белгилаб беради ҳамда кафолатлади.

Ҳуқуқий давлатни қонун устуворлигига асосланиши умумий жиҳат бўлиб, у мамлакат ичкарисида Конституцияни ишлаб чиқишида дунёвий давлат тажрибаларага, мавжуд қонунларнинг умумий, ўзаро аҳамиятли бўлган жиҳатларига таянади ва ҳисобга олади.

Маълумки, тоталитар тузум шароитида давлат ҳокимиятининг ҳаддан ташқари марказлашуви натижасида, фуқаролик жамияти ва давлат муносабатида деформация содир бўлди. Давлат монополияси таъминланди. Фуқаролик жамиятини қуриш вазифаси якка мафкура, синфийлик, партиявийлик тамойилларини инкор этади. Фуқаролик жамияти қурилишида қонун устуворлиги, ижтимоийadolat, дунёвий неъматлар орасида энг улуғи—инсон деган ғоя асосида «фуқаро—жамият ва давлатнинг» оқилона ҳуқуқий ечими топилади. Фуқаролик жамиятини қуриш вазифалари жамиятда сиёсий, миллатлараро ижтимоий ва моддий тенгликни таъминловчи

<sup>1</sup> Узбекистон Республикасининг Конституцияси, 13-бет.

самарали тизимга асосланган қонунларга таянган ҳолда амалга оширилади.

Ижтимоий-иқтисодий ҳаётда мулкнинг хилма-хиллигига ўтилганлиги одамлар ўртасида мулкдорлик дарожаларининг турли хил бўлишига табиий шарт-шароитни вужудга келтиради. Фақат қонуний асосда топилган бойликлар мулкдорлик даражасида ноқонуний равишда тафовутларнинг кучайиб боришининг олдини олиш талаблари билан тўла мос келади. Ўзбекистон сиёсий тизимида муҳим сиёсий институтлардан бири бўлган олий қонунчилик органи Олий Мажлис ана шу ҳуқуқий механизми вужудга келтиришда ҳал қилувчи роль ўйнайди.

Давлат ҳокимияти бошқарув вазифаларининг асосий қисмини марказдан вилоятга, вилоядан шаҳар ва туманлардаги давлат ҳокимияти ва бошқарув идораларига ўтишини таъминлаш орқали ўз-ўзини бошқариш аста-секин жамоатчилик ташкилотларининг жамиятни бошқаришда ўрни ва мавқеини ошиб боришини таъминлайди. Бу фуқароларни жамиятни бошқаришга кенг иштирок этишларини таъминлаш билан бирга, ҳуқуқий давлат ва фуқаролик жамиятини қуриш қонуниятлари билан тўла мос келади.

Ўзбекистонда давлат ҳокимиятининг бирдан-бир манбаи халқ бўлиб, давлат халқнинг иродасини ифодалайди, унинг манфаатларига хизмат қилади. Фуқаролик жамияти қурилиши вазифаларига хизмат қилади. Фуқаролик жамияти қурилиши вазифаларининг амалга оширилиши, инсонлар онгига шаклланган давлатга қарамлик кайфияти ҳолатларига барҳам беради. Давлат, унинг идоралари ва мансабдор шахсларининг жамият ҳамда фуқаролар олдида масъул эканлиги қонуний асосга қўйилди. Эндиликда инсон, унинг ҳаёти, эрки, шаъни, қадр-қиймати ва бошқа ҳуқуқлари ҳамда эркинликлари муқаддас саналиб, давлат томонидан кағолатланади. Жамият билан давлат муносабатида қонуний асосларда оқилона муносабат қарор топмоқда. Бу ҳуқуқий давлат қуриш талаби билан ҳам тўла мувофиқдир. Ҳуқуқий давлатнинг асосий белгиси ҳам барча фуқароларнинг қонун олдида тенглиги, конститутция ва қонунларнинг устунлигини амалда таъминланишидир. Соҳибқирон Амир Темур таъкидлаганидек «Қаерда қонуни ҳукмронлик қилса, шу ерда эркинлик бўлади». Зоро, қонун устуворлиги фуқаролик жамияти ва ҳуқуқий дав-

лат қуришнинг асосини ташкил этади. Шу орқали Ўзбекистон давлати ҳам ҳуқуқий, демократик, адолатли фуқаролик жамияти қурилишида янада янги ютуқларга эришиб бормоқда.

## ТАКРОРЛАШ УЧУН САВОЛЛАР

1. Ўзбекистонда жамият қуриш вазифалари нима?
2. Утиш даври нима учун керак?
3. Фуқаролик жамияти ва давлат ўртасида қандай алоқадорлик мавжуд?
4. Давлат қандай вазифаларни амалга оширади?
5. Ўзбекистонда фуқаролик жамияти қандай тамойилларга асосланади?

### *18-мавзу*

## ДЕМОКРАТИЯ ВА ҲУҚУҚИЙ ДАВЛАТ

**Демократия тушунчаси** «Демократия» ўз мазмунига кўра грек-чу (demos—халқ, kratos—ҳокимият) сўзларидан иборат бўлиб, «халқ ҳокимияти» маъноси-ни англатади. Демократия моҳиятига кўра халқ билан ҳокимият муносабатларига оидdir. Демократия халқ ҳокимиятининг маини, фуқаролар эркинлигини ва тенг ҳуқуқлигини эътироф қилувчи жамият бошқарув шакларининг биридир.

Политологияда «демократия» тушунчаси турли хил мазмунда таҳлил этилади. «Демократия» тушунчаси **Биринчидан**, бошқарувнинг ilk шакли мазмунида, сиёсий қарорлар қабул қилиниши барча фуқаролар томонидан амалга оширилганлигини билдиради, шунга му-вофиқ кўпчиликнинг ҳокимият бошқарув иродасини ифодалайди. **Иккинчидан**, у жамиятни идора этишининг шундай шаклини, унда шахслар ҳокимиятни бошқаришда бевосита иштирок эта олмайди, аксинча, уни ўз вакиллари орқали амалга оширади. Бу «вакиллик демократияси», деб ҳам юритилади.

Ҳозирги замон хорижий мамлакатларнинг ҳуқуқшу-нослари, давлат ва жамият арбоблари фикрларига кўра демократик ҳуқуқий давлатни қуриш учун барча мамлакатларга хос бўлган умумий хусусиятлар мавжуд. Улар қўйидагилардир: 1. Сайловлар. 2. Сайлов якунларини аниқлаш усули. 3. Тенг ҳуқуқлилик. 4. Фикрлар эркинлиги. 5. Кўппартиявийлик. 6. Ўзини-ӯзи бош-

қариш. Бизнинг республикамиизда юқорида күрсатилган демократик давлатларга хос бўлган асосий белгилар қонунда ҳам, амалда ҳам мавжуддир<sup>1</sup>.

Маълумки, демократик жамиятнинг халқаро миқёсда эътироф этилган тамойиллари бор. Инсоннинг ўз хоҳиш-иродасини эркин билдириши ҳамда уни амалга ошириши, озчиликнинг кўпчиликка бўйсуниши, барча фуқароларнинг тенг ҳуқуқлилиги, давлат ва жамият бошқарувида қонун устуворлиги, давлатнинг асосий органлари сайланиши, уларнинг сайловчилар олдида ҳисоб бериши, тайинлаш йўли билан шаклланадиган давлат органларининг сайловчи ташкилотлар олдидағи жавобгарлиги ва бошқалар шулар жумласига киради<sup>2</sup>.

Бу тамойиллар Конституция томонидан кафолатланган бўлади. Демократияни ривожлантириш унга асосланган қонунларни такомиллаштириш ва демократиялаштириш орқали амалга ошади.

«Демократия» тушунчасини сиёсий жиҳатдан таҳлил қилганда «умуман демократия», «мутлақ демократия», бўлмаслигини эътироф этиш зарур. Жамият турмушидан, халқ ҳаётидан ташқарида, улардан узилган ҳолдаги демократия гайри демократиядир.

Демократия фақат номигагина бўлмай, у халқ ҳаётига тегишли, халқнинг жамиятни бошқарув тизимиға, ҳокимият ишига фаол иштироки билан белгиланади.

Демократия тарихий ҳодисадир, у шаклланиб, ривожланиб боради. Инсоният тарихий ҳаёти тажрибасини таҳлил қилиш асосида демократиянинг ривожланиш даврини ва уларга тўғри келадиган назарий анъаналарини қўйидагича фарқлаш мумкин:

1. Антик давр назарияси ва амалиёти, 2. Ўрта асрлардаги давлат бошқаруви кўриниши, 3. Ҳозирги замонда Республика—давлат ҳокимияти тузилиши шакли билан боғлиқ бўлган анъаналар.

Демократияни амалга оширишда икки асосий шаклнинг мавжудлигини фарқлаш зарур. Жаҳон жамиятшунослиги қашф этган қонуниятларга кўра халқ ўз қўлида тўпланган ҳокимиятни икки усулда амалга оширади.

<sup>1</sup> А. Азизхўжаев. Демократия — халқ ҳокимияти демактир. «Ўзбекистон овози», 1996 йил 25 январь.

<sup>2</sup> И. А. Қаримов. Ватан саҳдагоҳ каби муқаддасдир. Асарлар. З-том. «Ўзбекистон», 1996, 8-бет.

**1. Бевосита демократия.** Бунда халқнинг ҳеч қандай вакилларсиз, ўз қўлида тўплаган ҳокимиятни ўзи амалга ошириши тушунилади. 2. Демократияни амалга оширишнинг иккинчи усули **вакиллик демократияси**дир. Бунда халқ ўз ҳокимиятини билвосита амалга оширади. Яъни халқ ўз қўлида тўплаган ҳокимиятни ўзи сайлаб қўйган—Олий Мажлис, Маҳаллий кенгаш депутатлари воситасида амалга оширади. Демократияни бевосита шакллантиришда демократик ҳодисалар халқнинг тўғридан-тўғри иштирокида бўлиб ўтади. Унга мисол тариқасида жамият ва давлат ҳаётининг энг муҳим масалаларини халқ муҳокамасига тақдим этилиши, умумий овозга (референдумга) қўйилишини келтириш мумкин. Яъни халқнинг ўзи ялпи умумий сайлов йўли билан ўз иродасини намоён этади. Бундай ҳолатда халқ оммаси тўғридан-тўғри ўз фикрини билдиради. Демократик жараёнларда фуқароларнинг бевосита қатнашиши мамлакат Конституциясида белгиланиб, кафолатланган бўлади.

Лекин ҳар бир мамлакатнинг давлат тизими, унинг ҳокимият иши, жамиятни бошқарув масалаларининг мажмуаси демократиянинг фақат бевосита шакли билан амалга оширилиши мумкин эмас. Шунинг учун ҳам демократияни бевосита йўли билан бир қаторда унинг билвосита амалга ошириш йўли ҳам мавжуд. Демократиянинг билвосита институтлари халқ томонидан, яъни халқнинг ваколатли органлари томонидан сайланадилар. Масалаң, мамлакат парламенти халқнинг сайланган вакиллари ҳисобланади, улар сайловчилар номидан, уларнинг манфаатларини ҳимоя қилиб фаолият кўрсатадилар.

Демократиянинг бевосита ва билвосита шакллари бир-бирларига зид эмас, улар ўзаро боғлиқ ва бир-бирларини тўлдириб туради.

Уларнинг ҳеч бирини мутлақлаштириш мумкин эмас, аксинча, иккаласи ҳам ўзаро алоқадорлик ҳолатида туради.

Инсоният тараққий этган сари, фуқаролик жамияти барпо этилиши жараёнида давлат ишида фуқароларнинг иштироки ошиб боради. Бу жамиятнинг тарихий-табиий ривожи сифатида демократик жараёнлар шуни тақозо этади.

Демократия ижтимоий-сиёсий ҳодиса сифатида сиёсий бошқарув билан боғлиқ бўлса ҳам, унинг моҳияти

ижтимоий маънога эга. Демократик тамойиллар ўз-үзидан ҳаракат қилмасдан, инсон турмуши, ижтимоий борлик билан боғлиқ бўлиб, улар инсон ҳёти билан узвий алоқада ривожланади. Демократик тамойиллар, қоидалар фақат демократия тушунчасига хос бўлмасдан, инсон ҳёти билан биргаликда фаолият кўрсатади. Демократия демократия учун эмас, балки у инсонларнинг жамиятдаги ҳёти, ҳокимиятга муносабатларига тегишли бўлиб, фуқароларнинг жамиятдаги эрклари ва ҳуқуқлари билан боғлиқ бўлади.

Демократиянинг қандай меъёри (мезони) бор деганда, аввало, унинг халқ ҳёти билан боғлиқлиги назарда тутилади. Яъни ҳар бир давлат қурилиши, сиёсий партияларнинг, мухолафат кучларнинг, жамоат бирлашмаларининг иши, дастур, низомлари, вазифалари, сиёсий йўналишлари, халқ манфаатларига тўғри келиши лозим. Демократик институтлар фаолиятининг самарадорлиги халқ ҳёти ривожланишининг даражаси билан белгиланади.

Демократия билан халқ ҳёти мутаносиб бўлиши шарт. Халқ манфаатларига тўғри келадиган демократик жараёнлар миллат ва фуқаролараро ҳамжиҳатликка асос бўлади.

**Демократиянинг шаклланиши** Демократиянинг шаклланиши ўзига хос икки йўлдан боради: бири — демократиянинг яратувчилик йўли бўлиб, унинг шаклланиши, такомиллашиб бориши халқ турмуши билан узвий боғлиқ ва унинг халқ манфаатларига хизмат қилиши билан белгиланади. Бу ҳолатда демократия халқча фаровонлик, юрга барака, тинчтотувлик ва бахт келтиради. Бу демократия тараққиётининг манбаи, сиёсий омили ҳисобланади. Бунинг учун ҳокимият, давлат институтлари халқпарвар, адолатпарвар бўлишлари ва тўғри сиёsat олиб боришлари лозим. Давлат раҳбарлари халқ манфаатларини ўзлариникидан устун қўйишлари халқча хизмат қилишни олий масъулият, муқаддас иш, деб билишлари керак.

Иккинчиси, демократиянинг бунга зид бўлган, бузувчилик йўли ҳам мавжуд. Бунда, сохта демократик тамойиллар, қоидалар ҳар бир юрга ташқаридан келтирилиб ўрнатилиши натижасида жамият турмуши бузилишига, ижтимоий-сиёсий вайронликка олиб келади. Зўравонликка асосланган демократия халқ турмушидан,

анъаналаридан ташқарида, улардан узилган ҳолда бўлади.

Демократик институтлар ўмумжаҳон демократик жарайёнларининг тараққиётида катта роль ўйнайди. Лекин демократия ўз-ўзидан, ташқарида келтирилиб жойлаштирадиган нарса эмас. Демократия халқ ҳаётидан, манфаатларидан, унинг турмуш тарзидан четда қолмаслиги, халққа бегона бўлмаслиги лозим.

Шунинг учун жаҳондаги ривожланган мамлакатлар бошқа давлатларга нисбатан инсон ҳуқуқларини ҳимоя қилиш ниқоби остида буйруқбозлик қилмасликлари, юртнинг ички ишларига аралашмасликлари керак. Мамлакатга амалий ёрдам бериш, унинг халқига эътиборли бўлиш демократиянинг иқтисодий, илмий-техникавий, ижтимоий-сиёсий, маънавий ва бошқа шартларининг барпо этилишига самарали, ижобий таъсир қиласди. Бу ўз навбатида, демократияга кенг йўл очади.

Ҳар бир мамлакатда, айниқса мустақил ривожланиш йўлига кирган давлатларда демократик тамойиллар, қоидалар, нормалар ўша юртнинг иқтисодий, сиёсий ҳаёти, тарихий, маданий анъаналари билан узвий боғлиқ бўлиши лозим. Демократик тараққиётни сунъий тезлаштириш ҳам кутилган натижани бермаслиги мумкин. Масалан, мамлакатнинг ички шароитларини ҳисобга олмасдан «шок терапияси» йўли билан демократияга, бозор муносабатларига ўтишга уриниш тарихан ўзини оқламади. Буни айрим мамлакатлар мисолида кўриш мумкин.

Демократиядан оқилона фойдаланиш халққа баҳт келтиради. Демократия ва инсон ҳаёти мутаносиблигини таъминлаш жамият сиёсий ҳаёти қонунларидан биридир. Бу қонун ўз моҳияти билан объектив ҳусусиятга эга. Демократия инсон сиёсий савияси билан ҳам боғлиқ. Инсонлар демократиянинг йўлларини, зарурӣ ва қонуний томонларини ҳисобга олиб, ундан оқилона фойдаланишлари ўзларига хизмат қилдиришлари, ўз эркинликларига айлантиришлари мумкин.

Ҳозирги замон демократиясининг халқчиллик характеристи конституцион асосда амалга оширилади, унда фуқаро эркинлиги, инсон ҳуқуқлари, плюрализм, шартнома тизими ва вакиллик тамойиллари аниқлаб қўйилган.

Демократия ҳар бир давлатнинг, жамиятнинг ҳуқуқий муносабатлар тизими билан чамбарчас боғлиқ.

Хуқуқий давлат барпо этиш ва демократиянинг ривожланиши ўзаро узвий жараёндир. Барча фуқароларнинг қонун олдида тенглиги, жамиятда Конституция ва қонун устунлиги, давлат ҳокимиятининг қонуний ташкил этилиши демократиянинг хуқуқий асосини яратади. Ҳар бир мамлакатда Конституция ва қонунларнинг устуворлиги сўзсиз тан олиниши лозим. Шунингдек, давлат, унинг органлари, мансабдор шахслар, жамоат бирлашмалари, фуқаролар Конституция ва қонунларга мувофиқ иш кўришлари зарур.

Конституциянинг биронта қоидаси ўша мамлакат фуқаролари хуқуқ ва манфаатларига зарар етказила-диган тарзда талқин этилиши мумкин эмас. Биронта ҳам қонун ёки норматив-хуқуқий ҳужжат ўша мамлакатнинг, давлатнинг Конституция нормалари ва қоидаларига зид келмаслиги, демократия шароитида инсонларнинг ўзаро муносабати ва уларнинг ҳокимият, давлат қурилишига муносабатлари, қонун йўли билан кафолатланган тақсимланиши ҳам қонуний кафолатланган бўлиши демократик қоидага тўғри келади.

Демократиянинг хуқуқий асосларини қўйидаги йўллар билан, яъни :

а) жамиятда сиёсий, миллатлараро, ижтимоий ва моддий тенгликни таъминловчи самарали тизимга асосланган қонунларнинг мавжудлиги; б) барча бўғиндаги давлат идоралари фаолиятининг хуқуқий асоси бўлиб хизмат қиласидиган қонунлар тизимининг барпо этилганлиги;

в) давлат хизматчиларининг мақоми қонун томонидан белгиланиши; г) фуқароларнинг сиёсий жараёнда, давлатни бошқаришда қатнашувини таъминлайдиган ва кафолатланган хуқуқий асослари барпо этилган бўлиши;

е) бозор муносабатлари шароитида давлатнинг иқтисодиётини бошқаришдаги роли кескин ўзгаради. Иқтисодни бошқаришнинг асосий усули давлат органлари бошқарувчилик фаолияти эмас, аксинча қонун бўлиб қолади.

Умуман, демократик, хуқуқий давлатнинг ривожланишида жамиятни, кишилар муносабатларини бошқаруви буйруқбозлик, зўравонлик асосида бўлмасдан, аксинча қонун асосида бўлиб, хуқуқий кафолатланган тарзда амалга оширилиши лозим. Бу мақсадга эришиш жамият аъзоларининг сиёсий онги, маданий даражасининг ривожланганлик даражаси билан ҳам белгиланади.

Бюрократизм инсон ҳуқуқларини, эркин ва демократик муносабатларни поймол қиласы. Демократия бу айрим гурұхнинг ёки партияның, айрим шахсларга берган имтиёзлари бүлмасдан, балки барча фұқароларнинг қонуний, ҳуқуқий кафолатланған ҳаёт нормалари, қоидалари бўлиши керак.

Жамият тараққиётининг диалектикасыга биноан инсоният ҳаётининг истиқболида демократия халқнинг, маълум даражада әркинлик ва тенг ҳуқуқли фұқаролик жамиятининг анъаналарига айланиши лозим. Бундай ҳолатда демократик нормаларнинг давлатчилик ва сиёсий аҳамияти ошибб, жамият аъзоларининг маданият, ақл-заковат асосида ўз фаолиятларини ташкил этишига ёрдам беради.

Жаҳон миқёсида демократик ҳуқуқий давлатни қуриш оддий ҳодиса бүлмасдан, аксинча, мураккаб, босқичма-босқич амалга ошириладиган тарихий-сиёсий жараён ҳисобланади. Жамият ҳаётини, унинг айрим соҳаларини қисқа муддатда янгилаш мүмкін әмаслиги каби, демократик ҳуқуқий давлатнинг барпо этилиши ҳам объектив шароитлар тизими асосида вужудга келди. Аммо бу жараёнда түғри, демократик мазмунли иқтисодий, сиёсий, ижтимоий, маданий йўналишни, тараққиёт йўлини танлаб бориш муҳим аҳамиятга эга.

Демократия ижтимоий адолат билан узвий боғлиқдир. Ўз навбатида, демократия ҳам ижтимоий адолатнинг сиёсий асосидир. Жамиятда ишлаб чиқариш, мулк муносабатлари, алмашиб, тақсимлаш, истеъмол қилиш, эҳтиёжни таъминлаш ҳар кимнинг қобилиятига, тадбиркорлигига боғлиқ равишда давлатнинг ижтимоий асосини ташкил этади. Инсонларнинг ҳаёти, турмуши дарражаси ва сифати ҳаммага тенг ҳуқуқ асосида қонуний ташкил топган бўлиши ижтимоий адолат асосида юзага келади. Ижтимоий адолатга асосланмаган демократия ғайри-табиийдир. Демократик тизим ва адолатли тузилган ҳаёт бир-бирларини тўлдиради.

Демократияни жамиятнинг иқтисодий ҳаётисиз, унинг ишлаб чиқариш жараёнисиз, ишлаб чиқариш муносабатлари ва ишлаб чиқарувчиларсиз тасаввур қилиш ҳам мүмкін эмас.

Демократия иқтисодий асоссиз бўлмайди ва аксинча, иқтисод сиёсатсиз, сиёсий омилсиз, демократик шароитсиз ривожлана олмайди. Жамият аъзоларини яшаш учун энг асосий, ҳаётини ҳал қилувчи манфаати иқти-

содий эҳтиёжлар билан боғлиқ. Демократия, ўз навбатида, ҳаётнинг бош омили билан боғлиқ бўлган тараққиётнинг бош сиёсий омили ҳисобланади.

Демократия билан иқтисод ҳаётда бир-бирларидан ажралмасдир, олдин улардан бирини ташкил қилиб, кейин иккинчисини ривожлантириш мумкин эмас. Улар узвий боғлиқ, бир-бирлари билан ўзаро биргаликда ва бир-бирларига асос бўлиб ривожланиши лозим. Иқтисодиётга хизмат қилмайдиган, ҳалқнинг моддий манфаатларини ҳал қилишда иштирок қилмайдиган демократия ғайри демократия бўлиб, ҳалқ ҳаётидан ажраби қолади.

Шунинг учун жамият тараққиётининг бирдан-бир шарти — демократиянинг иқтисодий ҳаёт билан боғлиқ бўлишидир. Жамиятнинг сиёсий ҳаёти, сиёсий қарашлари, назариялари, ғоялари ва сиёсий муносабатлари унинг ишлаб чиқариш жараёнлари билан боғлиқликда фаолият кўрсатади. Жамият аъзоларининг эркинликлари ва ҳуқуқлари иқтисодий манфаатлари билан боғлиқ. Жамиятнинг мулкий асоси, ишлаб чиқариш, олдисотди, меҳнат қилиш ва ишлаб чиқариш муносабатларининг барча томонлари инсонларга ҳуқуқий кафолатланган ҳақиқий эркинлик ва тенг ҳуқуқлик берган бўлиши зарур.

Иқтисодий соҳани демократиялаштириш биринчи галда, мулк муносабатларининг ўзгариши билан боғлиқ. Яъни демократик иқтисодий ҳаёт мулкчиликнинг хилма-хил шаклларини эътироф қилиб, уни амалга оширишдан бошланади. Давлат мулки билан бир қаторда фуқароларнинг шахсий ва хусусий мулки, колектив мулк, аралаш мулк, қўшма мулк ва бошқалар тенг ҳуқуқли қонуний кафолатланган кўринишда фаолият кўрсатиши зарур. Давлатнинг, ишлаб чиқарувчнинг, истеъмол қилувчининг, фуқароларнинг меҳнат қилишини, тадбиркорлик билан шуғулланишини ва бошқаларнинг тенг ҳуқуқлигини баб-баравар муҳофаза этишини кафолатлантириши бугунги куннинг талабидир.

Демократияга иқтисодий ривожланишининг ижтимоий-сиёсий омили сифатида қараш лозим. Инсон эҳтиёжларининг ичида ҳал қилувчи, белгиловчи омил — кишиларнинг иқтисодий манфаатлари бўлар экан, демократия ҳалқ манфаатларига хизмат қилиши зарур. Уни ҳимоя қилиш таъминланмас экан, демократия ҳа-

қиқиң бўлиши мумкин эмас. Иқтисодий муносабатларни демократиялаштириш жаҳон тараққиётининг муҳим шарти ҳисобланади.

**Демократия ва инсон ҳуқуқлари** Демократия инсон ҳаётининг, ҳуқуқининг энг муҳим тамойилларини ўз ичишашга, ҳаётга бўлган эркинлиги, ҳуқуқи биринчи ўринда туради. Жамиятда кишилар тинч-фаровон яшашга, ўз ҳаёти ва ўз болаларининг ҳаёти ҳимояланишига, инсонга муносаб тарзда ишлаб туриш эркинлигига, унинг ҳуқуқий кафолатига эга бўлиши лозим. Бу ҳол жамият турмушининг асосий негизини ташкил этади. Бусиз демократия халқ фаровонлигига, унинг энг муҳим ҳаётий манфаатларига хизмат қила олмайди. Демократия билан инсон ҳаётининг хавфсизлигини, тинчлигини ҳимоя қилиш ҳаёт шароитларини яхшилаш билан боғлиқ бўлиб, бир-бирларини ўзаро тўлдиради.

Инсон ҳуқуқлари расмий қонун-қоидалар сифатида акс эттирган илк ҳужжатлар АҚШ мустақиллиги баённомаси (1776 йил) ва Франция инсон ҳуқуқлари баённомаси (1789 йил) да қабул қилинган эди. Ушбу баённомаларда ҳур фикр юритиш, эътиқод эркинлиги, мажлисларда, уюшмаларда, давлатни идора қилиш ишларида иштирок этиш-этмаслик масаласи, шунингдек, шахсга нисбатан зўрлик ва тазииклар ўтказиш нотўғри эканлиги биринчи бор расман ошкора таъкидланиб, бу борада давлат зиммасига муайян вазифалар юклangan эди.

Инсон ҳуқуқлари ҳақидаги қоидалар даврлар ўтиши билан такомиллаша борди.

Жаҳоннинг энг нуфузли халқаро ташкилоти бўлган Бирлашган Миллатлар ташкилотининг тузилиши инсон ҳуқуқларини таъминлашда муҳим аҳамиятга эга бўлди. Унинг бош мақсади тинчлик учун курашиш ва инсон ҳуқуқларини таъминлашдан иборат қилиб белгиланган эди. У 1948 йилда инсон ҳуқуқлар баённомасини қабул қилди. Ушбу баённомада барча давлатларга тегишли бўлган сиёсий ва шахсий дахлсизлик (3-модда), қулликни тақиқлаш (4-модда), одил судлов (6—10-моддалар), сиёсий бошпана·топиш ҳуқуқи (14-модда), мулк ҳуқуқи (17-модда), ҳурфикрлик ва эътиқод эркинлиги (18-модда) каби муҳим ҳуқуқлар қатъий белгилаб қўйилади.

Инсоннинг меҳнат қилиш, маълум иш жойини эгаллаш, ўзига хос касб, мутахассисликни танлаб олиш, ўз манфаатларига тўғри келадиган жойда ишлаш, меҳнатда ўз қобилиятидан тўла баҳраманд бўлиб фойдаланиш, меҳнатининг жамият учун самарали бўлиши, эркинлиги ва тенг ҳуқуқлилиги таъминланган бўлиши лозим. Бу инсон ҳаёти демократик хусусиятларининг асосини ташкил қиласди. Ишсизлик инсоннинг энг муҳим, яъни меҳнат қилиш ҳуқуқини поймол қиласди. Демак, демократия, жамият иқтисоди кишилар меҳнати билан боғлиқдир. Зеро, демократик эркинликдан баҳраманд бўлишнинг асоси меҳнатдир. Ўзбекистон Президенти таъкидлаганидек, «Демократияга тинмисиз ақлий ва жисмоний меҳнат қилиб, тер тўкиб, ҳаётнинг аччиқ-чучугини обдон тотиб, ҳатто фожиали тажрибаларни ҳам бошдан ўтказиб, оғир синов курашларга мардона бардош берибина эришиш мумкин!»<sup>1</sup>.

Ижтимоий-сиёсий ва иқтисодий тараққиёт тажрибаси кўрсатадики, ҳаётга ўзбошимчилик, кўр-кўрона қараш демократияга олиб келмайди. Балки фуқароларнинг эркинликлари, ҳуқуқлари, уларнинг бурчлари ҳам ҳуқуқий кафолатланган бўлиши лозим. Ҳуқуқ нормаларини билиш билан бирга фуқаролар ўз бурчларини ҳам билиб, амал қилиши уларнинг сиёсий маданий даражасини ифодалайди.

Демократия маълум бир жамият ҳаётининг маҳсулоти ва ижтимоий-сиёсий омили сифатида юзага чиқади. Шунинг учун демократия жамият муносабатларининг мажмуасига тегишли бўлиб, маълум бир иқтисодий-ижтимоий, сиёсий, маданий-маънавий шарт-шароитлар асосида шаклланади ва ривож топади.

Демократия ҳар бир жамиятнинг, мамлакатнинг, халқнинг, миллатнинг маданияти, ижтимоий онги, анъ-аналари билан боғлиқ. Демак, меҳнат қиласидиган, моддий ва маънавий бойликларни яратадиган халқнинг ўзиdir. Демократия барча инсонларга, уларнинг касби, эгаллаб турган мансаби ёки миллатидан қатъи назар умумий ҳуқуқ беради.

Ҳар бир миллатнинг, мамлакатнинг давлат ишида халқнинг иштирок қилиши, бошқариши, бошқарув жа-

<sup>1</sup> И. А. Каримов. Ўзбекистоннинг сиёсий-ижтимоий ва иқтисодий истиқболининг асосий тамойиллари. «Ўзбекистон», 1995, 1-бет.

раёнидаги фаолиятига тегишли анъаналари мавжуд. У маълум сиёсий маданият даражасида содир бўлади. Демократик тамойиллар, нормалар, институтлар фаолияти ана шу тарихий анъаналарни қамраб олиши керак. Демократия халқнинг маданияти, жамиятнинг илмий-техник тарақиёти, ижтимоий онги даражасига боғлиқ ҳолда ривожланади ва шундагина ўз навбатида, у жамиятнинг иқтисодий, сиёсий, ижтимоий ва маънавий ҳаётига сиёсий омил сифатида фаол таъсир қиласида ҳамда тараққиёт манбаига айланади.

Демократия ижтимоий онг, тафаккур билан узвий алоқадордир. Тафаккур воситаси билан жамият аъзолари демократия тамойилларини, уларнинг моҳияти, зарурлигини, ундан фойдаланиш йўлларини билиб оладилар.

Демократия ҳақидаги назария, таълимот ҳам инсон эрки ва тенг ҳуқуқлигини эътироф этишда, уларни амалга оширишда катта аҳамиятга эга. Демократия ҳақидаги таълимот, демократик тафаккур амалий ҳаётга нисбатан фаол бўлиб, ундан олдин юради ва демократик амалий турмушнинг тараққиёти учун маънавий манба ҳисобланади. Тафаккур инсон эрки, ҳуқуқларининг моҳиятини, уларни ҳаётда амалга ошириш йўлларини, уларни англаб олишнинг муҳим омилдир. Кишилар жамиятнинг сиёсий ҳаётини чуқур билсалар, ўзларининг демократик фаолиятларини ҳам ақл-заковат билан амалга оширадилар. Шунинг учун демократик назариялар онгдан, тафаккурдан бошлаб ижтимоий амалиётда ўзининг ифодасини топади. Демократия ҳақидаги назария, тафаккур билан жамитнинг демократик амалиёти бир бутун демократик жараённи ташкил қиласи. Бу жиҳатдан кишиларнинг ижтимоий онги, фикрлари катта ўринга эга.

Демократиянинг шаклланиши, ривожланиши ва янги сифат даражаларига чиқиши жамиятнинг маънавий ҳаёти, қадриятлари, урф-одатлари, анъаналари ва мафкураси билан боғлиқ ҳолда кечади.

Ҳокимият билан халқнинг муносабатида давлатнинг алоҳида роли мавжуд, давлат ҳокимияти демократиянинг ривожланишига таъсир қилувчи, назорат олиб борувчи, такомиллаштириш йўлларини белгиловчи асосий сиёсий институтдир. Шуни ҳам айтиб ўтиш керакки, демократия кишиларга тақсимлаб бериладиган нарса эмас, у жамият зарур шароитлари томонидан

яратиладиган эркинлик, тенг ҳуқуқлилик ва кишилар-нинг ҳокимият ишида фаол қатнашишидир.

Шунинг учун ҳам демократик тамойиллар, қоидалар халқга тегишли, унинг сиёсий бойлиги ҳисобланади. Инсонлар ундан оқилона баҳраманд бўлиб фойдаланишлари лозим. Керак бўлса уни кўз қорачифидек асраб-авайлаб сақлашлари зарур.

Демократия ўзини-ўзи ҳимоя қила билиши ҳам керак. Бунинг учун жамиятнинг ҳуқуқий омиллари, давлат тизими, жамоат бирлашмалари ва бошқалар бўлиши лозим. Демократияни муҳофаза қилиш, демократик қоидаларни, қадриятларни ривожлантириш ва халқ ҳаётида амалга ошириш мамлакатнинг Конституцияси ва қонунлари томонидан кафолатланган бўлиши зарур. Демократик эркинликлар, ҳуқуқлар халқ томонидан ҳимоя қилиниши керак. Ўзини ҳимоя қила олмаган демократияни сақлаб бўлмайди, у ривожлана олмайди ва бундай ҳолат юзага келса у халқ манфаатига зид келади. Бу ҳолатда демократия бюрократизмга, зўравонликга, диктатурага айланиши ҳам мумкин.

Демократия барча давлатлар, халқлар, миллатлар ва шахслар учун умумий белгиланган меъёрлар даражасида амал қиласи. Шунинг билан бирга унда жузъийлик ва хусусийлик каби кўринишлар ҳам мавжуд.

Демократияда ҳар бир мамлакат халқларининг тафкур тарзи, анъаналари, сиёсий тизимга нисбатан шаклланган қадриятлари ўз ифодасини топади. Бу сиёсий фикр тарихида ва ҳозирги замонда «Фарб» ва «Шарқ» демократияси тарзида ишлатилади. Бу демократиянинг умумэтироф этилган дунёвий жиҳатларини тан олган ҳолда, табиий ўзига хос хусусиятлар мавжуд бўлиши мумкинлигини кўрсатади. Президентимиз И. А. Каримов таъкидлаганидек: «Шарқда демократик жараёнларнинг қадимдан шаклланган ўзига хос ва ўзига мос хусусиятлари бор. Буни асло назардан қочириб бўлмайди. Яъни Шарқда демократик жараёнлар узвий равишда ва аста-секин тараққий топади. Бу соҳада инқилобий ўзгаришлар ясашга уринишлар фоят нохуш, ҳатто, фожиали натижаларга олиб келади»<sup>1</sup>.

Бундан шуни хулоса қилиб кўрсатиш мумкинки, де-

<sup>1</sup> И. А. Каримов. Ватан саждагоҳ каби муқаддасдир. Асарлар, З-том, «Ўзбекистон», 1996, 8-бет.

мократиянинг турли хусусиятларга, кўринишга эга бўлиши табиий эканлигини тан олиш билан бирга, демократик жараёнларда, «инқилоб»нинг ўрни тўғрисидаги сиёсий қарашни инкор этиш орқали «эволюцион» тараққиёт йўли тан олинади.

Демократик жараёнлар халқимиз миллий маданиятининг ўзига хос жиҳатларини, унинг табиатини ўзида мужассам этади. Маълумки, Фарб намунаси кўп ҳолларда индивидуализм фалсафасига таянади ва оммани ҳаддан ташқари сиёсийлаштиришга олиб келади.

Осиё миңтақаси ва мусулмон Шарқидаги демократик қадриятлар ва ўзгаришларнинг ривожланиш тажрибаси ўзига хос хусусиятлар, ўзига хос анъаналарга эга. Шарқда демократия тушунчаси ҳамжиҳатлик ғояси, жамоатчилик фикрининг устуворлиги заминида шаклланади. Мамлакатимизда демократик жараёнлар халқимизнинг қонунни ҳурмат қилиш, қонунга итоат этиш каби фазилатларига мос равищда ривожланиши унинг ўзига хосдир. Ахлоқий, маънавий қадриятлар сиёсий муносабатларда ҳам устунлик касб этади.

Маълумки, асрлар мобайнида маҳаллаларда кўпдан-кўп ҳаётий муаммолар ўз ечимини топиб келган. Тўймаъракалар ҳам, ҳайиту ҳашарлар ҳам маҳалла аҳлисиз ўтмаган. Маҳаллаларда сиёсий, иқтисодий ва бошқа масалаларга доир жамоатчилик фикри шаклланади. Бу эса халқимизнинг турмуш тарзи, ота-боболаримиздан бизга мерос бўлиб келаётган тафаккур тарзидир. Бинобарин, ҳаётнинг ўзи маҳаллаларни ривожлантириш ва уларни қўллаб-қувватлашни тақозо этмоқда. Мамлакатимизда кўп қиррали ислоҳотлар амалга ошаётган бир пайтда маҳалла жамият учун ишончли таянч ва таъсирчан куч бўлиб хизмат қилмоқда.

Биз шунчаки демократик жамият эмас, демократик одил жамият қурмоқчимиз. Адолат ва ҳақиқатга интилиш эса халқимиз табиатининг энг муҳим фазилатларидан биридир. Ўтмишда олий адолат ғояси мансабдор шахсларга қўйиладиган талаб ва баҳонинг асоси бўлганлиги ҳам маълум. У давлатчилик негизларини белгилаш, исломий қоидалар ва шариат мезонларининг пойdevорини ташкил этган. Биз тарихимиздаги ана шу жиҳатларини ҳисобга олмасак, қудратли эркин, демократик давлат қура олмаймиз<sup>1</sup>. Буларда шарқона

<sup>1</sup> И. А. Каримов. Асарлар. «Ўзбекистон», З-том, 9—10-бетлар.

демократиянинг ўзига хос жиҳати яққол намоён бўлади.

Демократия умумжаҳон ҳодисаси бўлиб, унинг юзага чиқишида ҳам хусусий ҳолатлар бўлиши табиийдир. Шарқда демократия, аввалимбор шу ҳудуд табиати, тарихи, анъаналари, ишлаб чиқариш жараёнларини бетакрор жиҳатлари билан узвий боғлиқ. Шарқда демократик жараёнларнинг қадимдан шаклланган ўзига хос хусусиятлари бор. Шарқда демократик жараёнлар узлуксиз равишда ва аста-секин тараққий топади. Бу соҳада инқилобий ўзгаришлар ясашга уринишлар ғоят нохуш, хатто фожиали натижаларга олиб келади. Шунинг учун демократиянинг жаҳонда таркиб топган тамойилларига амал қилган ҳолда, унинг ҳудуд ва ҳалқ учун хос бўлган хусусиятларини ҳам ҳисобга олиш лозим. Шарқ демократиясининг ўзига хос кўринишларидан бири унинг ҳалқ анъаналари билан боғлиқлиги, уларга таянишидир. Жўмладан, Шарқ ҳалқларига хос бўлган демократияга асос бўлувчи ўзига хос хусусиятлар қўйидагиларда кўринади:

- авлод-аждодларга бўлган ҳурмат, ўтганларнинг яхши томонларини эслаш;
- кексаларга, ота-оналарга ҳурмат кўрсатиш;
- тарих, маънавий бойликларни қадрлаш, уларнинг ижобий томонларидан фойдаланиш;
- имонли кишиларни, раҳбарларни ҳурмат қилиш;
- ижтимоий масалаларни маслаҳат, кенгаш усули билан ҳал қилиш, бир-бирларига ёрдам, меҳр-муруват кўрсатиш;
- низоларни сабр-тоқат, вазминлик, саҳоватлик билан ҳал қилиш;
- маҳалла, жамоатчилик фикрига таяниш ва унинг устуворлигини тан олиш;
- ҳалқнинг қонунга бўлган ҳурмати;
- ахлоқий, маънавий қадриятларнинг сиёсий муносабатлардан устуворлиги;
- маънавий камолатга интилиб яшаш;
- кўп болалик оиласларни, етим болаларни, ноchorларни авайлаш;
- қўшниларга ҳурмат-эътиборли бўлиш;
- кечиримлилик, чидамлилик, камтаринлик, инсофлилик, шукроналик қилиб яшаш;
- бирорнинг ҳақига хиёнат қилмаслик, ваъдага вафолик, лабзи ҳалоллик; кишиларга меҳр-оқибатли,

меҳмондўстлик, ўзаро иззат-эҳтиром билан муносабатда бўлиш;

— Ватан, халқ учун ўзини аямаслик, унга садоқат билан жонини фидо қилиш;

— инсонпарварлик ва бошқалар.

Бу анъанавий қадриятларни эъзозлаш керак. Уларнинг чегараси, меъёри ижтимоий-сиёсий ва иқтисодий шароитларга биноан ўзгаради. Лекин жамиятда демократия шаклланганда бу анъаналарни эътиборга олмаслик мумкин эмас. Чунки инсон эркинлиги, ҳуқуқ ва бурчларни улар билан узвий боғлиқдир.

Демократиянинг амалиётда, назарияда ва ижтимоий онгда ривожланиши ҳар бир мамлакатда ва жаҳонда бўлиб турган ахборот эркинлигига боғлиқ, ҳар хил ахборот олиш инсон ҳуқуқларининг, эркинлигининг муҳим хусусиятларидан биридир. Оммавий ахборот эркинлиги ва қонун асосида фаоллик кўрсатиш берилган ахборотларнинг тўғрилигига жавобгарлик хусусиятининг мавжудлигидир. Ахборотлар ўзининг ҳақиқий ва одилоналиги билан халқ манфаатини ифодалайди ва тараққиётга таъсир кўрсатади. Демократия ахборотларнинг нохолисоналигига йўл қўймаслиги керак. Жамиятни демократиялаштиришда ахборот майдонининг эркин бўлиши аҳамиятлидир. Халқ ҳаётига тегишли, тўғри ахборотларга кенг йўл очилиши муҳим. Нотўғри маълумотлар халқ ҳаётига чалкашлик, нотинчлик олиб киради. Халқ жаҳон демократик жараёнлари ҳақида қанча бой ва тўғри маълумот олса, у ўз ҳаётини демократиялашга шунча фаол қатнашиши мумкин. Ахборот эркинлиги ҳар бир шахснинг сўз эркинлигини амалий ривожлантиради, демократик жараёнлар ривожланишига ва ҳуқуқий давлат шаклланишига ижобий таъсир кўрсатади.

## ТАҚРОРЛАШ УЧУН САВОЛЛАР

1. «Демократия» тушунчаси нима?
2. Демократиянинг дунёвий тамоийлари қайсилар?
3. Демократия инсоннинг қандай ҳуқуқ ва эркинликлари заминида вужудга келади?
4. Демократия ва инсон ҳуқуқларининг ўзаро муносабатини нималarda кўриш мумкин?
5. «Шарқона демократия» деганда нимани тушунасиз?

## Х У Л О С А

Политология кенг қамровли фан ҳисобланади. Аммо олий ўқув-юртларида унинг ҳамма мавзуларини ўрганиш имконияти йўқ. Чунки унга ҳам бошқа барча фанларга бўлганидек, белгиланган тартибда соатлар ажратилади. Ана шу ажратилган соатларга биноан дастурлар ишлаб чиқилади ва унга мувофиқ дарсликлар ҳамда ўқув қўлланмалари тайёрланади. Бугунги кунга келиб, бу фанга доир қўпгина дастурлар ишлаб чиқилган, ўқув қўлланмалари ва ҳатто дарсликлар ҳам мавжуд.

Бу мавжуд ўқув қўлланмалари ва дарсликлар, шу жумладан мазкур ўқув қўлланма ҳам олий ўқув юртларида бу фандан ўрганилиши керак бўлган муаммоларни тўла очиб беришда энг сўнгиси бўла олмайди. Бунинг қўйидаги сабаблари бор. **Биринчидан**, мамлакатимизнинг ўз мустақиллигини қўлга киритиши натижасидагина олий ўқув юртларида бу фанни ўқитиш имкониятига эга бўлдик. Ўтган қисқа давр ичida уни шакллантириш борасида изланишлар бормоқда. Бунинг устига бу фан бўйича кадрлар ҳам етарли эмас. Уларни маҳсус тайёрлайдиган алоҳида факультет, бўлимлар ташкил этишга зарурият кучаймоқда. **Иккинчидан**, республикамиизда мустақиллик йилларида ижтимоий-сиёсий соҳада содир бўлган ўзгаришлар кўлами ниҳоятда катта бўлиб, ўтган даврда эълон қилинган ўқув қўлланмалари ва дарсликларда муаллифлар ўз нуқтаи назарлари асосида масалаларнинг у ёки бу томонини ўрганиб, уларни талабаларга етказишга ҳаракат қилишга интилмоқдалар. Аммо мамлакатимизда сиёсий тизим,

Сиёсий жараёнлар, демократиянинг шаклланиши, шахсларнинг сиёсийлашуви, Ўзбекистонда демократик давлатни вужудга келтиришнинг ўзига хос модели, давлат ва фуқаро муносабатлари, жамият ташкилотларининг сиёсий тизимидағи ўрни, Ўзбекистоннинг жаҳон ҳамжамиятига кириб бориши ва бир қатор масалаларда мамлакатимиз учун хос бўлган янгидан-янги қирралар на-мойн бўлмоқда, уларнинг барчасини талабаларга етка-зиш зарур бўлади. Шу маънода ҳам янги-янги қўллан-маларга эҳтиёж ўсиб бормоқда.

Учинчидан, мазкур фанни олий ўқув юртларида ўқи-тиш жаҳонда қабул қилинган назарий йўналишларни такомиллаштириб бориши ҳам тақозо қилмоқда. Бу борада жаҳон тажрибаларини ўрганиш ва уларни мамлакатимизда мавжудлари билан таққослаш ва шу асос-да жамиятимиз учун устувор бўлган янги йўналишларни ўрганиш борасида ҳам изланишлар олиб бориш зарур бўлади.

Кўриниб турибдикি, мамлакатимизда политоло-гияни мустақил ва мукаммал фан сифатида шакллан-тириш учун жуда катта амалий ишларни бажариш ло-зим.

Қўлингиздаги ўқув қўлланманинг муаллифлар жа-моаси политология фанининг мавзулар кўлами ва уни ўқитиши тақомиллаштириб бориш талабларидан ке-либ чиққан ҳолда Олий ва ўрта маҳсус таълим вазирлиги томонидан эълон қилинган дастурда кўрсатилган мавзуларни ишлаб чиқишига асосий эътиборни қарат-дилар. Шунинг билан бирга сайёрамизда ва мамлака-тимизда содир бўлаётган ўзгаришлардан келиб чиққан ҳолда янги мавзуларни киритдилар ва уларни ўзлари-нинг нуқтаи назарлари бўйича ёритишига ҳаракат қили-дилар. Муаллифлар жамоасининг асосий мақсади республикамиз олий ўқув юрти талабалари ва полито-логия фанига қизиқувчиларни бу фанининг асосий муам-молари билан таништириш ва уларнинг мамлакатимизда фуқаровий жамият қуришда фаол иштирок қилиш-ларига кўмаклашишdir.

## ФОЙДАЛАНИЛГАН ВА ПОЛИТОЛОГИЯНИ ЎРГАНИШ УЧУН МАВЖУД БЎЛГАН АЙРИМ АСОСИЙ СИЕСИЙ АДАБИЕТЛАР, ҚҰЛЛАНМАЛАР РЎЙХАТИ

*И. А. Каримов.* Танланган асарлар. 4-томлик, 1-4-томлар. Тошкент, «Ўзбекистон», 1996 йил.

*И. А. Каримов.* Ўзбекистон XXI аср бўсағасида хавфисизлика таҳдид, барқарорлик шартлари ва тараққиёт кафолатлари.—Т.: «Ўзбекистон», 1997.

Ўзбекистон Республикасининг Конституцияси. «Ўзбекистон», 1992.

*А. А. Азизхўжаев.* Демократия — халқ ҳокимияти демакдир. Тошкент, 1996.

*А. А. Азизхўжаев.* Давлатчилик ва маънавият. Тошкент, 1997. Аристотель. Соч.—Т. 4.—М., 1993;

*Абу Наср Форобий.* Фозил одамлар шаҳри. Тошкент. Абдулла Қодирий иомидаги халқ мероси наприёти.

*Алмонд Г., Верба С.* Граждансккая культура и стабильность демократии//Политические исследования.—1992.—№ 4;

*Баллестрем К. Г.* Власть и мораль (основная проблема политической этики)//Философские науки.—1991.—№ 2;

*Бейнарович Л. Е.* Проблема справедливости и принципы власти в «Государстве» Платона//Вестник древней истории,—1985.—№ 1;

*Бердяев Н. А.* Философия неравенства.—М., 1990;

*Вебер М.* Объективность социально-научного и социально-политического познания.—Избранные произведения.—М., 1990.

Власть, очерки современной политической философии Запада.—М., 1989; 26 основных понятий политического анализа//Политические исследования.—1993.—№ 1;

*Гаджиев К. С.* Опыт введения в политологию//Политические исследования.—1992.—№ 1—2.

*Ганнел Дж. Г.* Политическая теория: эволюция отрасли//Вестник Московского университета. Серия 12.—Социально-политические исследования.—1993.—№ 1.

*Гегель Г. Ф. В.* Философия права.—Собр.соч.—Т.VII.—М., 1936;

*Гаджиев К. С.* Тоталитаризм как феномен XX в.//Вопросы философии.—1992.—№ 2;

- Гаджиев К. С.* Политическая культура: концептуальный аспект//Политические исследования.—1992.—№ 6;
- Гаджиев К. С.* Политическая наука: Учебное пособие.—2-е изд.—М.: Международные отношения, 1995.—400 с.
- Демократия в Японии: опыт и уроки.* — М., 1991;
- Джилас М.* Лицо тоталитаризма.—М., 1992;
- Демидов А. И., Федосеев А. А.* Основы политологии. Учеб. пособие.—М.: Высш. шк., 1995.
- Р. З. Жумаев.* Политическая система Республики Узбекистан: становление и развитие. ФАН Ак Нуз. 1996.
- Т. Жўраев, И. Эргашев.* Тараққиётда миллий тикланиш. 1998 йил 28 апрель.
- Запасник С.* Ложь в политике//Философские науки.—1994;
- Ковлер А. И.* Исторические формы демократии: проблемы политico-правовой теории.—М., 1990;
- Констан Б. О.* О свободе у древних в её сравнении со свободой у современных людей//Политические исследования.—1993.—№ 2;
- Конституция ва инсон манфаатлари (Халқаро илмий-амалий анжуман материаллари) Тошкент, 1997.
- Национальное государство: теория, история, политическая практика//Политические исследования.—1992.—№ 5—6;
- Низомулмулк. Сиёсатнома ёки Сиyr ул-мулук. Тошкент—Адолат 1997.
- С. Отамуратов.* Истиқлол ва кадрлар сиёсати—Халқ таълими. 1995, 5—6-сонлар.
- С. Отамуратов.* Мустақиллик ва шахснинг ижтимоий—сиёсий манфаатлари. Конституция ва инсон манфаатлари. (халқаро илмий-амалий анжуман материаллари) Тошкент, 1997.
- Политология асослари. Тошкент—Университет, 1992.
- Пугачёва.* Основы политологии. М., 1992.
- Право, свобода и демократия (материалы «круглого стола») //Вопросы философии.—1990.—№ 6;
- Празаукас А. А.* Авторитаризм и демократия в многонациональных обществах//Азия и Африка сегодня.—1990—№ 8;
- Принципы ненасилия: классическое наследие.—М., 1991.
- Рамазонов И., Мүминов Э.* Политология. Дарслик. Тошкент—Адолат, 1997.
- Сартори Дж.* Вертикальная демократия//Политические исследования.—1993.—№ 2;
- Сорокин П.* Человек, общество, цивилизация.—М., 1992;
- Тоталитаризм: что это такое? — М., 1993.—Т: 1—2;
- Хайек Ф.* Дорога к рабству//Вопросы философии.—1990—№ 11.
- Хусанов.* Мустақиллик ва маҳаллий ҳокимият (ҳуқуқий, таипкилий масалалар ва муаммолар). Тошкент, 1996 й.
- Шапиро И.* Демократия и гражданское общество. Политические исследования.—1992.—№ 4.
- Шмачкова Т. В.* Мир политических партий. Политические исследования. 1992.—№ 1—2.
- Шмитт К.* Понятие политического. Вопросы социологии.—1992. № 1.
- Ф. Ш. Шарипов.* Сиёсатшунослик. Т., «Ўзбекистон», 1992.

## МУНДАРИЖА

<b>Кириш</b>	<b>3</b>
<b>I. бўлим Политология фанининг плмий-пазарий асослари</b>	
1-мавзу. Политология фани ва унинг предмети . . . . .	6
2-мавзу. Политология фанининг вужудга келиши ва ривожланиши . . . . .	14
<b>II бўлим. Жамиятнинг сиёсий ҳаёти</b>	
3-мавзу. Сиёсат ва сиёсий жараёнлар . . . . .	41
4-мавзу. Жамиятнинг сиёсий тизими . . . . .	51
5-мавзу. Сиёсий хокимият . . . . .	65
6-мавзу. Сиёсий партиялар ва ҳаракатлар . . . . .	73
7-мавзу. Сиёсий оиг ва сиёсий маданият . . . . .	85
<b>III бўлим. Сиёсий ҳокимиятнинг амал қилиши соҳалари</b>	
8-мавзу. Сиёсат ва ижтимоий ҳаёт . . . . .	95
9-мавзу. Этник ва миллатлараро муносабатларининг сиёсий жиҳатлари . . . . .	115
10-мавзу. Кадрлар сиёсати . . . . .	129
11-мавзу. Сиёсат ва маънавият . . . . .	145
12-мавзу. Сиёсат ва ёшлар . . . . .	164
<b>IV бўлим. Жаҳон сиёсати ва халқаро муносабатлар</b>	
13-мавзу. Халқаро муносабатлар . . . . .	178
14-мавзу. Ташқи сиёсат . . . . .	191
15-мавзу. Сиёсат ва умумбашарий муаммолар . . . . .	201
16-мавзу. Халқаро терроризм . . . . .	211
<b>V бўлим. Фуқаролик жамиятининг шаклланиши</b>	
17-мавзу. Янги сиёсий ижтимоий тузум: моҳияти ва хусусиятлари . . . . .	220
18-мавзу. Демократия ва хуқуқий давлат Фойдалапилган ва политологияни урганиш учун мавжуд бўлган айрим асосий сиёсий адабиётлар, қўлланмалар рўйхати . . . . .	235
Холоса	252

*Садулла Атамуратович Атамуратов,  
Ибодулла Эргашевич Эргашев,  
Шавкат Анварович Акрамов,  
Анвар Каҳхаровиҷ Қадиров.*

## ПОЛИТОЛОГИЯ

На узбекском языке

Рассом *У. Солиҳов*  
Бадиий муҳаррир *Т. Қаноатов*  
Техник муҳаррир *С. Собирова*  
Мусаҳҳиҳа *М. Йўлдошева*

Теришга берилди 04.06.98. Босишга рухсат этилди. 05.08.98 Бичими  $84 \times 108\frac{1}{32}$  Литературная гарнитура. Юқори босма усулида босилди. Шартли босма табоги 13,44. Нашр. л. 14,85. Нусхаси 5000. Буюртма № 73. Баҳоси шартнома асосида.

«Ўзбекистон» наприёти. 700129. Тошкент, Навоий кӯчаси, 30.  
Нашр. № 71—97.

Ўзбекистон Республикаси Давлат матбуот қўмитаси-  
ции Тошкент китоб-журнал фабрикасида чоп этилди.  
700194, Тошкент, Юнусобод даҳаси, Муродов кӯчаси, 1.

**Политология:** Олий ўқув юртлари талабалари учун қўлланма (С. Отамуротов, И. Эргашев, Ш. Акромов ва бошқалар; Мақъул муҳаррир: Р. З. Жумаев — Т.: «Ўзбекистон», 1998.—254 б.).

1. Отамуротов С. ва бошқ.
2. Библиогр.: б. 252.

Ушбу қўлланмада политология фани, унинг вужудга келиши ва ривожлапиши, жамиятнинг сиёсий ҳёти, сиёсий ҳокимият ва унинг амал қилиш соҳалари, жаҳон сиёсати, халқаро муносабатлар, демократия ва Ўзбекистонда фуқаролик жамиятини қўрилиши билан боғлиқ бўлган жараёнлар баён этилган.

Қўлланма олий ўқув юртларининг талабалари, аспирантлар ва политология фанига қизиқувчи кенг китобхонлар оммасига мўлжалланган.

ББК 66.3(5У) я73+66.3(5У) 6 я73+66.4(5У) я73

0802000000—73  
П М351(04)98 98

№ 358—98  
Алишер Навоий номидаги  
Ўзбекистон Республикасининг  
Давлат кутубхонаси  
Нусха 2000

